





M



*assistentia germanie*  
S. S.

QVÆSTIONES  
THEOLOGICÆ  
SELECTÆ

*Ad totam summam*

D. THOMÆ  
*Aquinatis*

Ex Prælectionibus

P. IO ANNIS MORAWSKI

SOC: JESV, Poloni

Ad primam Partem  
Et ad 1. 2dæ.



CALISSII,  
Typis Collegii Soc: JESV.  
Anno Domini 1681.





VENERABILI CAPITULO  
POSNANIENSI

*Perillustribus & Reverendissimis:*  
Ejusdem Ecclesiæ Cathedralis.

PRÆLATIS  
&  
CANONICIS

*DD. meis faventissimis.*



Visat Sacra Amplissi-  
mi Senatus Vestri li-  
mina Divina Scienti-  
arum Princeps The-  
ologia, ut quæ tanto  
tempore Curiae ve-  
stræ Vicina fuerat, deinceps Inqui-  
linam se gloriatur. Quid enim ju-  
stius? quam ut formandis hætenus  
Diœcesi Vestræ famulata Cleri inge-  
niis,

niis, sparsum olim per frequentes  
calamos, nunc verò collectum ro-  
bur, Vestris consecret Nominibus?  
Quò autem hæresum errorumq; Vi-  
atrix, reportata ex contumacibus in-  
geniis inferret spolia, aut ubi glori-  
osius, quam in PERILLVSTRI  
VESTRO non tam Capitulo, quam  
Capitolio, ovaret? triumpharet?  
Non omnes quidem Quæstionum  
suarum ducit in triumpho Pha-  
langas, nec tota se Theologici  
Corporis ad Vos infert mole; Sed  
Primam Partem, & Primam Secun-  
dæ, id est Frontem ipsam Caputque  
Theologiæ, Magno Nomini Ve-  
stro acclinat. Magnos enim non  
aliter decet, quam prono accliniq;  
capite venerari. DEVM itaq; Tri-  
num & Vnum, Angelorum Cater-  
vis stipatum ad illustria Sacræ Cu-  
riæ Vestræ Penetralia introducit,  
ubi non fictile quoddam Cosmòs,  
sed DEO non impar Cælum repe-  
rit, quod maxima, seu generis cla-  
ritudine, seu Virtutum fulgore, si-  
deat collustrâstis. Dabitis autem  
proculdubio in Purpurato Reipu-  
blicæ

blicæ Vestræ , Senatûsq; gremio  
Curulem Numini, cui animum no  
negâstis. Quin non vano omine fi  
turum auguror, ut eâdem felicitat  
omnium Vestrum obtineat Conso  
tia, quâ, singulorum Pectora occu  
pavit. Novi enim abundè, & me  
cum Lechicus Orbis, Vestræ erudi  
tæ Pietatis non vulgare decus esse  
non Corde tantum, sed typo quoq;  
ac volumine impressum habere De  
um Illa in Vobis veneramur inge  
nia, quæ suam ducunt gloriam, tam  
Divitem Divinorum bibliothecam  
gerere, quàm plenam mentem Pa  
ri promptitudine acceptatis impres  
sa & patratis imprimenda; illudq;  
à Præcellsa Indole Vestra exigitis, ut  
& in moribus integerrimis, & in Co  
dicibus, legi apud Vos DEVS possit.  
Porro nec sequaces Numinis Ange  
li de benevolentia Vestra ambigunt;  
quia his quoq; tam promptum Vo  
bis seu Atria aperire seu Pectora,  
quam solenne est eorundem decora  
æmulari. Mihi certè tanto gratio  
res Vobis futuri videntur illi, quan  
tò Vos illis similiores. Vestrum au

tem erit decernere; feliciusné pen-  
nâ meâ exprimi possint Angeli, quâ  
laudatissima vitâ Vestrâ: ego enim  
loquendi potissimum modum pro-  
pono Angelicum, sed Vos agendi.  
Taceo, non unius Ephesi, non unius  
Smyrnæ, aliarumq; Ecclesiarum An-  
gelos Præsides ex Sacro Cætu Ve-  
stro evolâsse. Nidus quidam Infular-  
um est Sacra Curia Vestra: Ful-  
gent ex illa Pontificia Byssô plurimi,  
merentur omnes. Quotquot enim  
sub Apostolicis Petri Clavibus, seu  
Virtus Vos, seu Sanguis, seu fortuna  
deposuit, omnes Antistitem gemmæ  
estis, & inferi Nobilioribus Infulis  
dignæ, & ornare pares. Gratiam  
autem quâ respuatis, quam immor-  
talibus actis, quam zelo Apostolico,  
quam uberrimo pro Aris sudore  
meruistis. Legetis illam tam dili-  
genti studio, quàm liberali manu  
præstare soletis. Nam aliis aut scri-  
bere, aut experiri à Vobis gratiam  
datum, Vobis elargiri relictum est;  
ita ut uberiori alveo è vestris manib;  
quam Scriptorum calamis profluat.  
Sola in Conspectum Vestrum ire  
trepî-



trepidant Peccata, inq̃ ipsa tremunt,  
ac expallescent charta, ne, quæ ab  
animo æternâ lege proscribitis, eti-  
am è pagina expungaris. Neq̃; enim  
mediocre periculum est, ne tam a-  
cre, quo contra labem ardetis odi-  
um, etiam in Codicem serpat, &  
nullibi à vobis secura crimina, vel  
inde erasa velit. Cæterum & hæc  
tam benevola manu prensabitis,  
quam sedulo conatu evitatis. Quæ  
enim patrari à vobis nequeunt no-  
xæ, legi possunt: & ea vitiorum na-  
tura est, ut melius cōgnita cavean-  
tur. Tandem Actuum humanorum  
dogmata, insita humanitate capessē-  
tis, qui nihil humanum ingentibus  
ausis aut molimini manu, aut spiratis  
animo. Totum insuper Librum, eâ  
fulcietis dexterâ, quâ Ecclesiam,  
vindicatis à ruina, à lapsu sustinetis:  
Fulcietis inquam, ne & ille sub Ve-  
stris fatiscat Nominibus, quæ ingen-  
tibus etiam voluminibus capere,  
grande negotium fuerit. Vestra il-  
lum decora luci commendant, ille  
Vos æternitati mandat. Hæc enim  
quæ frontem ejus coronant Amplif-

simi Senatus Vestri Nomina, tum  
demum orbis ignorabit, cum & im-  
pressum illi DEVM. Ego verò  
non tantum in hac Opella mea, sed  
nusquam omnino, à DEO, Angelis,  
& Gratia, separatos Vos esse velim.  
Imò hoc meum Votum, quia & Ve-  
strum Meritum est, ut non in isto  
tantum quem Honori Vestro dico,  
sed in illo quoq; Vitæ Libro, Omni-  
um Vestrum Nomina scribantur.  
Ita precor.

**Perill: & Reverendissimo  
Senatui Vestro**

*Devotissimus*

*Ioannes Morawski S. L.*



# APPROBATIO.

*Per Illustris & Reverendissimi Ordinarii.*

*Imprimatur.*

Hieronimus Wierzbowski

*Præpositus & Officialis Eccle-  
siae Posnaniensis m.p.*



F A.



# F A C V L T A S


R. P. Provincialis Poloniæ.

**C**Vm opus, à P. Joanne Mora-  
wski, nostræ Societatis Sacer-  
dote, compositum, sub titulo: Quæ-  
stiones Theologicæ selectæ &c. ali-  
quot ejusdem Societatis Theologi  
recognoverint, ediq; in lucem posse  
probaverint; potestate mihi factâ  
ab A. R. P. nostro Joanne Paulo  
Oliva Præposito Generali, ut typis  
mandetur, concedo. In cujus rei fi-  
dem, has literas manu meâ firmatas,  
sigilloq; munitas dedi. Leopoli 28  
Martij 1679.

*Bartholomæus Nathanael Wasowski*  
m. p.



Q V Æ



# QVÆSTIONES

## Ad primam Partem

De D E O & Angelis.

### Quæstio I.

*De distinctione inter Essentiam Divi-  
nam & Relationes ad intra.*

### Quæstio II.

*De Scientia media.*

### Quæstio III.

*De Omnipotentia denominante possibi-  
lia & impossibilia.*

Quæ-

## Quaestio IV.

*De Aevo Angelico indivisibili.*

## Quaestio V.

*De Locutione Angelorum inter se.*

## Quaestio VI.

*De primo peccato Angelorum.*





## Quæstio I.

Vtrum inter Essentiam Divinam & Relationes ad intra detur distinctio realis in tertio prædicato seu mediata?

**V**ideretur quod non, primo, Quia si Essentia Divina distingueretur realiter mediata à Paternitate, seu in tertio, v. g. in filiatione, sequitur quod Essentia Divina produceretur mediate; siquidem sicut distinctionis realis immediatæ in Divinis, fundamentum est oppositio relativa producentis & producti, ut docet consensus Theologorum: ita pariter distinctionis realis mediatæ deberet esse fundamentum oppositio relativa producentis & producti mediata. At sequela non potest admitti: Tum quia alioquin Essentia Divina diceretur Filius mediata, sicq; plures darentur Divinæ Processiones passivæ quam duæ. Tum quia alioquin Essentia Divina ita produceretur à Patre, sicut ab avo producitur nepos, qui scilicet mediata producitur, quæ omnia sunt absurda. Ergo Essentia Divina non distinguitur realiter mediata à Paternitate.

Secundo nulla realis actualis distinctio est admittenda in Divinis, præterquam ea, quam Sancti Patres & Concilia agnoverunt, nobisq; tradiderunt; quia in mysterio Trinitatis regula credendi, & loquendi, debet esse auctori-

thoritas Ecclesiæ & Patrum. At Concilia &  
 Patres realem actualement distinctionem agnos-  
 cunt inter solas Personalitates, propter op-  
 positionem relativam producentis & produ-  
 cti, Et ita Concilium Florentinum inter na-  
 turam & Personalitates solam agnoscit distin-  
 ctionem rationis, & per intelligendi modum.  
 Lateranense etiam docet quamlibet Personam  
 esse illam rem seu Substantiam seu Essentiam  
 Divinam: quæ doctrina Concilii non simpli-  
 citer sed restrictè accipitur, dum dicitur Pa-  
 trem non esse mediatè illam Essentiam, quæ  
 est Filius. Item Ioannis 10. dicit Christus:  
*Ego & Pater unum sumus*; hoc autem non esset  
 absolute verum, sed restrictè, si natura Di-  
 vina esset distincta in Filio, esset enim alia in  
 Filio, cum distinctio importet alietatem  
 Præterea Augustinus lib: 7. de Trinitate cap:  
 6. dicit: *Neq; in hac Trinitate, cum dicimus*  
*Personam Patris, aliud dicimus, quàm Substan-*  
*tiam Patris.* Et paulo ante: *Non aliud est Deum*  
*esse, aliud Personam esse, sed omnino idem:* iam  
 autem in hac sententia aliud est realiter me-  
 diate Substantia Patris à Persona Patris, neq;  
 omnino idem Deum esse, & Personam esse,  
 quia Deitas realiter mediate distinguitur à  
 Persona. Præterea Anselm: in Menelog: Cap:  
 43. de Patre & Filio dicit, *quod alter sit alterius*  
*Essentia*; in hac autem sententia id non verifi-  
 catur, quia Filius habet distinctam realiter,  
 Essentiam saltem mediata à Patre. Præterea  
 Damasc: lib. de Divinit: Trad: cap: 49 dicit:  
*Divinas Hypostases inter se unificari inconfusè, &*  
*distinctas esse indistanter,* Et similiter loquitur  
 Nazian:



Nazian: Or: 38. in nativitate Christi; in hac autem Sententia, hæc dicta Patrum restringuntur per distinctionem mediatam. Deniq; addi his potest S. Thomas 1. par. q. 28. art. 2. docens, *Relationem in Deo realiter existentem, esse idem cum Essentia secundum rem, & non differre nisi secundum intelligentia rationem*, quod etiam alibi repetit præsertim q. 39. art: 1. Ergo sententia ponens distinctionem realem mediatam, quæ utiq; est actualis inter naturam Divinam & Personalitates, admitti non debet.

Tertio, & est confirmatio, præcedentis argumenti. Summa identitas omnem omnino distinctionem excludit, sicut summa potentia excludit omnem defectum potentie, summa scientia excludit minimam ignorantiam, summa lux excludit omnem obscuritatem: Sed de fide est, inter Essentiam Divinam & Personalitates esse summam identitatem realem actualem: Ergo ibi nulla datur distinctio realis actualis, etiam mediata.

Quarto. Non rectè dicitur, Natura Divina & Paternitas discrepare in Filiatione: sola enim Paternitas discrepat in Filiatione, ut pote illi opposita relative, non discrepat autem natura, quia hæc identificatur Filiationi. Neq; item Filiatio rectè assignatur tertium aliquid, in quo discrepent natura & Paternitas. Cum enim natura sit unum quid cum Paternitate & Filiatione, hoc ipso duo solum termini hujus discrepantiæ realiter assignari possunt, nempe Paternitas & Filiatio, natura autem nullum superadditum realiter erit ad Paternitatem & Filiationem: Ergo

non datur distinctio realis in tertio inter naturam & Paternitatem.

Quinto. Si datur distinctio realis mediata inter Essentiam & Personalitates, nulla erit ratio efficax contra Distinctionem Scotisticam in Divinis; nam eodem jure Scotistæ dicent, beneficio suæ distinctionis realis formalis componi contradictoria in Divinis, non obstante identitate reali inter Naturam & Personalitates, quo jure vi distinctionis realis mediata, eadem Contradictoria salvantur, non obstante identitate reali immediata; atq; hinc omnia incommoda, quæ objici solent Scotistis, ut quod v. g. in Deo sequatur ex natura rei Compositio, plures etiam dentur oppositiones producentis & producti, quam duæ, & alia similia incommoda poterint objici contra istam distinctionem realem mediatam, Ergo &c.

Sexto. Distinctio ista realis mediata, non est necessaria ad verificanda Contradictoria de natura & Personalitatibus, quia ut arguit Alarcon, quamvis natura Divina esset in una Persona, nec Deus esset trinus, ideoq; etiam si in Deo non daretur distinctio realis in tertio, possent de Natura & Personalitate verificari contradictoria, propter eminentiam perfectionis divinæ infinitæ, æquivalentis pluribus rebus realiter distinctis. Deinde, ut arguit Izquierdo in Pharo Scientiarum, ante distinctionem realem in tertio, per prius supponitur immediata virtualis distinctio inter Naturam & Personalitates, verificativa contradictoriorum; si enim prima & secunda  
forma



*de distinctione in Divinis.*

§

formalitas v. g. Natura & Paternitas non sunt virtualiter duæ, non posset prima realiter distinguere mediatè à secunda, in tertia, nempe in Filiatione: Ergo ad nihil est necessaria distinctio realis in tertio.

Septimò. Dantur plura contradictoria in Deo, quæ beneficio distinctionis in tertio salvari non possunt: Ergo est superflua. Probat-  
tur Ant: Nam Personæ Divinæ sunt tres, Essentia est una; jã vero nõ potest ostendi tertium prædicatũ, in quo Essentia Divina distinguatur à tribus Personis simul sumptis. Nec valet dicere, Essentiã à tribus personis simul sumptis distinguere realiter in singulis personis, distributive sumptis; quia hic tertium debet assignari adæquate distinctũ à tribus Personis simul sumptis, identificatum cum Essentia, sicut ut salventur hæc contradictoria, *Essentia communicatur, Paternitas non communicatur*, ostenditur tertium, nempe Filia-  
tio, adæquate distinctum à Paternitate, identificatum Essentiæ.

*Respondetur.* Præsens quæstio sufficienter à nobis discussa est disp: 2. de Deo q. 5. ubi ostendimus quod inter quædã prædicata Divina datur distinctio realis in tertio, & quod ea sufficiat ad verificanda contradictoria physica de suis extremis. Retulimus etiã tum ibidem, tum in indice ejusdem libri, multos Authores graves, qui hanc sententiam in præcipuis Romæ, Hispaniæ, Germaniæ Academiis, libris editis disertè complexi sunt. Sed adhuc placet eam amplius declarare, ut melius intelligatur.

*Dicendum igitur est, Naturam Divinam ita summe realiter immediate identificari cuilibet Personæ*

A 3

litas

litati, & omnibus simul sumptis Personalitatibus, ut si sumatur, ut præcisa ab omnibus Personalitatibus, & ab ordine ad illas, distinguatur ab illis ratione nostra sola! Si autem sumatur, ut est à parte rei identificata uni alicui Personalitati, tunc ratione hujus Personalitatis tanquam ratione tertii prædicati, ratione nostra objectivè superadditi sibi & sic mediatè, distinguatur realiter tum ab altera Personalitate, tum à duabus, tum à tribus.

Probatur imò ex antiquo Cathéchismo & sensu Ecclesiæ, ex quo habemus, Deum esse Trinum & unum, ipsamq; Deitatem appellari Trinam. Ita in officio, composito à S. Thoma, de Corpore Christi dicitur: *Te Trina Deitas unaq; poscimus.* Et in Festo Sanctissimæ Trinitatis: *Unius & Substantiæ, Trinusq; Personis Deus.* & alibi nò semel Quod etià docet D. Thomas 1. part. q. 31. art. 1. ad 5. & Concil: Tolet. xi. & S. August: cap: 40. mediet: *O una Trinitas, ô Trina unitas!* Unde sic argumentor. Quomodo DEUS dicitur Trinus, & Deitas Trina, eo modò DEUS rectè dicitur, distinctus, & Deitas distincta; siquidem omne trinum, in ea ratione in qua est Trinum, significat distinctionem, ut ex terminis patet: Atqui Deus dicitur, Trinus, & Deitas trina, non secundum se, & immediatè; (sic enim Deus est unus, & Deitas est una,) sed mediatè & ratione trium Personarum, quibus identificatur. Ergo eadem ratione DEUS dici potest distinctus, & Deitas distincta mediatè, ratione unius Personæ, ab altera Per-

sona;



sona; quod est distingui in tertio prædicato Deitatem.

Probatur 2do. Simili planè argumento, quo D. Thomas 1. parte qu. 3. arg. 2. probat, Filium esse alium à Patre. Postquam enim ibi S. Doctor monuisset ex Hieronymo, *incurri heresim ex verbis inordinate prolatis*, ideoq; de Trinitate loquendum esse cum cautela, subdit: Oportet autem in his qua de Trinitate loquimur, duos oppositos errores cavere, temperatè inter utrumq; procedentes, scilicet errorem Arii, qui posuit in Trinitate Personarum, Trinitatem substantiarum, & errorem Sabellii, qui posuit cum unitate Essentia unitatem Persona. Et mox explicat, quomodo istos errores cavere debeamus: Ad evitandum igitur errorem Arii, vitare debemus in Divinis nomen diversitatis, & differentia, ne tollatur unitas Essentia, possumus autem ponere nomen distinctionis, propter oppositionem relativam: ne autem tollatur simplicitas Divina Essentia, vitandum est nomen divisionis, & separationis: ne tollatur aequalitas, vitandum est nomen disparitatis: ne tollatur similitudo, vitandum est nomen alieni, & discrepantis. Ad vitandum verò errorem Sabellii, vitare debemus singularitatem, ne tollatur communicabilitas Essentia. Debemus etiam vitare nomen unici, ne tollatur numerus Personarum: Vitamus etiam nomen confusi, ne tollatur ordo natura à Personis. Vitandum etiam est nomen solitarii, ne tollatur consortium trium Personarum. Hæc est regula S. Thomæ loquendi de Trinitate. Atqui assertio nostra hanc regulam ex æte observat: Ergo cautè loquimur de Trinitate. Probatur minor.

Quia inprimis nos non ponimus cum Trinitate Personarum, Trinitatem Essentiarum, ut ponebat Arius, quin potius dicimus, unam numero Essentiam summe identificari Patri Filio & Spiritui Sancto, & ex hoc ipso, quia non soli Patri identificatur, sed etiam Filio & Spiritui S. dicimus eam distingui realiter à Patre, non quidem ratione sui, & immediate, sed mediate & ratione Filii, ac Spiritus S. tanquam ratione tertii prædicati, distincti realiter à Patre, & inclusi per identitatem summam in Essentia. Quod quam sit remotissimum ab errore Arii, quis non videt? Præterea vitamus nomen diversitatis & differentie, sed solum ponimus nomen distinctionis, quam non tribuimus Essentiæ immediate, & ratione Essentiæ, sed mediate tantum, ratione oppositionis relativæ, incluse per identitatem in una numero Essentia. Vitamus etiam nomen Divisionis, Separationis, Disparitatis, Alieni, ut patet. Et quamvis aliqui Nostrates utantur nomine Discrepantis, dicendo naturam à Patre discrepare in Filio, tamen discrepantiam sumunt pro distinctione, non prout opponitur similitudini, sicut etiam Damascenus nomen differentie in Personis Divinis sumit pro distinctione, ut ait S. Thomas ibidem ad 2dum. Ergo nos vitamus errorem Arii. Vitamus etiam errorem Sabellii, quia non ponimus cum unitate Essentiæ unitatem Personæ, quin potius ex eo dicimus, Essentiam à Persona prima distingui realiter mediate, quia eam dicimus, eandem numero identificari etiam

secun-



*de Distinctione in Divinis.* 9

secundæ & tertiæ Personæ, immediate realiter distinctis tum inter se, tum à prima Persona. Quod quam sit alienum ab errore Sabellii, quis non videt? Hinc juxta monitum S. Thomæ vitamus nomina singularitatis, unici, confusi, solitarii, loquendo de Personis Divinis: Ergo temperatè procedimus inter errorem Arii & Sabellii, abstinendo à nominibus reprobatis à D. Thoma.

Confirmatur quia, ut refert Ruiz disp: II. de Trinitate sect: 1. & sect: 7. Sententiæ erroneæ, vel suspectæ, repugnantes identitati relationum Divinarum cum Essentia, sunt istæ, à quibus longè distamus. Prima sententia erronea fuit Gilberti Porretani Pictaviensis Episcopi, qui ponebat Relationes Divinas extrinsecus affixas Essentiæ, ut refert D. Thomas hic art: 2do, ideoq; distinguebat ita à parte rei adæquatè Essentiam à Relationibus, ut negari possint de se invicem Essentia & Relatio, dicendo *Paternitas non est Deitas*: Et ideo S. Bernardus lib: 5. de Considerat: ex hoc errore infert sequi quaternitatem in Deo. Hic error damnatus est ab Eugenio III. & Rhemenſi Concilio, sed nos ab eo longissimè distamus, quia Relationes ita identificamus à parte rei Essentiæ, ut dicamus Essentiam & Relationem prout sunt à parte rei, mutuo de se verè affirmabiles esse, ideoq; non ponimus quaternitatem in Deo. Secunda sententia erronea fuit Ioachimi Abbatis, qui non ponebat unam realiter numero Deitatem in Personis, sed triplicem Deitatem realiter distinctam, in triplici Per-

A 5

sona

sona multiplicabat, ut constat ex Concilio Lateranensi cap: *Damnamus de summa Trinitate* damnante hunc errorem: sed ab illo quoque nos longissime distamus, quia non multiplicamus Deitatem in Personis, sed tantum unam numero Deitatem per hoc distinguimus à Patre, quod per identitatem includat Filium, realiter à Patre distinctum: quod utique non dicebat Joachimus Abbas. Tertia sententia periculosa fuit Durandi, qui distinguebat Essentiam à Relationibus realiter modaliter; sicut distinguitur res à suo modo: sed neque hoc nos dicimus, ut patet. Denique addit Ruiz sect. 7. hoc tempore esse parum tutam sententiam Scoti, quæ ut supra sect. 2. retulit, inter Essentiam Divinam & Relationem constituit distinctionem ex natura rei aut formalem, aut virtualem, in re ipsa existentem ante opus intellectus: Sed nos hanc sententiam non sequimur. Ergo nostra sententia longissime distat à sententiis erroneis, vel suspectis circa distinctionem Essentiæ Divinæ à Relationibus.

*Probatur 3tio. autoritate multorum SS. Patrum apud Ruiz Disp: 80. de Trinit: sect: 1. & 2. è quorum numero Ignatius Martyr in Epist: ad Magnesianos vocat Essentiam Divinam genitam. Anselmus Menol: c. 43. dicit natam Essentiam de Patris Essentia. August. 5. de Trin: c. 14. dicit, Verbum Dei, Deus de Deo, Essentia de Essentia. Et lib: de Synod. Filius natus ex Deo, nec dissimilem sui edidit natura naturam. Cyrill: Alex: lib: 2. Thesauri c. 1. Non potest esse perfecta Deitas, nisi Filium habeat, & fructum*



fructum ex se pariat. Hilar: lib: 9. de Trinitate de Filio sic differit: *Ex eo ejusdem generis genitam in se naturam, naturaliter in se gignentem se, habuisse naturam.* Vide alios Patres apud Ruiz citatum. Unde sic formatur argumentum pro nostra assertionem. Eo modo rectè dicitur Essentia Divina distingui realiter à Patre, quomodo à SS. Patribus dicitur genita, nata, edita à Patre: sed hoc dicitur de natura mediata & ratione Filii, spectando Essentiam ut est à parte rei identificata Filio, Ergo etiam dicitur rectè Essentia ut est à parte rei distingui realiter à Patre mediata, & ratione Filii, cum quo identificatur, tanquam ratione tertii prædicati. Major est certa: Quia ex communi consensu Theologorum, fundato in doctrina Concilii Florentini, in Divinis oppositio relativa producentis & producti fundat distinctionem realem, nempe immediatam, si est oppositio immediata, mediatam, si est mediata. Minor etiam est certa: Quia SS. Patres non dicunt Essentiam Divinam esse à Patre genitam immediatè, & ratione sui, alias enim immediatè & ratione sui distingueretur realiter à Patre, & sic non esset à parte rei Communis Patri, Filio, & Spiritui Sancto, adeoque tres Personæ Divine non essent unus Deus: Ergo cum Patres dicant Essentiam genitam à Patre, dicunt eam genitam nonnisi mediata, & ratione Filii, cui identificatur: nec enim datur medium à parte rei inter generari mediata, & generari immediata, supposito quòd aliquid aliquomodo generetur. Et sic cum citatis Patribus

con-

conciliamus Lateranense Concilium, quod docet Essentiam *Non generare, nec generari*, nempe immediate & ratione sui; cum Patres citati dicunt, Essentiam *generare & generari* nempe mediate, & ratione alicujus Personæ. Quæ locutio Patrum in hoc sensu est propria, quatenus *proprium* opponitur *ficto*; quia scilicet Essentiæ per rationem superadditur Pater ex parte objecti, secundum distinctionem virtuales intrinsecam verificativam prædicatorum contradictoriorum primointentionalium de suis extremis: quo pacto quia non superadditur rationale Petro, ideo Petrus non dicitur propriè discurrere mediante rationalitate.

*Probatur 4to.* itidem autoritate SS. Patrum, qui Naturæ Divinæ tribuunt unitatem quandam mirabilem, non expertem numeris. Ita loquitur Nazianzenus in Carm: tertio arcanorum: *In tribus luminibus una natura firmata est, Neg. unitas numeri expers, quandoquidem tribus stat in bonis.* Immo August: lib: mediet: c. 30. etiam hanc propositionem usurpat, *Divinitas Personarum pluralitate multiplex* (quâ tamen phrasi nos non utimur.) subsumo. Sed hæ locutiones non possunt ita accipi, quasi in Deo misceatur identitas & unitas immediata naturæ cum distinctione reali immediata, seu in ratione naturæ: Ergo debent accipi de unitate & identitate immediata naturæ, mista cum distinctione reali mediata, seu in ratione Personarum, quæ est distinctio intertio; nec enim potest poni alia distinctio realis, nisi vel mediata, vel immediata. *Probatur sub.*



subsumptum: Tum Quia si in Deo daretur distinctio realis immediata naturæ, darentur plures naturæ, & Consequenter plures Dii: Tum Quia repugnat immediatam realem distinctionem extremorum misceri cum immediata identitate reali eorundem, cum identitas consistat in indivisibili, licet non repugnet misceri lucem cum tenebris, eò quòd lux suscipiat magis & minus, Quod maximè valet de identitate reali summa & perfectissima, qualis identitas Essentiæ cum omnibus prædicatis Divinis, quæ proinde identitas excludit omnem in eodem genere, adeoq; immediatam distinctionem realem, non excludit tamen distinctionem mediatam, quia hæc est in alio genere.

*Probatur sicut à pari.* SS. Patres passim docent expresse duas personas Divinas identificari realiter in tertio prædicato nempe in Natura. Ergo etiam rectè dici potest quod natura Divina ab una Persona distinguatur realiter mediate in altera Persona, tanquam in tertio prædicato. Probatur Consequentia, quia tam obest Personis identitas realis, quam naturæ Divinæ distinctio realis: Ergo si nihilominus conceditur Personis identitas realis mediata, seu in tertio: cur negetur naturæ distinctio realis mediata, seu in tertio? Antecedens probatur autoritate Nazianzeni or: 37. dicentis: *Unitatem habere quamlibet Personam, non minus cum ea, quam cum conjungitur, quam secum, propter Essentia & Potentie identitatem; quæ utique est unitas Personarum mediata, seu in Essentia, tanquam*

quam in tertio prædicato. Et Basilii in Orat: contra Sabell: pag: 603. dicentis: *Identitatem habet Filius ad Patrem, non enim aliam Divinitatem in Patre intueor, aliam in Filio.* En identitas Patris cum Filio in tertio prædicato, nempe in Divinitate. Deniq; Cyrillus lib: 10. contra Julianum de Filio dicit: quod habeat *Unum esse ad suum genitorem identitate naturali, tametsi secundum Hypostasim propriam existat.*

*Probatur 6to à definitione.* Distinctio realis Deitatis à Patre mediata, seu in tertio prædicato, nihil aliud est, nisi naturam ita identificari summe Patri, seu verè à parte rei de se mutuo affirmari Patrem & Essentiam, ut nihilominus eadem natura per realem identitatem includat in se Filium, qui realiter distinguitur à Patre: sed de fide est Naturam Divinam hoc modo identificari Patri: Ergo pariter de fide est saltem quo ad rem, naturam distingui realiter mediate à Patre, seu in tertio prædicato, nempe in Filio. Consequentia est legitima: quia ut communiter docetur in Tract: de Fide, quando una præmissa est definitio, altera autem est de fide, tunc Consequens est de fide. Minor est innegabilis à Catholicis. Major est definitio distinctionis realis mediatae, seu in tertio, reperta in Deo. Hoc enim quod posuimus in Majori, intelligunt nomine Distinctionis realis in tertio omnes assertores illius quorum scripta appello. Et Ratio est, quia cum nostri omnes utantur distinctione in tertio, ad verificanda Contradictoria physica in Deo, cumq; hæc Contradictoria ideo dicant verificari,



cari, quia natura ita identificatur Patri, ut identificetur etiam Filio, distincto realiter à Patre, manifestum est, quod nomine distinctionis in tertio intelligant identitatem naturæ cum Patre, conjunctam identitati ejusdem naturæ etiam cum Filio, realiter distincto à Patre. Quare cum adversarii nostri negant hanc definitionem, uti mihi in disputatione aliquando negata fuit, inprimis non impugnant distinctionem in tertio, prout ponitur à suis Patronis, sed aliam nescio qualem, quam sibi ipsi ad impugnandum confingunt. Deinde hoc pacto evertunt modum argumentandi à definitione, cum tamen in omni disputatione etiam de impossibilitate rei, debet utraq; pars convenire in definitione rei, aliàs disputans nesciet de quo disputabit, aut certe unus aliquid aliud negabit, & alius aliquid aliud affirmabit. Et ita quamvis ego negem possibile esse Infinitum Cathegorematicum, aut distinctionem Scotisticam ex natura rei, tamen definitionem utriusq; admitto, quæ communiter ponitur. Ergo etiam in præsentī adversarii debent admittere definitionem distinctionis in tertio, quam communiter dant ejus fautores. Præterea bonitas prædictæ definitionis vel ex eo patet; quia omni soli, & necessario convenit definito. Convenit omni definito, quia nulla potest ostendi distinctio in tertio, cui non conveniat allata definitio. Convenit soli definito, quia nulla alia potest ostendi distinctio, cui hæc definitio conveniat. Convenit necessario, quia datur per

tur per prædicata necessaria Identitatis & distinctionis realis. Deniq; siquidem negant hanc Definitionem adversarii, dent aliam, & certo constabit, eam quam dederint, vel non convenire distinctioni in tertio, vel coincidere cum nostra definitione. Neq; vero nullam admittere definitionem distinctionis in tertio possunt, eò quòd hanc putent esse impossibilem, quia etiam Ens rationis ipsi definiunt, & alioquin sequeretur illos nescire de quo disputant nobiscum.

*Probatur 7mo assertio.* Quia communiter Theologi expressè & in terminis dicunt naturam Divinam distingui realiter inadæquatè à Paternitate. Ita docet Ioannes Præpositus qu. 28. de Deo art. 2. Franciscus de Lugo lib. 2. Disp. 8. c. 3. Martinon disp. 25. de Trinit. sect. 7. n. 74. Amicus disp. 19. sect. 4. Arubal disp. 100. cap. 3. & Bellarminus, qui libro secundo de Christo cap. 18. dicit. *Essentia & Paternitas non sunt idem adæquatè, quia Essentia ad plura se extendit.* Eadem distinctione inadæquata Essentiæ Divinæ à qualibet seorsim Persona, expressè & in terminis utuntur, ad solvenda Infidelium contra Trinitatem argumenta, Suarez de Trinit. lib. 4. cap. 4. num. 7. citatq; num. 5. Capreolum, Ægidium & Thomam de Argentina. Item Vasquez disp. 122. cap. 2. fine. Et Coninck disp. 4. de Trinit. dubio 9. num. 208. Deniq; scribens, ex professò contra Arianos. Pennalosa de Christi Divinit. disp. 2. c. 5. dicit, *Secundùm omnes Catholicos, Pater cum natura Divina non adæquatè identificatur, hæc enim ad plu-*  
*ra se*



ra se quàm Pater extendit.

Ad plenius rem declarandam, aliquos textus citatorum Theologorum subjungo.

P. Joannes Præpositus, Qu: 28. art. 2. *Licet Relatio idem sit à parte rei cum Divina natura, Virtute tamen, & ratione ratiocinata ab illa distinguitur, imò non est illi adequatè eadem.*

P. Martinon, Disp: 25. de Trinit: sect: 7. num: 74. *Jam verò Pater Divinus, v. g. licet sit idem re: cum Essentia Divina, non tamen est idem adequatè, & convertibiliter, sive cum omnimoda & reciproca identitate &c.*

P. Franciscus Amicus, Disp. 19. sect: 4. num: 89. *Dico secundo: Relationes Divine inadequatè identificantur cum Essentia, & Essentia cum quavis earum.*

P. Petrus de Arrubal. Quæst: 28. c. 3. *Dico secundo: Relationes in Deo inadequatè identificari cum Essentia.*

P. Suarez præter locum supra citatum libri 4. de Trinit: c. 3. n. 5. *Aliter Capreoolus supra respondet, Quæ sunt eadem unitertio adequatè, esse idem inter se, non verò, si inadequatè. quæ responsio invenitur etiam in Egidio, & Thoma de Argentina, sed habet eandem difficultatem. Quia in Creaturis nulla talis inadequata identitas invenitur, & ipsummet Principium videtur concludere, inveniri non posse. Et infra num: 7. Quarta verò, de Identitate adequata & inadequata est accommodata ad respondendum in forma difficultatibus occurrentibus; nempe contra Mysterium Trinitatis.*

P. Vasquez in prima parte Disp. 122. cap. 2. hæc habet. *Alii alio modo intelligunt prædictam*

B

Prope-

Propositionem, nempe, ut ea dicantur esse idem inter se realiter, quæ sunt eadem unitertio realiter & adequatè, non tamen inadæquatè. Hoc tamen in idem recidit, quia solùm in Divinis reperitur hoc, ut aliqua sint idem re unitertio inadæquatè, & ideo inter se non sunt idem.

P. Koning Disp. 4. dub. 9. sect. 1. num. 28. de Trinit. Ad rationem oppositam respondeo: illud Axioma, (scilicet, Quæ sunt eadem unitertio, sunt inter se eadem) ut sit universaliter verum, necessario requiri, ut utrumq;, aut saltem alterutrum, sit adequatè idem cum medio, seu cum illo tertio.

Unde communiter Theologi fallacias Arianorum per hoc solvunt, quod eas dicunt procedere à termino non distributo, loquendo de natura Divina: omnis autem distributio termini importat distinctionem realem inadæquatam ab illis, in quæ distribuitur. Et ratio est. Quia illa distinguuntur realiter inadæquate, quorum à parte rei unum se habet ut includens, aliud ut inclusum: sed Essentia Divina habet se à parte rei ut includens, & Paternitas habet se ut inclusum: siquidem Paternitas ita est à parte rei Deitas, ut non omne quod est Deitas sit à parte rei Paternitas: nam Filiatio est Deitas, & non est Paternitas: Ergo Deitas & Paternitas distinguuntur realiter inadæquate. Ergo etiam distinguuntur realiter intertuo, probatur hæc consequentia: Tum Quia non magis obest summæ identitati in Divinis distinctio realis inadæquata, quàm distinctio realis intertuo. Tum Quia distinctio realis inadæquata



quata est ipsa distinctio realis in tertio, ut patebit ex probatione sequenti, solum debet adverti quod ista distinctio realis inadæquata in Deo, non est inadæquata identitas intensivè, sed tantum extensivè: quandoquidem natura Divina non minus se communicat Paternitati, quam ipsa sibi, (quæ est identitas adæquata intensivè) quamvis eadem natura non communicet Paternitati omnes formalitates relativas ad intra, quas ipsa sibi cõmunicat, nempe filiationem, & spirationem passivam, quod est naturâ à Paternitate distingui realiter inadæquatè extensivè.

*Probatur 860.* Quando duo prædicata ita se habent, ut unum dicat per identitatem realem aliquid plus, realiter distinctum à secundo prædicato, tunc primum prædicatum distinguitur realiter à secundo, in eo quod plus dicit, tanquam in tertio. Sicut Quia homo dicit plus realiter distinctum à Corpore, nempe animam, meritò dicitur homo distingui realiter à corpore, in anima tanquam in tertio. Et Ratio est: Quia anima ex una parte est realiter distincta à corpore, ex alia vero parte cum identificetur homini, ipsa ratione subtribuit homini denominationem distincti realiter à Corpore, subsumo minorem. Atqui Deitas & Paternitas ita se habent, ut Deitas per identitatē realem dicat aliquid realiter distinctū à Paternitate nempe filiationē ut est certum. Ergo Deitas à Paternitate distinguetur realiter in Filiatione, tanquam in tertio prædicato, & quidem potiori titulo, quam distinguatur homo à corpore

pore ratione animæ, nam longè magis Deitas identificatur Filiationi, quàm homo animæ: siquidem homo & anima non affirmantur vere de se mutuò ut sunt à parte rei, neq; inter hominem & animam est identitas adæquata intensivè: at verò Deitas & Filatio identificantur adæquatè intensivè: & vere de se mutuò affirmantur ut sunt à parte rei, ideoq; Filatio realiter distincta à Patre, potiori titulo ratione sui tribuet naturæ distinctionem realem à Paternitate mediatam. Hinc patet, distinctionem realem inadæquatam Deitatis à Paternitate esse distinctionem ejusdem realem in tertio, seu mediatam. Cum enim dicitur, *Natura ut includens Filium distingui realiter inadæquatè à Patre*, hoc ipso dicitur natura non in se, & ut objectivè præscindibilis à Filio distingui à Patre: (sic enim natura non esset Communis tribus Personis,) sed dicitur distingui à Patre ratione Filii, quem ipsa includit: sed Filius quem includit natura, est tertium prædicatum, & medium inrer naturam & Patrem, (medium, inquam, & tertium, non realiter, sed ratione objectivè distinguente illum à natura: ) Ergo natura à Patre distinguitur mediatè & in tertio, si distinguitur inadæquatè.

*Probatnr 9.* Talis est distinctio inter aliqua extrema, qualis inter illa est negatio, seu sicut unum negat alterum, ita distinguitur ab illo: siquidem distinctio, si non formaliter, saltem re ipsa, est, Hoc extremum non esse hoc, seu est negatio, qua unum extremum negat alterum, ut patet. Atqui ly

non ge-



*non generare*, quod dicitur de natura Divina, non purè virtualiter, sed realiter strictè, negat illud *generare*, quod dicitur de Patre: Ergo inter *non generare*, quod dicitur de natura, & inter *generare* quod dicitur de Patre, adeoq; inter naturam & Patrem, intercedit distinctio non merè virtualis, sed etiam realis, non immediata, ut certum est, Ergo mediata, & in tertio.

*Dices.* Natura immediatè realiter non generat, Pater immediatè realiter generat. Ergo ad hoc non sufficit distinctio realis mediata, sed deberet ibi poni realis immediata: Ergo multum probat argumentum. *Resp.* videmus etiam in creatis, quod distinctio realis in tertio, seu mediata, sufficit ad verificanda contradictoria physica immediata: sic enim dicitur, *Homo immediatè est mortalis, anima rationalis non est immediatè mortalis*, & tamen Homo ab anima nonnisi distinguitur realiter in tertio, nempe in corpore, & unione: Ergo pariter dicendum in Divinis, quod distinctio realis mediata sufficit ad verificanda contradictoria immediata de suis extremis.

*Probatur 10.* distinctio realis, quæ non obest summæ identitati Deitatis cum Personis, est ponenda in Trinitate, in qua videlicet Concilianda est summa unitas naturæ, cum aliqua Distinctione reali prædicatorum, sed distinctio realis in tertio, non obest summæ identitati Deitatis, v. g. cum Paternitate: Ergo ponenda est in Trinitate. Probatur Minor: Quia si juxta Nazianzenum supra ci-



tatum, *Quelibet Persona Divina cum altera habet non minus unitatem, quam secum, propter Essentialitatem*, id est habet unitatem summam mediatam, quamvis una Persona distingatur realiter immediate ab altera. cur Essentialia Divina non habet tantam unitatem cum Paternitate, quantam habet secum, id est summam, quamvis à Paternitate distingatur realiter mediatè, nempe in Filiatione. Ratio à priori est: Quia cum Deitas sit perfectio simpliciter simplex, in omni genere infinita, non crescit intensivè per additionem Filiationis, quæ non est perfectio simpliciter simplex, nec decrescit per subtractionem ejusdem Filiationis, quod est proprium infiniti; Ergo tantundem se communicat Deitas Paternitati, quantum sibi ipsi, licet Paternitati non communicet Filiationem, realiter identificatam sibi: Ergo ulterius communicat Deitas Paternitati seipsam per summam identitatem, quamvis à Paternitate distingatur realiter in Filiatione, tanquam in tertio prædicato. Hoc non valet in ente finito, quia hoc crescit intensivè, per additionem cujuscunq; perfectionis, & per ejusdem subtractionem decrescit; & ideo nihil simile Trinitati contingit in rebus creatis.

*Probatur ultimo.* In mysterio Trinitatis defendendo, non debet destrui hoc primum & Universalissimum principium, *Implicat idem esse & non esse*, nec debet ita limitari, ut tantum valeat in Creatis, non autem in Deo, quatenus æquivalente, ratione infinitæ perfectionis, rebus creatis realiter distinctis, quæ



quæ limitatio hujus principii mihi aliquando,  
 de præsentī quæstione disputanti, data fuit.  
 Sed contra est: Tum Quia hoc principium  
 metaphysicum procedit de ente ut sic reali,  
 prout opposito chimeræ; est enim primum,  
 nec illo datur prius: Ergo valet etiā in Deo.  
 Tum Quia ita respondere, est exponere si-  
 dem derisioni infidelium: dicent enim Athei,  
 Ariani, Sabelliani, Deum nostrum unum &  
 Trinum, quatenus ratione infinitæ perfecti-  
 onis ita æquivalentem pluribus creaturis, ut  
 de ipso verificetur esse & non esse, hoc ipso  
 esse chimeram; quandoquidem lumen ra-  
 tionis ostendit, chimeram nihil aliud esse,  
 nisi simul idem esse & non esse; & tamen my-  
 sterium Trinitatis est quidem supra lumen ra-  
 tionis, non tamen contra lumen rationis.  
 Tum Quia hac ratione licebit introducere  
 alium Deum, & si impugnabitur, limitare  
 prima principia metaphysica, dicendo ea  
 non valere de altero Deo propter eminentem  
 infinitam perfectionem ipsius æquivalentem  
 infinitis rebus realiter distinctis. Quæ  
 cum sint absurda, manifestum est, prædi-  
 ctum principium verificari etiam de Deo.  
 At in nulla alia sententia, præter nostram,  
 salvatur hoc primum principium in mysterio  
 Trinitatis: quia aliæ omnes sententiæ, cum  
 nullam admittant distinctionem realem etiam  
 mediatam, & in tertio, inter naturam Di-  
 vinam & Filium, debent dicere, quod in Tri-  
 nitate idem omnino realiter sit *genitum*, & non  
*genitum* à parte rei, sit *communicabile* & non  
*communicabile*, sit *absolutum* & non *absolutum*,  
 quod

quod est, idem omnino realiter esse, simulque non esse, quod est. E contra autem in nostra sententia, hoc principium salvatur etiam in Trinitate, quia dicimus, præfata contradictoria verificari de natura & Filiol, quæ sunt idem realiter immediate, sed non sunt idem realiter mediatè, & in tertio, sed sunt potius realiter inadæquate extensivè distincta; jam vero etiam in creatis, de illis quæ realiter inadæquate, seu in tertio distinguuntur, verificatur esse & non esse: sicut dicitur, *anima esse immortalis*, homo autem esse mortalis, quia homo distinguitur ab anima realiter inadæquatè, seu in tertio, nempe in unione animæ cum corpore corruptibili. Hinc ulterius salvamus in Deo illud principium, si benè explicetur, *Quæ sunt eadem uni tertio, sunt eadem inter se*, quia dicimus, hoc principium debere intelligi de iis, quæ sunt idem realiter uni tertio adæquatè, non autem de iis, quæ ita sunt idem realiter uni tertio immediate, ut ab iis tertium distinguatur mediate, in aliquo prædicato, seu inadæquatè: qua de causa etiam in Creatis corpus & anima non identificantur inter se, licet identificentur cum homine. Sic ergo etiam dicimus, Patrem & Filium in Divinis non identificari inter se, quia cum natura Divina identificantur ita, ut natura ab illis distinguatur realiter mediate, in aliquo prædicato, & inadæquate. Verum quidem est, quod in Creatis hoc non accidit, ut aliqua duo identificentur inter se realiter immediate, summe intensivè, & tamen distinguantur rea-



etur realiter in tertio prædicato: cæterum hoc in Trinitate verificatur ratione infinitatis, ut declaratum est supra in probatione 9. assertionis nostræ; & ideo alibi diximus hoc principium, *Quæ sunt eadem uni tertio &c. inverso modo contineri in Trinitate*, si videlicet ita accipiatur, sicut relucet in Creatis. Hinc etiam mysterium Trinitatis in sententia nostra, est supra lumen naturæ, in sententia autem adversariorum est contra lumen naturæ. Concluditur ergo, nostram sententiam esse conformem fidei, dictis SS. Patrum, & rationi naturali.

*Ad 1. Retorquetur argumentum.* Patet enim ex dictis in secunda probatione, esse conforme dictis SS. Patrum, quod natura Divina producaturs mediate, in hoc videlicet sensu, non quòd, mediante aliquo, ipsa in se, & ratione sui producaturs in Filio, sed præcisè, quia identificatur realiter Filio, qui immediate produciturs. Neq, hinc sequitur ullum inconveniens. Concedimus enim hinc sequi, Essentiam esse Filium, non mediatè, sed immediate; Sed negamus hinc sequi, plures esse in Deo processiones passivas, quam processionem Filii, & Spiritus S, quia per nos nihil aliud est produci mediate Essentiam, nisi produci immediate Filium; si autem essent plures processiones, quàm duæ, deberet ipsa immediate & ratione sui produci Essentia, quod non dicimus. Negamus etiam sequi in nostra Sententia, quod Essentia ita producaturs à Patre, sicut nepos ab avo; quia nepos in se ipso produciturs ab avo, me-

diante suo Parente, non autem ita, quasi nepos identificetur suo Parenti, qui producit ab avo: hoc autem secundo modo, non vero primo modo, dicimus Essentiam mediate produci à Patre. Neq; dicas, nos alibi disp: 2. de Deo qu. 5. ad tertium, dixisse, Essentiam non denominari productam à Filio producto, hic autem oppositum videmur dicere. *Resp: enim*, nos ibi dixisse Essentiam à Filio immediate producto, non denominari productam immediate, sicut è Contra à Patre immediate improducto, denominatur improducta immediate, & hujus ibi dedimus disparitatem: hic autem solum dicimus, ratione Filii immediate producti, posse in sensu explicato dici Essentiam produci mediate: quæ non sibi contradicunt.

*Ad 2. multum probat argumentum*, quia probat, quod nec distinctio virtualis intrinseca sit ponenda in Trinitate, quia talem distinctionem SS. Patres & Concilia non agnoverunt, nec nobis tradiderunt expresse. Ubi enim in aliquo S. Patre, vel Concilio, legitur talis distinctio? Si autem dicas distinctionem Virtualem esse agnitam & traditam à PP. & Conciliis implicite, & sub conceptu convertibili; idem omnino longè manifestius dico de distinctione reali in tercio, quia Concilia & Patres docent dari in Trinitate identitatem naturæ cum Patre, & simul distinctionem realem Filii à Patre, identificati cum natura; hoc autem est implicite, & convertibiliter, imo hoc est definitivè, adeoq; longe patentius, naturam à Patre distinguere.



qui realiter in tertio. Itaque cum Patres & Concilia inter solas Personas Divinas agnoscunt distinctionem realem aequalem, loquuntur de Distinctione reali immediata, quia talem distinctionem inferunt ex relatione producentis & producti immediate, non autem loquuntur de distinctione reali in tertio, quia talis distinctio non dicit relationem producentis & producti immediate inter sua extrema. Quando item Florentinum, & S. Thomas, inter Essentiam & Personalitates ponit distinctionem rationis, id omnino nos quoque dicimus. Si Essentia comparatur immediate, & ratione sui, ad Personalitates: si tamen sumatur cum ordine ad tertium predicatum inclusum in Essentia, dicimus quod in hoc tertio, mediate distinguitur realiter à Personalitatibus. Unde per nos inter Essentiam & Personalitates distinctio immediata est pure distinctio rationis, licet ibidem distinctio mediata sit realis. Et sic non contradicimus Florentino & S. Thomæ. Quando etiam dicit Lateranense, *quamlibet Personam esse Essentiam*, id omnino fatemur simpliciter, & sine ulla restrictione, quia identitatem immediatam inter Essentiam & quamlibet Personalitatem ponimus summam, imo adæquatissimam intensivè. Cum autem dicimus Essentiam mediate distingui à Patre, solum volumus dicere, quod Essentia præter Patrem, includat per identitatem etiam Filium, realiter à Patre distinctum, quod est ne contrarium Concilio Lateranensi? Similiter illud quod dicit Christus Joan: 10. *Ego & Pater unum sumus*,

mus,

*mus*, accipimus omninò simpliciter, & sine restrictione ulla, quia unam eandemq; numero naturam adoramus in Patre & Filio; & quamvis eam dicamus distingui in tertio prædicato, nempe in Filio, tamen non est sensus, eam esse aliam in Filio, (absit ut hoc somniemus,) sed tantum sensus est, quod Essentia per identitatem includat tertium prædicatum, realiter à Patre distinctum, nempe Filium, quod est de fide. Quare distinctio hæc in tertio, non importat alietatem extremorum adæquatam, nempe Patris & Essentia, sed tantum alietatem unius extremi puta Patris, à prædicato tertio, incluso in alio extremo, puta à Filio, incluso in Essentia, quam alietatem dari in Trinitate, fide certum est. Quod attinet ad Ss. Patres. Augustinus nihil dicit contra nos, quia solum negat Deitatem immediate realiter distingui, & ratione sui, à Persona Patris, non autem negat, in Deitate, per identitatem includi Filium, realiter distinctum à Patre: hoc enim est de fide; & hoc ipsum est, Deitatem mediata, & in tertio distingui realiter à Patre. Anselmus etiam optimè dixit, *Patrem esse Essentiam Filii*, quia ut patet ex dictis, distinctio realis in tertio, seu mediata Essentia, non impedit quominus Essentia verè affirmetur de Patre, & Filio, ut sunt à parte rei. Deniq; Damascenus, & Nazianzenus, potius stant pro nobis, quia docent, in Trinitate unitatem naturæ, cum distinctione reali Personarum; quod ipsum est naturam Divinam distingui realiter in tertio, seu mediata, ut expositum est. De



est. De S. Thomæ mente, modo diximus.

*Ad 3<sup>ium</sup>.* Etiam hoc argumentum probat nimis, quia probat in Deo non dari distinctionem realem Personarum. Directe *Resp.* Summam identitatem excludere omnem omnino distinctionem in eodem genere, & secundum eandem rationem; & ita summa identitas immediata naturæ Divinæ cum Patre, excludit omnem omnino distinctionem realem immediatam, & in ratione naturæ, non tamen excludit distinctionem realem in alio genere, & secundum aliam rationem, qualis est distinctio realis mediata, quæ est in alio genere, (cum mediatum & immediatum differant genere,) & non est in ratione naturæ, sed in ratione Personæ, nêpe Filii. Itaq; exemplum de summa potentia, scientia, & luce, non urget, quia hujusmodi excludunt impotentiam, ignorantiam, & tenebras, ex eo, quia in eadem ratione sibi opponuntur.

*Ad 4.* Imo non recte dicitur, Paternitas discrepare in Filiatione, sed potius debet dici distingui à Filiatione. Quando enim unum discrepat ab alio in tertio, hoc tertium debet convenire uni, & non convenire alteri, sicut homo Europæus ab Asiatico dicitur discrepare in albedine, quæ inest Europæo, & non inest Asiatico. Sic ergo etiam dici potest, Natura Divina discrepare à Paternitate in Filiatione, quia Filiatio identificatur Naturæ, non vero Paternitati. Ad illud quod dicitur, Filiationem non esse tertium aliquid, in quo discrepet natura à Paternitate, cum  
tantum

tantum sint duo realiter termini hujus discrepantiæ, nempe Paternitas & Filiatio, *Resp.* In omni distinctione in tertio, duos tantum inveniri terminos discrepantiæ realiter adæquatè distinctos, tertium autem terminum esse realiter inadæquatè distinctum à duobus. Et ita dicitur homo distingui realiter à corpore, in anima, tanquam in tertio, & tamen in hac discrepantiâ, nonnisi corpus & anima distinguuntur realiter adæquatè, tertium autem nempe homo, solum realiter inadæquatè distinguitur à corpore & anima, divilim sumptis. In hunc ergo etiam modum, Natura Divina distinguitur à Paternitate in Filiatione, ita ut nonnisi Paternitas & Filiatio distinguatur realiter adæquate, natura autem ab utraque Personalitate distinguatur realiter inadæquate extensivè. Et ita argumentum retorquetur. Quanquam dici specialiter potest de natura Divina, quod sit tertium aliquid, non quidem realiter superadditum Patri & Filio, sed tertium ratione nostra ex parte objecti; hoc autem sufficit, ut dicatur Naturam, Patrem, & Filium, esse tres terminos, ad distinctionem in tertio re-quisitos.

*Ad 5.* Imo potius ex nostra sententia efficaciter rejicitur distinctio formalis ex natura rei in Divinis, quia dicimus, & probamus, nullibi posse verificari contradictoria physica, sine distinctione strictè reali mediata, vel immediata, eo quod contradictoria physica talem distinctionem semper importent, non autem formalem ex natura rei. Quia verò distinctio-



distinctionem realem mediatam in Divinis conciliamus cum summa intensivè identitate immediata naturæ Divinæ cum relationibus, sola adjuncta isti identitati distinctione reali immediata Personarum inter se, hinc est; quod evitamus in Divinis compositionem, & alia incommoda, quæ contra Scotistas inferuntur. Unde hoc quoq; argumentum retorquetur. Et præterea retorquetur, quia admissa distinctione virtuali, qualem ponunt adversarii, potius non poterit efficaciter impugnari distinctio formalis ex natura rei, nam mutato termino *formaliter ex natura rei*, in terminum *virtualiter intrinsecè*, omnia argumenta procedunt contra utramq; distinctionem, ut pote reperibilem nemine cogitante in Divinis. Unde alibi diximus duas istas distinctiones esse sibi in primo gradu affines, ac fere vocibus differre.

*Ad 6.* Ostensum est, tum in libro de Deo, tum in principiis philosophicis, esse sufficientem & necessariam distinctionem realem mediatam ad verificanda contradictoria physica in Divinis, ut videlicet salvetur in Deo primum principium Metaphysicum, *Impossibile est idem esse & non esse*. Neq; enim eminentia Divinæ perfectionis infinitæ, æquivalentis rebus creatis realiter distinctis, potest falsificare hoc principium, nec Deus æquivalet pluribus rebus Creatis realiter distinctis, in ordine hoc, ut non sit id quod est, alias ratione infinitæ suæ perfectionis æquivalebit Deus chimæræ, cum chimera sit, non esse rem id quod ipsa est. Itaq; arbitrariè & sine proba-

probatione, imo contra primum principium metaphysicum, dicit Alarcon, de natura Divina & Personalitate posse verificari contradictoria physica, quamvis natura Divina esset in una Persona, id est absque distinctione reali in tertio. Negamus etiam quod dicit Izquierdo, ante distinctionem realem in tertio, per prius supponi distinctionem virtuales naturæ à Paternitate; nam ut dictum est disp. 2. de Deo qu. 5, Distinctio realis in tertio est ipsa distinctio Virtualis intrinseca, quia illi convenit definitio distinctionis Virtualis intrinsecæ, nempe æquivalentia unius realiter indivisibilis entitatis, (qualis est Essentia Divina & Paternitas,) ad verificanda duo contradictoria physica. Nec Ratio Izquierdi urget: sicut enim homo & anima non sunt per prius formalitates virtualiter duæ, ita ut ad istam Virtualement distinctionem deinde sequatur hominem ab anima distingui realiter in tertio, nempe in corpore, sed potius dualitas istorum terminorum est distinctio in tertio; ita etiam Deitas & Paternitas non sunt per prius formalitates virtualiter duæ, ita ut postea sequatur distinctio realis Deitatis à Paternitate in tertio, nempe in Filio, sed potius virtualis dualitatis istarum formalitatum est distinctio realis in tertio.

*Ad 7. responsum est in illa Qu. 5. de Deo ad 4. Personas Divinas esse tres, Essentiam autem non esse triplicem, ideo, quia Essentia ut est in statu reali à tribus Personis simul sumptis distinguitur realiter mediata in tertio, nempe ratione singularum seorsim Personarum,*



rum, de quibus affirmatur Deitas, non autem Trinitas. Neq; enim hic necesse est tertium assignare prædicatum, adæquate distinctum à tribus Personis simul sumptis, quia etiam ad hæc contradictoria verificanda, *Deitas communicatur Filio, Paternitas non communicatur*, non est necesse ostendere tertium, adæquate distinctum à Paternitate, nam pro isto tertio, hic etiam potest assignari Trinitas, quæ non est adæquate distincta à Paternitate, in qua Trinitate distinguitur Deitas à Paternitate.

Pro complemento hujus quæstionis, ad solvendas alias objectiones, quas aliqui congerunt, pauca sunt notanda, aut potius repetenda ex iis, quæ diximus tum in principiis Philosophicis d. 3. quæst. 1. Tum in Disp. 2. de Deo Quæstione 5. illa enim sufficiunt

Notandum igitur Primo est, nos nunquam dixisse nec ex dictis nostris ullo modo sequi, Naturam Divinam ratione sua distingui realiter mediata à Patre aut Patrem esse Deum deitate realiter mediata, ratione sui, distincta à Filio, aut dari ullam realem ipsiusmet naturæ Divinæ secundum se pluralitatem, transfusam à Personis Ratio est, quia apud nos isti termini, *Naturam distingui mediata seu ratione tertii, & naturam distingui ratione sui*, semper sumuntur tanquam termini contradictoriè oppositi, ut patebit legenti nostra scripta. Diximus ergo semper, naturam Divinam secundum se, in se, & ratione sui, seu absq; respectu ad Personas, esse omnino unicissimam, simplicissimam, non solum realiter,

aliter, sed etiam virtualiter intrinsecè, atq; omnino eandem numero in Patre, Filio, & Spiritu Sancto, solumq; diximus, naturam ut est à parte rei distingui mediata ab una Persona, v. g. a Patre, ratione alterius Personæ, puta ratione Filii, quatenus scilicet naturæ, ratione nostra objectivè additur Filiatio identificata omnino realiter naturæ, & distincta realiter à Patre, quâ sic mediante, dicimus, naturam ut est à parte rei, à Patre distingui in Filio mediata, tanquam in tertio prædicato, ita ut tota ista realis distinctio naturæ mediata, sit in Personis, nec ullo modo transfundatur in Deitatem secundum se consideratam. Exemplum hujus est in anima Rationali: Sicut enim hæc ut est in capite, distinguitur realiter inadæquatè ratione capitis, à se ipsa ut est in manu. Nec tamen ista distinctio membrorum, transfunditur in animam in se, & ratione sui spectatam: ita proportionaliter in præsentī dicendum est, cum hoc discrimine, quod animæ superaddantur à parte rei membra, realiter inter se distincta, naturæ autem Divinæ superaddantur ratione nostra objectivè distinguente, Personæ realiter inter se distinctæ.

Hinc evidenter patet, quod ex nostra sententia non sequatur dari tres Deos mediate: nam sola Deitas multiplicata, Deos multiplicaret, ut omnes fatentur: at vero ex nostra sententia non sequitur dari tres Deitates etiam mediate, nec triplicem Deitatem mediate, licet Deitas dicatur Trina mediate, & à Patre mediate distincta ratione Filii nempe  
*sic me.*



sic mediatè distingui Deitatem, non est eam distingui in se, esseq; aliam in Patre, & aliam in Filio, sed nonnisi est, tertium prædicatum, (quod esse debet Personale,) Deitati ratione nostra objectivè suppeditum, realiter distingui ab altero prædicato Personali, nempe à Patre, quod fides docet. At vero tres esse mediatè Deitates, significaret esse in se distinctas, (licet mediante aliquo,) Deitates, quod nunquam somniavimus, nec sequitur ex nostra doctrina. Itaq; aliud est, Deitatem distingui à Patre mediatè ratione Filii, & aliud est Deitatem esse aliam & aliam etiam mediatè in Patre & in Filio. Hoc enim 2dum significat pluralitatem in se Deitatis in Personis mediante aliquo quod est falsum: primum autem significat Deitati identificari realiter Personas realiter distinctas, ita ut ratione unius Personæ inclusæ, Deitas distinguatur ab altera Persona, quod est verum. Itaq; distinctio dicit alicuius proportionatam, si enim aliquid distinguitur ab aliquo solum inadæquate, & ratione inclusi, (uti se res habet in præsentī) tunc datur quidem alicuius inadæquata includentis ab incluso ratione alterius inclusi, non tamen datur includens, aliud & aliud etiam mediatè. Exemplum reperatur animæ rationalis, quæ licet ut est in capite, ratione capitis, mediatè distinguatur ab anima ut est in manu, non tamen sequitur esse duas mediatè animas; tota enim ista distinctio inadæquata & mediata est in membris, sicut etiam tota distinctio naturæ mediata à Personis, manet in Personis. Quod

autem diversa ratio sit de hac voce *Trina*, & de hac voce *Triplex seu Tres*, ita ut prima vox possit dici de Deitate, non autem secunda, docet D. Thomas 1. part. quæst. 31. art. 1. ad 3. & 5. & Ruiz Disp. 38. de Trinit. sect. 4. citans S. Bonavent. & Concilium Toletanum XI. Nempe vox *Trina*, quasi Triuna imposita est ad significandam unitatem in Essentia, & distinctionem in Personis, quod convenit naturæ Divinæ: At vero ly *Triplex*, quasi triplicarum, significat solam pluralitatem, & inæqualitatem proportionis, quod repugnat Deitati. Similiter etiam ly *Tres*, solam pluralitatem significat. Et ideo de Deitate potest dici *Trina*, non vero *Triplex*, nec ly *Tres* in ullo sensu.

Patet 2. manifestè, nullo modo nos favere Arrianis, imò magis distamus ab ipsis, quàm alii Catholici, quia non solum Unificissimam in se, & simplicissimam realiter ponimus naturam in Patre, Filio, & Spiritu S., realiter distinctis, sed etiam ponimus Unificissimam & simplicissimam Virtualiter intrinsecè, si natura sumatur sine respectu ad Personas, & Virtualement distinctionem naturæ ponimus nonnisi per ordinem ad Personas, quæ juxta nos coincidit cum distinctione in tertio. Cum autem dicimus, naturam à Patre distingui realiter mediate ratione tertii prædicati, nempe ratione Filii: hoc ipso expressè & apertissimè contradicimus Arrianis, quia illi in Deo nullum agnoscunt istud tertium prædicatum Personale, realiter distinctum ab altero Personali, sed dicunt; in Deo unum



nam esse naturam, & unam solam Personam Patris, Et in hoc est sita perfidia Arriana, à qua patet nos longissimè distare.

Pater 2. Quæstionem esse de subiecto non supponente, quærere, an naturæ in Patre & Filio identificentur. Perinde ac si quis quæreret, an animæ in capite, & in manu hominis, identificentur. Sicut enim non sunt plures animæ in membris humanis, ita multo magis non sunt plures naturæ in Personis Divinis, quamvis natura Divina ratione Filii in se inclusi, distinguatur à Patre, sicut Anima ratione manus cui <sup>non</sup> per identitatem unitur distinguitur à seipsa ut est in capite.

Pater 4. Quid dicendum ad illam quæstionem, An detur natura Divina absolvens à distinctione reali mediata? *Resp.* enim ex dictis; In statu reali, sicut natura non absolvit à Personis, ita nec à distinctione reali mediata, quæ sumitur à Personis, & imbibitur in iis: In statu autem præcisionis, si ut natura præscindit à Personis objectivè, ita & à distinctione reali mediata; dicit tamen existentiam illius, sicut & Personarum, pro statu reali; pro statu autem præcisionis solam dicit distinctionem rationis à Personis.

Notandum 2dò est, nos nunquam dixisse, nec sequi ex dictis nostris, quod Personæ Divinæ distinguantur realiter mediatè in natura. Imo potius dixi oppositum non semel, nempe eas realiter mediatè identificari in natura, Cum hæc sit realiter unicissima & simplicissima secundum se in tribus Personis. Unde ulterius non sequitur per nos, distincta re-

aliter identificari in illa ratione, in qua sunt distincta, nam dicimus, Personas immediate distingui realiter in ratione Personæ, nec in hac ratione identificari, simul tamen dicimus, identificari eas mediatè, in ratione naturæ, nec in hac ratione distingui.

*Notandum 3tio.* Hoc Principium, Quod competit Personis, hoc competit naturæ Divinæ mediatè; hoc inquam principium à nobis limitatum fuisse hac limitatione, si natura capax sit talis prædicati. Unde non sequitur esse tres Deitates mediatè, quia sunt tres Personæ, nec enim hujus prædicati capax est natura, sicut nec producti in se, idq; provenit ex ipsa conditione naturæ, ut potè Communicabilis pluribus.

*Notandum 4to.* ex dictis in illa Qu: 5. de Deo pag: 104. Improductum in Deo esse duplex, Aliud Aseitatis, quod significat non produci ab alio, secundum naturam distincto; & hoc est Commune Patri, Filio, & Spiritui S, nec desumitur ab improductivitate Patris, sed potius convenit naturæ, ratione naturæ, non secus ac Immenfitas, Æternitas, Omnipotentia &c. Idq; mirum esse non debet, quia cum tale prædicatum non dicatur ita de natura, ut oppositum contradictoriè prædicatum dicatur de aliqua Persona, ideo non est necesse, ut hoc prædicatum desumatur à tertio prædicato, quod sit Personale. Alterum improductum in Deo est, quod significat non procedere ab alio secundum solam Personam distincto; & hoc quidem dicimus in statu reali actualiter naturæ convenire ratione Personæ Pa-



hæ Patris sic improductæ, ratione Cujus distinguitur natura à Filio, de quo negatur tale improductum: Verum etiam hoc improductum non est commune, ut patet quia hoc improductum verè negatur de Filio, & Spiritu S, ut fides docet.

Aliæ objectiones responsione nova non indigent, ultra eas quas dedimus locis indicatis, ubi videantur. Difficilius aliqui è nostris ita sibi opponunt. In ipsa Personalitate v. g. Patris, sunt aliquæ formalitates, per nos, nullo modo distinctæ realiter mediatè, & intertio; & tamen recipiunt prædicata contradictoria: Ergo etiam de natura & Patre possunt dici Contradictoria prædicata, absq; distinctione reali mediata in tertio. Antecedens probatur, nam in Paternitate est ista una formalitas *Esse Personalitatem primam*, & est altera formalitas, *Esse incommunicabilem Filio*. Prima formalitas est affirmabilis de natura dicendo, *Natura est prima Personalitas*; Secunda autem formalitas non est affirmabilis de natura, falsum enim est quod *Natura sit incommunicabilis Filio*. Sed ad hoc argumentum R. s. Prædictas formalitates Patris non distingui quidem inter se realiter mediatè, & intertio; quando tamen una verè affirmatur de natura, & altera negatur de natura ut est à parte rei; hoc ipso importatur distinctio realis intertio naturæ, adeoq; ista prædicata Contradictoria saltem dicuntur per ordinem ad terminum distinctum realiter in tertio, quod sufficit, Cum hæc distinctio termini perinde sufficiat ad verificanda Contradictoria, ac distinctio



realis immediata, ob quam dicitur, *Petrus esse magnus respectu unius, & non magnus respectu alterius*, & angelus esse filius Dei à gratia sibi inhaerente, quæ denominatio non conveniret lapidi, habenti gratiam sibi inhaerentem. Nempe quando dico, *Natura est prima Personalitas*, sumitur natura ut includens solam Paternitatem: At vero cum dicitur natura non est incommunicabilis, sumitur natura ut includens tres Personas, quibus Communicatur: Porro natura ut includens tres Personas quibus communicatur, à natura ut includente solam Personam Patris, distinguitur realiter mediata in duabus reliquis Personis, tanquam in tertio prædicato. Ergo ista contradictoria dicuntur respectu alicujus distincti in tertio, seu inadæquatè, licet etiam dicitur, *Homo sumptus secundum corpus non est sensibilis, Homo adæquatè sumptus est rationalis*, licet rationale & sensibile nullo modo ex parte objecti distinguantur.

## QVÆSTIO II.

Vtrum detur in DEO Scientia media de actibus creatis liberis, conditionatè futuris?

VIdetur non dari. *Primò*. Quia hæc Scientia potissimum asseritur propter salvandam libertatem creatam: Sed ad hoc non est necessaria. Ergo frustra asseritur. Probatur minor multipliciter. Nam imprimis, quamvis negetur Scientia Media, & admittatur physica præde-

prædeterminatio ad actus nostros liberos, adhuc in nobis cum hac prædeterminatione, potest stare iudicium indifferenter proponens voluntati bonitatem & malitiam objecti, ut pote fundatam in merito objecti misti ex bonitate & malitia: quod iudicium indifferens, cum juxta S. Thomam 1. 2. quæst. 17. art. 1. ad 2. sit radix & causa libertatis, conservabit libertatem nostram, tanquam causa suum effectum, etiam negatâ Scientiâ mediâ. Deinde negatâ Scientiâ mediâ, & admissâ physica prædeterminatione ad consensum nostrum, adhuc dici potest, quod solum non possumus prædeterminationi dissentire in sensu composito, possumus in sensu diviso, ita sicut justus non potest peccare, & prædestinatus non potest damnari in sensu composito, potest in sensu diviso. Unde sicut cum gratia sanctificante stat simpliciter libertas ad peccandum, & cum prædestinatione stat simpliciter libertas ad damnandum, ita & cum physica prædeterminatione ad consensum, stat simpliciter libertas ad dissensum. Præterea negatâ Scientiâ mediâ, & admissâ physica prædeterminatione, dici potest cum Alvarez, quod prædeterminatio non constituat: sed præsupponat potentiam nostram liberam completam, teneatq; se non ex parte actus primi, sed ex parte actus secundi, & sit instar actionis: sicut ergo actio, non destruit suam potentiam, ita nec prædeterminatio destruit libertatem. Tandem negatâ Scientiâ mediâ, negari etiam potest physica prædeterminatio ad actus nostros liberos, solumq; ad salvandam intelli-



bilitatem Scientiæ Dei & Gratiæ, admitti potest cum Scotistis, decretum efficax absolutum & determinatum, non dependens quidem à Scientiâ media, sed tamen concomitans nostram libertatem; ita ut per quandam sympathiam inter voluntatem Divinam & creatam, utriusq; voluntatis libertas, concomitanter exeat in actum liberum, voluntate creatâ simul eliciente cum Deo actum liberum, & se liberè attemperante Deo. ratione cujus Sympathiæ, & liberæ attemperationis, necesse est, ut Divina voluntas & creata, idem velint concorditer, & sine discrepantia. Porro hoc Decretum Dei non lædit nostram libertatem, est enim extrinsecum, & ad summum pertinet ad Genus causæ efficientis remotæ, adhibetq; causas proximas, nempe illustrationes & inspirationes indifferentes ad utrumlibet. jam verò juxta doctrinam S. Thomæ, effectus quoad contingentiam sequitur conditionem Causæ proximæ, non remotæ, & extrinsecæ, sicut existentia plantæ, est contingens, ob contingentiam seminis, licet sol causæ, jussu remotæ, sit necessaria & extrinseca. Potest ergo salvari libertas nostra, quamvis negetur Scientiâ media.

*Secundò.* Scientiâ media derogat primatui Causæ primæ. Ergo non debet admitti. Probatur antecedens. Tum quia juxta Assertores Scientiæ mediæ, Dei actio non est prior quàm actio causæ secundæ liberæ, hoc autem est contra primatum causæ primæ. Tum quia ad causam primam spectat, ut ipsi subordinentur omnes causæ secundæ, tanquam instru-

[menta



menta causæ principali, jam verò instrumentum ut compleatur ad agendum, debet accipere prævium aliquid à causa principali, nec agit, nisi prius motum & applicatum ab eadem. Sic autem causas secundas liberas, præmoveri à causa prima negant Assertores Scientiæ mediæ, adeoq; lædunt primatum causæ primæ. Tum deniq; quia juxta eosdem, Voluntas nostra concurrit ad suum actum liberum, ut determinans, Deus autem concurrit, ut determinatus; Sed causa determinans est prior positivè, aut saltem negativè, quam causa quæ concurrit ut determinata, Ergo Deus ad actum nostrum liberum non concurret ut Causa prima, sed potius nostra voluntas, erit causa prima sui actus positivè, quatenus ejus actio præcedet Divinam, aut saltem negativè, quatenus nostra voluntas non supponet priorem causam determinantem.

*Tertio.* Scientia media lædit perfectissimum Dei dominium in creaturas. Hoc est enim tale, ut vi ipsius (sicut dixit Augustinus Lib: de Corrupt & Gratia Cap: 14.) *Deus habeat humanorum cordium, quò placet inclinandorum, omnipotentissimam potestatem. Cui volenti nullum hominum resistit arbitrium. Sic enim velle vel nolle in volentis vel nolentis est potestate, ut divinam voluntatem non impediat, nec superet potestatem.* Imò ut idem ibidem concludit. *DEUS magis habet in potestate voluntates hominum, quam ipsi suas.* Unde etiam Scriptura dicit: *Cor Regis in manu DEI, quocunq; voluerit flectet illud.* Et alibi: *Potens est Deus de lapidibus istis, producere filios Abrahæ.* Et in Epistola ad Romanos. *DEUS*  
compa-

*comparatur figulo potenti producere vas aliud in honorem, aliud in contumeliam.* Porro assertores Scientiæ mediæ omnia auxilia Dei, quibus convertit corda nostra, & quibus nos facit filios Abrahæ, & vasa in honorem, volunt esse ex se indifferentia intrinsecè ad utrumlibet; ac proinde siquidem illis omnibus homo resistere potest si velit, eaq; frustrare, sequitur fieri posse, ut Deus frustratus omnibus auxiliis, non habeat in manu sua, & potestate nostram liberam conversionem, quod est lædere Dominium Dei.

*Quartò.* Scientiæ mediæ Assertores multum tribuunt libertati creatæ, parum Gratiæ efficaci. Nam imprimis, siquidem Gratiam efficacem in ratione talis complent per consensum nostrum liberum, non possunt dicere, quòd Gratia efficax, quæ talis, sit causa nostri consensûs, sitq; prior naturâ, quàm noster consensus; cum nihil causet, & præcedat suam formam, per quam constituitur in ratione talis, hoc autem derogat primatui Gratiæ. Deinde in hac Sententia series Prædestinationis meæ, tandem ultimò resolvetur in meam liberam determinationem. Si enim quærat, cur Petrus convertatur? respondetur, quia Deus dedit illi vocationem congruam per Decretum prædefinitivum. Si ulterius quærat, Cur hæc vocatio est congrua? respondetur, quia DEUS per Scientiam mediam, vidit, quod, si daretur, conjungeretur cum consensu. Si ulterius quærat, cur ita DEUS viderit per Scientiam mediam? respondetur quia Petrus esset consensurus, Et



rus. Et sic ultimò sistitur in libera determinatione Petri conditionata. Sed hoc est multum tribuere nostræ libertati, parum Gratiæ DEI efficaci. Ergo vel ex hoc capite, neganda est Scientia media.

*Quintò.* Scientia media inducit mutuam prioritatem inter Decretum DEI directum per Scientiam mediam, & inter actum liberum nostrum: ita ut tale Decretum sit physicè prius actu nostro in genere causæ efficientis remotæ, & vicissim actus noster sit prior intentionaliter & in genere objecti determinantis Scientiam mediam, à qua pendet Decretum prædictum. Talis autem mutua prioritas repugnat, quia ex ea sequitur circulus vitiosus inter determinativa, absq; eo quod deveniatur ad primum determinativum. Si enim quæram, cur DEUS velit dare mihi hanc gratiam? respondebitur, quia vidit congruam. Si quæram ulterius cur hoc potius videt, quàm oppositum? respondebitur, quia ego liberè bene operor cum hac gratia. Si ulterius quæram, cur bene operor? respondebitur, quia habeo istam gratiam, quæ est causa bonæ operationis. Si demum quæram, cur habeo hanc gratiam? respondebitur, quia Deus habet Decretum dandi hanc Gratiam, & sic ultimò assignatur pro causâ id, cujus causâ quærebatur ab initio, nempe Voluntas DEI de danda Gratia, qui est circulus vitiosus.

*Confirmatur.* Quia implicat, duo Agentia libera ut libera, sese mutuò præcedere, pro determinanda eadem actione, quæ mutua præcedentia, sequitur ex Scientia media. Pro-  
batur



batur hæc ipsa implicantia. Tum quia si ego possem pro libito determinare liberum Arbitrium Divinum, jam DEI arbitrium, esset meum, quia æquè esset in mea potestate, ac meum: quod repugnat. Tum quia, si ego & Deus, mutuo nos libere determinaremus ad eandem actionem, eo ipso ego, sicut essem talis actionis Dominus, ita essem dominus tam arbitrii mei, quàm Divini, quandoquidem usus utriusq; arbitrii requireretur ad existentiam actionis, cujus ego sum Dominus, & sic Dominium Dei, erit sub dominio meo. Tum deniq; , quia aliàs posset esse bellum utrinq; , justum per se loquendo: quia ego possem dicere Deo: non determinassem actionem, nisi tu determinasses. & Deus hoc ipsum eodem jure posset mihi dicere, & hæc questio esset interminabilis etiã à Deo, quod est absurdum.

*Sextò.* Scientia media obest Divinæ Beneficentiæ, quæ est in dispensandis auxiliis. Nã eã admissã, sequitur Gratiã purè sufficientem non esse Beneficium Dei, siquidem daretur cum prævisione futuri nocimenti: jam verò donum, quod datur cum prævisione nocimenti, quamvis meã culpã futuri, non est beneficium æstimabile, quã de causã medicus, dans mihi pharmacum de se sanativum, sciens per revelationem fore mihi meã culpã noxium, non esset in me beneficus. Item admissã Scientia mediã, sequitur Gratiã effacem non esse speciale Dei beneficium, quandoquidem hanc denominationem, nec habet ab ipsa Entitate auxilii, utpote ad utramli-

bet in.

bet indifferentis : nec à Scientiâ media, cum hæc non sit Deo libera, sed nobis, Beneficium autem speciale debet esse liberum benefactori. nec deniq; à consensu nostro, quia cum hic sit in nostra potestate, jam Gracia efficax mihi potius, tanquam Benefactori deberet imputari. Ergo etiam ex hoc capite Scientia media non est admittenda.

*Septimò.* Scientia media non salvat nostrâ libertatem. Ergo est inutilis. Probatur antecedens. Quia ex una parte quod Deus nolit mihi dare gratiam, quam per Scientiam mediam providit fore efficacem, est suppositio antecedens, & non pendens à mea libertate, ut censet Suarez aliq; Assertores Scientiæ mediæ : ex alia verò parte cum negatione hujus specialis Divinæ Benevolentiae, implicat ut ego operer. Atqui suppositio antecedens quâ positâ implicat me operari, tollit meam libertatem ad operandum, non minùs quàm physica prædeterminatio. Ergo & Scientia media, quâ dirigitur denegatio specialis Divinæ Benevolentiae tollit libertatem non minùs, quàm prædeterminatio physica.

*Octavò.* Scientia media non est conformis Sacrae Scripturae & SS. Patribus, præsertim S. Augustino & D. Thomæ. Ergo non est admittenda. Probatur antecedens. Quia Scientia media ponit auxilia Dei nonnisi indifferentia utrumlibet ; at verò Scriptura agnoscit talia auxilia, per quæ nos Deus *compellit intrare*. ut habetur Luc: 14. seu tali, per quæ Deus *compellit nostras rebelles voluntates*, ut orat Ecclesia, & quibus *aguntur filii Dei*, ut dicitur Rom: 8.

ac de,

ac demum quibus cor nostrum à Deo *pulsatur* & *trahitur*; quæ locutiones Scripturæ videntur significare physicam prædeterminationem. Idem docet Augustinus præsertim lib: de Correp & Grat: Nam cap. 12. ait: *Subventum est infirmitati Voluntatis humanæ, ut à Divina Gratia indeclinabiliter & insuperabiliter ageretur*, qualis gratia utiq; non est indifferens ad utramlibet. Et superius cap. 11. ostendens disparitatem gratiæ, quam habuit Adam in natura integra, à gratiâ, quam habemus in natura lapsa, dicit: *Adam latiore gratia, nos potentiore indigemus.* & subjungit: *Tale quippe erat adiutorium (Adæ) quòd defereret cum vellet, & in quo permaneret, si vellet, non quo fieret ut vellet, Hæc est prima gratia, quæ data est primò homini, sed potentior est, in secundo. Prima enim est, quâ fit, ut homo habeat iustitiam, si velit: Secunda plus potest, quâ etiam fit, ut velit, & tantum velit, tantog; ardore diligat, ut carnis voluntatem, contraria concupiscentem, voluntate Spiritus vincat &c. Hæc autem tantò major est, ut parum sit sine illa, vel apprehendere bonum, vel permanere in bono, si velit, nisi etiam efficiatur, ut velit.* Ubi cum Augustinus asserat maiorem esse & potentiorē gratiā in natura lapsa, & plus posse, quā in natura integra, in qua tamen fuit, gratia valde intensa, videtur in natura lapsa, admittere gratiam physicè prædeterminantem. præsertim, quia propè finem ejusdem Capituli 11. ita dicit: *Quid erit liberius, libero arbitrio, quando non poterit frõire peccato, quæ futura erat homini sicut facta est Sanctis Angelis merces meriti: nunc autem per peccatum perduto bono, meritò in his qui liberantur*



liberantur, factum est donum Gratiæ, quæ merces, meriti erat. Ubi S. Doctor videtur in natura lapsa ponere gratiam similem illi, quæ est in statu Beatitudinis, vi cuius homo, non potest peccare ex suppositione antecedente, retinendo liberum Arbitrium, quæ gratia est physice prædeterminans, composibilis cum libertate prædeterminati. Unde ulterius Cap. 12. postquam dixit: *perseverare & non perseverare, relictum fuisse in libero arbitrio primi hominis, eiq; perseverandi, commissum fuisse arbitrium*: Subjungit S. Doctor: *Nunc vero postquam est illa magna peccati merito amissa libertas, etiam majoribus donis adjuvanda remansit infirmitas. Ergo apparet quod S. Augustinus supponat nobis in natura lapsa non committi perseverandi arbitrium, cum illa gratia, quæ fit ut velimus perseverare. ac proinde donum efficax perseverantiæ, esse ante omnem nostrum liberum consensum, esseq; physice prædeterminans. Et ideo subdit: Nam si in tanta infirmitate vite hujus, ipsis (Sanctis hominibus) relinqueretur voluntas sua, ut in adjutorio DEI, sine quo perseverare non possent, manerent si vellent, nec DEUS in eis operaretur ut vellent, inter tot ac tantas tentationes, infirmitate sua, voluntas ipsa succumberet, & ideo perseverare non possent, quia deficientes infirmitate, nec vellent, aut non ita vellent infirmitate voluntatis, ut possent. Subventum ergo est infirmitati voluntatis humanae, ut Divinæ Gratiæ indeclinabiliter ac insuperabiliter ageretur, & ideo quamvis infirma non deficeret, neq; adversitate aliqua vinceretur. Et mox: Fortissimo quippe (primo homini) dimisit atq; permisit facere, quod vel-*

D

let; in-

let; infirmis servabit, ut ipso donante, invictissime, quod bonum est, vellent, nec hoc deferere invictissime nollent. Quæ omnia videntur favere physicae prædeterminationi. Consonat D. Thomas qui 1. p. qu. 105, art. 7. & 5. & 1. 2. qu. 6. art. 1. alibiq; docet, Causas secundas, à causa prima moveri, & applicari ad operandum, & in virtute causæ primæ operari, sicut à causis principalibus moventur & applicantur instrumenta, quæ utiq; moventur & applicantur à causa principali, per qualitatem præviam, ante actionem instrumenti, ut patet in malleo moto à malleatore per impulsum. Et 1. p. qu. 19. art. 3. ad 5. dicit: *Causa, quæ ex se est contingens, oportet, quòd determinetur ab aliquo exteriori ad effectum. Sed voluntas Divina, quæ ex se necessitatem habet, determinat se ipsa ad volitum.* Et in Comment. in Dionis. cap. 5. Lect. 3, loquens de rationibus existentibus in DEO, dicit: *Hujusmodi rationes Sacra Scriptura, vocat Præfinitiones, seu prædeterminationes, quæ quidem prædeterminationes sunt distinctivæ Entium, & effectivæ ipsorum.* Deniq; quæst. 3. de pote. 1. art. 7. ad 7. dicit: *Id quod à DEO fit in re naturali, ut actualiter agat, est ut intentio sola, habens esse quoddam incompletum, per modum, quo colores sunt in aëre, & virtus artis, in instrumento artificis.* ubi videtur S. Doctor ponere in causis naturalibus, aliquid à DEO superadditum transiens, quo ad agendum præmoveantur & prædeterminentur.

*Respondetur.* Nomine scientiæ mediæ intelligitur, noticia, quæ DEUS certò & evidenter cognoscit actus creatos liberos sub condi-

conditione qualibet possibili indifferente, saltem contingenter conducente, futuros, independenter ab omni suo decreto actu existente. Quæ Scientia ideo meritò vocatur Media, quia nec est Scientia simplicis intelligentiæ, nec Scientia Visionis, nec Scientia libera DEO, nec Scientia necessaria, licet aliquid participet de his omnibus Scientiis. Non est Scientia simplicis intelligentiæ, quia hæc est de objectis purè possibilibus: jam verò Scientia media est de objectis aliquo modo futuris. Non est Scientia visionis, quia hæc est de objectis; pro aliqua differentia temporis absolutè existentibus, vel non existentibus, talis autem non est Scientia media. Non est Scientia DEO libera, quia non pender à decreto Divino absolutè existente. Denique non est Scientia simpliciter necessaria, quia sine hac determinatè Scientia media, v. g. de Conversione Tyrionum, potuit esse DEUS, cum opposita Scientia. Est ergo hæc Scientia media inter prædictas Scientias Divinas. De hac Scientia fusè egimus Disp: 4. de DEO. quæst. 7. ubi ostendimus ejus existentiam & objectum determinativam ipsius, solutis plurimis objectis quibus, quò Lectorem invitamus. Interim adhuc aliqua sunt superaddenda in commendationem ejusdem Scientiæ. Sit ergo.

Propositio I. *Scientia media habet fundamentum in Scriptura, & in SS. Patribus præsertim in S. Augustino & D. Thoma.* Omissis aliis Scripturæ testimoniis, quæ 17. producit P. Sebast. Izquierdo hic Disp. 18. sect: 1. & ante illum



plura, cum eruditissimo Patrum apparatu P. Didacus Kuitz de Montoya hic Disp: 62. 63. 64. & sequentibus, hoc interim sufficiat pro Assertionem argumentum, quod Scriptura, S. Augustinus, & D. Thomas, efficacem gratiam explicant respectivè ad Scientiam mediam, aut (quod est connexum cum Scientia media) respectivè ad consensum nostrum liberum, nempe absolutum, quando agitur de Gratia in actu secundo efficaci, conditionatè autem prævisum per Scientiam mediam, quando agitur de gratia efficaci in actu primo. Quod ipsum probatur ex illis verbis Rom: 8. *Quos præscivit & prædestinavit conformes fieri imaginis filii sui.* Ubi Apostolus agens de iis qui vocati sunt efficaciter ad imitationem Christi, dicit ante hanc vocationem efficacem præcessisse decretum prædefinitivum istius imitationis, & ante decretum præcessisse præscientiam. Ita enim exponit Theophylactus, cum supra hunc locum ita facit: *Præcognoscit DEUS eos, qui vocatione digni sunt, deinde sic prædestinat.* Prior itaq; est præscientia, postea sequitur Prædestinatio. Et Anselmus eundem locum ita exponit: *Quos ab æterno præscivit conformes filii sui, etiam prædestinavit, id est, per appositam gratiam preparavit illos, ut verbo prædicationis crederent. Prædestinatio, est preparatio Gratia, quæ sine præscientia non potest esse, potest autem sine prædestinatione, præscientia.* Porro hæc præscientia non est Scientia simplicis intelligentiæ, quia Scientia simplicis intelligentiæ est de purè possibilibus. non est etiam Scientia visionis, quia hæc non antecedit Decretum,

cretum, cum sit libera DEO. Ergo per Apostolum est Scientia media. Hoc ipsum docet Augustinus Lib. 1. ad simplic: quæst. 2. ubi de DEO ita dicit: *Cujus vult, miseretur, sic eum vocat, quomodo scit ei congruere, ut vocantem non respuat.* Ubi ut vides S. Doctor ponit quidem in vocatione secundum se aliquam congruitatem intrinsecam, non tamen infallibilem, quia ulterius pro ista infallibilitate recurrit ad Scientiam DEI. Hæc autem Scientia, cum dirigat Decretum, quo DEUS miseretur, non est Scientia visionis, hæc enim non dirigit Decretum, sed illud consequitur, aut comitatur; Non etiam est Scientia simplicis intelligentiæ, quia hæc est de objectis purè possibilibus, congruitas autem vocationis infert hoc aliquomodo futurum, quod est vocantem non respuere. Ergo talis Scientia per Augustinum est media. Idem S. Augustinus sæpe gratiam efficacem explicat per ipsum consensum nostrum liberum. Et ita Tract. 26. in Ioan. dicit: *Nos per Gratiā efficacem trahi à DEO, non solum voluntate nostra, sed etiam voluptate, seu delectatione illa præcæta in psalmo dicente: Delectare in Domino,* quæ delectatio cum sit præcepta nobis, est nobis libera, adeoq; est ipse liber consensus noster constituens gratiam trahentem. Et lib: de Correp: & Grat: c. 12. ponens aliud *Adjutorium sine quo aliquid non fit, & aliud adjutorium, quo aliquid fit.* primum adjutorium comparat *alimentis, sine quibus non possumus vivere. Secundum autem comparat alimentis quibus vivimus.* Sicut ergo alimentum, quo vivitur, ab alimento, sine quo non vivitur,

D 3

differt

differt per usum alimenti: ita adiutorium DEI, quo fit, ab adiutorio, sine quo non fit, juxta Augustinum differt per usum nostri liberi arbitrii. Et ideo inferius cap: 14. ita differit de DEO excitante viros bellatores, ut eligerent David in Regem: *Adduxit istos, ut eum Regem constituerent. Et quò adduxit? nunc quid corporalibus ullis vinculis alligabit? Intus egit, corda movit, eosq. voluntatibus eorum, quas ipse in illis operatus est, traxit.* En Augustinus in Gratia DEI trahente includit consensum nostrum, quem DEUS in nobis operatur. Similiter in Conc: 24. in Psal: 118: docet. Gratiā efficacem esse donum DEI, quo indivisibiliter & Deus inclinat cor nostrum, & quo inclinamus cor nostrum. Ita enim ait: *Qui dixit, inclinavi cor meum, ipse jam dixerat, inclina cor meum: ut intelligamus, simul hoc esse & Divini muneris, & propriae voluntatis.* ubi, ut vides, Augustinus in gratia efficaci includit partialiter id, quo inclinamus cor nostrum. Id autem est, consensus noster liber, absolute quidem existens, si agitur de gratia efficaci in actu 2do, conditionatè autem praevisus, si agitur de gratia efficaci in actu primo.

Nobiscum etiam sentit D. Thomas. Nam prae-ter plura ejus dicta, quibus asserit Scientiam mediam, producta à Ruiz disp: 67. sect: 2: imprimis expressè rejicit gratiam physice praedeterminantem I. p. q. 22. art: 2. ad 4. his verbis: *Quod dicitur, Deum reliquisse hominem in manu consilii sui, non excluditur à Divina Providentia, sed ostenditur, quòd non praefigitur ei virtus operativa determinata ad unum, sicut rebus*  
*in natura-*



*naturalibus.* Et primo cont. Gent: cap. 68. *Dominium quod habet voluntas supra suos actus, excludit determinationem virtutis ad unum.* Deinde explicando gratiam efficacem, quàm Deus quibusdam non dedit, qui erant credituri miraculis, si apud eos facta fuissent, recurrit ad Scientiam mediam, dicitq; 3. p. qu. 1. art. 5. ad 2. *Deus his, quos prævicit, si apud eos facta essent, suis miraculis credituros, quibus voluit subvenit, aliis autem non subvenit.* ubi, ut vides, loquitur de prævisione antecedente decretum subventionis. imò etiam loquitur, de prævisione, cujus objectum nunquam erat futurum absolutè, nempe fides eorum, qui non erant credituri, quæ prævizio est Scientia media. Ergo hanc Scientiam & Scriptura & S. Augustinus & D. Thomas agnoscunt.

Propositio II. *Scientia media est necessaria ad salvandam libertatem creatam, ita, ut illà salvetur optimè hac libertas, & sine illà salvari non possit.* Prima pars asserti probatur, quia Scientia media ex parte actus primi proximi nostræ libertatis ponit omnia prærequisita, secundum se indifferentia ad utramq; partem electionis nostræ, quales sunt illustrationes intellectus, & inspirationes voluntatis, quibus homo dissentire possit si velit, easq; abjicere ut definit Trident. Sess. 5. cap. 1. & Can. 4. Cum ergo in hoc definitivè consistat libertas, quod est positus omnibus prærequisitis posse agere & non agere, vel oppositum agere, patet, quod Scientia media optimè salvet libertatem creatam. Et quamvis ex parte actus primi remoti libertatis creatæ admittamus præ-

definitionem Divinam actus boni creati, & Scientiam mediam de felici eventu auxilii, quibus positis non potest non sequi actus bonus creatus: quia tamen hæc suppositio est consequens libertatem nostram, consultam per Scientiam mediam, estq; liberè impedibilis à nobis, quatenus pro statu absoluto, habendo hoc determinatè auxilium, possumus liberè omittere actum bonum, & sic impedire objectum Scientiæ mediæ, adeoq; possumus indirectè impedire Scientiam mediam, ne fuerit de felici eventu hujus auxilii, & consequenter possumus impedire, ne Deus per hoc determinatè auxilium prædestinaverit actum nostrum bonum: hinc est, quod hæc omnia non lædant libertatem nostram. Quia suppositio consequens nostram libertatem, & liberè impedibilis à nobis, quamvis sit essentialiter connexa cum una determinatè parte electionis, non lædit libertatem: ita sicut visio, quâ Petrus me videt sedentem, non lædit libertatem meam ad ambulandum: quandoquidem talis suppositio, provenit ab exercitio meæ libertatis, adeoq; eam non lædit.

Jam secunda pars Asserti probatur. Quia negatâ Scientiâ mediâ, jam pro concursu Dei ad actum nostrum liberum salvando, necesse est ponere aut prædeterminationem physicam, quam ponunt Thomistæ (sive hæc sit qualitas vitalis, sive mortua, sive tenens se ex parte actus primi, sive per modum actionis præviæ,) aut Decretum Dei absolutum determinatum efficax seu antecedens, seu concomitans, independenter à Scientia media  
forma-

formatum, quod ponunt Scotistæ. utrumq; autem lædit nostram indifferentem libertatem. Quod ipsum de dicta prædeterminatione probatur. Quia potentia libera definitivè est, quæ positis omnibus ad agendum requisitis, potest quantum est ex suppositione antecedenti agere & non agere, & oppositum agere, ita ut saltem possit à se, sua vi, separare id, quod prævium, & ab aliquo injectum est, ante ejus electionem, quodq; potentiam, metaphysicè impedit, ab una parte electionis. Alias enim potentia libera non differret à potentia necessaria, nec erit potentia simultanea proxima ad opposita, sed tantum remota & conditionata, sub conditione, si ab aliquo alio liberabitur ab impedimento prævio suæ actionis, vel omissionis; eo modo, quo vinculus compedibus est conditionatè, sub simili conditione, liber ad ambulandum. Atqui posita physica prædeterminatione ad amorem, quæ dicitur esse requisitum ad amorem ex suppositione antecedente, jam voluntas nostra metaphysicè non potest omittere amorem, nec odisse, quia posita physica prædeterminatione ad amorem, est chymera tam omissio amoris, quam odium: nec etiam istam physicam prædeterminationem potest à se voluntas vi sua separare, cum existentia illius, non sit in potestate voluntatis creatæ, sed tantum in Potestate Causæ primæ. Ergo posita physica prædeterminatione, eo ipso non manet potentia proximè libera ad utrumlibet. Nec valet dicere existentiam prædeterminationis ut acquire n-

D 5

dam,



dam, vel impediendam, pendere à libertate nostra, medio actu prævio positivo, ut sentit Cabrera, vel media omissione actûs, ut sentit Avila & Zumel. Hoc enim, stando in doctrina Prædeterminantium dici nequit: quia iste actus prævius, (idem dic de omissione) impediens vel acquirens prædeterminationem ad amorem, debet esse mihi liber, ut in mea potestate sit acquirere vel impedire prædeterminationem ad amorem. Ergo ad hunc actum prævium requiritur alia prædeterminatio, quæ rursus pendebit à tertio actu prævio libero, & hujus actus tertii prædeterminatio pendebit ab actu libero quarto, & sic sine fine quod est absurdum. Non valet item dicere cum Alvarez, quod ego per ipsum actum liberum amoris, impediam liberè prædeterminationem ad actum oppositum odii. Contra enim est, quia ante omnem meam liberam determinationem, (ne detur processus in infinitum) est mihi injecta à Deo prædeterminatio ad amorem; quæ cum sit incompossibilis ratione sui cum prædeterminatione ad odium, non minus quam ipse amor & odium sunt impossibiles inter se ratione sui; sequitur, quod prædeterminatio ad amorem ratione sui, & pro priori ante actum liberum amoris, excludat prædeterminationem ad odium, ac proinde falsum est, quod ego per amorem liberum, impediam prædeterminationem ad odium. Deniq, non valet cum Joanne à S. Thoma, recurrere ad mutuam prioritatem, dicendo actum amoris, esse dispositionem ad prædeterminationem sui,

sunt, eâq; proinde esse priorem in genere causæ materialis, ad quam reducuntur dispositiones: & è converso, prædeterminationem ad amorem, esse in genere causæ efficientis priorem amore, & sic pendere adhuc ab actu meo libero amoris in genere causæ dispositivæ. Contra enim est. Tum quia Voluntas per suum amorem non intelligitur disposita ad prædeterminationem amandi præcisè ut habens amorem, sed potius ut efficiens amorem. Ergo si voluntas, ut disposita per amorem præcedit prædeterminationem amandi, præcedit eam in genere causæ efficientis, id est, in eodem genere, in quo ipsa præceditur, quod repugnat etiam per adversarios. Tum quia hinc sequitur; quod in aliquo genere principiandi, nostra voluntas præcedens Deum prædeterminantem, lædat rationem primæ Causæ, rationem Primi liberi, Dominium Dei, & sic ruent omnia argumenta Prædeterminantium. Concluditur ergo prædeterminationem physicam, non esse possibilem cum nostra libertate.

Idem dicendum est de Decreto absoluto efficaci determinato, independenter à Scientia media concepto. Ratio est, Quia hoc Decretum ex una parte est inimpedibile à nobis, ut pote non dependens à præconsulta nostra libertate per Scientiam mediam, adeoq; nec mediatè, nec indirectè est liberum nobis, ex altera verò parte, ob suam infrustrabilitatem etiam est essentialiter inseparabile à consensu nostro. Ergo lædit libertatem nostri consensu, quia cui ex duobus essentialiter insepara-

separabilibus non est liberum unum, nec alterum est liberum: puta cui non est libera existentia ignis, nec est existentia caloris libera, cui non est liberum rationale, nec est liberum risibile. Nec valet dicere hoc Decretum non esse antecedens nostrum consensum, sed concomitans propter attemperationem nostræ voluntatis cum Divina Contra enim est. Tum quia hoc Decretum juxta suos Assertores, applicat Omnipotentiam ad concurrendum cum nostra voluntate, adeoque spectat ad causam nostri consensus, ac proinde est prius nostro consensu prioritate Causalitatis. Tum quia, implicat Voluntatem liberam Dei conformari & attemperari voluntati nostræ liberæ, nisi vel casu, vel mediante præscientia conditionata, de libera nostra electione, quam præscientiam cum negent Scotistæ, immeritò ponunt Decretum concomitans nostrum consensum liberum. Non valet etiam dicere, hoc Decretum esse extrinsecum, & pertinere ad Genus causæ remotæ. Nam imprimis hoc Decretum, cum ponatur esse immediatè executivum & applicativum Omnipotentia Divinæ, eo ipso includitur intrinsecè in potentia proxima nostri actus productiva, in qua utiq; intrinsecè includitur applicatio Causæ ejusq; comprincipium ad effectum. Deinde etiam id, quod est causa remota actus mei liberi, si sit essentialiter connexum cum meo actu libero, (quale est Decretum, de quo agimus) debet mihi esse evitabile, alioquin illò posito, jam ex suppositione antecedenti, quamvis remotâ, nullus



nullo modo conſequentem meam libertatem, non potero facere oppoſitum, & ſic independentem à mea libertate non habebō potentiam antecedentem ad oppoſita, adeoq; nec libertatem. Ergo huiusmodi etiam Decretum lædit libertatem noſtram.

Propoſitio III. *Scientia media non derogat primatui Cauſæ primæ, nec rationi Primi liberi, nec ſubordinationi Cauſarum ſecundarum ad cauſam primam.* Ratio eſt Quia; primatus cauſæ primæ, & ratio primi liberi in his conſiſtunt. Primò. quia in ſententia noſtra, Deus ante actionem Cauſæ ſecundæ etiam liberæ, influit liberè in cauſam ſecundam, conſervando e- xistentiam ejus. 2dò. Quia ante actionem cauſæ ſecundæ etiam liberæ, dat liberè ei, & conſervat in ipſa Virtutem agendi, addendo ex parte actus primi aliquod requiſitum ad agere, puta addendo cauſæ liberæ illuſtrationes, & inſpirationes, quamvis ſecundùm ſe indifferentes, item remotionem impedi- mentorum, ipſumq; decretum de ſimultaneo concurſu. Et ſic Deus liberè applicat & mo- vet cauſas ſecundas ad agere juxta naturam ipſorum, nempe cauſas neceſſarias præmo- vet per virtutem determinatam ad unum, li- beras per virtutem indifferentem ad utrum- libet. 3tiò. Quia Deus cauſam ſecundam li- beram præmovet intentionaliter in ratione finis, & ſic applicat ad operandum liberè per amorem prævium & neceſſarium finis ultimi, ſeu felicitatis in communi, qui amor eſt ne- ceſſarius, provenitq; ab Authore naturæ, & præcedit omnem actum liberum, ut ita omne  
mobile

mobile reducat<sup>ur</sup> ad aliquid immobile, & omne contingens fundetur in necessario. 4<sup>to</sup>. Quia concursus Dei in actu secundo, quamvis non præcedat natura vel origine actionem Causæ secundæ, sed sit simultaneus, imò realiter indistinctus ab actione causæ secundæ, adhuc tamen habet primitatem propriam causæ primæ, ita ut ratione ipsius possit dici in aliquo sensu, quod Causa prima ex modo nostro concipiendi prius agat, quàm secunda, tum prioritate majoris universalitatis, quatenus Causæ primæ, propter ejus universalitatem in agendo tribuitur ratio prima & universalissima Entis, transcendens omnes formalitates effectus: tum prioritate eminentiæ, quatenus Deus in se solo, continet eminenter totam perfectionem effectus; tum prioritate independentiæ non mutua, quatenus Deus absolute loquendo sine causa secunda potest talem effectum producere, non autem Causa secunda sine prima: tum deniq; prioritate Ordinationis in finem, quatenus Deus prius, quia ab æterno, ordinat actionem causæ secundæ in suos fines. En tot titulos, quibus Deo convenit, ratio Causæ primæ, & ratio Primi liberi, absq; physica prædeterminatione. Ob easdem rationes, Causæ secundæ subordinantur Causæ primæ, tanquam instrumenta Causæ principali, quia scilicet accipiunt à Causa prima esse, ac applicationem ad agendum per prævia requisita proportionata naturæ ipsorum, & præterea quia præmoventur à causa prima, motione seu appetitu necessario ultimi finis, ac deniq; quia e-

gent

gent concursu Dei simultaneo, tanquam Causæ principalis, id est, non motæ ab alia causa, & continentis effectum per aliquam excellentem formam. Quoniam causæ secundæ, non omnes sunt pura instrumenta Causæ primæ, sed etiam sunt causæ principales, quatenus causa principalis est illa, quæ formaliter vel eminenter continet in se effectum. Et per hoc, causæ naturales opponuntur instrumentis artis, operantibus per impulsum.

Propositio IV. *Scientia media salvat perfectissimum Dei dominium, in voluntates creatas, quo Deus ita per auxilia Gratiæ suæ dominatur arbitrio creato, ut possit, quem voluerit, quando voluerit, ad bonum convertere, idq. tam de facto, quàm de possibili.* Ratio est, quia licet admittamus omnia auxilia intrinsecè ad utrumlibet indifferencia, adeoque omnia seorsim sumpta intrinsecè frustrabilia: tamen per nos est impossibile saltem moraliter simpliciter, si non etiam metaphysice, ut Deus per Scientiam mediam non videat in tota collectione auxiliorum aliqua fore efficacia, aliqua inefficacia, pro quocunq; puro homine, pro quocunq; actu, pro quocunq; momento & loco. Id enim probant testimonia Scripturæ & Augustini relata intertita ratione dubitandi, quæ aliter intelligi non possunt salva libertate creata; debent autem accipi non solum de facto, sed etiam de omni eventu Metaphysico, quandoquidem hæc potestas Dei, convertendi corda hominum pro libito, vocatur ab Augustino omnipotentissima, & ab Apostolo probatur ex comparatione figmenti cum figulo, jam



Io, jam verò creatura pro omni eventu est fragmentum Dei. Itaq; Deus seligendo ex tota collectione auxilium quod placet, poterit quemlibet purum hominem & quando voluerit infallibiliter vel ad bonum convertere, vel permittere ut peccet, idq; tam defacto, quàm de possibili. Et hoc pacto nos ponimus actus nostros liberos in manu & potestate Dei infallibili, simulq; in potestate nostra: & præterea, tribuimus perfectiorem Deo potestatem, & Dominium in nos, quàm Authores oppositi, quia ex una parte, in nostra Sententia non minus certò Deus habet in sua potestate actus nostros liberos, quàm in sententia opposita: eò, quod habeat semper in manu sua auxilia partim infallibiliter efficacia, partim infallibiliter inefficacia: ex alia vero parte, nos plus potentia tribuimus voluntati creatæ, nempe potentiam frustrandi omnia auxilia. Unde cum sit perfectior modus dominandi domino potentiori, quàm minus potenti, eo ipso nostra sententia extollit Dominium Dei in Creaturas.

Nec urget, si dicas: Voluntas nostra potest singulis auxiliis seorsim resistere nullo excepto. Ergo potest frustrare omnia collectivè nullo excepto, quia singula, nullo excepto, sunt omnia. Contra enim est, quia hoc argumentum fallit in multis: nam possumus singula seorsim Peccata venialia per longam vitam vitare, sine speciali privilegio, non tamen omnia collectivè, ut docet Tridentinum. item omittere possumus amorem, odium, & omissionem amoris, singula hæc seorsim,

orſim, non tamen omnia collectivè. Negatur igitur Conſequentia: ſingula enim ſeorſim, ab omnibus ſimul & collectivè ſumptis diſtinguuntur realiter inadæquatè. Unde ſingulis ſeorſim, & omnibus collectivè, poſſunt oppoſita prædicata convenire. Nempe eædem res, & eodem modo à parte rei exiſtentes poſſunt diverſo modo ſumi & ſignificari ab intellectu, vel ſeorſim, vel conjunctim. & pro diverſitate ſumptionis, propoſitiones evadunt veræ, vel falſæ.

Neq; dicas, iſtam collectionem auxiliorum non eſſe applicabilem voluntati creaturæ; ſed ſolum ſingula auxilia ſeorſim applicari. Ergo impotentia fruſtrandi totam collectionem auxiliorum eſt de ſubjecto non ſupponente; quandoquidem falſum eſt, poſſe vel non poſſe à voluntate noſtra fruſtrari id, quod ei non applicatur. Reſpondetur enim, hanc collectionem non eſſe quidem applicabilem voluntati noſtræ pro ſtatu abſoluto, applicari tamen pro ſtatu conditionato, ſeu conditionatè, non quidem quaſi pro unico exercitio libertatis, ſed ſingula, pro ſingulis exercitiis. Hæc autem applicatio fit per Scientiam mediam, & nihil aliud eſt, quàm ſciri à Deo, quid voluntas noſtra eſſet electura, ſub omnibus diſtributivè auxiliis & conſequenter ſub omnibus collectivè: Sicut ſi omnes diſtributivè currant, ſequitur omnes collectivè currere.

Neq; iterum dicas: à nobis Deo tribui Dominium imperfectum, utpote dependens à Dominio creaturæ. Reſpondetur enim per

E

nos,

nos, absolutè & simpliciter non pendere Dominium Dei, à Dominio creaturæ, quia Deus independentè est mea libertate seligendo auxilium, quod placet, potest facere ut amem, vel non amem. Solum ergo secundum Quid, ex suppositione hujus determinatè auxilii liberè à Deo collati creaturæ, Dominium Dei pendet à Dominio creaturæ, tanquam simul liberè cooperantis Deo: quod potius extollit Dei Dominium, cum faciat Deum dominari creaturæ pollenti dominio in suum actû.

Propositio V. *Scientia media salvat summam infallibilitatem Gratia efficacis.* Ratio est, Quia ex eo ipso, quod Gratia, quæ dicitur efficax, substat Scientiæ mediæ de felici eventu talis Gratiæ, quodq; substat consensui nostro conditionatè futuro, quantumvis talis gratia intrinsecè entitativè, & secundum se sumpta sit indifferens, adhuc tamen ex ea quatenus substante Scientiæ mediæ & consensui nostro conditionatè futuro, ita impossibile metaphysicè est non sequi consentum nostrum absolutum, sicut impossibile est falsificari Scientiam Dei, aut sicut impossibile est aliquid non esse futurum, ex suppositione, quod sit futurum. Sed hæc est summa infallibilitas desumpta ab extrinseco: Ergo in sententia nostra Gratia efficax est summè infallibilis extrinsecè, quod sufficit, quia esse illam summe infallibilem intrinsecè, lædit nostram libertatem, ut dictum est.

Propositio VI. *Scientia media optime salvat primatum & principalitatem gratia efficacis in negotio nostræ salutis.* Ratio est, Quia imprimis ad omnem



omnem consensum salutarem tam pro statu conditionato, quàm pro statu absoluto prærequirimus gratiam efficacem, entitativè, & in recto sumptam, & secundum quod est Virtus agendi præcisè, & quidem prærequirimus tanquam causam principalem, ut ego puto, in genere causæ efficientis proximæ influentem vel absolutè vel conditionatè in actum salutarem simul cum nostra voluntate. Deinde quamvis Gratiam efficacem, secundum quod dicit in obliquo, seu in ratione infallibilis consideratam, non dicamus ullo modo priorem consensu nostro conditionatè futuro (qui videlicet consensus conditionatus est illud obliquum, quod importat gratia efficax, quicquid illam constituit formaliter in ratione infallibilis) tamen respectu consensûs nostri absoluti dicimus gratiam efficacem in actu primo sumptam, etiam secundum quod dicit in obliquo & quatenus infallibilem, esse priorem prioritate Logica, fundata in subsistendi consequentia, quatenus à Gratia efficaci, & ut infallibili constituta per Scientiam mediam, vel consensum nostrum conditionatè futurum, non valet consequentia ad consensum absolutè futurum, quamvis valeat consequentia, è converso: quæ est prioritas Logica, fundata in subsistendi consequentia, eo modo, quo animal prius est rationali. Imò ego existimo Gratiam efficacem, & infallibilem etiam, quâ talem in actu primo sumptam esse priorem nostro consensu absolutò etiam physicè, & in genere Causæ efficientis remotæ & impedibilis à nobis, idquæ ex eo, quia

per me gratia efficax in ratione efficacis & infallibilis in actu primo spectata, constituitur etiam per Scientiam mediam, & quandoq; etiam per prædefinitionem Divinam nostri consensus absoluti: jam verò Scientia media & dicta prædefinitio sunt causæ remotæ nostri consensus absoluti, ac proinde physicè illo priores, quamvis intentionaliter indirectè evitabiles à nobis. Ergo Gratia efficax, quæ efficax, & quæ infallibilis in actu primo, est eodem modo prior consensu nostro absoluto. Tandem Quia in negotio nostræ salutis semper pro statu absoluto consensus salutaris præquirimus Divinam selectionem auxilii, quod per Scientiam mediam visum est fore efficax, cumq; ista selectio sit absolutè & simpliciter in potestate solius Dei, patet per nos, vel ex hoc capite, Deum principalius concurrere in negotio nostræ salutis, licet requirat etiam nostram cooperationem liberam. Ex quibus omnibus etiam patet primatus & principalitas gratiæ efficacis in negotio nostræ salutis.

Hinc verò ulterius patet, quàm longè distemus à sententia Pelagianorum & Semipelagianorum. Nam imprimis ex nostra sententia, non sequitur initium justificationis esse ex nobis non adjutis gratia supernaturali, ut volebant Semipelagiani, siquidem per nos consensus salutaris, qui complet gratiam in ratione efficacis in statu absoluto est absolutè ex gratia, & in statu conditionato, est ex Gratia conditionatè præsupposita in ratione viri-um, licet hæc gratia ante nostrum consensum conditionatum, nec sit efficax, nec in-

efficax,

efficax, sed præscindat ab utroque. Non sequitur deinde, quod homo justus, discernat se à peccatore. Hæc enim discretio pro statu absoluto, est in actu primo à solo Deo feligente & dante auxilium efficax: in actu autem secundo, hæc discretio pro statu absoluto principaliter provenit à solo Deo nos elevante per Gratiam, minùs principaliter à voluntate nostra liberè cooperante Gratia Dei, juxta illud Apostoli: *Non ego, sed Gratia Dei mecum*. Si autem sermo sit de discretione pro statu conditionato, pro illo statu nulla est discretio justì à peccatore, prædestinati à reprobis, ambo enim pro illo statu sunt æquales: siquidem pro illo statu, sub totidem auxiliis prævidetur consensurus conditionatè Judas & S. Petrus. Non sequitur præterea, ita esse in potestate hominis gratiam efficacem, ut in ipsius potestate sit habere illam gratiam, quæ à Deo prævisa est per Scientiam mediam fore efficax, cum ad solum Deum spectet selectio auxiliorum: (& ideo gratia efficax est materia Orationis, & gratiarum actionis) sed solum sequitur in potestate hominis gratia Dei adjuti, esse, ut hoc auxilium, quod illi supponitur esse à Deo datum, fuerit à Deo per Scientiam mediam prævisum, fore efficax, in quo nullum est absurdum.

Non sequitur rursus, quòd nos prius Deum eligamus, quàm nos Deus elegerit, quia ante nostram bonam electionem, pro statu absoluto, Deus seligit auxilium efficax, & prædestinit nostram electionem, & sic nos prius elegit. Et quamvis ante istam Divinam electionem



per me gratia efficax in ratione efficacis & infallibilis in actu primo spectata, constituitur etiam per Scientiam mediam, & quandoq; etiam per prædefinitionem Divinam nostri consensûs absoluti: jam verò Scientia media & dicta prædefinitio sunt causæ remotæ nostri cōsensûs absoluti, ac proinde physicè illo priores, quamvis intentionaliter indirectè evitabiles à nobis. Ergo Gratia efficax, quæ efficax, & quæ infallibilis in actu primo, est eodem modo prior consensû nostro absoluto. Tandem Quia in negotio nostræ salutis semper pro statu absoluto consensûs salutaris prærequirimus Divinam selectionem auxilii, quod per Scientiam mediam visum est fore efficax, cumq; ista selectio sit absolutè & simpliciter in potestate solius Dei, patet per nos, vel ex hoc capite, Deum principalius concurrere in negotio nostræ salutis, licet requirat etiam nostram cooperationem liberam. Ex quibus omnibus etiam patet primatus & principalitas gratiæ efficacis in negotio nostræ salutis.

Hinc verò ulterius patet, quàm longè distemus à sententia Pelagianorum & Semipelagianorum. Nam imprimis ex nostra sententia, non sequitur initium justificationis esse ex nobis non adjutis gratia supernaturali, ut volebant Semipelagiani, siquidem per nos consensûs salutaris, qui complet gratiam in ratione efficacis in statu absoluto est absolutè ex gratia, & in statu conditionato, est ex Gratia conditionatè præsupposita in ratione viri-um, licet hæc gratia ante nostrum consensum conditionatum, nec sit efficax, nec in-  
efficax,

efficax, sed præscindat ab utroque. Non sequitur deinde, quod homo justus, discernat se à peccatore. Hæc enim discretio pro statu absoluto, est in actu primo à solo Deo feligente & dante auxilium efficax: in actu autem secundo, hæc discretio pro statu absoluto principaliter provenit à solo Deo nos elevante per Gratiam, minùs principaliter à voluntate nostra liberè cooperante Gratia Dei, juxta illud Apostoli: *Non ego, sed Gratia Dei mecum.* Si autem sermo sit de discretione pro statu conditionato, pro illo statu nulla est discretio justì à peccatore, prædestinati à reprobis, ambo enim pro illo statu sunt æquales: siquidem pro illo statu, sub totidem auxiliis prævidetur consensurus conditionatè Judas & S. Petrus. Non sequitur præterea, ita esse in potestate hominis gratiam efficacem, ut in ipsius potestate sit habere illam gratiam, quæ à Deo prævisa est per Scientiam mediam fore efficax, cùm ad solum Deum spectet selectio auxiliorum: (& ideo gratia efficax est materia Orationis, & gratiarum actionis) sed solum sequitur in potestate hominis gratiâ Dei adjuti, esse, ut hoc auxilium, quod illi supponitur esse à Deo datum, fuerit à Deo per Scientiam mediam prævisum, fore efficax, in quo nullum est absurdum.

Non sequitur rursus, quòd nos prius Deum eligamus, quàm nos Deus elegerit, quia ante nostram bonam electionem, pro statu absoluto, Deus seligit auxilium efficax, & prædestinit nostram electionem, & sic nos prius elegit. Et quamvis ante istam Divinam selectionem

nem & prædefinitionem præcedat intentiona-  
liter in mente Dei electio nostra bona condi-  
tionatè futura, quia tamen hæc ipsa electio  
nostra conditionata præsupponit conditiona-  
tè futurum Decretum Dei, de dandis auxiliis,  
ideo adhuc ultima resolutio fit in Dei volun-  
tatem eligentem. Deniq; non sequitur, quòd  
prædestinatio nostra ad gratiam fiat ex prævi-  
sione conditionata meritorum, ita ut merita  
nostra conditionatè prævisa habeant ratio-  
nem Causæ merentis prædestinationem ad  
Gratiam, ut volebant Pelagiani: sed solum  
sequitur quod hujus modi merita conditiona-  
ta, & quidem profecta, non ex solis viribus  
arbitrii creati, sed ex gratia conditionatè præ-  
supposita, sint conditio objectiva, requisita  
ad Scientiam mediam directivam prædestina-  
tionis: sicut possibilis consensus noster requi-  
ritur etiam ad Scientiâ simplicis intelligentiæ,  
nō minùs directivā ejusdem prædestinationis.

Propositio VII. *Scientia media optime ex-  
plicat Beneficentiam specialem Dei, quatenus con-  
ferentis gratiam efficacem.* Ratio est. Quia juxta  
Senec. lib: I. de Benef. cap: 6. *Beneficium est  
benevola actio, & consistit non in eo, quod fit &  
datur, sed in ipso dantis & facientis animo, adeo-  
que formalis ratio beneficii dicit voluntari-  
am & liberam collationem doni, quæ proin-  
de supponit cognitionem; sed in nostra sen-  
tentia gratia efficax formaliter in ratione do-  
ni importat liberam voluntatem Dei selecti-  
vam & collativam auxilii cum intentione fe-  
licis eventus infrustrabili, præsuppositivè au-  
tem importat Scientiam mediam intallibilem*  
de fe-

de felici eventu, quæ dirigit Decretum selectivum auxilii efficacis: jam verò gratia substans huic Decreto Dei infrustrabili, & Scientiæ infallibili, æquivaleret in ratione doni physicæ prædeterminationi nostri consensus salutaris, quia utraq; infallibiliter infert consensum, & datur animo benevolò, ac proinde tanti una æstimatur, ac altera in ratione doni. Ergo Gratia efficax, quam ponimus est non minus speciale Beneficium Dei, quam si esset physicè prædeterminans, nisi quòd hæc læderet nostram libertatem, & ideo esset minus erga nos benefica. Quomodo autem per nos gratia sufficiens habeat rationem beneficii generalis, dicetur ad sextum.

Propositio VIII. *Admissâ Scientiâ mediâ optimè explicatur gratia efficax dicendo: quod sit denominatio semiextrinseca, ita ut gratia efficax in actu primo spectata, in recto & tanquam virtutem operandi salutariter, dicat illustrationem Dei & inspirationem, de se, & intrinsecè ad utrumlibet indifferentes, in obliquo autem & tanquam rationem infallibilitatis dicat ipsam Scientiam mediam & consensum nostrum liberum conditionatè futurum* (quem ego puto esse denominationem extrinsecam à Scientia media disp: illa 4. de Deo quæst: 8.) *ac præterea quandoq; etiam dicat decretum prædefinitivum boni operis, directum per Scientiam mediam. Si autem gratia efficax sumatur in actu secundo, insuper in obliquo & tanquam rationem infallibilis, dicit ipsum consensum nostrum absolutum.* Ratio est quia eo modo explicatur optimè Gratia efficax, qui modus conformiter ad dicta Scripturæ & Patrum salvat li-



bertatem nostram & infallibilitatem ac primatatem Gratiae. Sed hoc praestat modus noster explicandi Gratiā ut diximus: Ergo est optimus. Unde ulterius infertur efficaciam Gratiae non consistere in qualitate physice prædeterminante, sive purè physica, sive etiam intentionali indistincta ab illustrationibus intellectus, & piis affectionibus voluntatis, intrinsicè determinantis ad unum, sive tenente se ex parte actus primi, sive ex parte actus secundi prævii ante actionem liberam nostræ voluntatis: neq; in decreto sive antecedente, sive concomitante, non directo, per Scientiam mediam; neq; in excessu gratiae supra tentationem, neq; in quadam qualitate intrinsicè essentialiter connexa cum nostro consensu, ita tamen, ut ei voluntas possit consentire vel dissentire, quanquam in tali qualitate est implicantia terminorum saltem argutivè ut alibi dictum est.

*Ad primum negatur minor.* Ad primam ejus probationem, Respondeo, judicium indifferens ex parte objecti, (si stare potest cum physica ad unum prædeterminatione, tenente se ex parte subjecti, eò quod hæc sit qualitas purè physica, distincta à judicio & apprehensione intellectus) hoc ipso non sufficere ad conservandam libertatem; hæc enim requirit omnia, præsertim proxima & intrinseca comprincipia tenentia se tam ex parte objecti, quàm ex parte subjecti, ut sint indifferentia ad utrumlibet ex suppositione antecedenti: quandoquidem nihil refert ad libertatem currendi, an quis à tergo, vel à pectore insupe-

insuperabiliter impediatur à cursu. Quia verò S. Thomas nobiscum putat non posse stare indifferentiam judicii cum physica prædeterminatione ad unum, ideo meritò dixit indifferentiam judicii esse radicem, & causam adæquatam libertatis, quod tamen non possunt dicere adversarii. Ad alteram minoris probationem, Respondetur: ad potentiam liberam requiri, ita in sensu diviso alicujus ad agendum prærequisiti, posse non agere, ut istud prærequisitum, ipsa potentia à se dividere, & vi sua separare possit, & non tantum potestate aliena, quo pacto, homo justus in sensu diviso gratiæ sanctificantis peccare potest, & prædestinatus potest damnari, quatenus vi sua, justus potest separare à se gratiam, & prædestinatus (loquendo ex suppositione antecedente) potest facere, ne fuerit prædestinatio ipsius per tale medium, impediendo indirectè Scientiam mediam, directivam prædestinationis; per tale medium & ideo tam justus ad peccandum, quàm prædestinatus ad hoc ut damnetur, habet libertatem. At verò prædeterminatus ad amorem, potest odisse in sensu diviso prædeterminationis ad amorem, ita ut vi sua, non possit à se dividere istam prædeterminationem, sed tantum potestate aliena, ita planè sicut compedibus ligatus potest in sensu diviso ambulare: & ideo uterq; caret libertate. Ad tertiam minoris probationem imprimis dico, implicationem esse, quòd prædeterminatio sit immediatum prærequisitum necessarium ad existentiam meæ actionis liberæ, independens à

voluntate mea, & tamen solum tenens se ex parte actus secundi, nec constituat potentiam proximam agendi, vel tanquam virtus agendi, vel tanquam conditio sine qua non: cum enim sine tali prærequisito chimera sit poni actionem, & quidem independentem à mea voluntate, si ego ante tale prærequisitum habeo completam potentiam ad ponendam actionem, utiq; habeo potentiam completam ad hoc, quod est chimera. Deinde quidquid sit de hoc, an prædeterminatio ad amorem præsupponat potentiam completam amandi, saltem non præsupponit completam potentiam odio habendi, quæ utiq; dicit carentiam impedimenti excludentis odium, adeoq; & carentiam prædeterminationis ad amorem, impediens odium. Cum ergo potentia libera dicat indivisibiliter potentiam amandi & potentiam odio habendi, patet quòd physica prædeterminatio ad amorem non præsupponit, sed potentiam liberam completam lædit. Ad quartam minoris probationem patet ex dictis in Propositione secunda.

*Ad secundum.* Pater ex dictis in propositione tertia, in quo sensu Causa prima prius agit & præmoveat causas secundas, & cur dicatur prima, tam positivè quàm negativè. Cur item & quomodo causæ secundæ liberæ sint instrumenta subordinata causæ primæ. Hoc sanè verificari non potest ita, ut actio Causæ primæ sit à parte rei distincta, & prior quàm actio causæ secundæ, terminata ad eundem effectum: Tum quia pro illo priori, pro quo præcederet actio Causæ primæ, & existeret

steret effectus , quia existeret jam ipsum producere, alligatum essentialiter existentiae effectus ; & non existeret effectus , quia requiretetur pro signo posteriori , aliud producere ipsius. Tum quia illa prior actio causæ primæ , vel concurrit ad meam actionem posteriorem : & sic dabitur actio actionis ; vel non concurrit ; & sic actio nostra, non erit immediate à Deo , quod utrumq; repugnat. Ergo causa prima, & causa secunda simultaneo & realiter indistincto concursu in actu secundo operantur. Quamvis verò voluntas nostra concurrat ad actum suum , ut determinans & eligens , ex suppositione hujus determinatè auxilii à Deo liberè selecti , Deus autem concurrat ut determinatus , adhuc tamen est eadem actio voluntatis nostræ & Dei , nec una præcedit actio in sensu reali alteram ; ut patet in actione , quâ & voluntas eligens, & habitus non eligens , simul ac indivisibiliter operantur. Cæterum actio Dei est multis titulis prior ratione nostra, ut diximus.

*Ad 3.* Patet ex dictis in Propositione 4ta.

*Ad 4.* Patet imprimis ex dictis in Propositione sexta quomodo Gratia efficax non solum in recto , & in virtutis agendi ratione, considerata, sed etiam secundum obliquum , & secundum rationem infallibilitatis , in actu primo sumpta , sit aliquomodo prior, quàm noster consensus absolutus. Quod spectat ad seriem prædestinationis , dicimus eam ultimò resolvi in genere motivi in perfectionem Essentiæ Divinæ , quæ ut alibi dixi , est motivum adæquatum omnium actuum Divinorum.



rum; adeoq; & Scientiæ mediæ in genere autem objecti terminativi seu conditionis sine qua non, non repugnat ultimò resolvi prædestinationem in nostram liberam determinationem conditionatè futuram, ut profectam ex Gratia Dei, & pendentem à Decreto Dei conditionatè præsupposito. Nam sicut in cõmuni sententia, Scientia simplicis intelligentiæ ultimò resolvitur in possibilitatem passivam creaturæ, tanquam in objectum terminativum, ita & Scientia mediæ directiva prædestinationis, cur non potest resolvi in futuritionem conditionatam nostri consensus, tanquam in objectum terminativum? præsertim cum in mea sententia, tam possibilitas passiva creaturæ, quàm futuritio conditionata sit denominatio extrinseca ab aliquo prædicato Divino. Unde semper in resolutione actus Divini sistimus ultimò in Deo. Itaq; processus interrogatorius de prædestinatione Petri, sic debet institui: Quæritur cur Petrus convertatur? Respondetur, quia Deus dedit illi vocationem congruam. Quæritur rursus cur hæc vocatio sit congrua? *Resp.* quia Deus per Scientiam mediam vidit eam fore congruam, si daretur. Quæritur cur ita viderit Deus? *Resp.* ideo in genere objecti terminativi, quia Petrus esset liberè consensurus, si daretur talis vocatio. Quæritur cur esset consensurus? *Resp.* Quia juxta naturam liberi arbitrii positis omnibus requisitis, inter quæ præsupponitur conditionatè gratia Dei & Decretum conferendi eam, ita se determinaret. En sistimus non in sola determinatione nostra libera,

bera, sed etiam in gratia & Decreto Dei, conditionatè præsuppositis. Duo adhuc possunt quæri: alterum est cur pro statu illo conditionato præsupponatur conditionatè gratia, & Decretum conferendi gratiam? & hujus rationem, dabo motivum Providentiæ Divinæ generalis. Alterum est quod quæri potest, quod motivum Deus habeat, ut per Scientiam mediam, videat hoc, quod si daretur hæc gratia Petrus esset consensurus? & ad hoc *Resp.* Quia talis est perfectio essentiæ Divinæ, ut Deum determinet ad cognoscendum certò omnem veritatem etiam conditionatam. Et sic semper ultimò sistimus in Deo dum agitur de negotio nostræ salutis, ac proinde nihil derogamus primatui gratiæ.

*Ad 5.* Sicut finis est intentionaliter in suo genere prior mediis, & media physicè in genere causæ efficientis sunt priora fine: ita prædefinitio est prior physicè in genere causæ efficientis remotæ, actu prædefinito, & hic vicissim est prior prædefinitione intentionaliter in genere objecti terminantis Scientiam mediam directivam prædefinitionis. Nempe mutua prioritas solum repugnat inter causas requirentes existentiam absolutam ad causandum, jam verò actus prædefinitus ut prædefinitionem determinet, solum requirit, ut sit conditionatè futurus in mente Dei. Neq, verò hinc sequitur circulus ille, qui nobis in argumento hoc objicitur; nam ut nuper dicebam in processu interrogatorio de conversione Petri, primo quidem pro ratione dabo congruitatem gratiæ, ultimò autem recurram ad con-

ad conditionatè suppositum Decretum de danda gratia, quod ex parte hypothesis supponitur in Scientia media cognoscente gratiam congruam; & tandem pro ratione hujus Decreti conditionatè suppositi, non dabo congruitatem gratiæ, sed motivum Providentiæ generalis. atq; ita non redibo ad primum unde processu: nempe ad voluntatem Dei absolutam, sed ad voluntatem conditionatam, cujus diversam rationem assignabo, consequenter non committam circulum. Legatur processus interrogatorius positus in solutione præcedentis argumenti.

*Ad confirmationem dico, non sequi ea inconvenientia, qua contra nos inferuntur.* Nam imprimis ex nostra sententia non sequitur Dei arbitrium, esse meum: quia ego determino intentionaliter indirectè & mediatè arbitrium Dei ad eandem actionem sub conditione, sub qua, quid ego essem factururus Deus præscit, & quam conditionem ponere vel non ponere est in solo arbitrio Dei: hoc autem pacto multum differt arbitrium Dei à meo. Siquidem illud est meum arbitrium, quod ego determino physice directè ac immediatè, & quidem absque præscientia, quod sim electurus aliquid sub aliqua conditione, quæ sit in solo arbitrio alterius. Non sequitur deinde, quod ego sim Dominus Divini arbitrii: quia ego & Deus, ita mutuò determinamus nos ad eandem actionem, ut ego sim Dominus meæ actionis solum ex suppositione, quod Deus dederit mihi tale auxilium; Deus autem sit Dominus meæ actionis absolutè loquendo, quatenus  
ipse

ipse solus habet potestatem dandi mihi vel non dandi tale auxilium. Porro miles qui est dominus actionis v. g. pugnae, solum ex suppositione doni, v. g. gladii liberè sibi à Duce collati, non ideo sub Dominio suo habet arbitrium Ducis. Non sequitur deniq; bellum ex utraq; parte iustum & interminabile inter meum & Divinum arbitrium. Nam, ut diximus, ad 4tum ultimò sistitur in determinatione nostra conditionatè futura profecta ex gratia Dei, tanquam in objecto purè terminativo, sine quo non determinasset Deus pro statu absoluto nostrum consensum sub hoc determinatè auxilio, licet posset absolutè determinare sub aliquo alio auxilio.

*Ad 6.* Gratia sufficiens, ideo juxta nos est generale beneficium Dei, quia cum illam dat Deus, ex una parte dat id, quod est de se bonum, & quidem dat animo benevolo, non volendo inefficiam illius seu peccatum, quo completur hæc inefficacia, sed potius offerendo actum bonum, ad quem de se ordinatur Gratia sufficiens, & quem ideo Deus non dat, quia eum nos nolumus acceptare: ex alia verò parte Deus nulla obligatione tenetur ad impedienda peccata, alioquin creatura esset impeccabilis. Porro sic dare alicui bonum est facere beneficium, quamvis non speciale. Alia est ratio de medico, qui cum ex lege iustitiæ vel charitatis teneatur impedire malum ægroti, quantum potest, nullum facit beneficium cum dat medicinam, quàm prævidet culpâ ægroti fore noxiam. Quod spectat ad Gratiâ efficacem, hæc ut dictum est in Propositione.



quàm quæ communiter aliis conceditur. Rur-  
sus cum Scriptura dicit : *Filios Dei, agi Spiritu  
Dei*, vult eos agi dilectione libera propria fi-  
liorum Dei, suaviter sed efficaciter urgente  
filios Dei ad opera heroica, & simul constitu-  
ente partialiter gratiam efficacem, qua iti-  
dem aguntur. Unde de illis dicit August: lib:  
de Correp. & Grat: cap. 2. *Aguntur ut agant,  
non ut nihil ipsi agant, & ad hoc ipsis ostenditur,  
quid agere debeant, ut quando id agunt, sicut agen-  
dum est, id est cum dilectione & delectatione, ju-  
stitiæ suavitatem, quam dedit Dominus, ut terra  
ejus daret fructum suum, accepisse se gaudeant. De-  
niq; cum dicuntur in Scripturis, Homines per  
Gratiam efficacem à Deo trahi & pulsari impri-  
mis hæc tractio & pulsatio cordis non fit per  
aliquid purè Physicum, sed per aliquid inten-  
tionale, tangenti Deo cor hominis per Spiritus S.  
illuminationem ut explicat Trident. Sess: 6. cap  
5. & præterea hæc tractio fit non solum volun-  
tate nostra, sed etiam voluptate illa præcepta, adeo-  
que nobis liberâ, de qua scriptum est, *Dele-  
ctare in Domino*, at explicat August: Tract: 26.  
in Joannem. Similiter pulsatio ista cordis est  
per indifferentem ex se illustrationem & in-  
spirationem, quæ ut fiat infallibilis, exspe-  
ctat Deus pulsans, ut ei per nostrum consen-  
sum cor aperiamus, dicitq; Apoc: 3. *Ego sto  
ad ostium & pulso, si quis audiverit vocem meam,  
& aperuerit mihi januam, intrabo ad illum.**

Quòd attinet ad S. August. imprimis notan-  
dum est Caput illud 11. & 12. de Correp. &  
grat. esse ita difficile, ut eo Jansenius plusquàm  
centies; Calvinus verò vigesies abutantur ad

suos errores defendendos. In sano ergo sensu ita intelligi debet, ut ex mente Augustini, gratia in natura lapsa sit potentior, major, & plus possit, quàm in natura integra, non solum quia nostra est sæpè efficax, ideoq; est auxilium, quo fit ut velimus, cum gratia Adæ fuerit sufficiens, seu auxilium sine quo non fit, sed etiam quia nostra gratia potens est vincere appetitûs rebellionem, quæ non fuit in natura integra, ubi proinde fuit gratia latior. Et hoc significat illud quod dicitur cap: illo 11. *Secunda gratia plus potest, quàm sit ut velit, & tantum velit, ut carnis voluntatem, contraria concupiscentem, voluntate spiritûs vincat.* Et cap 12. *Major libertas est necessaria adversus tot & tantas tentationes, quæ in paradiso non fuerunt, dono perseverantiæ munita atq; firmata, ut cum omnibus amoribus, terroribus, erroribus vincatur hic mundus.* Deinde ibidem August. vult gratiam nostram ex eo esse potentiolem, quia nos Deus per eam facit ex nolentibus volentes, ex malis bonos, seu quia nostra gratia liberat nos à malis, & restituit bonum justitiæ amissum, quod non præstabat gratia Adæ, qui ut ibi dicitur cap: 11. *Ut reciperet bonum, gratiâ non egebat, quia nondum perdidit.* Et ideo cap: 12. dicitur: *Huic peccato non serviunt, non prima conditione, sicut ille, liberi, sed Dei gratiâ liberati.* Cum autem in fine Cap. 11. gratia quæ datur in natura lapsa prædestinatis, comparatur beatitudini Sanctorum Angelorum, sermo est de dono perseverantiæ, cum quo ita infallibiliter non possumus peccare ex suppositione consequente, sicut Angeli cum beatitudine

pecca-



peccare non possunt ex suppositione antecedente. Deniq; cum dicit Augustinus cap: 12: *Perseverare & non persev. rare fuisse relictum in arbitrio primi hominis, non autem in nostro arbitrio,* loquitur de illa perseverantia, de qua immediate locutus erat, nempe de perseverantia vincente graves difficultates, nec non de perseverantia reparante lapsum in eodem statu, qualis perseverantia non fuit commissa arbitrio Adæ, sicut committitur nostro arbitrio, ita tamen, ut hoc donum sit ex suppositione consequente infallibile, & ideo, illo dicitur *Voluntas nostra agi indeclinabiliter & insuperabiliter, & si ipsius invictissime velle bonum,* quæ omnia stant cum auxilio de se indifferente.

Quòd demum spectat ad D. Thomam, is vult quidem Causas secundas, à Causa prima moveri & applicari ad operandum, Sed juxta naturam ipsarum, ita ut causæ secundæ liberæ moveantur & applicentur per amorem felicitatis in communi necessarium, nec non per illustrationem ac inspirationem de se indifferentes, ac per decretum concurrenti. concursu simultaneo: Causæ verò secundæ necessariæ, moveantur & applicentur, per aliquam qualitatem præviam determinatam ad unum. Et in hoc sensu etiam vult S. Doctor. *Causam ex se contingentem determinari ab aliquo exteriori ad effectum.* Jam in Comment. Dion. & alibi per prædeterminationes intelligit prædefinitiones Divinas indistinctas ab actibus Divinæ voluntatis, quas prædefinitiones nos quoq; admittimus, licet directas per Scientiam mediam. Deniq; in quæst. 3. de potentia

hoc tantum vult, quod propter concursum Dei simultaneum, quo causa secunda agit, & qui procedit a Virtute Dei, dici possit, quod Virtus Dei sit in causa secunda, non physice sed intentionaliter & denominative, sicut color est in aere intentionaliter & denominative a specie visibili, & sicut Virtus artis est intentionaliter & denominative, in artificis instrumento, quatenus a tali virtute dicitur extrinsece instrumentum agere artificiosè. Ex quibus omnibus patet nostram sententiam nec Scripturæ, nec Sancto Augustino, nec D Thomæ adversari, sed maxime conformem eisdem esse.

### QVÆSTIO III.

**Vtrum Omnipotentia DEI sit ratio formalis adæquata denominans omnia purè possibilìa?**

**V**idetur quod non, ut sentiunt Henricus Gandavensis, Albertinus, & ante illos Avicenna, Algazel & Alpharubius apud Didacum Ruiz Disp. 21. de scientia Dei, sect. 4. num. 5. Quos sequuntur non nulli Recentiores, qui opinantur Ens purè possibile v. g. Antichristum non esse meram denominationem ab Omnipotentia Dei, Scientia, & Voluntate, sed esse quoddam Ens, quod quidem non existit simpliciter nunc & ab æterno, nihilominus est aliquid, & fuit ab æterno in se intrinsece a parte rei extra Deum, adeoque a seipso denominatur



minatur formaliter possibile, & quidem pro priori ante Omnipotentiam, Scientiam, & Voluntatem Dei. Idemq; proportionaliter dicunt de impossibili. Pro qua sententia.

*Arguitur primò.* Possibile est ratio illa objectiva cur Deus possit producere v. g. Antichristum, & impossibile est, ratio illa objectiva cur Deus non possit producere Hircocervum. Ergo pro priori ante Omnipotentiam, adeoq; extra Omnipotentiam, & sic in se ipso à parte rei, Antichristus est possibilis, Hircocervus est impossibilis, non autem hoc utriq; convenit per denominationem extrinsecam ab Omnipotentia potente producere Antichristum, & non potente producere Hircocervum. Consequentia patet. Antecedens probatur. Tum quia hanc rationem objectivam priorem Omnipotentiam, significat illa causalis vera: *Ideo Deus potest producere Antichristum, quia non implicat.* Tum quia nisi deveniatur ad implicantiam, vel non implicantiam Entis, non poterit ulla ratio dari, cur Deus possit producere Antichristum, & non possit chimeram. Si enim dixeris, hoc ideo esse, quia Deus in sua virtute continet Antichristum, & non continet chimeram; de hoc ipso redit quæstio, redibitq; semper nisi recurras ad implicantiam objecti, vel non implicantiam.

*Secundò.* Terminus ad quem refertur Omnipotentia Divina productiva illius, debet esse Ens distinctum à parte rei ab Omnipotentia Dei; Si enim id non esset Ens, sed esset Filius, Omnipotentia esset productiva nihili. Si enim  
F ; am esset

am esset indistinctum à parte rei ab Omnipotentia, Omnipotentia esset productiva sui ipsius, referreturq; realiter ad seipsam, quod repugnat. Sed purè possibile est terminus Omnipotentiae Dei productivæ, ad quem ipsa realiter refertur. Ergo possibile est realiter distinctum ab Omnipotentia. Ergo non est denominatio extrinseca ab Omnipotentia.

*Tertiò.* Quando Deus cognoscit Antichristum possibilem non cognoscit seipsum, non etiam cognoscit nihil. Ergo cognoscit aliquid distinctum realiter à se. Ergo Antichristus possibilis est aliquid in se intrinsece extra Deum.

*Quartò.* Si dicatur, Ens purè possibile esse quidem, Ens reale, & esse aliquid distinctum à parte rei ab Omnipotentia, sed non nisi hæc prædicata illi convenire in potentia activa causæ primæ, & denominativè, non verò in se intrinsecè: Contra est. Tum quia esse Antichristum v. g. in potentia Causæ primæ intrinsecè importat à parte rei, vel adæquatè vel inadæquatè ipsam potentiam Causæ primæ tanquam formam dominantem. Ergo Omnipotentia dum terminatur & refertur ad Antichristum, qui est in potentia causæ primæ, terminatur & refertur à parte rei, vel adæquatè, vel inadæquatè, ad seipsam, quod repugnat. Tum quia videtur esse repugnantia terminorum, esse aliquid distinctum ab Omnipotentia, & tamen esse purè in Omnipotentia, quandoquidem quod est distinctum ab aliquo, hoc ipso est, extra illud. Tum quia non potest explicari, quid sit ille Antichristus possibilis specificativè sumptus ut est distinctus realiter



aliter ab Omnipotentia, ad quem terminatur & refertur Omnipotentia, & quem Deus cognoscit, nisi dicatur in se intrinsecè esse à parte rei. Tum deniq; Quia si Antichristus est denominativè tantum distinctus ab Omnipotentia. Ergo non à parte rei, sed non nisi per rationem distinguitur ab Omnipotentia, siquidem denominatio extrinseca est Ens rationis.

*Quintò.* Petrus non existens, cum produci-  
tur est aliquid in se intrinsecè à parte rei. Ergo etiam Petrus ab æterno possibilis & producibilis fuit in se intrinsecè à parte rei. Probat-  
tur Consequentia. Quia idem est nunc Petrus existens & productus, qui ab æterno fuit pos-  
sibilis & producibilis. imo ab æterno essentia Petri possibilis, fuit identificata Essentiæ Pe-  
tri nunc existentis. Ergo non possunt ista con-  
tradictoria prædicata convenire Petro purè  
possibili, & Petro existenti, ut ille non sit  
in se intrinsecè à parte rei, hic verò sit in se  
intrinsecè à parte rei aliquid.

*Sextò.* Antichristus nunc & ab æterno vel  
in se intrinsecè est possibilis, vel in se intrin-  
secè impossibilis est, vel in se intrinsecè præ-  
scindit à possibili & impossibili. Si primum,  
habetur intentum. Si secundum, ergo Anti-  
christus est chimera. Si tertium, quomodo O-  
mnipotentia Dei, dat esse possibile illi, quod  
nec est possibile, nec impossibile.

*Septimò.* Sætem videtur esse vera senten-  
tia, Oviedi, & aliquorum Recentiorum, quod  
Ens purè possibile non sit quidem aliquid ab-  
solutum in se intrinsecè à parte rei, sit tamen  
aliquod Ens conditionatum in se intrinsecè à

parte rei ab æterno. Ratio est Quia nemine cogitante verum est dicere ab æterno, si Antichristus existat non involvet duo contradictoria.

*Octavo.* Videtur esse vera sententia, quòd Ens purè possibile, non sit quidem in se intrinsecè physicè, sit tamen aliquid in se intrinsecè metaphysicè: seu ut aliqui dicunt sit in se intrinsecè verificativè, non autem Entitativè. Ratio est quia ipsa Essentia Antichristi per seipsam præcisà ab omni existentia verificat hanc propositionem, Antichristus est possibilis; hoc autem est Essentiam Antichristi esse ab æterno in se intrinsecè, & metaphysicè, & verificativè.

Respondetur. *Antiquissima Augustini, Anselmi, D. Thomæ, Scoti, S. Bonaventuræ, & communis Thomistarum Scotistarum, nostræq; Societatis Doctorum, adeoq; ita vera sententia est, ut opposita ab aliis pluribus Theologis, non satis tuta in fide censeatur, (ut mox videbimus) quòd creaturæ possibiles ab æterno non habeant ullum esse in se intrinsecè à parte rei distinctum ab Omnipotentia, Scientia & Voluntate Dei, sed solum habeant esse virtualiter in causa prima, atq; ita sint denominatio mera extrinseca ab Omnipotentia, Scientia, & Voluntate Dei, ut hac sit forma, vel quasi forma extrinseca, extrinsecè denominans creaturas, purè possibiles. Ad hujus evidentiam produco imprimis clarissima testimonia SS. PP. & antiquorum Scholasticorum. Antiquissimus Dionysius de Divinis nominibus c. 7. post medium ita fatur: Eadem causa una, nempe Deus, omnia ut à se profecta, & in se ante constantia, cognoscit. Ubi, ut vides, dicit*



dicit omnia ante suam creationem fuisse in Deo, & ita cognosci à Deo.

S. Augustinus lib: 5. de Gen: ad literam cap: 18.; cum sibi proposuisset quæstionem, quomodo Deo nota erant, quæ ante non erant? ita responderet: *Antequam fierent, & erant, & non erant: erant in Dei Scientiâ;* ( quæ non distinguitur ab Omnipotentia ) *non erant in suâ natura.* En expresse Augustinus, iis utitur terminis, quibus nos solvimus objectiones adversariorum. Idem dicit superius cap: 14. circa medium: *Sic ergo distinguendum est, ut cum dixerimus, quod factum est, ut deinde inferatur, in illo vita est, non in se scilicet, hoc est in sua natura, quâ factum est, ut conditio creaturæ, sit, sed in illo vita est, qui Omnia, quæ per ipsum facta sunt, noverat antequam fierent. Ac per hoc in illo erat, non sicut creatura, quam fecit, sed sicut vita & lux hominum, quod est ipsa Sapientia, & ipsum Verbum, Unigenitus Dei Filius. Eò modo ergo in illo vita est, quod factum est, quomodo dictum est: Sicut Pater habet vitam in semetipso, si dedit Filio habere vitam in semetipso. Ubi, ut vides, S. Doctor asserit omnes creaturas, adeoq; etiam rationales, antequam fierent, non habuisse in se vitam, adeoq; non fuisse in seipsis animal rationale, sed fuisse in Sapientia Dei, & secundum formam illam, à qua denominantur ab æterno, nihil aliud fuisse, nisi ipsam Sapientiam Dei, & ipsum Verbum indistinctum ab ejus Omnipotentia. Idem repetit cap. 15. post medium: *His atq; hujusmodi testimoniis probatur, quod hæc omnia priusquam fierent, erant in notitia facientis, & utiq; ibi meliora, ubi æterna & incommutabilia. Et paucis ita**

terpositis: Si noverat ea prius quàm faceret, profectò priusquam fierent apud illum erant eodem modo nata, quo sempiternè atq; incommutabiliter vivunt atq; vita sunt. (nempe per denominationem extrinsecam à vita Dei, nec enim aliter potest esse vita lapis, aut terra, & similia, quæ Deus noverat, antequam fierent) facta autem sunt eo modo, quo unaquæq; creatura in genere suo est. Ubi ut vides, Augustinus, æternum esse creaturarum & incommutabile non agnoscit in creaturis, sed in Vita & Scientia Dei æterna, solumq; esse factum & temporale, ac commutabile agnoscit in genere ipsius creaturæ.

S. Anselmus Menol. cap: 33. in medio subiisdem terminis item docet, his verbis: Idcirco cum ipse summus Spiritus dicit seipsum, dicit omnia quæ facta sunt, nam antequam fierent, & cum jam facta sunt, & cum corrumpuntur, semper in ipso sunt, non quod sunt in seipsis, sed quod est idem ipse. Etenim in seipsis, sunt Essentia mutabilis, secundum mutabilem rationem facta; in ipso verò sunt, ipsa prima Essentia, & prima existendi veritas. Ubi, ut vides, Anselmus, duplex esse creaturarum agnoscit, unum in seipsis, & hoc vult esse creatum in tempore & mutabile; alterum in summo Spiritu, quod est æternum & immutabile, & hoc dicit esse ipsum Deum, primamq; Essentiam, & primam existendi veritatem, quatenus hæc quasi forma extrinseca, creaturas, antequam fierent denominat esse ab æterno.

S. Thomas idem non rarò docet. Ac imprimis de potent. Qu. 2. art: 5. ad 2. ita fatur: Dicendum quòd ex hoc ipso, quod quidditati esse attribui-



tribuitur, non solum esse, sed ipsa quidditas creari dicitur, quæ antequam esse habeat, nihil est nisi forte in intellectu creantis, ubi non est creatura, sed creatrix Essentia. En apertissimè D. Thomas Essentiam creaturæ antequam fieret, dicit nihil esse in se, sed tantum esse, in intellectu creantis, qui est idem cum Omnipotentia, adeoq; esse denominationem extrinsecam à Divina Essentia creante, seu ab Omnipotentia. Et p. 1. Qu: 14. art: 9. ita docet in O. *Ea quæ non sunt actu, non sunt simpliciter, sunt tamen aliquomodo, nempe sunt in potentia activa, sive passiva.* Ubi, ut vides, S. Doctor manifestè docet, possibilia, quæ non sunt actu, nec simpliciter, aliquomodo esse, nec alio modo esse, nisi in potentia activa vel passiva suarum causarum. Et cum ab æterno, nulla causa alia fuerit præter Deum, patet, quòd juxta S. Thomam, possibilia ab æterno nullum habuerint esse, nisi in potentia activa Dei. Unde etiam ibi docet: *Quòd ea, quæ nec sunt, nec erunt, nec fuerunt, cognoscuntur à Deo per Scientiam simplicis intelligentiæ, ideo quia non habent esse distinctum extra videntem, nempe extra Deum, quòd nihil manifestius dici potest pro nostra sententia.* Ibidem etiam respondens ad primum argumentum dicit: *Ea quæ non sunt actu, secundum quod sunt in potentia habent veritatem, verum enim est ea esse in potentia, & sic sciuntur à Deo.* Idem docet Lib: 1. contra gentes cap: 67. dum ait: *Ea quæ nec sunt, nec erunt, nec fuerunt, non cognoscit Deus, ut existentia aliququaliter in seipsis, sed existentia solum in Divina potentia.* Ubi ut vides S. Doctor non tribuit purè possibilibus, ullum modum existen-

existendi alium, nisi in Omnipotentia denominativè Legatur etiam S. Thomas 1. p. qu. 16. art: 7. ubi ex professo docet, nullam veritatem creatam esse æternam nisi in intellectu Divino: *Quia, inquit, solus intellectus Divinus est æternus, in ipso solo, veritas æternitatem habet.* Et ibidem ad 1. *Illud, quod nunc est, ex eo futurum fuit, antequam esset, quia in causa sua, fuit, ut fieret.* En veritatem æternam extra Deum non agnoscit S. Thomas, nec ullum agnoscit verificativum futuri, nisi esse ipsius in causa.

S. Bonaventura, idem planè docet in 1. dist. 34 art: 1. Qu. 1. ad 2um ubi dicit: *ad illud quod obijcitur, quod ab æterno fuit primum solum Ens, dicendum quod duplex est rei esse, scilicet in se, & in sua causa, & ad cognitionem rei sufficit existentia in causa.* Ubi, ut vides, S. Doctor soli Deo tribuit ab æterno esse in proprio genere seu in seipso, possibilibus autem non tribuit alium modum essendi ab æterno, nisi in causa, nempe in Deo, dicitq; hunc essendi modum, sufficere ut cognoscantur à Deo ab æterno. Quæ est, in terminis nostra sententia.

Scotus idem planè docet in 1. dist. 36. Qu. unica. *Contra ista arguitur.* Ubi refutat argumentis duodecim sententiam Henrici dicentis: Creaturam fuisse ab æterno secundum esse Essentiæ, distinctum à Deo. Inter alia autem ita arguit Scotus: *Sequitur quod non possit aliquid annihilari, sicut enim producitur de Ente secundum Essentiam, ita redire videretur, in Ens secundum Essentiam, & non in nihil.* Ubi, ut vides, vulgè Scotus rem creatam postquam annihilatur, & antequam producitur, ita esse nihil in se, ut  
non sit



non sit Ens secundum esse Essentia. unde ibi subdit: *Ille rationes quæ tactæ sunt dist: 8. contra Avicennam, quod nihil aliud à Deo sit necessarium, possunt fieri, contra istam, (nempe Henrici) opinionem, quia ita concluditur, de esse quidditativo, si sit verum esse, sicut de esse existentia. Ubi ut vides, Scetus esse quidditativum in se non distinguit ab esse existentia.*

Idem docet Alexander Alensis 1. part. Qu. 23. num: 4. art. 1. prope finem; ubi docet creaturas ab æterno esse in Deo, quod vocat esse secundum quid, nec tamen vult esse creaturas in Deo, unum vel multa: *hec enim, inquit, divisio unum vel multa, consequitur Ens prout in seipso est.* Deinde ibidem concedit hanc propositionem: *Omnia in Deo sunt divina Essentia,* negat verò istam: *Omnia sunt Divina Essentia.* Quia in secunda propositione supponuntur creaturæ, *prout sunt in suo esse;* in prima verò propositione supponuntur rationes æternæ de rebus ipsis. Unde patet quod hic Author creaturis purè possibilibus tribuit esse per denominationem extrinsecam à Deo. Alios Authores antiquos externos vide, si placet, apud Ruiz.

Venio ad Authores antiquiores Societatis nostræ, è quibus Valentia, quem Clemens VII. vocavit Doctorem Doctorum, non solum in terminis nostram assertionem clarissimè docet, sed oppositam gravibus censuris notat. Nam in 1. part. Disp: 1. Quæst: 14. Punct. 7. ita dicit. *Respondeo implicare manifestam contradictionem, ut ea, quæ nunquam sunt à Deo, terminent objective Divinam cognitionem secundum aliquod esse suum proprium reale distinctum à suis causis,*  
neg.

et purè possibilìa, non habere ullum esse aliud, nisi in sua causa, & insuper oppositam sententiam vocat falsam, contra fidem, & quæ in nullius docti mentem cadere potuit. Cum autem hoc possibile esse, dicit non esse re ipsa distinctum à Deo, hoc intelligi debet, secundum formā, à qua denominantur possibilìa. Nam si spectentur possibilìa secundum subiectum denominatum, distinguuntur realiter à causa, ita sicut sunt, nempe in potentia & denominativè à causa, ut dicemus in solutione objectionum.

P. Franciscus Suarez idem docet Disp. 42. Metaph. Sect: 3 cum ait: *Positiva denominatio, quæ possibile dicitur, sumitur ab aliqua potentia reali activa vel passiva. Possibile enim dicitur, quod in alicujus potentia continetur, impossibile verò dicitur, quod superat potentiam, vel in ea non continetur, quæ est in terminis nostra sententia.*

Deniq; ut omittam alios, Celeberrimus eruditione ex antiquioribus nostris Didacus Ruiz de Montoja, nostram sententiam in terminis apertissimè docet, & oppositam sententiam, vocat improbabilem, temerariam, & periculosam. Ita enim dicit Disp: II. de Scientia Dei. Sect: 4. *Dico primò Essentia rerum non sunt ab æterno præterquam in potentia, Ideis, & Cognitione Divina, quo essendi modo sunt ipse Deus (nempe quoad formam denominantem) Nihil itaq; realiter distinctum à Deo fuit ab æterno, neq; quoad Essentiam, neq; quoad existentiam. Ita D. Thomas, S. Bonaventura, Albertus, Alexander, Herbeus, Scorus, Capreolus, Richardus Carthusianus. Et infra. colligitur idem ex communi sententia Schola-*



Scholasticorum, qui dum tractant, quomodo creatura in Deo sint ab aeterno, dicunt creaturas in Deo esse ab aeterno secundum potentiam productivam illarum, & secundum cognitionem. Verum tamen hoc esse creaturarum in Deo, est esse Divinum ipsum, & Increatum esse Dei. Ita Magister S. Thomas. Alexander. Albertus. Bonaventura. Durandus. Richardus. Gregorius, Scotus & alii. Quos ibi citat hic Author. Et infra sic concludit: Propter hoc existimo poni prorsus improbabilius illud esse essentiae, quod à quibusdam dicitur fuisse ab aeterno. Hanc autem improbabilitatem intelligo, si solam rationem naturalem attendamus. Nam si fidem creationis mundi consideremus, ea positio temeritatem continebit, & periculum erroris Wiclefi dicentis: Divinam potentiam non se extendere ad nihil & vacuum. Hæc Ruiz, cui tandem addendus mihi videtur, Vir in hac nostra Provincia Polona, opinione tam sanctitatis, quàm eruditionis Sacrae celeberrimus V. P. Gaspar Druzbecki, qui in lib. soliloq. Animæ, ita dicit soliloq. 5. Illud meum & merum Nihil, quod ex me eram, quando adhuc abs te, Deus, creatus non eram, quid aliud erat &c. ut placeret Adorande tue voluntati, ex me nihilo me aliquid facere, ex Possibili, & tantummodo (nota particulam exclusivam) intra solius Potentiæ tuæ abyssum abscondito, facere me existentem. Ex quibus omnibus manifestè patet, nostram assertionem doceri à SS. Patribus in terminis, esseq; antiquissimam & communem apud Scholasticos celeberrimos, ac proinde decipi eos, qui illam novitatis accusant, sed potius illorum sententiam esse novam & à Doctoribus centuratam. Verum ultra tantam au-

am au-

tam auctoritatem nubemq; testium, suppetunt nostræ assertioni, efficacissimæ, & respectu intellectus bene dispositi, evidentes rationes.

*Ratio prima est ex conceptu existentia.* Quia rem esse extra causas nihil aliud est, quàm rem existere simpliciter. Atqui si creaturæ ab æterno possibiles, sunt in seipsis intrinsecè à parte rei actû, hoc ipso sunt actû extra causas ab æterno Ego ab æterno existunt simpliciter, quod est falsû & contra fidem. Major patet. Quia hoc ipso quòd res sit extra causas, est producta à causis, neq; enim ipsa seipsa posuit extra causam, alioquin esset, & non esset Ens à se. Si autem res est producta à causis, hoc ipso existit, Quia productio terminatur ad existentiam rei. Minor etiam patet. Quia si creaturæ possibiles sunt à parte rei actû intrinsecè in seipsis, utiq; non sunt solum in alio, adeoq; non sunt purè in suis causis. Ergo sunt actû à parte rei extra causas, siquidem non esse purè in Causis, est esse extra causas à parte rei. Neq; enim datur medium inter ista, à parte rei esse purè in causis, & esse extra causas: cum hæc duo, sint, saltem arguitivè, contradictoria.

*Ratio secunda est.* Quia causam producere posse effectum, & effectum posse produci à causa, idem est realiter, cum sola variatione recti & obliqui; qua de causa prædictarum locutionum ipsi Grammatici dicunt esse sensum eundem. Et apud physicos actio & passio sunt idem realiter. Atqui causa potens producere effectum denominatur re ipsa à Potentia causæ, tanquam à forma: Ergo etiam effectus producibilis à causa, denominatur re ipsa à



Potentia causæ, tanquam à forma, adeoq; Ens purè possibile ab æterno est denominatio ab Omnipotentia Dei productiva, cum hoc discrimine, quòd, Deum posse producere aliquid, est denominatio intrinseca Deo, quia sumitur ab Omnipotentia, quæ est identificata Deo: ac verò creaturam esse producibilem à Deo est denominatio extrinseca creaturæ: Quia sumitur ab Omnipotentia, quæ non identificatur creaturæ, quæ dicitur producibilis.

*Ratio tertia est ex conceptu Entis à se.* Possibilitas illa creaturæ quam oppositi ponunt esse Ens aliquod reale in se intrinsecè à parte rei ab æterno distinctum realiter à Deo, vel hoc esse habet à se, & sic est Ens à se, & consequenter est Deus. Nec dici potest tale esse diminutum, conditionatum, objectivum &c. nam cum tali esse imperfecto misceri non potest Aseitas, non secus ac Deitas. Vel hoc suum esse qualecunq; habet ab alio, nempe à Deo, & sic est productum à Deo estq; existens ab æterno, quod est contra fidem. Et hoc ipsū probatur. Illud esse à parte rei æternum possibilitatis distinctum realiter à Deo, non potest accipi à Deo in genere causæ materialis, nec enim Deus hanc causalitatem exercere potest: non etiam accipi potest in genere causæ formalis: Quia illud esse possibilitatis per se est adæquatè realiter distinctum à Deo, forma autem non distinguitur adæquatè à suo effectu formali. Non item illud esse accipi potest à Deo in genere causæ finalis, vel idealis seu exemplaris: Quia hæc causa suum effectum habet solum in esse objectivo seu in cognitione seu

ne seu intentione: jam verò oppositi volunt, esse illud æternum possibilitatis, esse in se intrinsecè à parte rei, Relinquitur ergo quod hoc esse æternum in se intrinsecè distinctum à Deo, sit acceptum à Deo in genere causæ efficientis per aliquam actionem, quæ terminatur ad existentiam effectus, nec enim superest ullum genus aliud causæ, in quo sit à Deo illud esse æternum distinctum à Deo.

*Ratio quarta.* Ex Conceptu Entis necessarii & æterni. Prædicatum Entis in se intrinsecè à parte rei necessarii & æterni etiam quoad essentiam, est prædicatum Divinum, non secus ac prædicatum Immensi Omnipotentis &c. quoad essentiam, hoc enim ipso quod excludit contingentiam in suo qualicunq; esse, importat independentiam à Deo, & excludit indigentiam alterius quoad illud esse, quoad quod est necessarium & æternum in se intrinsecè à parte rei: quæ prædicata sunt propria Entis à se. Sed possibilitas creaturæ est à parte rei Ens in se intrinsecè æternum ac necessarium, ut fatentur Adversarii: Ergo est denominatio à prædicato Divino, nec est aliquid extra Deum etiam quoad esse Essentiæ. Imò hoc ipso quod sit aliquid in se intrinsecè à parte rei necessarium ac æternum, non solum habet esse Essentiæ, sed etiam debet habere semper esse existentia: Quia omne prædicatum Divinum habet semper existentiam, nec potest separari à parte rei ab existentia. Et sicut esse Omnipotens, esse Immensum, & alia prædicata divina nequeunt competere alicui Enti, non nisi secundum esse Essentiæ, sed potius impor-



tant existentiam rei, ita similiter dicendum est de hoc prædicato, *Esse à parte rei in se Ens necessarium, aeternum, Immutabile.* Eadem de causa Possibilitas creata nequit esse Ens purè conditionatum, purè metaphysicum, purè verificativum &c. quia cum talibus Entibus non possunt misceri prædicata Divina, qualia sunt esse Ens in se necessarium, immutabile à partè rei.

*Ratio quinta.* Est ex conceptu Entis Optimi. Possibilitas Creaturæ aeterna vel est contemptibilis à Deo, vel non? Si primum? Ergo Deus per contemptum talis possibilitatis, potuit procedere ad nolationem efficacem illius, & sic potuit tollere possibilitatem creaturæ, nolendo illam esse, quæ tamen supponitur esse necessaria, ac immutabilis. Si autem dicta possibilitas creaturæ non est contemptibilis à Deo, ergo hanc denominationem habet à prædicato Divino. Quia omne & solum prædicatum Divinum, est à Deo in contemptibile; cætera autem omnia distincta realiter à Deo in se & intrinsecè spectata, sunt à Deo contemptibilia. Tum quia, hoc ipso, quòd sint realiter distincta à Deo, maxime si carent existentia, includunt imperfectionem, quæ meretur prudentem contemptum. Tum quia, Deus cum sit ens se solo sufficiens sibi, potest omnia, quæ sunt extra ipsum, contemnere.

*Ratio sexta.* Quæ utitur Scotus & Ruiz, est ex conceptu creationis & annihilationis. Creatio rei supponit nihil creaturæ, præcessisse, & annihilatio, significat nihil creaturæ relinqui. At per sententiam oppositam, ante creationem aliquid creaturæ præcessit, & aliquid ejusdem relin-

relinquitur post annihilationem, nempe ipsa essentia creaturæ, quæ dicitur esse à parte rei in se intrinsecè. Ergo sententia opposita destruit conceptum creationis & annihilationis. Nec valet dicere, Creationem esse solum ex nihilo existentia, & annihilationem esse in nihilum existentia, non verò essentia. Contra enim est Quia magis est aliquid Petri sua Essentia, quæ datur intrinsece, in se à parte rei, & minus est aliquid Petri ipsa materia prima existens. Ergo si obest creationi Petri, quod ante ejus productionem præcesserit materia prima existens, multò magis oberit eidem creationi, ante ipsam præcessisse in se intrinsecè à parte rei essentiam Petri. Deinde si dicamus creationem esse non solum ex nihilo existentia, sed etiam ex nihilo essentia magis laudabitur activitas Omnipotentia Divina creantis, nec non Divina erga nos beneficentia, utpote conferens nobis sua activitate, non tantum esse existentia, sed etiam esse Essentia. Ergo ita de Deo sentiendum est.

*Ratio septima.* Desumi potest ex conceptu Entis realis. Inter Ens reale simpliciter dictum seu physicum, & inter Ens per rationem, implicat medium reale Ens, quod nec sit simpliciter reale seu physicum, nec ens per rationem, sed tantum sit reale in hoc sensu, quod sit in se intrinsece actu nemine cogitante sive conditionatè, sive verificativè, sive metaphysicè &c. licet non existat realiter. Atqui juxta sententiam oppositam possibilitas aeterna creaturæ est tale Ens medium. Ergo opposita sententia ponit Ens reale implicatorium. Minor



est Adversariorum. Major probatur imprimis communi sensu nostræ Societatis Doctorum. Quamvis enim in sententia Scotistarum, ponente distinctionem formalem à parte rei medium actualem inter distinctionem simpliciter realem & rationis, posset admitti Ens tale medium actuale, quod nec sit reale simpliciter, nec per rationem, ut ita sit proportionatum extremum distinctionis formalis à parte rei; tamen in sententia nostrorum communiter negantium hujusmodi distinctionem realem medium actualem, negari quoq; debet omnino tale Ens medium reale actuale: quandoquidem distinctio realis est proprietas convertibilis cum Ente, ac proinde talis est distinctio Entium, qualia sunt Entia: Unde si implicat distinctio realis media actualis, implicat quoque Ens reale medium actuale. Quare quibuscunq; argumentis Adversarii bene oppugnant distinctionem formalem à parte rei Scotisticam, iisdem argumentis, perimunt istam suam possibilitatem creaturæ, quam hic ponunt, non satis memores consequentiæ in docendo, ut patebit consideranti.

*Ratio octava.* Est ex identitate inter essentiam & existentiam creatam. Ab æterno non dabatur in se intrinsecè actu à parte rei existentia exercita mundi, alias mundus fuisset ab æterno productus, quod est contra fidem. Ergo etiam non dabatur ab æterno in se intrinsecè actu Essentia seu possibilitas passiva mundi. Probatur consequentia: Quia alioqui de essentia & existentia exercita mundi, verificarentur duo prædicata contradictoria realia seu primo-

primo-intentionalia, qualia sunt: *Dari in se intrinsecè actu à parte rei: Non dari in se intrinsecè actu à parte rei:* Et tamen juxta nostros cõmuniter essentia & existentia creaturæ etiam exercita, sunt idem realiter; & de objecto reali indivisibili non possunt in creatis verificari duo prædicata contradictoria saltem realia primo-intentionalia, quidquid sit de prædicatis secundò-intentionalibus. Neq; dicas essentiam creatam distingui realiter ab existentia exercita, solumq; identificari existentia proportionatæ. Contra enim est. Quia omnes rationes, quæ probant essentiam creatam non distingui realiter ab existentia, procedunt de existentia exercita, ut patebit consideranti.

*Ratio nona.* Est ab eversione fundamenti oppositæ sententiæ. Quia Adversarii communiter ponunt istam suam possibilitatem passivam creaturæ, tanquam aliquam rationem à parte rei Essentiâ Divinâ priorem, propter quam Deus possit producere possibilia, & propter quam possit eadem cognoscere. At hoc manifestè falsum est. Nam imprimis falsum est, quod aliquod Ens sit prius Essentiâ Divinâ, in quocunq; genere prioritatis realis seu non fictæ. Quandoquidem Essentia Divina est prima causa rerum omnium, & ad ipsius summam perfectionem spectat, ne in ullo genere veræ prioritatis, sit pedissequa respectu cujuscunq; Entis alterius. Deinde absurdum est dicere, primam rationem cur Deus possit producere aliquid, non esse Sapientissimum ejus intellectum, & optimam voluntatem, sed potius esse, Ens quoddam medium inter Ens

reale, & Ens per rationem, quod sit ad instar Entis mortui, cæci, & insipientis, ac potius sit larva Entis. Hoc enim qui dicunt, re ipsa dicunt, Divinam potentiam productivam possibilem, provenire à fatali quadam, Deo extrinseca necessitate, inclusa in hac entitacula possibilitatis, ab Adversariis posita, quod est immane abiurdum. Falsum præterea est, quod ratio objectiva, cur Deus cognoscat possiblea, sint aliqua entitacula extrinseca Deo, non existentes, sed in seipsis à parte rei æternæ, cum sit antiquissima & communissima cum D. Thoma & Scoto sententia Theologorum, adæquatum motivum Scientiæ Divinæ de possibleibus, esse ipsam Essentiam Divinam: Motivum autem adæquatum Scientiæ, est prima ratio objectiva sciendi. Sed de hoc plura in responsione ad primum & tertium.

*Ratio decima est.* Quia Essentiæ istæ quæ sunt in se intrinsecè actu ab æterno, videntur esse ideæ Platonice, jam pridem ex Philosophia proscriptæ. Nam sicut Plato ponebat ideas, tanquam primas rationes, seu prima principia cognoscendi & operandi ut testatur D. Thomas 1. part. quæst. 15. ar. 3. ita Adversarii ponunt essentias rerum, tanquam primas rationes, propter quas Deus cognoscat creaturas posibles, & propter quas possit producere easdem. Rursus sicut Plato ponebat ideas per se & non in intellectu, adeoque Aristoteles improbat opinionem Platonis de ideis, ut ait ibidem D. Thomas artic. ad 1. Ita Adversarii ponunt Essentias rerum per se, extra intellectum Dei. Præterea sicut Plato ponebat ideas tanquam formas seu ratio-



rationes ingenerabiles & incorruptibiles in se-  
ipsis; ita hoc ipsum dicunt Adversarii de Es-  
sentiis rerum. Non apparet ergo in quo dif-  
ferant ab opinione Platonis, nisi fortè, in hoc  
quòd Plato ideas, voluerit esse universales.  
Unde dicit S. Thomas ibidem Artic: 3. ad 3. *In-  
dividua secundum Platonem non habent aliam ide-  
am, quàm ideam speciei*: jam autem Adversarii  
Essentias rerum volunt esse singulares. Verum  
ex hoc capite tantò magis oppugnatur opinio  
Adversariorum, quod multiplicat plura En-  
tia in se æterna extra Deum juxta numerum  
singularium, cùm Plato multiplicaverit illa  
nonnisi juxta numerum specierum. Neq; di-  
cas Platonem posuisse ideas existentes ab æter-  
no. Contra enim est: Quia cum Plato posue-  
rit ideas universales, & quidem *tanquam pri-  
ma principia cognitionis rerum & productionis*, ut  
ait citatus D. Thomas art: 3. posuit illas ante  
omnem productionem ipsarum, adeoq; non  
tribuit ideis existentiam physicam, quæ est  
terminus productionis, sed non nisi tribuit il-  
lis esse à parte rei extra Deum, conditionatè  
verificativè, metaphysicè &c. quale esse tribu-  
unt Essentiis rerum Adversarii. Ut ergo ipsi  
dissentiant à Platone, dicant potius id, quod  
dixit Augustinus, lib: 83. qu. 2. laudatus à D.  
Thoma in illo artic: 3. *Ideas & essentias rerum,  
esse rationes in mente Divina existentes*, & conse-  
quenter eas dari per denominationem extrin-  
secam à cognitione Divina, quæ est nostra sen-  
tentia. Ex his ergo rationibus aliisq; pluribus  
concluditur, Formam, seu rationem formalem,  
à qua creaturæ denominantur possibiles,



& essentia rerum sunt æternæ, necessariae ac immutabiles, non esse aliam, nisi Omnipotentiam Dei æternam, necessariam, Immutabilem, quatenus contentivam Virtualiter seu eminenter prædicatorum essentialium creaturæ. Si verò quæratur, Quid sit subjectum hujus denominationis, seu possibilitas passiva? *Resp.* esse id, quod dicitur possibile, quod ipsum non est Omnipotentia Divina, nec est merum nihil, ( possibile enim est id quod producit in tempore, aut produci potest in tempore: jam verò falsum est, quod Omnipotentia, vel etiam purum nihil producat in tempore. ) Potius ergo purè possibile sunt ipsa prædicata essentialia creaturæ, quæ pro suo statu, sunt quidem nihil in se intrinsecè à parte rei & actu, ut dictum est; Sunt tamen Ens positivum in alio; nempe in potentia activa Dei, seu per denominationem extrinsecam ab Omnipotentia Dei, & hoc modo etiam distinguuntur realiter à Deo, quomodo sunt: Quia distingui, sequitur ad esse. Si autem ulterius quæras, quid est Antichristum esse nunc per denominationem extrinsecam ab Omnipotentia Dei, & sic etiam realiter distingui à Deo. *Resp.* id nihil aliud esse, nisi fundamento à parte rei habito ex Omnipotentia Dei productiva Antichristi, ab Intellectu concipi in recto Antichristum, tanquam terminum Omnipotentia ab ea realiter distinctum, illumque verè denominari possibilem. Unde ratione hujus recti realiter distincti ab Omnipotentia, apprehensi in denominatione possibilis, ( quamvis illud non sit in se intrinsecè à parte

parte rei) verificantur opposita prædicata de Omnipotentia, & de ipso possibili materialiter sumpto. Exemplum hujus manifestum habes in denominatione extrinseca cogniti. Sicut enim lapidem esse intentionaliter in mea cognitione, non est ipsa mea cognitio, (aliàs ego cognoscendo lapidem, cognoscerem meam cognitionem,) non est etiam nihil, (aliàs cognoscendo lapidem, cognoscerem nihil;) sed potius est ipse ille lapis, qui physicè jacet in angulo, est verò in cognitione per denominationem extrinsecam ab ipsa cognitione, & sic realiter ab ea distinguitur, quatenus cognitio præbet fundamentum, ut ab ea aliquid realiter distinctum, quod ipsi objicitur, denominemus cognitum, quamvis hoc ipsum sæpè nihil sit in se intrinsecè extra intellectum: ita planè de purè possibili, quod in Omnipotentia Dei existit possibiliter, seu virtualiter, discurrendum est; cum hoc solo discrimine, quòd in denominatione extrinseca cogniti, forma non sit à parte rei extra intellectum, nec semper sit prima ratio formalis, nihil ante se supponens; secus autem accidit in denominatione extrinseca possibilis.

Porro quæ hætenus diximus de purè possibili, etiam proportionaliter dici debèt de Impossibili. Nam hoc quoq; est à parte rei æternum ac necessarium per denominationem extrinsecam ab Omnipotentia Dei non continente Hirco-cervum, tali modo, quali modo cognoscitur per cognitionem creatam essentialiter falsam. Unde Hircocervus, nihil aliud est, nisi hircus & cervus, secundum se reales, qui  
à cogni-



Intellectus perfecti & per se loquendo, prius est, etiam per rationem possibile & impossibile, quam Dei Omnipotentia. Ratio est. Quia Intellectus Divinus perfectus cognoscit possible & impossibilia, non aliter nisi in sua Essentia, tanquam in motivo adequato, ut communiter docent Theologi cum D. Thoma; ex quo manifestè sequitur, quòd Intellectus Divinus non prius attingat possibile vel impossibile, quam suam Omnipotentiam; alioquin cognosceret objectum purè terminativum prius, quam objectum adequatum motivum, quòd repugnat. Deinde si a parte rei, nullo modo est prius purè possibile quam Omnipotentia, sequitur, quòd non sit etiam prius ratione nostra verè judicante & juxta exigentiam rei, sed ad summum potest esse prius ratione aut apprehensivè, aut enuntiativè fingente. Solum ergo per accidens & respectu nostri intellectus imperfecti prius est ratione nostra possibile. (idem dic de impossibili,) quam Omnipotentia Dei; quia scilicet nos, sicut existentiam Dei cognoscimus in & ex creaturis existentibus; ita etiam potentiam Dei productivam, cognoscimus in & ex creaturis possibiliibus. Et hanc prioritatem rationis per Accidens, & respectu intellectus imperfecti significat illa causalis; *Ideo Deus potest producere Antichristum non autem chimeram; Quia Antichristus est possibilis*: quæ planè similis est huic: *Ideo Petrus est rationalis, quia est admirativus*, supposito quòd quis Petrum cognosceret rationalem ex ejus admirationibus: cum tamen respectu Intellectus perfecti, potius hæc causalis sit ve-

*ra: Ideo Antichristus est possibilis, non verò Hircocervus, quia Deus Antichristum continet in sua Omnipotentia, non autem Hircocervum. Si autem ulterius quæras, cur Deus in sua Omnipotentia contineat Antichristum, non verò Hircocervum? Resp. Quia talis est natura Omnipotentia, ut non extendat se ad ponenda simul duo contradictoria, talis enim potentia esset stulta, defectuosa, & ridicula, & re ipsa esset impotentia, sicut moriendi potentia, est impotentia: Et sic in processu interrogatorio, cur Deus possit aliquid facere, sistimus in ipsa Omnipotentia, non autem progredimur ad aliquid prius Omnipotentia. Quod ipsum docuit Augustinus lib: 21. de Civit: Dei c. 7. ubi dicit: Cum Deus auctor sit naturarum omnium, cur volunt (ethnici) nos fortio rem reddere rationem, quando aliquid, velut impossibile, nolunt credere, ejusq; rationem poscentibus, (nempe cur sit possibile,) respondemus hanc esse voluntatem Omnipotentis, qui certè non ob aliud vocatur omnipotens, nisi quoniam, quicquid vult, potest. Ubi, ut vides, Augustinus pro ratione, cur aliquid sit possibile, assignat voluntatem Omnipotentis, utiq; indistinctam ab ejus Omnipotentia. Itaq; dum quæritur cur Deus possit producere muscam, & non chimeram, falsum est, quod sistere debeamus, in hac responsione; quia musca non implicat duo contradictoria, chimera autem implicat, adhuc enim restabit quærere, cur Deus possit producere id, quod non implicat contradictionem, nequeat autem producere id, quod implicat; & ad hanc quæstionem debet dari ratio petita ex ipsa perfectione Omnipotentis.*



omnipotentia, & sic tandem omnes sistere debemus in Omnipotentia Dei, non autem in aliquo Ente, quod sit ante Omnipotentiam.

*Ad secundum.* Potest fundamentum relationis realis transcendentalis terminari ad aliquid, quod nihil sit in se intrinsecè à parte rei, sed tantum sit denominatio extrinseca à fundamento suo, solumq; sit distinctum realiter denominativè à fundamento. Et ita cum ego cognosco chimeram, aut *Ly Nihil in se intrinsecè à parte rei*, hæc cognitio mea refertur utiq; ad suum objectum relatione reali transcendentali, & tamen terminus hujus relationis est nihil in se intrinsecè à parte rei, sed tantum est intentionaliter, & denominativè ab ipsa cognitione, & ita etiam distinguitur à cognitione, sicut est, cum unum quodq; per suum esse distinguatur ab omni, à quo distinguitur. Sic ergo etiam Potentia Divina productiva Antichristi refertur & terminatur ad Antichristum, qui est nihil in se intrinsecè à parte rei, neq; tamen est productiva puri nihili, sed est productiva Entis positivi, quod antequam producatu est quid nihil in se intrinsecè, simul tamen est in potentia activa suæ causæ, seu denominativè ab ipsa. Unde etiam Potentia productiva Antichristi, non est productiva sui, sed est productiva Entis realiter ab Omnipotentia distincti in potentia, seu distincti per denominationem extrinsecam. Nec refert quòd denominatio cogniti, sit denominatio intentionalis, ac verò denominatio purè possibilis sit physica. Quamvis enim hoc ita sit, tamen in hoc est utriusq; denominationis

nationis par ratio, quia sicut forma denominans cognitum, nempe cognitio ex genere suo est forma prima, non semper supponens esse in se intrinsecè objectum, supra quod cadit, sed tantum illud denominans extrinsecè, ita etiam Omnipotentia, est forma vel quasi forma prima, non supponens aliquod subjectum ante se esse in se intrinsecè, sed potius omnibus distinctis, à se dans esse in genere quidem causæ efficientis dum producantur, antequam verò producantur, dans iisdem esse possibilis in genere causæ formalis extrinsecæ. Hæc porro, quæ modo dicimus, intelligenda sunt de Relatione Omnipotentia ad possibile materialiter sumptum & specificativè, nam ad possibile formaliter & reduplicativè sumptum, seu sumptum, secundum id à quo formaliter denominatur possibile, non refertur Omnipotentia relatione reali, sed tantum per rationem, & relatione secundum dici, quia extrema hujus relationis, non distinguuntur realiter.

*Ad tertium.* Retorquetur imprimis argumentum in cognitione chimerae. cum enim cognosco chimeram, non cognosco utiq; solam cognitionem meam, non cognosco etiam purum nihil: Ergo cognosco aliquid, quod sit in se intrinsecè à parte rei, adeoque chimera est in se intrinsecè à parte rei, seu extra intellectum. Directè autem ad argumentum *Resp.* quidquid sit de objecto motivo, saltem objectum purè terminativum (quale objectum est Ens purè possibile, respectu cognitionis Divinæ) non debet esse aliquid in se intrinsecè, à parte



à parte rei distinctum à cognitione. Ratio est, quia esse cognitum est mera denominatio extrinseca à cognitione. Ergo cognitum non debet esse aliquid in se intrinsecè à parte rei: consequenter non debet esse distinctum in se intrinsecè à cognitione, sed sufficit ut sit distinctum realiter denominativè, ut dictum est. Et hoc specialiter valet de cognitione possibile, quæ cum non affirmet Intellectus Divinus esse intrinsecè in se à parte rei, sed tantum esse in potentia, non debent etiam esse & distingui à cognitione Divina in se intrinsecè à parte rei. Hæc verò est clarissima sententia D. Thomæ supra citati dicentis: *Possibilia non habere distinctum esse extra Deum sidentem illa.* Et S. Bonaventuræ dicentis: *Ad cognitionem sufficere existentiam rei in causa.*

*Ad quartum.* Quando dicimus Omnipotentiam referri & terminari ad Antichristum in potentia activa Dei contentum, non sumimus Antichristum in potentia Dei formaliter, seu prout est in potentia Dei, cum hac reduplicatione, sed tantum materialiter & specificativè. Sic autem sumptus Antichristus non importat intrinsecè etiam partialiter potentiam activam Dei, sed tantum dicit sua prædicta essentialia concepta seu conceptibilia ab Intellectu, habito fundamento ex Omnipotentia Dei. Unde non sequitur quod Omnipotentia terminetur aut referatur ad seipsam etiam partialiter. Ad illud quod objicitur, Antichristum possibilem, cum sit distinctus ab Omnipotentia debere esse extra ipsam. *Resp.* Sicut objectum cognitum est distinctum realiter ab

H

Intellectu

Intellectu, & tamen est intentionaliter in intellectu, ac proinde est intra Intellectum intretate continentiae intentionalis, solumque extra intellectum est extretate distinctionis: ita Antichristus est in Omnipotentia causaliter, & tamen ab ea realiter distinguitur, ac proinde est intra Omnipotentiam intretate continentiae virtualis, solumque est extra illam extretate distinctionis. Ad illud quod quaeritur, quid sit Antichristus possibilis, specificativè sumptus, patet ex dictis. Denique ad illud, quod dicitur, Antichristum possibilem, si tantum denominativè distinguitur ab Omnipotentia, solum distingui per rationem, eo quod denominatio extrinseca, sit Ens rationis. *Resp.* Sicut denominationes extrinsecae dextri, visi, similis, & aliae sunt reales, & solum per accidens important aliquam fictionem seu Ens rationis, eo quod fingatur extrinseca forma inherere subjecto, vel quid simile; ita & denominatio extrinseca creaturae possibilis est realis, & solum per accidens potest esse Ens rationis: quare meritò dici potest, quod Antichristus possibilis distinguitur ab Omnipotentia denominativè, & tamen realiter: per hoc enim intelligimus, illum distingui in hoc sensu ab Omnipotentia, quod cum ipse non sit in se intrinsecè à parte rei, concipitur tamen & denominatur verè esse possibilis, habito fundamento ex Omnipotentia. Quod autem sic concipitur & denominatur, utique potest realiter distingui ab Omnipotentia, quamvis non sit in se intrinsecè à parte rei.

*Ad quintum.* Negatur consequentia, quamvis e-



vis enim idem sit nunc Petrus productus, qui erat ab æterno possibilis, quoad rem denominatam, quia tamen in statu possibilitatis habet aliam formam extrinsecam denominantem, aliumq; modum essendi, ideo eidem Petro, pro duplici statu considerato, possunt ista prædicata contradictoria convenire, quòd scilicet antea non fuit in se intrinsecè à parte rei, nunc verò sit in se intrinsecè à parte rei. Quade causa etiam idem lapis in intellectu solum est intentionaliter extrinsecè & denominativè, & extra intellectum est physicè & intrinsecè, ac in seipso. Si vero quærat quomodo Petrus, qui nunc existit in se intrinsecè, identificabatur Petro purè possibili, qui tunc nihil erat in se intrinsecè. *Resp.* identificabatur in alio, nempe in causa Petri productiva, eo modo quo lapis physicè & in se intrinsecè jacens in angulo, identificatur eidem lapidi existenti intentionaliter in intellectu, ubi tamen lapis non existit physicè & in se intrinsecè, sed tantum extrinsecè & denominativè.

*Ad sextum.* Sicut chimera nec est Ens in se intrinsecè cognitum, nec est Ens in se intrinsecè incognitum, aut præscindens ab utroq; sed potius est Ens, quod per denominationem extrinsecam dicitur cognitum; ita Ens purè possibile, nec est in se intrinsecè possibile, nec in se intrinsecè impossibile, nec est Ens in se intrinsecè præscindens ab utroq;, sed est Ens per denominationem extrinsecam possibile, solumq; neganter dici potest non esse Ens in se intrinsecè possibile. Ratio horum est, quia prius est esse aliquid in se intrinsecè,

quàm esse in se intrinsecè tale vel tale, vel etiam in se intrinsecè præscindens ab utroque. Quare hoc argumentum est de subiecto non supponente.

*Ad septimum.* Ens purè possibile materialiter & in recto sumptum potest dici Ens conditionatum, & conditionatè realiter distingui ab Omnipotentia. Nihil enim prohibet nos formare talem conceptum de Antichristo; *Antichristus, est id, quod si existeret, esset animal rationale, distinctum realiter à Deo*, sed negamus, quòd hoc Ens conditionatum, sit aliquid in se intrinsecè à parte rei extra intellectum. Sicut enim esse disjunctivum, esse prædicatum, esse illatum, ita & esse conditionatum est denominatio extrinseca à cognitione, disjunctiva, prædicante, inferente, conditionata. Itaq; verum quidem est, quòd *Antichristus si existeret, esset animal rationale, & distinctum à Deo*, sed verum est in intellectu conditionatè tendente in objectum. Cæterum quia Antichristus possibilis formaliter sumptus, ejusq; possibilitas datur etiam à parte rei, extra intellectum, & nemine cogitante; hinc est quòd Antichristus possibilis pro formali debet aliquid importare, quòd detur extra intellectum, adeoq; non conditionatè, sed absolutè.

*Deinde sic argumentor.* Antichristo Possibili esto conveniat aliquod esse conditionatum quoad existentiam, quatenus verum est, quòd Antichristus esset rationalis, si existeret tamen eidem Antichristo non convenit esse conditionatum, sed potius esse absolutum quoad possibilitatem: non enim ille est conditionatè possi-

te possi-



tè possibilis, sed absolutè, & quidem actu à parte rei. Debet ergo dari actu à parte rei absolute aliqua forma, à qua dicatur possibilis.

*Præterea sic arguo.* Hoc esse conditionatum Antichristi Possibilis, non est purè intentionale, quia Possibilitas Antichristi est nemine cogitante: non est etiam aliquid purè physicum, alias Antichristus nunc & ab æterno daretur physicè, & sic existeret, quod est falsum. Ergo est quoddam esse medium inter esse purè intentionale, & inter esse purè physicum. At nostri communiter Doctores negant tale esse medium, sicut negant distinctionem formalem ex natura rei, mediam inter distinctionem simpliciter realem & inter distinctionem rationis, cui distinctioni deberet correspondere medium istud esse conditionatum inter esse physicum & inter esse intentionale. Ergo pariter negare debent tale esse conditionatum Antichristi possibilis.

*Præterea sic arguo.* Omnis propositio conditionata æquivaleret absolutæ, saltem quoad rem significatam, ut ostendi in summulis. Ergo etiam hæc propositio conditionata: *Si Antichristus existeret, esset rationalis*, æquivaleret absolutæ v. g. huic: *Existencia Antichristi nunquam conjungetur cum negatione rationalitatis*. Ergo quo jure Adversarii ponunt esse conditionatum Antichristi, responsivum illi propositioni conditionatæ, eodem jure nos ponimus aliquid absolutum verificativum propositionis absolutæ, formabilis de Antichristo. Confirmatur: qua scientia simplicis intelligentiæ, qua Deus cognoscit purè possible, jux-

ta nostros communiter non est conditionata formaliter sed absoluta, potiusq; Scientia media dicitur esse conditionata. Ergo purè possibilis, quæ sunt objectum Scientiæ simplicis intelligentiæ, non sunt aliquid purè conditionatum, sed absolutum.

*Postremò sic arguo.* Hoc ipsum quòd Antichristus habeat esse conditionatum, est verum absolute, & non rursus conditionatè, ne detur processus in infinitum in conditionatis. Ergo debet dari aliquid absolute, ratione cuius ultimò resolutoriè verum sit, quòd Antichristus habeat esse conditionatum, ut ita conditionatum fundetur in absoluto, sicut negativum fundatur in positivo. Hoc autem absolutum est Possibilitas formalis Antichristi. Sed de hoc puncto satis.

*Ad octavum.* Implicantia in terminis est, esse aliquid solum Metaphysicè, & tamen esse in se intrinsecè à parte rei. Nam sicut distinguere aliquid Metaphysicè, est distinguere per rationem, (saltem apud eos qui negant distinctionem formalem Scotisticam,) ita esse solum Metaphysicè, est esse per rationem: Esse autem per rationem, est esse cognitum, quæ est denominatio extrinseca. Ergo esse possibile Metaphysicè est esse per denominationem extrinsecam à cognitione, non autem est esse in se intrinsecè à parte rei. Implicat similiter esse aliquid in se intrinsecè verificativè, & non esse entitativè; Nam id quod in se intrinsecè est objectum verificativum alicujus propositionis, utiq; per seipsum, adeoq; per suam Entitatem, quæ sit in se intrinsecè verificat talem pro-



lem propositionem. Ergo si est aliquid verificativè in seipso à parte rei, hoc ipso etiam est Entitativè à parte rei in seipso.

*Dices cum quodam.* Saltem dicendum videtur istius propositionis, *Antichristus est possibilis* esse duplex verificativum, unum in obliquo & causaliter, & hoc est ipsa Omnipotentia, à qua in re Antichristus denominatur extrinsece possibilis: alterum in recto & formaliter & hoc est, ipsa Essentia Antichristi. Sed contra est. Quia vel Essentia Antichristi, ut est in seipsa à parte rei extra Omnipotentiam verificat dictam propositionem (sive illa explicetur absolutè, sive conditionatè,) & hoc hactenus impugnavimus, nec admittit Arguens; vel essentia Antichristi nonnisi ut est in Omnipotentia virtualiter, verificat dictam propositionem, ut fatetur arguens: & jam verificativum primum, & ultimò resolutorium dictæ propositionis erit ipsa Omnipotentia, ratione videlicet cujus verum est formaliter, Antichristum esse nonnisi virtualiter in Omnipotentia quamvis hoc verificativum significetur in obliquo. sicut etiam hujus propositionis: *Paries est albus*, verificativum, nempe Albedo, significatur nonnisi in obliquo. Et hoc maximè valet, respectu intellectus perfectè cognoscentis Antichristum possibilem, cujus motivum formale, adeoq; verificativum formale cognitionis est Omnipotentia, ut dictum est, ex communi sensu Theologorum.

Alia Quæstiones de Deo uno & Trino habentur in libro de hac materia edito à nobis.

## QVÆSTIO IV.

Vtrum Angelus duret ævo formaliter indivisibili.

**V**idetur quod sic; *Primò.* Quia si ævum Angelicum esset formaliter divisibile, nihil differret duratio Angelica à tempore, quod videlicet ita constat ex partibus prioribus & posterioribus, sicut constaret duratio Angeli. Et tamen ævum Angelicum est duratio media, inter tempus & æternitatem, ex communi sensu. Ergo.

*Secundò.* Duratio imitatur naturam rei durantis, cum sit ejus proprietas. Cum ergo natura Angeli sit formaliter indivisibilis, talis etiam est duratio ipsius.

*Tertiò.* Ens spirituale nequit esse formaliter divisibile; hoc enim est proprium entis materialis; sed duratio Angeli est Ens spirituale: Ergo est formaliter indivisibilis. Et hoc ipsum Confirmatur paritate ubicationis Angelicæ, quam esse formaliter indivisibilem docet Vazq: Granado, Præpositus. & alii.

*Quartò.* Duratio formaliter indivisibilis Angeli ideo non daretur, quia sequeretur, quod Angelus habens durationem indivisibilem v. g. horariam, esset essentialiter determinatus ad durandum per horam, nec Deus illū posset pro libito ante horam destruere. Porro in hoc nullum est absurdum, quia quod Deus non posset talem Angelum ante horam destruere, id proveniret ex suppositione Deo liberæ, datæ Angelo indivisibilis durationis horariæ,  
distin-



distinctæ à parte rei à substantia Angeli, quod non derogat Divinæ potentia & dominio, ita sicut eidem non derogat quod ex suppositione libera datæ Angelo ubicationis indivisibilis, affixæ centum palmis loci, non possit Deus talem Angelum contrahere ad locum arctiorem; & sicut non derogat dominio Dei, quod non possit transferre ubicationem de uno loco ad alium, aut durationem de uno tempore ad aliud, aut modum conservare sine suo modificato. Nempe hujusmodi usus domini Divini sunt chimerici, & contra essentias rerum, ad quos usus non extendit se dominium Dei.

Confirmari hoc ipsum potest, quia æqualiter dominium pecuniæ exercet is, qui singulis diebus per hebdomadam successivè donat Petro unum aureum, ac ille qui eidem Petro donat simul septem aureos irrevocabiliter. Ergo etiam tantum dominium exercet Deus donando Creaturæ singulis momentis successivè permanentiam in esse, quantum dominium exercet dando simul irrevocabiliter Angelo permanentiam in esse per æternitatem; Et ratio est, quia pro utraq; donatione æqualis est obligatio donatarii.

*Quintò.* Duratio Angeli formaliter indivisibilis, si daretur adhuc non exæquaret æternitatem Dei, hæc enim protenditur infinitè & à parte post, estq; à se. Jam verò duratio Angeli est ab alio, & protenditur infinitè nonnisi à parte post, Ergo talis duratio non implicat.

*Respondetur.* Supponendum imprimis est, triplicem poni communiter durationem: Aliam quæ est propria soli Deo, & hæc vocatur

*Eternitas* : Aliam quæ est propria Angelis, & vocatur *Ævum* : Aliam quæ est propria rebus corruptibilibus, & vocatur *Tempus*. Supponendum rursus est ex dictis in Principiis Philosophicis disp: 3. quæst: 4. (quidquid contradicat Suarez & Oviedo,) durationem rei creatæ esse modum accidentalem entitativè distinctum à re durante, sive distinguatur à parte rei ab actione conservativa rei durantis, sive (ut ego puto) non distinguatur. Ratio communis est, quia potest esse Angelus à parte rei secundum se, & potest esse à parte rei tempus hodiernum extrinsecum secundum se, & tamen Angelus non durare à parte rei actu hodie, seu non còexistere isti temporis, seu non connotare hoc tempus, seu non esse in circumstantia hujus temporis, seu non esse de præsentis utraq; simul Entitas, & Angeli & hujus temporis, & sic sumendo omnes phrasas, ad quas recurrunt pro solutione Adversarii, & quæ dum superadduntur vocibus significantibus entitatem Angeli, & entitatem temporis extrinseci secundum se, nihil aliud significant reipsa, nisi durationem hodiernam Angeli. Ergo istæ phrasas superadditæ Angelo secundum se & temporis hodierno extrinseco secundum se, ne sint omni significato vacuæ, significant aliquod objectum à parte rei separabile ab his extremis secundum se sumptis, quod objectum, quia indifferentiam ipsorum ultimo formaliter determinat ad durandum hodie, separabiliter non mutuò, erit entitas modalis hodiernæ durationis, juxta definitionem modorum receptam. His positis.

Quari-



Quæritur an ævum Angelicum sit indivisibile, sicut æternitas, an verò divisibile adinstar temporis sit.

Propositio I. *Implicat duratio Angeli & cujuscunq; possibilis Creaturæ, quæ sit formaliter indivisibilis, id est quæ non sit fluens, & successiva, constans partibus realiter distinctis prioribus & posterioribus sibi succedentibus.* Unde sequitur quælibet durationem creatam esse à Deo inconservabilem pro aliquo tempore, cum sit essentialiter fluens. *Probatur primò.* Assertio, quia res quæcunq; possibilis à Deo liberè producta pro primo tempore, non potest magnitudine suæ perfectionis Deum impedire, & ejus potentiam ligare, ne possit pro tempore sequenti, illam, si velit, destruere. Quod ipsū probatur: quia est perfectius dominium, ita rem habere sibi subjectam, ut hæc pro quolibet momento possit metuere ne destruat à suo dominio, utq; singulis momentis accipiat à suo dominio permanentiam in suo esse, tanquam novum beneficium. Et ratio hujus ulterior est, quia hoc modò major elucet in Domino potentia ac beneficentia, respectu servi, & in servo major subjectio & obligatio respectu domini, quoad suam existentiam, & consequenter quoad omnia sua bona, cum existentia sit fundamentum omnium bonorum: unde oppositum dominium est minus æstimabile minusq; perfectum; cum tamen Deo dominium in quacunq; creaturam possibilem tale conveniat, quo perfectius cogitari non potest. Ne si daretur duratio rei creatæ formaliter indivisibilis v. g. horaria, talis Duratio liberè à Deo

Deo producta, ex sua essentia, independentem à connexionem intentionalem cum Decreto Dei, ideoq; ex magnitudine suæ perfectionis Deum impediret, ne posset eam destruere ante horam, quia alioquin hoc ipso, duratio horaria indivisibilis, esset divisibilis, quandoquidem in ea posset duratio mediæ horæ, in qua existeret talis duratio, separari ab alterius mediæ horæ duratione, quæ non existeret. Ergo non potest dari talis duratio creaturæ.

*Probatur secundò.* Quia solius Dei proprium est, ut ipsius duratio sit interminabilis vitæ tota simul possessio, seu unicum nunc infinitum. Hinc enim fit, quòd respectu Dei nihil sit præteritum, nihil futurum, quatenus videlicet Deus tota sua duratione, ut pote indivisibili, còexistit toti durationi Adami, respectu nostri præteritæ, & tota sua duratione còexistit toti durationi Antichristi, respectu nostri futuræ: ita ut Duratio Divina, non importet numerum, secundum prius & posterius, sed sit unitas permanens, cui nihil advenit, ex qua nihil præterit, & circa quam semper manentem, volvuntur tempora, alia prætereundo, alia adveniando, sicut circa centrum sphæræ immobile moventur circuli; quæ duratio est valde mirabilis, & à Sanctis Patribus Deo tribuitur tanquam propria, ut dictum est in quæstionibus de Scientia Dei. Totum autem hoc conveniret Angelo, si is haberet durationem formaliter indivisibilem, à parte post æternam, quæ videlicet esset unicum nunc infinitum, à parte post, ac proinde respectu ipsius à parte post, nihil esset præteritum,



ritum, nihil futurum. Ergo talis duratio essentialiter repugnat Angelo.

Propositio I I. *Ævum Angelicum, retinendo phrasim Sancti Thomæ, potest dici dupliciter indivisibile*: Primò fundamentaliter, quatenus fundatur in substantia Angeli indivisibili: 2dò, æquivalenter, quatenus in duratione æviterna Angeli, pars succedens durationis, est omnino similis, ac indiscernibilis à parte antecedente, ac si ambæ non essent realiter distinctæ; cum tamen partes durationis temporalis, quæ durant res corruptibiles, consistant partibus heterogeneis & discernibilibus. Cujus ratio est, quia pars durationis temporalis succedens, adfert rebus corruptibilibus alia accidentia, quibus veluti corrosivis, res sensim veterascit, & tandem corrumpitur; unde etiam vocatur *Tempus edax rerum*: Jam verò hujusmodi accidentia, non adfert Angelo duratio posterior. Ex his ergo manet breviter ævum Angelicum explicatum.

*Ad primum.* Per quid differat ævum Angelicum à tempore, patet ex dictis in propositione secunda, per quid verò differat ab æternitate, patet ex dictis in propositione primâ.

*Ad secundum.* Proprietas non debet in omnibus imitari naturam rei, cujus est proprietas, alioquin calor ignis, deberet esse quid substantiale, & species impressæ Angelicæ deberent esse inter se ita realiter indistinctæ, sicut natura Angelica est simplex. Non sequitur ergo durationem Angeli formaliter indivisibilis debere esse formaliter indivisibilem, sed satis est esse spiritualement, ac etiam æquivalenter indivisibilem ut dictum est. *Ad*



*Ad tertium.* Conceptus Entis spiritualis ut sic, non consistit in carentia partium, sed in separabilitate ex natura rei à subjecto quanto, ut dixi in principiis Philosophicis disp. 5. qu. 2. Unde accidens spirituale potest esse formaliter divisibile, & talis est duratio Angelici, quod ipsum probabilius de ubicatione Angelica asserunt Suar: Tann: Arubal, Ariaga, Franciscus de Lugo & alii hoc loco.

*Ad quartum.* Negatur minor. Nam ut dictum est suppositio durationis indivisibilis productæ, quamvis Deo libera est, & consequens, eximit rem creatam durantem à perfectissima subiectione respectu Dei, quod nec ex suppositione consequente Deo libera fieri potest, sicut nec ex suppositione consequente Deus potest se facere servum creaturæ. De ubicatione creata formaliter indivisibili, (quæ se extendere ad locum divisibilem non implicat,) dispar est ratio. Cum enim hujusmodi ubicatio singulis momentis sit revocabilis, non eximit creaturam à perfectissima subiectione respectu Dei, quandoquidem data semel ubicatione tali, posset Deus singulis momentis pro libito eam auferre, & dare majorem vel minorem, & sic creaturam contrahere ad minorem locum, vel extendere ad majorem. At verò data semel duratione indivisibili, non posset Deus pro suo libito singulis momentis eam auferre, & dare aliam, & aliam, majorem vel minorem. Quare argumentum ab ubicatione indivisibili ad durationem indivisibilem est à minori ad majus affirmative. Alia item ratio est, siue de ubicatione intransferibili de

bili de loco ad locum, sive de duratione intransferibili de tempore ad tempus, sive de modo inconvulsibili sine suo modificato, & alia ratio est de duratione creata indivisibili. Nempe tam ubicatio, quàm duratio intransferibilis, & modus inconvulsibilis sine modificato, adhuc pro singulis momentis accipiunt à Deo tanquam novum & novum beneficium, suam existentiam, & consequenter omnia alia bona, quæ innituntur existentia illorum tanquam fundamento, quod extollit Dei beneficentiam in creaturas: at verò duratio creata indivisibilis, nec suam existentiam, nec ulla sua bona infundata existentia, acciperet à Deo tanquam novum & novum, pro singulis momentis, beneficium, quòd Dei beneficentiam diminuit. Deinde intransferibilitas durationis aut ubicationis, & inconvulsibilitas modi sine alio ente, cum præsupponant existentiam rei tanquam fundamentum, singulis momentis subjectam dominio Dei, ipsa quoq; hæc prædicata in suo fundamento, seu in radice, pro singulis momentis subsunt liberæ dispositioni Divinae æquivalenter, aut eminenter: nihil autem simile conveniret indivisibili durationi creatæ, quæ videlicet præsupponeret existentiam suam non subjectam liberæ dispositioni Divinae pro singulis momentis.

*Ad Confirmationem.* Negatur consequ. quia irrevocabilitas 7. aureorum simul datorum in hebdomadam proveniret ab extrinseco, ex libera voluntate dantis: at verò irrevocabilitas durationis indivisibilis datæ ad horam, prove-



proveniret ab intrinseco, ex essentia rei, non ex libera Dei voluntate, & ideò laderet jus Dei perfectissimum.

*Ad quintum.* Duratio creaturæ indivisibilis, quamvis formaliter non æquaret æternitatem Dei in Aseitate, & in infinitate à parte ante; quia tamen æquaret illam formaliter tum in duratione non subjecta perfectè dominio alterius, tum in hoc quòd esset unicum nunc infinitum à parte post, (quòd utrumq; proprium est durationi Divinæ,) adhuc implicat, & hinc sequitur, quòd talis duratio creata, arguitivè æquaret Dei Aseitatem, & æternitatem etiam à parte ante.

## QVÆSTIO V.

Vtrum Angeli mutuò inter se loquantur, ordinando per voluntatem, suos conceptus & affectus ad alterum.

**V**idetur quòd non. *Primò.* Quia quando nulla est mutatio in objecto, nec in audiente, pro priori ante auditionem, tunc objectum æquè nunc est imperceptibile ab audiente, ac antea, quandoquidem idem manens idem, facit semper idem: sed quando Michàel solum vult manifestare suum conceptum Gabrieli, nulla tunc est mutatio in objecto, nempe in conceptu Michàelis, qui supponitur fuisse antea productus; nulla etiam est mutatio in Gabriele audiente pro priori ante auditionem, quia hic in nostra sententia non recipit de novo



de novo speciem ullam impressam. Ergo conceptus Micháëlis, sicut ante ejus ordinationem fuit ignotus Gabrieli, ita est ignotus posita tali ordinatione, ac proinde per talem ordinationem non fit locutio Angelica. Nempe sola denominatio extrinseca non facit objectum manifestabile, quòd ante non fuit manifestabile / sed ista ordinatio Angeli loquentis est denominatio extrinseca respectu objecti, quòd ante non fuit manifestabile, ergo per hanc ordinationem non fit manifestabile.

Confirmatur ex Arriaga disp: 12. sect: 6. Quia dicere quòd sufficiat ad auditionem Angelicam mutatio in circumstantia extrinseca, consistens in nova ordinatione conceptus tanquam in conditione sine qua non, est dare ansam fingendi similes conditiones extrinsecas ad multos effectus causarum, quoad suam virtutem activam completarum. Et ita sicut dicitur intellectus Gabrielis in ordine ad percipiendum secretum, pendere à consensu Micháëlis, non tanquam à causa dante speciem impressam, sed tanquam à pura conditione extrinseca: ita poterit dici quòd potentia visiva ex se habens virtutem completam ad videndum sine specie visibili, pendeat tamen ab illuminatione objecti propinqui, & carentia mediis corporis opaci, tanquam à mera conditione extrinseca, quod est absurdum.

*Secundo.* ut arguit Maffrius disp: 2. qu: 9. a 1. & 2. In omni locutione opus est loquentem in audiente aliquid causare, ut is physice exciteretur ad audiendum, casu quo esset distractus: Sicut enim si auris neq; speciem soni  
I nec

nec quidquam à loquente recipiat, nulla sequitur auditio sensitiva, ita & de auditione intellectuali discurrendum est. Et sicut cum quis sibi loquitur, causat in seipso aliquid; ita dum loquitur alteri, debet aliquid in ipso causare. Et ratio est, quia auditio non est qualiscunq; notitia rei, sed notitia accepta à loquente per locutionem, ac proinde necesse est, ut loquens imprimat aliquid audienti. Ergo ad locutionem Angelicam non sufficit ordinare per voluntatem suam actum ad alterum, quæ ordinatio est quædam excitatio moralis audientis.

*Confirmatur primò.* Ex eodem, quia excitatio ista, est actus vitalis audientis, non potest autem aliquis vitaliter & intrinsecè moveri per solam extrinsecam voluntatem alterius, siquidem experientia constat, quòd voluntas non habeat vim movendi nisi potentias proprii suppositi.

*Confirmatur secundò.* Quia Gabriel cum est valde distractus, non necessario, sed liberè attendit Michàeli loquenti. Ergo pro priori cognoscit se posse attendere, ac proinde debet in ipso dari pro priori aliquod determinativum, & excitativum ad istam cognitionem, distinctum à voluntate extrinseca Michàelis.

*Tertiò.* Unus Angelus potest alteri æqui- vocare, imò & mentiri, & idè Dæmon dicitur mendax, & Pater mendacii, soli q; Deo proprium est nec falli, nec fallere posse. Sed hoc fieri non posset, si locutio Angelica fieret per ordinationem conceptus ad alterum, quia posita hac ordinatione Angeli loquentis, jam

jam ejus conceptus intuitivè, ut est in seipso pateret Angelo audienti, nec objectum esset aliter, vel ambigùè in mète loquentis. Ergo &c.

*Quartò.* Ut arguit Mastrius cum Zumel. Michàelis nolitio manifestandi suum secretum, vel carentia voluntatis manifestandi, non est velamen seu impedimentum, ne Gabriel cognoscat conceptum Michàelis: quandoquidem talis nolitio seu volitionis carentia non tollit lumen, aut speciem in Gabriele. Ergo sola volitio manifestandi conceptum, non est ablatio velaminis, seu reformatio sigilli ad cognoscenda secreta Michàelis, ac proinde non est locutio.

*Quintò.* ut arguit idem. Locutio est actus intellectus, est enim expressio vel significatio conceptus vel affectus, quæ pertinent ad intellectum non ad voluntatem: & ideo Pater Æternus loquitur expressione Verbi, qui est actus Intellectus, non autem spiratione Spiritus Sancti, qui est actus voluntatis. Et vox nostra non consistit in actu voluntatis, sed in expressione Verbi vocalis, Verbum mentale repræsentantis. At ordinatio voluntatis Angelica non est actus intellectus, sed voluntatis. Ergo in tali ordinatione non consistit formaliter locutio Angelica.

*Sextò.* Ipsa loquentis voluntas manifestandi suum secretum, cum sit actus in se liber, est occulta audienti, ac proinde non potest manifestari, nisi per voluntatem manifestandi. Vel ergo manifestatur per seipsam, & hoc ipsum pariter dici poterit de ipso conceptu loquentis, qui proinde non manifestabitur per vo-



luntatem manifestandi: vel illa voluntas manifestandi manifestatur per aliam voluntatem, & hæc pariter per tertiam, & sic procedetur in infinitum.

*Septimò.* Si præter voluntatem manifestandi non requiritur aliquid distinctum ad locutionem Angelicam, objectum talis voluntatis nullum erit distinctum ab ipsâ voluntate, sed hoc est inconveniens. Ergo &c.

*Respondetur.* Certum est Angelos non tantum loqui cum Deo purè affectivè, per laudem Dei, aut per desiderium obtinendi aliquid à Deo, atq; manifestatione ignoti: nec tantum loqui cum hominibus in corpore assumpto, vel extra corpus, formando voces sensibiles per collisionem corporum, sed etiam loqui mutuò inter se. Sic enim describuntur illorum colloquia, Zachariæ 2. & 3. Apocalip: 7. & 9. & in Epistola Judæ Apostoli. Quòd ipsum docent multi Patres, exponentes illud Pauli Apostoli 1. ad Corint: 13. *Si linguis hominum loquar & Angelorum:* ubi supponitur possibilis Angelis locutio. Difficultas est quomodo inter se loquantur Angeli circa quod punctum multæ sunt opiniones, quæ ad quinq; capita reducuntur.

Prima Opinio explicat locutionem Angelicam, per eformationem signorum. Sunt autem divisi hujus opinionis Authores. Nam aliqui volunt signa ista esse materialia, sive in cælo Empyreo descripta, sive ut vult Durandus in àère eformata, veluti hieroglyphica Ægyptiaca. Alii verò malunt esse ista signa spiritalia producta ab Angelo loquente, quæ  
scilicet

scilicet sint qualitates speciales, nullum aliud officium habentes, nisi ut cognita, significant conceptum, vel affectum loquentis, sicut character Sacramentalis est qualitas specialis de genere signi. Rursus hæc signa aliqui ut Ægidius, Marsilius, Gregorius, dicunt formari in ipso Angelo loquente, alii ut Albertinus in audiente, alii in utroque. Præterea aliqui ut Molina & Albertinus, putant esse signa ad placitum, & libera impositione Dei, vel Angelorum, qualia sunt signa voces humanæ. Alii verò putant esse signa naturalia. Deniq; non desunt, qui putent ista signa consistere in multiplici dispositione ipsius ubicationis Angelicæ, per diversas figuras, ita ut fiat locutio ad instar saltus, Angelo nunc contrahente, nunc extendente, nunc hoc, nunc illo modo figurante suam ubicationem. Verum hic modus loquendi per signa materialia & sensibilia non est per se necessarius Angelis, quia Angeli sicut suum esse, modumq; intelligendi, ita & modum loquendi debent habere independentem à rebus materialibus & sensibilibus. Nec propterea essent ex natura rei muti, si ponerentur extra omnia corpora receptiva signorum materialium. Modus etiam loquendi per signa spiritualia, saltem non semper est possibilis Angelis; Nam imprimis hæc signa non possunt significare naturaliter: alioquin unus Angelus non posset alteri loqui secretò, saltem in præsentia aliorum, quandoquidem omnes Angeli, saltem Vicini audirent, & signa illa naturalia intelligerent, & quidem independentem à consensu loquentis, siquidem hic

Non requiritur ad cognitionem Entis naturaliter significantis. Et si ex defectu consensûs non intelligerentur signa ista naturalia, multò melius diceretur, ex defectu consensus non intelligi secreta, seclusis hisce signis naturalibus. Porro sequela est contra perfectionem Reipublicæ Angelicæ, ad quam spectat ut unus Angelus possit alteri secreto loqui, non abducendo illum à reliquis, cum sic quoq; homines habentes modum loquendi imperfectiorem, inter se loqui possint, loquendo submissè. Si autem dicuntur hæc signa significare ex placito; jam ante significationem horum signorum deberent inter se Angeli convenire, & loqui de ista institutione signorum; & sic deberent aliquando inter se loqui sine talibus signis, sicut homines instituendo voces, locuti sunt per nutus.

Quòd autem respondet Arriaga, hoc non sequi, quia dici posset quòd Deus ab initio infuderit Angelis notitiam horum signorum, sicut primis Parentibus infudit initio notitiam linguæ Hebrææ. Id non satisfacit: quia vel Deus omnibus Angelis infudit notitiam eorundem signorum. Et sic unus Angelus non posset alteri loqui secreto, quòd est inconveniens, ut nuper diximus. Vel Deus infudit notitiam diversorum signorum pro singulis binariis Angelorum, ita ut aliud sit idioma Michæelis loquentis cum Gabriele, aliud Gabriëlis loquentis cum Raphæele, & sic de singulis binariis Angelorum; & hoc licet concedatur ab Albertino, aliisq;, est tamen incredibile, propter nimiam multiplicationem idio-



idiomatum. Relinquitur ergo; modum loquendi per signa, saltem non esse unicum & semper necessarium Angelis.

Secunda Opinio est Suarii lib: 2. cap: 27. cum quo sentiunt quidam Scotistarum Basso-  
lius, Faber, Vulpes, Brachasius, relati à Mastro  
art: 3. Angelos loqui inter se per productionem speciei impressæ in audiente; ita ut loquens producat, & imprimat audienti speciem intelligibilem de suo conceptu, vel affectu. Verùm hæc quoq; Sententia rejicitur. Tum quia Angeli non acquirunt successu temporis species impressas; tum quia juxta doctrinam Sancti Thomæ qu: 110. & 111. communiter receptam. Angelus non potest in subjecto extraneo quidquam immediatè producere, præter motum localem & impulsivum. Tum denique quia ad perfectionem Angeli spectat, ut possit loqui alteri Angelo etiam distante, non potest autem producere speciem impressam in subjecto distante. Quòd licet neget Suarez; rationes tamen quæ probant non posse produci formam materiale in subjecto distante, procedunt etiam de productione formæ spiritualis, ut patebit consideranti.

Tertia Opinio est Scoti, quem sequitur citatus Mastro. Angelum alteri loqui producendo immediatè in audientis Intellectu conceptum illius objecti, de quo loquitur. Sed contra hanc Sententiam militant pleraq; quæ diximus contra præcedentem, & præterea illud, quia saltem naturaliter non potest produci intellectio per actionem transeuntem in subjecto extraneo; cum actus vitalis ita sit motus ab

us ab intrinseco, ut saltem ex naturâ rei, possit esse ab eo principio, in quo recipitur.

Quarta Sententia est Vasquez, quam sequitur Arrubal, & Amicus, Locutionem Angelicam formaliter consistere in conceptu reflexo Angeli loquentis supra suum actum directum, quem vult audienti manifestari, ita ut loquens dum cognoscit objectum directè, sibi ipsi loquatur; cum verò cognoscit reflexè istum suum conceptum, explicando se habere talem conceptum de tali re, eo ipso loquitur alteri. Sicut enim nos loquimur aliis per voces, quæ sunt verba externa reflexa supra verbû mentis, quòd explicant: ita videtur Angelus loqui aliis per verbum mentale reflexû supra verbû mentale directum. Ad hanc sententiam reduci potest illa, quæ asserit, Quòd locutio Angeli, sit talis intellectio Angeli, quæ sine reflexione supra seipsam, ex se dicat ordinem non tantum ad objectum, quòd repræsentat, sed etiam ad notitiam alterius, respondens huic simili verbo externo: *Hoc tibi dico*; quo pacto experimur nos iratos colloqui internè cum aliis. Sed contra est, Quia talis modus loquendi superflue ponitur: Ad eum enim utiq; requiritur directio Voluntatis, qua loquens velit manifestare alteri suum actum, ut fatentur hujus sententiæ patroni, siquidem secretum non potest innotescere alteri sine libera dispositione, & quasi donatione ejus, qui habet jus secreti. At positâ directione suæ voluntatis, eo ipso Angelus loquitur alteri sine ulla reflexione supra suum conceptum, & absq; ulla intellectione de se ordinata ad notitiam alterius, ut

patebit

patebit ex iis quæ mox dicemus pro nostra sententia. Ergo ista reflexio, & intellectio de se ordinata ad notitiam alterius, non requiritur per se ad Angelicam locutionem.

Quinta ergo & vera Sententia est, Angelos loqui inter se per ordinationem, seu directionem voluntariam sui conceptus ad alterum. Ita expresse. Divus Thomas qu. 107. art. 1. quem sequitur Joannes à Sancto Thoma disp. 25. art. 1. & communiter Thomistæ ac nostri etiam, Præpositus, Franciscus de Lugo, Martinon, Arriaga, Ezparza, Haunoldus, Bertoldus: quanquam aliqui, ut Arriaga, Haunoldus & Bertoldus præter istam ordinationem conceptus ad alterum, requirunt, ut Deus de novo producat speciem impressam in Intellectu audientis de conceptu loquentis, quod in Sententia Thomistica de speciebus Angelicis contrariis dici nequit. Intellego autem hanc sententiam cum Joanne à Sancto Thoma, Lugone & Bertoldo hoc modo, ut locutio Angelica formaliter consistat in ipso conceptu loquentis, quatenus per ejus voluntatem ordinato ad alterum, ita ut ipsa volitio manifestandi suum conceptum seu ordinatio activa loquentis, sit pars locutionis in obliquo importata: Jam verò conceptus loquentis subsistans isti ordinationi activæ, seu ordinatio passiva conceptus, sit pars locutionis in recto importata, ac deniq; cognitio alterius Angeli, quatenus habita dependenter à tali locutione, sit formaliter auditio.

*Probatur hæc Sententia ex conditionibus ad locutionem requisitis. Nam ad locutionem*



nem primò requiritur, ut per eam loquens manifestet non solum rem de qua loquitur, sed etiam suum conceptum internum, seu rem ut substantem suo conceptui; & ideo *cali quamvis manifestent gloriam Dei*, non tamen loquuntur propriè quia non manifestant suum conceptum. 2dò requiritur, ut per locutionem, per se & immediatè cognoscatur conceptus loquentis; & ideo quamvis ex quolibet effectu Dei cognoscatur Sapientia Dei, tamen Deus non per quemlibet effectum suum nobis loquitur propriè. 3tiò. Ad hoc ut unus alteri loquatur, requiritur ordinatio locutionis ad audientem; & ideo cum arguo Paulum in præsencia Petri, loquor Paulo non Petro, sed tantum loquor coram Petro. Porro hæc omnia requisita ad locutionem habentur posito solo præcisè actu voluntatis, quo Angelus vult alteri manifestare suum conceptum. Tunc enim adest imprimis ordinatio ad alterum ut patet: Deinde tunc cognoscitur immediatè & per se conceptus loquentis. Quod ipsum probatur: Quia tunc ex una parte Angelus audiens, habet intellectum ex parte actus primi completum ad cognoscendum conceptum loquentis, per speciem propriam talis conceptus sibi initio creationis impressam, ut suppono: ex altera parte adest tunc econditio requisita ad hoc, ut conceptus loquentis sit proximè cognoscibilis ab Angelo audiente, nempe consensus loquentis; quandoquidem posito præcisè tali consensu Angelis, jam ejus conceptus, propter bonum societatis non poscit occultationem sui, sed potius

reve-

revelationem. Ergo tunc nihil desideratur ad locutionem Angelicam propriè dictam. Confirmatur; quia in tantum unus Angelus non cognoscit conceptum alterius, in quantum est conceptus alterius, seu in quantum est conceptus sub jure & dominio alterius: Nam de cætero conceptus alterius est omnino ejusdem rationis, ac proinde respectu Angeli, ejusdem cognoscibilitatis cum conceptu proprio, quæ Angelus cognoscit. Ergo cessante hac formalitate domini & juris alieni, Angelus cognoscit conceptum alterius. At ista formalitas cessat per solum consensum loquentis, seu per voluntatem manifestandi; hic enim consensus est quædam donatio, & transfusio juris ad cognoscendum suum conceptum, sicut etiam in aliis rebus cessat dominium per hoc quòd dominus consentiat ad usum suæ rei. Ergo posito solo consensu unius Angeli, ejus conceptum alter Angelus cognoscit.

In nobis non solum hæc est ratio, cur alienos conceptus ignoremus, quia sunt sub dominio alterius, sed etiam hæc est ratio, quia nec habemus speciem impressam de conceptu alterius, nec eum aliter cognoscimus nisi dependenter à sensibus. Unde fit quòd ad hoc ut cognoscamus alienum conceptum, non solum requiritur consensus loquentis, sed etiam signum sensibile, à quo audiens beneficio sensus acquirat speciem intelligibilem de conceptu loquentis. Hæc autem ratio non procedit de Angelis, qui ut suppono habent species omnium rerum concreatas, & independentes à sensibus cognoscunt, proinde Angeli ad cognitionem-

gnitionem alieni conceptus, solo indigente consensu loquentis.

Ex his multa inferri possunt de locutione Angelica. Primum quod Angeli in maxima distantia possunt inter se loqui; quandoquidem Angelus loquens nihil producit in audiente, sed tantum præstat suum consensum. Secundum quod possit loqui unus alteri soli in præsentia aliorum non audientium, quia potest ad unum solum dirigere suum conceptum. 3tò. quod possit fortius loqui: unde etiam in Apocalypsi dicitur Angelus *clamasse voce magna quatuor Angelis*; nempe per efficaciorum suar. mentis ordinationem. 4tò. quod Angelus possit simul loqui pluribus, volendo pluribus manifestare suum conceptum. 5tò. quod auditio Angeli non differat intrinsecè à visione objecti, sicut differt in nobis, sed tantum extrinsecè. Ratio est quia nos auditione non cognoscimus objectum ut est in seipso, sed tantum in signis loquentis; è contra autem Angeli, & auditione & visione cognoscunt objectum, ut est in seipso, cum hac sola differentia, quod auditio dicat respectum ad ordinationem loquentis, quem respectum non dicit visio. 6tò. Inferri potest, quod aliquando Angelus possit non audire loquentem, quando scilicet totam suam vim intellectivam expendit in consideratione aliorum objectorum.

*Ad primum.* Negari imprimis posset major, quia ut objectum dicatur nunc proximè perceptibile ab Angelo audiente, quod antea non erat tale, sufficit ut nunc adsit conditio sine qua non, extrinseca objecto & audienti; quæ antea non



rea non erat, nempe consensus loquentis: sicut ad hoc ut ignis sit proxime ultivus, requiritur conditio igni extrinseca, nempe applicatio & dispositio passi, nec requiritur, ut nova virtus activa igni intrinseca imprimatur. Quod multò magis valet in presenti, cum perceptibilitas proxima objecti pendeat à dominio morali alterius, quòd proinde objectum ut reddatur, proxime perceptibile, sufficit mutatio moralis. Itaq; illud axioma; *Idem manens idem semper facit idem*; intelligi debet ita, ut nulla supponatur facta mutatio causæ, tam in intrinsecis, quàm in extrinsecis circumstantiis. Deinde negari potest minor: nam cum ipse consensus Angeli loquentis de novo productus, non sit mera conditio ad auditionem prærequisita, sed sit etiam partiale objectum Angeli audientis; ita ut Angelus audiens, non solum tunc cognoscat conceptum loquentis, sed etiam consensum, eo modo, quo non solum color videtur, sed etiam lux; hinc est quòd accedente consensu loquentis, ita fiat mutatio nova in objecto totali audientis, sicut accedente luce, fit nova mutatio in objecto totali visus. Et sicut non potest videri color & lux seorsim, sed tantum simul; ita etiam species Angelica non est repræsentativa secreti alieni quin simul repræsentet consensum alterius. Ad illud quod additur; per solam denominationem extrinsecam non reddi objectum manifestabile, quod antea non erat tale, similiter respondeo, per solam denominationem extrinsecam consensus loquentis, objectum posse reddi proxime manifestabile, sicut per solam de-

lam denominationem extrinsecam approximationis passî, ignis redditur proximè utilis: vel certè dic, ordinationem loquentis non esse meram denominationem extrinsecam respectu objecti totalis cognoscendi ab audiente, sed esse parziale objectum. Ad Confirmationem similiter dico, ordinationem loquentis, non sine rationabili fundamento, à nobis poni tanquam conditionem extrinsecam requisitam ad hoc ut secretum unius Angeli certò cognoscatur ab altero, ac proinde non dari ansam fingendi pro libito conditiones extrinsecas. Specialiter autem dici nequit, quòd visus ex se habeat virtutem completam ad videndum sine specie visibili, solumq, pendeat ab aliqua conditione extrinseca. Quia præter conditiones extrinsecas ad videndum requisitas dari species visibiles, probat reflexio specierum in speculo, & similia quæ affert Animastica. Deinde falsò supponitur ordinationem loquentis esse meram conditionem extrinsecam ad cognoscendum secretum ipsius, cum sit etiam parziale objectum, ut diximus.

*Ad secundum.* Patet ex probatione nostræ sententiæ, cur in locutione sensitiva requiratur excitatio physica audientis, per productionem qualificatis ipsi intrinsecæ, nempe speciei impressæ in audiente, & cur in locutione spiritali purè Angelica, hoc non requiratur, sed sufficiat excitatio moralis, & extrinseca, consistens in mera ordinatione loquentis; quo pacto etiam excitatur & determinatur Angelus à productione objecti, ut illud hodie intuitivè cognoscat, quod antea sic non cognoscebat,

bat, quando fuit purè possibile. Quamvis verò is qui sibi loquitur intus, causet in seipso aliquid, non sequitur tamen quòd loquens alteri, debeat aliquid in altero causare; quia loquens sibi, producit actum vitalem, qui debet esse in ipso producente, non autem in subiecto extraneo. Rursus quamvis auditio sit notitia accepta à loquente per locutionem, non tamen necesse est, ut loquens imprimat aliquid audienti, quia potest notitia accipi moraliter à loquente, quod fit per consensum loquentis, sicut subditus à prælato religioso accipit usum rei per consensum ipsius.

*Ad primam Confirmationem.* Concedo quod excitatio passiva sit vitalis motus intellectus audientis, (excitatio enim activa potius est vitalis motus voluntatis loquentis) sed dico posse aliquem vitaliter moveri per extrinsecam voluntatem, non quidem tanquam per causam physicam, immediatè effectivam motus in alio, (sic enim nonnisi voluntas proprii suppositi movet potentias,) bene tamen tanquam per conditionem sine qua non, vel potius tanquam per objectum. *Ad secundam Confirmationem* Respondet Martinon, Angelum cum ita est distractus, ut non attendat alteri loquenti, posse ad hoc excitari ab altero per motum, vel impulsum specialem, vel alio modo, ut nos solemus etiam distractos aut sopitos excitare, ita ut ille necessario audiat. Quanquam sicut unus Angelus absolutè potest alteri negare liberè audientiam, per voluntariam distractionem ad alia objecta, ita potest etiam libere attendere alteri loquenti,  
nolen-



nolendo se distrahere, & volendo inspicere alterum, quantum satis est ut illi attendat, & antecedenter cognoscendo se id posse velle, ad quam cognitionem determinabitur Angelus, vel à cognitione suæ substantiæ, vel à connectione specierum, vel ab occurſu objecti.

*Ad tertium.* Concedo quod Angelus non possit alteri æquivocare, & mentiri, loquendo per ordinationem conceptus ad alterum; quia tamen potest suæ naturæ relictus, ex pravo affectu loqui per signa externa fallacia, aut ambigua, ideo potest mentiri, & æquivocare absolute loquendo.

*Ad quartum.* Carentia volitionis manifestandi secretum, non tollit quidem in Angelo audiente speciem impressam, nec lumen intellectuale, tollit tamen conditionem ad cognoscendum alienum secretum requisitam, imò & objectum parziale speciei impressæ, ut jam dictum est; & ideo hujus carentia volitionis potest vocari velamen, & sigillum secreti.

*Ad quintum.* Negat Arriaga omnem locutionem cum altero esse actum intellectus, cum locutio humana sit actus potentiæ distinctæ ab intellectu. Nos autem concedimus locutionem cum altero spirituales Angelicam in recto esse actum intellectus, licet in obliquo importet actum voluntatis. Unde etiam puto quod cum Angelus alteri loquitur de suo affectu, hæc locutio sit formaliter conceptus Angeli loquentis de suo affectu, directus per actum voluntatis ad alterum. Quod autem Verbum Divinum, quo Deus Pater loquitur non importet actum voluntatis etiam in obliquo,

quo, hoc ex eo est, quia ista locutio Divina non est libera, sed necessaria; cum è contra libera sit locutio Angelica.

*Ad sextum.* Quamvis voluntas manifestandi secretum sit actus in se liber; quia tamen hic actus per seipsum est donatio notitiæ tam sui, quàm secreti, respectu alterius, (quod aliis actibus non convenit,) ideo talis actus non debuit esse occultus, sed per seipsum manifestus, quod etiam postulat bonum societatis. De aliis autem actibus voluntatis aliter dicendum est.

*Ad ultimum.* Voluntas manifestandi secretum, pro objecto directo habet aliquid à se realiter inadæquatè distinctum, nempe cognitionem tam sui, quàm secreti in audiente, seu manifestationem passivam, licet hæc eadem voluntas etiam seipsam partialiter velit reflexè; in quo nullum est absurdum; cum quælibet volitio sit amor sui, sicut quælibet enuntiatio est affirmatio sui, ut dictum est in Philosophiâ.

## QVÆSTIO VI.

Vtrum Lucifer primò peccaverit  
nolendo se subicere Christo  
venturo ?

VIdetur quòd non. *Primò.* Quia peccatum Luciferi principale & primum potius fuit illud, quando dixit: *Similis ero Altissimo* Isaïæ 14. & de quo habetur Ezechielis 28. *Dixisti Deus ego sum, ac deniq; cui supponit Michaël,*  
K dicen-

dicendo : *Quis ut Deus* : Hæc autem significant affectationem Divinitatis : Ergo Lucifer potius primò & principaliter peccavit per affectationem Divinitatis. Et ita videtur docere Gregorius, Augustinus, Ambrosi: Hieronymus apud Suarium lib: 7. cap: 12. Clarissimè verò Nazianzenus, qui ita canit de Lucifero : *Dum Deus esse cupit, tetra caligine obrutus est.*

*Secundò.* Ut arguunt Scotistæ. Prius est vel- le quàm nolle ; ideo enim nolo aliquid, quia aliud oppositum volo ; & similiter prior est excellentia absoluta, quàm relativa, cùm omne absolutum sit prius relativo Ergo prius voluit Lucifer aliquid, quàm noluit sub- jici Christo, & rursus prius voluit excellenti- am absolutam, amando inordinate suam excel- lentiam, quàm voluerit excellentiam relati- vam, volendo præferri aliis, & nolendo subji- ci. Confirmatur auctoritate Augustini do- centis, *quòd amor sui usq; ad contemptum DEI exstruxerit civitatem Diaboli.* Et 14. de Civitate cap: 13. ita docentis de Lucifero : *Initium ma- le voluntatis fuit sibi nimium placere ;* Unde in- fertur juxta Augustinum, primum Angeli pec- catum fuisse nimiam sui amorem.

*Tertiò.* Incarnatio Verbi Divini præsup- ponebat lapsum Adæ, quo scilicet non peccan- te Christus non venisset, ut docet D. Thomas : hic autem lapsus præsupponebat lapsum Dæ- monis, ut pote tentantis Adamum ad pecca- tum : Ergo lapsus dæmonis non potuit præ- supponere Christum venturum, ne detur mu- tua prioritas mediata inter Christum ventu- rum, & lapsum Dæmonis. Ergo ulterius An- gelus



gelus non peccavit cognoscendo Christum venturum, eiq; se non subjiciendo.

*Respondetur.* Conveniunt communiter Theologi, Luciferum multa cōmisisse peccata, nempe superbiam, invidiam, ambitionem, apostasiam, odium in Deum, blasphemiam &c. Sed dubium est quod ex his fuerit primum & principale ipsius peccatum, & origo reliquorum.

Prima sententia est Scoti cum suis affectis, quos citat & sequitur Mastrius disp: 3. qu: 4. art: 1. Primum peccatum Angeli fuisse philautiam, seu inordinatum amorem erga seipsum sine relatione ad Deum, quem affectum appellat Scotus formaliter luxuriam spiritua-lem, radicaliter autem & virtualiter superbiam, quatenus qui plus æquo suam perfectionem æstimat, statim supra alios extolli cupit, quod est formaliter superbire, seu super alios ire. Verum hæc sententia communiter rejicitur, quia quidquid sit de voce, an philautia maiorum Angelorum sit vocanda luxuria spiritualis: Adhuc contra hanc sententiam est, quia Scriptura toties expressè significat primum peccatum Angeli fuisse superbiam. Ita enim dicitur Ecclesiastici 10. *Initium omnis peccati superbia*: Et Tobiae 4. *In superbia sumpsit initium omnis perditio*: quæ verba cum nihil obstat, accipienda sunt simpliciter & in sensu proprio, ita ut significant, primum Angeli peccatum, non solum primitate principalitatis, ut vult Mastrius, sed primitate originis, ut denotat ly *initium* propriè sumptum, fuisse superbiam iidem propriè dictam, hoc est secun-

dum formalem & specificam rationem superbiæ, qualis utiq, non est philautia. Unde non satisfacit Mastrius dum dicit: Initium omnis peccati & perditionis hominum, fuisse superbiam propriè dictam Luciferi, non autem initium peccati etiam Angelorum. Contra enim est: Quia hoc est non accipere propriè & simpliciter illud Syncategorema universale, *omnis peccati: omnis perditio*, cum tamen nihil obstat ut propriè accipiat. Accedit quòd non appareat, quomodo amor sui fuerit grave peccatum Luciferi. Nam nullus amor sui potest evadere peccaminosus ex sola intentione actus, quandoquidem hujusmodi amor cum sit ex objecto substantialiter bonus, quo intensior est, eò melior est per se loquendo, id est seclusa prohibitione, aut impeditione alterius actus præcepti, aut læsione sanitatis, quæ omnia hic non apparent. Solum ergo amor sui potest esse peccaminosus, vel cum quis arrogat sibi id quòd non habet; vel cum arrogat sibi quasi habeat à se, quòd habet ab alio; vel cum sibi desiderat id quod non debet desiderare. At nihil horum agnoscit Scotus in illo primo amore sui Angelico: Ergo non apparet quomodo hic fuerit graviter malus. Quòd autem dicit Mastrius, ex eo fuisse graviter malum, quia per illum actum Lucifer, plus appetitivè se amabat quàm Deum, sistendo in seipso tanquam in fine ultimo: id non satisfacit. Tum quia; nullum est fundamentum in Scriptura & Patribus, ut Angelo cognoscenti infinitum excessum Dei supra se, & nondum habenti depravatam voluntatem, tribuamus hunc

hunc affectum stultum, *Æstimo plus me quàm Deum*: Tum quia vel Luciter positivè listebat in seipso, tanquam in fine ultimo, volendo se esse finem ultimum verum & realem; & sic peccavit affectando Divinitatem, de quo statim: vel listebat in seipso negativè, quatenus amorem sui non referebat ad Deum; & in hoc non peccavit saltem graviter: vel deniq; in hoc sensu collocabat finem ultimum in seipso, quatenus nolebat tendere ad verum finem ultimum, per omissionem amoris erga seipsum sibi graviter pròhibiti, & de hac prohibitione non constat. Ergo nullo modo sistendo in seipso tanquam in fine ultimo peccavit graviter.

*Secunda* Sententia aliquorum antiquorum, quàm cæteris præfert Arriaga in hac disp: 24. Sef. 9. Docet, primum peccatum Angeli fuisse *Superbiam quâ appetiit æqualitatem cum Deo in naturâ, seu ipsam Divinitatem, non quidem affectu simpliciter efficaci, id est tendente, ad dandam existentiam objecto, (non poterat enim hanc chimeram sic velle, quàm ut talem evidenter cognoscebat, ) sed per simplicem quandam complacentiam, desiderando ineffaciter esse posse, ut ipse esset Deus, si hoc esset possibile; qui affectus quanvis non sit ex se essentialiter malus, si præcisè sistat in aliquo prædicato Divino, v. g. dicendo: Vellem esse ita Sanctus, sicut Deus, si hoc esset possibile: tamen si per hunc affectum velit quis esse Deus, ut sit supra omnia etiam cum destructione Dei, est gravissimum peccatum superbiæ. Verùm hæc quoq; sententia communiter rejicitur cum S.*



te efficaciter non potuit; vel deniq; volebat unionem obtinere, petendo eam à Deo; & in hoc nullum fuisset peccatum, nisi fortè ratione mali finis, cujus amore potius peccavisset, quàm appetitu unionis hypostaticæ.

*Quarta Sententia docet*, Luciferum primò peccasse per inordinatum appetitum beatitudinis supernaturalis: ita Cajetanus, Capreolus, & alii Thomistæ. Id autem potuit variis modis accidere, *Primò*, volendo beatitudinem supernaturalem obtinere sine ullis meritis supernaturalibus, solum viribus naturæ. *Secundò*, appetendo hanc beatitudinem præcindendo ab omnibus meritis. *Tertiò*, volendo eam obtinere citius, aut majorem quàm Deus voluerit dare. Hi tamen omnes modi rejiciuntur. Nam juxta primum explicandi modum, debuisset in Angelo præcedere error Pelagianus judicii, de possibilitate hujus objecti, ut fatentur Thomistæ, vel saltem apprehensio talis objecti, ut vult Vasquez: neutrum autem dici potest, quia cum ex ipsis terminis, apprehendendo beatitudinem supernaturalem, judicaverit Angelus eam esse supra vires suæ naturæ, non potuit tunc judicare eam posse obtineri viribus naturæ. Potuit quidem hoc apprehendere; verum apprehensio de possibilitate objecti, conjuncta cum judicio evidenti de impossibilitate ejusdem, non potest movere voluntatem ad prosecutionem efficacem talis objecti, qualis prosecutio fuit primum peccatum Angeli, ut nuper diximus. Item secundus explicandi modus non est sufficiens; quia ex natura re non est peccatum, appetere visionem Dei, ni-

Intensio affectus circa objectum bonum, qualis est beatitudo naturalis, tunc tantum est mala, quando vel est prohibita, vel impedit actum præceptum; vel lædit valetudinem, quæ omnia in præsentī locum non habent: ac proinde nū ius amor beatitudinis in Angelo propter intensiōem, non fuit malus, certē non fuit superbia. Non etiam secundus explicandi modus sufficit. Nam esse contentum beatitudine inferiori, & nolle altiore seu supernaturalem, non est actus superbiæ, quale fuit primum peccatum Angeli, sed est actus pusillanimitatis, sicut rusticus contentus suo tuguriolo, & nolens palatium, non esset superbus, sed abjectus. Rursus esse contentum beatitudine naturali, & nolle supernaturalem, quatenus habendam communem cum hominibus, vel est actus invidiæ; vel si est actus superbiæ, non est amor beatitudinis naturalis, sed potius est amor singularitatis, quàm singularitatem non videtur efficaciter appetiisse Angelus contra Dei decretum, sicut diximus de appetitu unionis hypostaticæ. Præterea contra tertium explicandi modum illud est. Tum quia, Lucifer videbat se indigere beatitudine supernaturali, ac proinde non poterat amare seipsum ut sibi sufficientem cum sola beatitudine naturali. Tum quia, si Lucifer peccavit nolendo per obsequium humile tendere ad beatitudinem supernaturalem, hoc obsequium non aliud fuit, quàm subjici Christo venturo, ut mox dicemus. Non item quartus modus sufficit, quia amare beatitudinem naturalem plus appretiativè, quàm cætera, non est actus

superbiæ, quale fuit peccatum Angeli. Deniq; hi omnes. modi explicandi, universaliter refutantur ex eo, quia Angelus ex nimio amore veræ beatitudinis naturalis, non potuit velle peccatum, per quod scilicet videbat destruendam beatitudinem naturalem, impossibilem cum summa miseria peccati; sed tantum potuit. velle peccatum ex amore boni ut sic, præscindendo à bono verò, & apparente.

*Sexta Sententia docet, quòd Angelus primò & principaliter peccaverit appetendo omnibus creaturis rationalibus dominari, & ab iis coli, imò nulli subesse.* Ita Molina, Valentia, & alii. Sed contra est quia videbat Lucifer alios Angelos huic suo desiderio fore contrarios, qui reputantes sibi gloriosius fore, subijci immediate Deo, eumq; potius colere, quam creaturam, utiq; non erant consensuri tali desiderio Luciferi. De hominum etiam subjectione & cultu, utpote nondum tunc existentium, non videtur fuisse adeò sollicitus Lucifer. Ergo non videtur efficaciter voluisse istum dominatum supra omnem creaturam rationalem. Quòd autem dicitur illum voluisse nulli creaturæ subesse, hanc utiq; perfectionem habebat Lucifer, ut pote inter Angelos supremus, adeoq; non peccavit, hanc perfectionem appetendo. Si autem dicatur, illum noluisse etiam subesse Deo; jam hoc ipso Lucifer vel affectavit æqualitatem cum Deo, (si ita noluit subesse, ut noluerit quoad suum esse dependere à Deo,) quod supra refutatum est. Vel certè si in hoc sensu noluit Deo subesse, quatenus novit ejus præceptis parere; jam primum peccatum



catum Angeli non esset superbiæ sed inobedientia, nisi dicatur præceptum fuisse de aliqua humiliatione præstanda prout nos dicemus.

*Est ergo septima sententia vera, quam tandem approbat P. Esparza, & unicè tenet P. Bertoldus, & P. Haunoldus, qui dicit hanc sententiam esse apud Recentiores communem: Quod primum & principale Luciferi peccatum fuerit recusasse Christo ut homini venturo subjectionem, quam Deus illi præcepit.*

Probatur primò auctoritate Scripturæ, quæ ad Hebræos 1. ita habet. *Et cum iterum introducit primogenitum in orbem terræ; dicit: Et adorent eum omnes Angeli ejus.* Unde inferitur duplicem fuisse introductionem Christi in orbem, cum præcepto intimato Angelis adorandi ipsum, quarum altera fuit physica per actualem Incarnationem, altera verò intentionalis, per manifestationem decreti de Incarnatione factam Angelis, brevi post creationem illorum, quæ fuit occasio lapsus malis Angelis. Idem colligitur ex illo Ioannis 9. Ubi Christus Dominus, Iudæos necem sibi machinantes, ita alloquitur: *Vos ex Patre diabolo estis, & desideria Patris vestri vultis perficere, ille homicida fuit ab initio, & in veritate non stetit.* Quibus verbis Christus loquitur, de primo peccato diaboli, quando scilicet in veritate non stetit, dicitque hoc peccatum fuisse simile peccato Iudæorum, quia scilicet sicut hi volebant cultum Christi extinguere, adeoq; eum physicè occidere, ita diabolus primò suo peccato nolebat Christum adorare, & sic volebat eum moraliter interire, nolendo illum esse adorandum ab omnibus, lualis revera fuit.

Proba-

Probatur secundo ratione. Quia cum ex una parte ad dignitatem Christi spectabat esse caput, fontem, & causam meritoriam omnis gratiæ & gloriæ, tam respectu hominum, quam Angelorum, ut insinuat Paulus Apostolus, juxta dicta in Quæstionibus de Incarnatione; utiq; valde probabile est, quod brevi post creationem, omnibus Angelis revelata sit à Deo existentia Christi, cum præcepto, ut eum omnes Angeli tanquam suum caput, & causam meritoriam gratiæ & gloriæ, agnoscerent ac adorarent, præsertim cum aliquo præcepto congruum fuerit probare obedientiam Angelorum, sicut deinde probata est primorum hominum obedientia. Ex alia vero parte, hoc præceptum fuit maximè aptum exercendæ obedientiæ respectu Angelorum, naturaliter præminentiam appetentium; quandoquidem fuit maximè arduum, respectu ipsorum, neglecta superiori natura Angelica, inferiorem humanam ad tantam dignitatem assumi, eiq; subjectionem præstandam ab Angelis exigere. Ergo valde probabilis est, primum & principale peccatum Luciferi fuisse, quo transgressus est hujusmodi præceptum. Quamvis verò in hoc peccato realiter inveniatur ratio inobedientiæ, ingratiitudinis, religionis, invidiæ, odii Dei; quia tamen in his peccatis præminet superbia, opposita principaliter præceptæ humiliationi, & quia reliqua peccata commisit Lucifer, non ex motivis peculiaribus eorum, sed ex motivo superbiæ; ideo primum peccatum ipsius merito dicitur esse superbiæ. Ex his ergo manet explicatum primum peccatum Luciferi.

Ad

Ad primum dicendum, quòd Lucifer primo suo peccato voluit esse similis Altissimo, esseq; ut Deus, non formaliter affectando Divinitatem, vel unionem hypostaticam, propter allatas rationes, sed implicite & æquivalenter, quatenus voluit Deum imitari in hoc, quod est non subesse præcepto superioris, nec subijci ulli excellentiori in Persona. Et ita videtur sentire D. Augustinus Concione 2. in psalmum 7. post medium, ubi dicit, *Hoc diabolus fecit, imitari Deum voluit, sed perverse, non esse sub illius potestate.* Et Gregorius lib: 24. Moral: cap: 14. ita loquitur de diabolo: *Ei à quo conditus fuerat, subesse despexit, dicens ascendam super altitudinem nubium, similis ero Altissimo.*

*Ad secundum.* Transeat quòd prius naturâ fuerit in Angelo amor sui, imò & amor excellentiæ absolutæ, puta beatitudinis naturalis, quàm fuerit, nolle subijci Christo venturo, (quanquam per unicum realiter actum potuit Angelus tendere in hæc omnia objecta; ) Adhuc nego, primum peccatum Angeli fuisse amorem sui, aut amorem beatitudinis naturalis, quia ut dixi, isti actus ex se non erant mali, sed indifferentes, ut ab illis progredere-tur Angelus ad amorem & obedientiam Dei, licet defacto per accidens ex propria suæ libertatis malitia, ab amore sui inceperit extruere Babylonem, u q; ad contemptum Dei. Per quod etiam patet Responsio ad Confirmationem.

*Ad tertium.* Patet ex dictis in Quæstionibus de Incarnatione, quòd præsupposita virtualiter intrinsecè scientiâ conditionata, de lapsu.



138 *Ad 1. part. qu. 6. de pecc. Angel.*

lapsu Adæ & Angelorum, Deus per unicum virtualiter intrinsicè decretum & voluerit Incarnationem in remedium peccati, & permisit lapsum tum Angelorum, tum Adami, & simul voluerit revelare tum Adæ tum Angelis ante peccatum, existentiam Christi, simul q; virtualiter intrinsicè, viderit absolutè lapsum tum Adæ tum Angelorum; quo posito tota corrumpit objectio. In sententia verò docente prius virtualiter intrinsicè, visum esse absolutè à Deo lapsum Adæ, adeoq; lapsum Angelorum, quàm fuerit decreta Incarnatio, dicendum esset cum Cardinali de Lugo, Deum Angelis peccaturis manifestasse Christum non absolutè venturum, sed sub conditione, quasi quærendo ex illis: *Si verbum incarnaretur, præstaretisne ipsi subjectionem, quam ego exigerem?* Atq; malos Angelos hanc subjectionem recusasse; post quod peccatum ipsorum absolutè visum, deinde subsecutum est decretum Incarnationis. Quo posito cessat etiam mutua prioritas, inter lapsum Angelorum & Incarnationem.

QVÆ-



# QVÆSTIONES.

Ad primam secundæ.

De Actibus humanis, Peccatis, &  
Gratia Dei.

Quæstio I.

*De pura omissione libera in creatis.*

Quæstio II.

*De Malitia morali formali actus mali.*

Quæstio III.

*De privatione rectitudinis constitutiva ta-  
lis malitiæ.*

Quæstio IV.

*De Peccato philosophico.*

Quæstio V.

*De Peccato Habituali.*

Quæstio VI.

*De activitate Gratiæ Actualis.*

Quæstio VII.

*De Gratia Habituali ut remissiva peccati  
mortalis*

Quæstio VIII.

*De distinctione huius gratiæ ab habitu  
charitatis.*

QVÆ.



# QVÆSTIO I:

Vtrum in Creatis detur pura Omif-  
fio Libera.

**V**Idetur quòd sic, ut docet Suarez, in Meta-  
phyfica, Ovi do in Animastica, Arriaga, a-  
liq; antiquiores, quos citat & sequitur Salas,  
hic, Tractatu tertio, Disputatione prima, Se-  
ctione tertia.

*Primò.* Quia negatâ purâ omiffione libera,  
non poterit explicari, quæ sit differentia inter  
libertatem contrarietatis, seu potentiam agen-  
di hoc, & oppositum, & inter libertatem con-  
tradictionis, seu potentiam agendi, & non a-  
gendi: utraq; enim libertas versabitur inter  
terminos positivos contrarios, si non datur  
pulum non velle liberum, sine omni actu po-  
sitivo: jam verò duo termini positivi non op-  
ponuntur sibi contradictoriè. Item non pote-  
rit explicari, quæ sit differentia inter peccatum  
commissionis, & inter peccatum Omiffionis, si-  
quidem omne peccatum, erit actus positivus.  
Deniq; non poterit explicari discrimen inter  
præceptum positivum & negativum, siquidem  
omne præceptum præcipiet actum positivum.  
ut ergo hæc absurda evitentur, admittenda est  
pura omiffio libera.

*Secundò.* Qui potest plus, potest etiam mi-  
nus: sed voluntas potest liberè velle & nolle.  
Ergo etiam potest liberè purè non velle, quod  
est minus.

*Tertiò.* Potest alicui apparere saltem per

L

erro-

errorem, quòd sibi malum sit hic & nunc, elicere aliquem actum liberum, si v. g. persuaderat sibi, esse præceptum sibi à Deo hic & nunc abstinere ab omni actu libero: Sed tunc is non necessabitur ad ullum actum liberum, quia nemo necessitatur ad id, quòd sibi apparet ut malum: Ergo poterit omittere omnem actum liberum.

*Quartò.* Potest voluntas liberè omittere hunc determinatè actum, & illum determinatè: Ergo etiam potest omittere totam collectionem actuum. Probatur consequentia, Quia sicut in hoc vel illo determinatè actu libero potest voluntati apparere aliquis defectus, mistus bonitati, propter quem potest liberè omittere talem actum: ita potest apparere defectus mistus bonitati in tota collectione actuum; Quandoquidem fieri non potest, ut sit defectus in singulis partibus, & non sit in toto: Cum ergo pura omissio libera sistat in hoc, quòd est liberè omittere totam collectionem actuum voluntatis, sequitur quòd sit possibilis.

*Quintò.* Si non datur pura omissio libera in creatis, dabitur infinitus processus in actibus liberis. Quòd ipsum probatur dupliciter: nā imprimis, Petrus sicut liberè elicit amorem, ita liberè elicit amorem tantæ intensiōis, liberè abstinendo ab aliquo gradu intensiōis: vel ergo liberè abstinere per puram omissionem, & sic habetur intentum: vel liberè abstinere per actum positivum, & de hoc redit quæstio, quia hunc quoq; actum voluntas liberè ponit cū tanta intensiōe, & similiter redibit

dibit quæstio de tertio, & quarto, & sic in infinitum. Deinde voluntas postquam liberè elicit amorem, libere eum conservat singulis instantibus per horam: vel ergo singulis instantibus liberè omittit nolitionem conservationis sine ullo actu, & sic habetur intentum: vel omittit per aliquem actum positivum; & sic dabuntur infiniti actus, sicut in hora dantur infinita instantia, vel si mavis partes communicantes.

*Sextò.* Fundamentum relationis prædicalis potest denominari relatum à Termino suo, qui non est relatio. Immò in sententia probabili amor indifferens ex se, ad hoc ut sit necessarius vel liber, denominatur extrinsecè liber in actu secundo à cognitione prævia, indifferenter proponente objectum, quæ non est libera in actu secundo. Ergo etiam negatio omnis actus positivi potest denominari libera in actu secundo, à cognitione prævia, proponente obligationem eliciendi actum, nec non ab aliis requisitis præviis, constituentibus potentiam proximam liberam, quamvis hæc non sint libera in actu secundo.

*Respondetur.* Dicendum est, Implicare in Creatis puram omissionem liberam, id est ut voluntas in actu secundo se liberè exerceat sine ullo actu suo positivo, seu liberè omittendo omnem actum suum positivum, impossibilem cum actu quem omittit. Ita ex Antiquioribus Alexander Alensis, Sanctus Bonaventura Cajeranus aliq; relati à Salas, Quibus subscribunt nostri Vasquez disputatione 97. cap: 2. Cardinalis Sfortia Pallavicinus disp. 3.

quæst: 2. art: 5: qui etiam articulo primo citat suos Professores Cardinalem de Lugo & Patrem Terentium Alciatum. Idem docent Patres Ezparza, Haunoldus hoc loco, P. Rosmer in Theſibus Theologicis mihi pagina 286. Pater Bertoldus pagina 235. De mente S. Thomæ potest esse dubium: nam hic Quæst: 6. art: 3. absolutè docet, *Voluntarium posse esse sine omni actu*: At verò Quæst: 71. art: 5. docet cum distinctione, *Non posse dari peccatum Omisionis sine aliquo actu, qui terminetur vel directè ad ipsam omisionem dicendo v. g. Nolo audire missam, vel indirectè ad omisionem & directè ad causam, aut occasionem omisionis, dicendo volo ludere, vel dormire, cum adest obligatio audiendi missam.* Quòd ipsum repetit Sanctus Doctor fusè quæstione 7. de peccatis art: 1: Unde ita debet explicari, ut velit posse dari voluntarium sine omni actu terminato directè ad ipsam omisionem, non tamen sine actu saltem terminato ad aliquod objectum impossibile cum actu qui liberè omittitur, quæ est nostra sententiâ.

*Probatur primò.* Conclusio in mea sententia, docente quamlibet negationem esse indistinctam à parte rei ab aliquo ente positivo, impossibile cum re negata ut latè probo in principiis Philosophicis tota Disp: 2, & rursus contra nuperam cujusdam impugnationem confirmo disputatione de voluntate Dei quæstione 4., & infra quæst. 3. aliquid de hoc superaddetur. In hac ergo sententia facilis est Conclusionis ratio, Quia pura Omissio libera si daretur, esset à parte rei carentia identificata reali-



realiter alicui enti positivo: Ergo alicui actui: cui enim alteri enti positivo identificaretur? Quod autem quidam Recentiores dicant, nullam dari à parte rei negationem, miror cur hic asserant dari puram omissionem liberam peccaminosam, quæ utiq; est negatio. Quasi verò peccatum omissionis non detur formaliter à parte rei, & ille qui non audit missam die festo, peccet per aliquid quod solum formaliter datur ex modo nostro concipiendi, & non à parte rei.

*Probatur secundò.* Omne exercitium potentia præsertim vitalis & liberæ debet esse actus positivus: Sed ommissio libera est exercitium voluntatis, quæ est potentia vitalis & libera: Ergo ommissio libera est actus positivus, adeoq; non datur pura Omissio libera. Minorem dant Adversarii: Omissio enim libera est id quo exercetur potentia libera omittendi actum, inclusa in potentia libera. Major probatur, Quia si aliquod exercitium potentia vitalis liberæ daretur sine omni actu positivo, eo ipso talis potentia exerceretur mortuo modo, & non vitaliter; Non enim viveret per tale exercitium, cum vivere sit agere, & vita definitivè sit motus ab intrinseco: jam verò tale exercitium non esset agere. At implicat potentiam vitalem liberam exerceri mortuo modo, nec vivere per suum exercitium; Quia de ratione potentia vitalis est, ut exerceatur vitaliter, seu per ipsum vivere, sicut de ratione potentia visivæ est quæ est vitalis exerceri per videre, quòd est vivere, & similiter de ratione potentia intellectivæ est exerceri per intel-

ligere, quòd etiam est vivere, & sic inducendo omnes potentias vitales. Ergo implicat potentia vitalis liberae aliquod exercitium esse sine omni actu.

*Dices primò.* Majorem procedere de exercitio potentia liberae positivo, non autem negativo, qualis est pura omissio. Sed Contra est, Quia ratio majoris universalis est, & probat implicare exercitium purè negativum potentia liberae, ut potè vitalis; Ergo responsio petit principium.

*Dices secundò:* Hoc tantum verum esse in aliis potentiis vitalibus, non verò in potentia libera; hæc enim cum sit potentia non solum agendi, sed etiam non agendi, fit ut possit dari ejus exercitium, quòd sit non agere, seu omissio omnis actus. Sed Contra est: Quia in potentia libera, inclusa ipsa potentia non agendi, vel est vitalis, vel non vitalis: Si Primum: Ergo exercitium talis potentia est vivere, adeoq; aliquid agere: Unde potentia hujusmodi est potentia non agendi hoc determinatè, puta potentia non audiendi missam, simul tamen est potentia agendi aliquid indeterminatè impossibile, puta potentia ludendi tempore Sacri, vel aliquid simile, nec est potentia purè non agendi. Si Secundum? Jam potentia libera non esset ex integro vitalis, quòd derogat ipsius perfectioni.

*Dices tertio.* Puram Omissionem liberam esse actum non formaliter, sed virtualiter, æquivalenter, & Interpretativè. Sed contra est. Quia nullum contradictorium est virtualiter, æquivalenter, & Interpretativè suum  
contra-

contradictorium, puta mors non est virtualiter & æquivalenter vita, nec Lux tenebræ, & sic de aliis. Et Ratio est, Quia si contradictorium identificaretur virtualiter, & æquivalenter suo contradictorio, eo ipso esset virtualiter & æquivalenter chimæra, sicut si formaliter identificaretur suo contradictorio esset formaliter chimæra. Atqui pura ommissio libera, quæ est negatio omnis actus, est contradictoriè opposita alicui actui, ut patet: Ergo pura ommissio libera nequit esse virtualiter & æquivalentez aliquis actus.

*Probatur tertio Conclusio.* Voluntas est potentia rationalis, quæ in omni suo exercitio movetur ab objecto proposito per cognitionem: sed moveri ab objecto proposito per rationem, præter ipsam voluntatem, quæ est indifferens ad moveri vel non moveri, præter objectum, & ejus cognitionem, quod utrumque non movetur, sed movet, dicit aliquid distinctum à puro nihilo, (hoc enim potius facit non moveri, quàm moveri:) Ergo omne exercitium voluntatis præter voluntatem, objectum, & cognitionem, dicit aliquid distinctum à puro nihilo, adeoq; à pura omissione, quæ est purum nihil.

*Responderi solet:* Per puram Omissionem liberam moveri voluntatem virtualiter, ideo, quia si interrogaretur, Quare omittit omnem actum, parata est respondere, Quia volo assequi hunc finem, quem video ex omissione secuturum: Ita sicut dicitur Minister Sacramenti habere intentionem virtualem, quia si interrogaretur cur exerceat actiones externas

Sacramentales, paratus est respondere, Quia volo ministrare Sacramentum, quamvis tunc non habeat intentionem formalem ministrandi. Sed contra est, Quia hoc totum negamus: Dixi enim in Tractatu de Sacramentis, Intentionem virtuales consistere non in illa veritate conditionali, quàm ponit responsio, sed potius in actu quodam tenui & confuso, qui transacta intentione formali, tendat de præsentia in finem, antea volitum formaliter, sitq; connexus cum intentione formali præterita. Sanè exemplum istud de intentione Ministri non est ad rem, Quia in omni sententia Intentio Virtualis præsupponit intentionem formalem, quæ intendat hunc finem expressè & formaliter, quem intendit Virtualiter Intentio Virtualis: At verò pura omissio libera, per adversarios, non supponit actum voluntatis. Deinde illa futuritio conditionata, quàm ponit responsio, utiq; opponitur formaliter contradictoriè puro nihilo, id est non futuritioni conditionatæ: Ergo non est purum nihil, sed aliquid positivum. Quomodo ergo est indistincta à pura omissione, quæ est purum nihil; præfertim cum illa futuritio conditionata detur non conditionatè, sed absolute, ut pote quæ absolute determinat voluntatem, & incipit in hoc tempore. Sed hæc sufficiant contra puram Omissionem liberam. Alia videri possunt apud Recentiores.

*Ad Primum Dicendum.* Inter libertatem Contradictionis, seu quoad exercitium, & inter libertatem Contrarietatis, seu quoad specificationem, hoc esse discrimen, Quòd prima li-



ma libertas sit potentia vel amandi objectum, vel excludendi amorem objecti, non quidem directè per odium talis objecti. Sed indirectè per diversionem voluntatis ad amanda alia objecta, vel per ligamen rationis, quæ diversio & ligamen sint impossibilia cum amore objecti, quem proinde per denominationem extrinsecam denominant non esse. At verò secunda libertas est potentia vel directè amandi objectum, vel directè odio habendi. Similiter inter præceptum affirmativum & negativum est hoc discrimen, quòd præceptum positivum directè obligat ad ponendum actum talis speciei, v. g. ad auditionem missæ, Indirectè autem obligat ad omittendos actus impossibiles cum actu talis speciei, puta ad omittendum lusum, deambulationem &c. At verò præceptum negativum directè obligat ad omittendum actum talis speciei, v. g. ad actum furti, indirectè verò obligat ad aliquem indeterminatè actum impossibilem cum actu furti, ejusq; exclusivum.

Hinc etiam sumitur discrimen inter peccatum Omissionis, & inter peccatum Commissionis: Quia peccatum Omissionis est contra præceptum positivum, cum scilicet liberè omittimus actum talis speciei, directè præceptum, v. g. auditionem missæ, licet tunc ponamus aliquem actum, indirectè prohibitum v. g. volitionem ludendi, aut quid simile: Contra autem peccatum Commissionis est contra præceptum negativum, cum scilicet ponimus actum talis speciei, directè prohibitum. Et quia in peccato Omissionis pro formali ve-

nit Omissio actus præcepti, pro materiali verò venit actus aliquis, cui identificatur talis omissio; oppositum autem accidit in peccato commissionis, cumq; denominatio sumatur à forma, non à materia; ideo illud dicitur peccatum Omissionis, hoc verò commissionis. Cæterum ad hæc omnia explicanda nihil facit pura omissio libera, quia in explicatione horum omnium semper ponimus aliquem actum voluntatis.

*Ad secundum.* Sicut in Physicis, agens naturale physicè potest generare novam formam substantialem in materia, simulq; corrumpere præcedentem, quod est plus, non autem potest mere corrumpere, quòd est minus; quia hoc minus repugnat physicè: ita potest voluntas amare & odisse, quòd est plus, non potest tamen pure omittere omnem actum, quòd est minus, quia hoc minus repugnat metaphysicè, ut probatum est.

*Ad tertium.* Sicut non potest apparere per adversarios practicè voluntati ut bona, aut ut præcepta à Deo omissio omnis exercitii liberi tam positivi quàm negativi, Quia hæc Omissio per illos apparet voluntati ut impossibilis: ita per nos non potest apparere voluntati practicè ut bona, aut ut præcepta à Deo omissio omnis actus positivi, Quia talis omissio apparet voluntati ut impossibilis.

*Et Ratio est,* Quia tunc deberet apparere voluntati, quòd per talem Omissionem deberet voluntas exerceri & non exerceri vitaliter, deberet moveri & non moveri rationaliter, quòd implicat, ut dictum est. Sanè si omis-

ſio omnis actus poſitivi proponeretur practice voluntati ut bona, vel tanquam præcepta, proponeretur ut amanda pro ſigno poſteriori naturæ; Conformando ergo ſe voluntas huic practicæ propoſitioni, pro ſigno poſteriori & poneret actum amoris erga talem Omiſſionem, quia ſe conformaret dictamini practico moventi ad huiusmodi amorem, & nullum actum poneret, ut volunt adverſarii: Sed hoc implicat: Ergo & repræſentatio practica ejuſmodi implicat.

*Ad quartum.* Retorquetur argumentum, quia etiam in complexo ex actu & omiſſione actus, ineſt aliqua malitia, quæ ineſt ſingulis partibus complexi, nec tamen hoc complexum poteſt voluntas omittere; Alioquin neutrum contradictoriorum verificaretur, quod implicat. Directè Reſpondeo: Ad hoc ut voluntas poſſit liberè omittere aliquod ſuum exercitium, non ſatis eſt, quod in illo appareat defectus, ſed præterea requiritur, ut ejus oppoſitum ſit practicè amabile: Jam verò in collectione omnium actuum ita apparet defectus, ut oppoſita libera omiſſio iſtius collectionis non ſit practicè amabilis: Alias enim deberet repræſentari voluntati, quod per talem omiſſionem deberet exerceri & non exerceri vitaliter, moveri & non moveri à ratione, quod implicat, ac proinde etiam implicat, ut voluntas liberè omittat collectionem omnium ſuorum actuum.

*Ad quintum.* Negatur ſequela. Ad priorem ejus probationem dico, Voluntatem dum elicit liberè actum tantæ intenſionis, v. g. ut quatuor,

tuor, liberè abstinere ab actu remissiore, v. g. ut tria, vel intensiore ut quinque, per omissionem liberam, indistinctam ab actu libero ut quatuor, adeoq; tunc non datur processus infinitus in actibus liberis, nec etiam pura Omissio libera. Ratio est, Quia ut dixi in Philosophia, Quilibet actus vitalis per seipsum indivisibiliter est tantæ intensiois, v. g. ut quatuor, non autem per additionem gradus ad gradum, ac proinde per seipsum est exclusio, consequenter Omissio actus intensioris & remissioris. Unde voluntas eâdem libertate, quâ se determinat ad substantiam actus, determinat etiam se ad ejus intensioem, & ad omittendum actum intensiorem, & remissorem, non autem hoc facit speciali libertate; quandoquidem à substantia actûs non distinguitur ejus intensio, & omissio actus intensioris & remissioris. Ad alteram probationem dico, Amorem liberè elicitum, liberè conservari per horam à voluntate eatenus, quatenus prima libera determinatio voluntatis ad amorem, moraliter perseverat per horam, propter negationem retractionis, identificatam cum serie actionum durantium per horam, compossibile cum prima determinatione: vel etiam quatenus identidem per aliquot actus tenues finitos, voluntas approbat in spatio horæ suam primam determinationem; & sic evitantur infiniti actus liberi, & pura Omissio de volitione conservationis.

*Ad sextum.* Paritas de relatione prædicamentali nulla est; Quia hæc denominatio cū non sit vitalis, potest formaliter partialiter prove-



provenire ab extrinseco, nempe à termino :  
At verò denominatio liberi in actu secundo  
cum sit vitalis, debet haberi formaliter totaliter  
per ipsum esse intrinsecum exercitii liberi,  
tam positivi quàm negativi. Unde negabimus  
Quæst: sequenti. Amorem esse ex se indiffe-  
rentem ad esse liberi vel necessarij, seu ab ex-  
trinseca cognitione denominari liberum vel  
necessarium, sed potius diximus, Amorem per  
seipsum essentialiter esse liberum aut necessa-  
rium, nec istas denominationes esse contin-  
gentes respectu amoris, sed essentielles. Dein-  
de ex antecedente non sequitur inconveniens,  
scilicet dari negationes à parte rei distinctas ab  
omni ente positivo, sicut hoc sequitur ex-  
consequente: Ergo nulla est paritas hujus  
argumenti.

## QVÆSTIO II.

Vtrum Malitia Moralis formalis sit  
aliquid reale adæquatè identifica-  
tum Actui voluntatis pecca-  
minoso?

VIdetur primò, Quòd non sit quid reale sed  
quòd sit Ens rationis, quæ sententia tribui  
solet Patri Vasquez hic disputatione 95. cap:  
10. eumq; de more sequitur Pater Gaspar Hur-  
thado in hac disp: 1. Difficultate 5. Ratio est,  
Quia omnis respectus ad aliquid extrinsecum  
est Ens rationis, Fingitur enim inhærere suo  
fundamento, cui tamen est extrinsecus: Atqui  
malitia actus est respectus ipsius ad aliquid ex-  
trinse-

trinsecum, nempe ad legem æternam, vel ad dictamen rationis, siquidem nihil aliud est nisi difformitas actus cum lege æterna, & tum dictamine rationis: Ergo Malitia actus est Ens rationis.

*Secundò* videtur formalis malitia actus esse Ens quoddam Morale, medium inter Ens reale & Ens rationis, pro qua Sententia P. Oviedo hic tractatu 4. Contr: 5. puncto 1. n. 18. citat suum Magistrum, & Patrem Lessium in libro de Divinis perfectionibus. Ratio est, Quia Malitia videtur non esse quid productum ab ulla causa, (alioquin enim deberet etiam produci & causari à Causa Prima, quod est inconveniens;) sed potius videtur posito fundamento, nempe actu voluntatis libero & contrario legi Dei, pullulare ex actu voluntatis: Atqui hujusmodi Ens, ut pote dicens ordinem ad libertatem, Ens est Morale, & non reale, (omne enim reale si non sit Deus, debet esse quid productum & causatum,) nec etiam est Ens rationis, (cum detur à parte rei,) Ergo Malitia formalis actus est Ens Morale.

*Tertiò* videtur vera esse Sententia, quàm tenet Curiel, & Cornejo apud eundem Oviedum, puncto 5. num. 54. Quod Malitia formalis actus sit modus quidam positivus, superadditus à parte rei actui malo. Ratio est, Quia hujusmodi Malitia non potest permanere sine entitate actus; Jam verò ipsa entitas actus potest manere eadem sine malitia Morali; quandoquidem idem actus, quo quis vult feria sexta comedere carnes, est moraliter malus, cum adest lex prohibens talem comestionem, nec  
non

non advertentia ad legem, deficiente verò aut lege, aut cognitione legis, idem actus non est moraliter malus. Cum ergo inseparabilitas duorum non mutua, sit signum distinctionis modalis, sequitur malitiam moralem ab actu distingui sicut distinguitur modus à re. Quod ipsum Confirmatur primò, Quia sicut eadem actio externa v. g. comestio carnum, potest esse nunc prohibita, nunc præcepta, ita & eadem volitio comestionis; Ergo eadem volitio potest esse nunc bona, nunc mala moraliter, ac proinde potest eadem permanere sine sua malitia morali. Et Ratio ulterior est, Quia Deus æquale habet dominium in actum externum, quam in actum internum voluntatis, ac proinde æqualiter potest utrumq; præcipere & prohibere. Confirmatur Rursus, Quia durum videtur, quod qui advertenter comedit carnes prope mediam noctem feriæ quintæ, non possit continuare comestionem vi ejusdem affectus post mediam noctem; in hoc autem casu talis affectus post mediam noctem erit malus moraliter, & ante mediam noctem non fuit malus, Ergo idem quòd prius.

Quartò videtur esse vera Sententia Connotatarum, Quòd Malitia actus sit quædam formalitas contingens connotativa, id est identificata quidem adæquatè actui voluntatis libero, connotans tamen dictamen rationis, quo solo deficiente tanquam extrinseco connotato, deficiat malitia, quamvis maneat entitas actus. Ratio est, Quia simili modo discurre solet, de relatione prædicamentali similitudinis & dissimilitudinis: Ergo idem dicendum de ma-

de malitia morali, quæ est difformitas & dissimilitudo actus voluntatis liberi cū dictamine rationis.

*Quintò* videtur esse vera Sententia Patris Oviedi hic puncto 7. & multorum Recentiorum, Quòd malitia actus sit denominatio semixtrinfeca, id est partim extrinfeca, partim intrinfeca actui malo, ita ut in recto identificetur partialiter entitati actus, partialiter verò licet in obliquo identificetur dictæ ini rationis, quo pacto multi dicunt relationem prædicamentalem identificari partim fundamento partim termino. Ratio est, Quia sicut idem homo est Pater manente filio, & ablato filio non est Pater; ita idem actus liber manente cognitione proponente malitiam est malus moraliter, & ablata hac cognitione non est malus: Ergo sicut denominatio Patris præter entitatem Patris includit entitatem filii, tanquam constitutivum intrinsecum denominationis: ita & Malitia moralis præter entitatem actus liberi, includit dictam cognitionem. Patet consequentia. Antecedens probat Oviedo: Quia cognitio proponens Malitiam objecti non influit in amorem talis objecti, sed potius eum retardat: Ergo talis amor potuit esse sine illa cognitione, immò facilius esset sine illa, dummodo remaneret altera cognitio invitans voluntatem ad amorem objecti. Nempe non potest aliquid deficere ex eo, Quia deficit impedimentum existentiae ipsius, sed potius quodlibet tanto facilius existit, quantò plura imminuuntur impedimenta suæ existentiae.

*Respondetur.* Malitia & Bonitas moralis formalis,



malis, quæ tenet se ex parte actûs, nihil aliud est nisi conformitas vel difformitas actûs cum Regula morum, quæ est aut voluntas Dei, aut dictamen practicum rationis. De hac ergo malitia morali sit.

Propositio I. *Malitia Moralis formalis est Essentialis actui interno voluntatis formaliter id est immediate & ratione sui libero, qui est malus.* Ita Cajetanus, Alvarez, aliiq; Thomistæ apud Oviedum num: 5. Probatur. Actus qui per seipsum præcisè est liberè difformis dictamini rationis, est essentialiter malus moraliter: Sed quilibet actus voluntatis formaliter liber qui est malus, est per seipsum liberè difformis dictamini rationis: Ergo est essentialiter malus moraliter. Major patet, Quia esse aliquid per seipsum præcisè tale, est esse Essentialiter tale, quid enim est magis essentialè alicui, quàm ut sit ipsum, seu ut sit id quod est, Ergo si per seipsum aliquid præcisè est liberè difforme dictamini rationis, (quòd est esse moraliter malum, ut jam dictum est,) est utiq; Essentialiter malum moraliter. Minor probatur. Nam imprimis v. g. Volitio formaliter libera comedendi carnes feriâ sextâ, (idem dic de aliis similibus,) est per seipsam præcisè non solum amor & prosecutio boni delectabilis in usu carnum, sed etiam est fuga & rejectio boni honesti in abstinencia à carnibus, Quandoquidem sicut esse prosecutionem, ita esse fugam objecti, est vitalis tendentia, conveniens actui voluntatis per seipsum; Ergo talis volitio per seipsam est libera, differtq; per seipsam à volitione necessaria, quæ solum per seipsam est

M

amor

amor objecti, non autem est simul fuga & rejectio alterius objecti. Rursus eadem volitio per seipsam præcisè resistit cognitioni proponenti legem prohibentem, eamq; contemnit; Siquidem etiam ista resistentia & contemptus, est quædam vitalis tendentia, estq; major conatus voluntatis in objectum oppositum, ac proinde habetur per ipsum præcisè actum vitalem voluntatis. Ergo talis volitio per seipsam est difformis dictamini rationis; Hæc enim difformitas nihil aliud est, nisi resistentia & contemptus cognitionis proponentis legem. Quod autem dico de Malitia morali actus interni voluntatis mali, idem dicendum de bonitate actus interni boni moralis, quia etiam hic per seipsum est liber, & conformis dictamini rationis. Hinc sequitur, Divisionem actus voluntatis in bonum, & malum non esse divisionem subjecti in accidentia, sicut dividitur homo in album & nigrum, sed esse divisionem generis in species, quæ scilicet essentialiter differunt, sicut dividitur animal in hominem & brutum. Sequitur deinde fieri non posse, ut idem actus internus voluntatis transeat de bono in malum, vel de malo in bonum; Quia alias manens idem, mutaret prædicata essentialia, essetq; idem, & non esset idem, quod implicat. Itaq; licet bonitas & malitia sit sæpe accidens respectu subjecti quod dicitur bonum vel malum, non tamen respectu ejus quo dicitur res bona vel mala, puta respectu actus interni voluntatis, quo homo redditur bonus vel malus.

**Propositio I I. Bonitas & Malitia moralis formalis**

*malis est adequatè intrinseca & identificata suo actui interno voluntatis.* Hæc propositio sequitur ex Priori. Patet enim quòd id quod est essentialè alicui, sit etiam adæquatè identificatum eidem, quandoquidem quodlibet per seipsum adæquatè est sua essentia, seu est id quod est: Jam verò bonitas & malitia moralis sunt essentialès suis actibus internis, ut dictum est. Hinc rejiciuntur omnes aliorum sententiæ de Malitia morali formali actus interni, relatæ in rationibus dubitandi. Hinc enim patet istam malitiam nec esse Ens rationis, nec Ens morale medium, nec modum à parte rei superadditum actui, nec formalitatem contingentem connotativam, nec denominationem semiextrinsecam respectu actus interni. Quia nihil horum est essentialè, & adæquatè identificatum actui interno voluntatis. Aliæ speciales harum Opinionum impugnationes addentur in Responsione ad rationes dubitandi.

**Propositio III.** *Bonitas & Malitia Moralis est accidentalis actioni externæ, id est actioni quæ procedit à potentia distincta à voluntate, adeoq; talis bonitas & Malitia est denominatio extrinseca respectu actus externi, ut potè identificata actui interno voluntatis, qui ratione sui est formaliter malus vel bonus, & externam actionem denominat extrinsecè malam vel bonam.* Ratio est, Quia imprimis ratio externa v. g. comestio carnum die Jejunii, non est formaliter libera & ratione sui, sed tantum accidentaliter, & ratione actus interni voluntatis, à quo imperatur, ac proinde est libera per denominationem extrinsecam ab actu volun-

tatis: Ergo eodem modo est mala vel bona moraliter, siquidem Bonitas & Malitia moralis fundatur in libertate actûs, ratione Cujus videlicet libertatis, actio est imputabilis operanti, vel ad laudem, seu ad vituperium, quæ imputabilitas est proprietas Bonitatis vel Malitiæ moralis. Deinde actio externa non resistit etiam dictamini rationis immediatè per se ipsam, sed tantùm mediante actu voluntatis & extrinsecè, ac proinde mediatè & extrinsecè bonæ est vel mala moraliter, & sic potest trāsire de bona in malam, & è converso, mutato dictamine rationis. Hinc alibi diximus ex professo, quòd actio externa non superaddat ullam malitiam externam moralem super actum internum. Ex his ergo manet satisfactû quæstioni propositæ. Superest ut respondeamus ad argumenta contrariarum opinionum.

*Ad primum.* Solenne est antiquioribus authoribus, denominationes extrinsecas vocare Ens rationis, & ideo Pater Vasquez Malitiam moralem actûs interni, dixit esse Ens rationis, quatenus putavit eam esse denominationem extrinsecam, desumptam tum à dictamine rationis, tum à principiis libertatis. Cæterum cum nos totum hoc negemus, patet Malitiam moralem actûs interni non esse Ens rationis. Deinde quamvis ista malitia esset denominatio extrinseca, non ideo Esset Ens rationis, per accidens enim, non per se fingeretur respectus iste extrinsecus inhærere actui voluntatis; Siquidem nemine fingente actus odii Dei adhuc esset formaliter & non tantùm fundamentaliter malus, ut pote formaliter difformis legi æternæ,



ternæ, & dictamini rationis. In forma ergo Respondeo cum distinctione; Omnis respectus ad extrinsecum fingitur inhærere suo fundamento per accidens transeat major, (quia hoc ad summum valet de respectu prædicamentali, non autem de transcendentali, qui est adequatè identificatus fundamento, & qualem respectum dicit malitia actûs interni respectu ejusdem actûs,) loquendo per se nego majorem, & dissimulata minore, similiter distinguo Consequens.

*Ad secundum.* Communis & vera Sententia censet nullum dari à parte rei Ens morale, distinctum ab ente physico. Et Ratio est, Quia tale Ens daretur à parte rei extra Deum, nec tamen esset productum ab ulla causa, alioquin hoc ipso esset Ens physicum, habens propriam & propriè dictam existentiam, ad quam terminatur omnis productio: Jam verò implicat dari à parte rei extra Deum Ens, quòd à nulla causa sit productum; tale enim Ens esset exemptum à concursu causæ primæ, immò nec esset Ens creatum, nec increatum. Repugnat ergo malitiam moralem esse Ens medium inter Ens physicum & inter ens rationis. Quomodo autem Deus concurrat ad existentiam ipsius cum causa secunda, nec tamen sit causa per se illius, dictum est alibi, Quia scilicet concurrat cum causa secunda non determinatus ex se, nec determinans speciem & exercitium actûs mali, sed potius determinatus à causa secunda, deficiente liberè à regula morum, eo modo quo tibia recta concurrat cum tibia fracta ad claudicationem.

*Ad tertium.* Modus ille superadditus actui interno, constitutivus malitiæ ipsius, omnino superfluit. Ablato enim seu præcisò tali modo, actus v. g. Blasphemix, per seipsum formaliter est difformis legi æternæ, & dictamini rationis, liberèq; elicitur: Ergo per seipsum nõ tantum fundamentaliter, seu etiam formaliter est malus. Ad Rationem in Contra, nego separabilem esse mutuò, sed etiam non mutuò volitionem à sua malitia morali. Unde ulterius dico, esse intrinsecè ac essentialiter diversam volitionem, quæ elicitur relucente cognitione legis prohibentis, ab illa volitione quæ elicitur sine tali cognitione; nam prima volitio dicit intrinsecam ac Essentialem sibi dependentiam à tali cognitione, ejusq; contemptum, quàm dependentiam & contemptum non dicit secunda volitio, ac proinde una ab altera differt in prædicato Essentiali. Ad Confirmationem primam, negatur Antecedens cum enim volitio comedendi carnes semel à Deo prohibita, sit sive explicitè sive implicitè per seipsam & Essentialiter inobedientia respectu Dei, ut pote per seipsam & essentialiter tendens cum advertentia in objectum lege Dei prohibitum, sequitur quòd hæc volitio non possit postea à Deo præcipi, sed tantum alia ac diversa; alioquin præciperetur à Deo eiq; placeret id, quod est Essentialiter inobedientia respectu Dei: similiter cum volitio comedendi semel à Deo præcepta, sit essentialiter obedientia respectu Dei, ut pote tendens advertenter in objectum quâ honestum, id est quatenus conforme legi divinæ, sequitur quòd  
eadem

eadem non possit prohiberi à Deo ; alioquin displiceret Deo id, quod est essentialiter obedientia respectu Dei. De actione externa comestionis dispar est ratio, Quia hæc per seipsam non est essentialiter obedientia vel inobedientia respectu Dei, sed tantum per denominationem extrinsecam ab actu voluntatis, à quo imperatur. Nec refert quod Dominium Dei sit æquale in actum internum & externum, quia Dominium Dei est æquale in omnes Creaturas, nec tamen habet eundem usum circa omnes ; & ita est æquale dominium Dei in parietem album, & in albedinem ; & tamen potest facere Deus, ut paries albus evadat niger, non tamen potest facere ut albedo evadat nigra. Nempe dominium Dei non extendit se ad usus irracionales, qualis usus domini Divini esset, si Deo placeret id quod est essentialiter inobedientia, & displiceret id, quod est essentialiter obedientia respectu Dei. Ad secundam Confirmationem dico, posse quidem eandem actionem externam comestionis carniū continuari post mediam noctem feriæ quintæ, quæ actio cæpit ante mediam noctem, non tamen eandem volitionem comestionis, quia volitio post mediam noctem est essentialiter contemptus cognitionis proponentis legem Dei prohibentem, quod non convenit volitioni, quæ fuit ante mediam noctem ; unde una ab altera differt specie, ac proinde non potest esse eadem.

*Ad quartum.* Sententiam Connotatistarum communiter hac ætate rejici testatur P. Hauldus, qui suam Theologiam novissimè in

Germania impressit, his plane terminis sententiam suam contra Connotatistas proponens libro 1. de Deo, Tractatu 1. cap: 4. Contr: 1. Paragrapho 3. *Ita nunc communiter omnes, postquam videlicet opinio Connotatorum à Literatorum aula recessit.* nos eam impugnamus in principiis philosophicis Disp: 4. Quæst: 2. Vide etiam quæ de hac re dicemus de Sacramentis in P. 3. Qu. 1. Ita quæ dicimus, relationem prædicamentalem identificari partim fundamento, partim termino. Verum hinc similiter discurrere non licet de malitia morali; Hæc enim est difformitas seu dissimilitudo cum lege Dei & dictamine rationis non physica, pertinet ad relationem prædicamentalem, sed affectiva, & vitalis, ideo quæ adæquatè identificata actui voluntatis, & pertinet ad relationem transcendentalem. Deinde quamvis ab aliquo teneretur Sententia Connotatarum in relatione prædicamentali, hic tamen locum non habet. Quia ut dictum est, Malitia non est formalitas contingens actus interni, qualis est relatio prædicamentalis apud Connotatistas.

*Ad quintum.* Sententia Oviedi jam est impugnata. Ad rationem illius negatur Antecedens. Probationis distinguo antecedens: Cognitio proponens Malitiam objecti non influit directè in amorem talis objecti, concedo antecedens: non influit indirectè, nego antecedens, & consequentiam. Nempe sunt multi effectus, qui non possunt existere sine suis impedimentis, quamvis hæc solum indirectè influant in existentiam effectus, quatenus scilicet ita requiruntur ad existentiam effectus, ut  
non



non intendendo existentiam ipsius, conferant ipsi aliquod prædicatum intrinsecum, quod acquirit effectus ex eo, quia per seipsum resistit talibus impedimentis. Et ita non potest existere ingratitude sine beneficio, Laureola Martirii sine Tyrannide, Motus bilancis sursum sine pondere deprimente deorsum. Sic autem etiam nequit existere volitio mala, sine cognitione legis retardante talem volitionem, siquidem ab hac cognitione volitio mala accipit prædicatum intrinsecum contemnentis legem, resistentis tali cognitioni, & superantis talem difficultatem, quam proponit cognitio. Confirmatur validè hoc ipsum, simulq; doctrina nostra hætenus tradita, Quia omnis actus voluntatis essentialiter tendit in objectum ut cognitum, siquidem objectum voluntatis non est bonum quomodocunq; , sed bonum ut cognitum, ita ut cognitio objecti non se habeat materialiter & concomitanter, sed causaliter & objectivè, licet indirectè ut pote attacta in obliquo per actum voluntatis. Ergo omnis actus voluntatis essentialiter & intrinsecè præsupponit cognitionem objecti, à qua dirigitur: Vel ergo actus voluntatis tendit essentialiter in objectum ut cognitum tanquam prohibitum, & sic est essentialiter & intrinsecè malus: vel tendit essentialiter in objectum ut cognitum tanquam non prohibitum, & sic est essentialiter & intrinsecè bonus, seu non malus, ac proinde actus malus à bono seu non malo differt essentialiter & intrinsecè, nempe per dependentiam à diversis cognitionibus, essentialem ac intrinsecam actibus voluntatis.

Declaratur hoc ipsum ex Logica exemplo Conclusionis. Sicut enim hæc essentialiter & intrinsecè pendet ab assensu præmissarum, quas reflexè attingit conclusio per *Ly Ergo*, nec sufficit purè còexistere præmissas conclusioni: ita etiam actus malus voluntatis essentialiter & intrinsecè attingit cognitionem objecti prohibiti, dicendo: *Volo hoc objectum quod puto esse prohibitum, vel præceptum*, nec sufficit cognitioni prohibitionis vel præcepti còexistere actum voluntatis.

Sed insuper dices. Actum intellectus in materia contingenti esse conformem vel disformem objecto, est denominatio semiextrinseca, desumpta partim ex entitate actus, partim ex existentia vel carentia objecti, ideoq; actus verus potest transire in falsum, & è converso; Ergo etiam actum voluntatis esse conformem vel disformem regulæ morum cognitæ, est denominatio semiextrinseca, proveniens partim ex entitate actus, partim ex existentia vel carentia cognitionis proponentis regulam morum. Respondeo negando Consequentiam. Disparitas est, Quia actus intellectus non dependet essentialiter & per seipsum ab objecto terminativo quod cognoscit, sed tantum dependet essentialiter ab objecto suo motivo, quod vel per se, vel per speciem suam impressam influit in actum intellectus; Unde non est mirum, quòd manente in intellectu eodem motivo, & variato à parte rei objecto terminativo, puta cursu Petri, possit idem manere entitative actus, quo Dico *Petrus currit*, possitq; transire de verò in falsum:

**Falsum:** ac verò actus voluntatis essentialiter & per seipsum dependet à cognitione qua dirigitur, tanquam à suo principio efficiente, & motivo indirecte attracto, ac proinde variata hac cognitione, non manet idem entitative actus, ideoq; non potest idem entitative transire de bono moraliter in malum, vel è converso.

### QVÆSTIO III.

Vtrum Malitia moralis actus peccaminosi consistat formaliter in privatione rectitudinis debitæ, identificata realiter ipsi actui peccaminoso?

#### § I.

Proponuntur rationes dubitandi.

**V**idetur prædicta Malitia non consistere formaliter in ulla privatione, vel negatione, sed potius in ipsa positiva entitate actus mali præcisè, ut sentit Vasquez 2. 2dæ disp: 95. cap: 6. & sequitur Oviedo hic Controver: 5. pun: 7. Arriaga disp. 20. sect: 4. Haunoldus cap. 1. Contr. 4. paragr: 3. Rosmer in suis thesibus pag: 316. Bertholdus pag: 254. Quod ipsum probat Haunoldus, primo paritate duplici. Prima est Quia sicut actus malus injustitiæ excludit actum rectum Oppositum justitiæ: ita etiam actus rectus justitiæ excludit actum

Etum oppositum malum injustitiæ: Ergo sicut actus rectus non completur formaliter in ratione boni, per exclusionem actus mali, ita etiam actus malus non completur formaliter in ratione mali, per exclusionem actus recti, seu per privationem rectitudinis. Altera paritas, est Quia ita sibi opponuntur actus bonus & malus, sicut albedo & nigredo, scientia & error; siquidem per Aristotelem, capite de oppositis; Bonum & Malum morale opponuntur contrariè; Sicut ergo nigrum non completur formaliter per negationem albi, nec error per negationem Scientiæ: ita & actus malus in ratione mali non completur formaliter per negationem actus boni, seu rectitudinis. Unde si per impossibile actus malus odii Dei, non diceret privationem actus boni, aut si staret cum actu bono, adhuc hominem denominaret formaliter malum moraliter, sicut nigredo etiam si staret cum albedine, nec diceret privationem albedinis, adhuc subjectum denominaret formaliter nigrum.

*Secundò ut arguit Arriaga.* Dantur peccata, in quibus æqualis est privatio rectitudinis moralis, & tamen non est æqualis malitia moralis. Et ita pejus est odium, quàm ommissio præcepti amoris; pejus odium intensum, quàm remissum; pejus odium mortale, quàm veniale: & tamen in his æqualis est privatio rectitudinis, quia in his quilibet actus malus totaliter privatur rectitudine virtutis oppositæ, quandoquidem privatio consistit in indivisibili. Ergo peccatum Commissionis non consistit formaliter in privatione rectitudinis. In  
idem



idem recidit argumentum Vasquez, quod est tale: Extrema vitiosa virtutis moralis, puta Avaritia & Prodigalitas, differunt specie in ratione actus mali, & tamen privatio rectitudinis in utroq; est eadem specie; Quia utrumque privat eadem rectitudine liberalitatis. Ergo actus malus in ratione mali non constituitur formaliter privatione rectitudinis.

*Tertio ut arguit Obiedo.* Præceptum negativum v. g. non furandi, solam à me exigit negationem furti; Ergo peccatum Commissionis, quod est transgressio hujus præcepti, & formalis oppositio cum eodem, consistit formaliter in positione furti; siquidem negationi furti formalissimè opponitur positio furti. Quare privatio quæ est in actu furti non est privatio rectitudinis positivæ, sed est privatio rectitudinis negativæ, ac proinde est negatio negationis, consequenter est quid positivum.

*Quarto ut arguit Quidam.* Omnis negatio habet se nonnisi concomitanter & arguitivè ad Ens tale; siquidem supponit quòd ante illam omne Ens sit determinatum, seu quòd omne positivum sit tale, per suum formale complementum in esse tali; alias absq; suo formali nondum esset tale; & sic, si animal Petri nò esset completum & determinatum ad esse Hominis per suum formale, nempe per rationale, non posset verè fundare negationem bovis, vel leonis. Ergo etiam negatio rectitudinis in actu peccaminoso habet se concomitanter & arguitivè ad rationem peccati. Addit arguens huic argumento admirationem, dicitque imperceptibile sibi videri, quomodo actus positivus

fitivus malus in suo esse primò essentialiter completur per negationem, cum negatio nullum habens esse, non potest dare enti positivo aliquod esse.

*Quintò.* Saltem ista negatio rectitudinis quatenus identificata actui malo, non potest esse formale Constitutivum Malitiæ Moralis actûs, Quia ut arguit idem, talis negatio nihil omnino distinctum afferret præter ipsum esse positivum actûs mali. Ergo frustra dicitur esse formale Constitutivum actûs mali in esse tali. Quod ipsum argumentum sic aliter proponit. Si actus malus completur per id quod in re est suum esse positivum, utiq; completur per seipsum: Sed si completur per negationem identificatam sibi, hoc ipso completur per id quod in re est suum esse positivum actûs: Ergo completur per seipsum.

*Sextò.* Malitia Moralis debet esse libera, ut pote culpabilis & demeritoria; item est prohibita à Deo: Item est motus ab intrinseco: Sed negatio honestatis non est prohibita à Deo, Quia necessario sequitur ad actum positivum; Non est item in se formaliter libera, nec est motus ab intrinseco; Ergo non est malitia moralis.

*Septimò.* Videtur esse vera Sententia, quòd Malitia moralis actûs mali formaliter consistat in aliqua negatione realiter distincta ab actu malo, quam Thomistæ volunt esse à parte rei consequentem ad entitatem actûs, jam verò Pater Antonius Perez dicebat esse quandam puram Omissionem rectitudinis oppositæ, ratione sui liberam, quæ sit antecedens à parte

parte rei ad entitatem actûs mali. Ratio pro hac sententia est : Tum quia hoc videtur esse conformè dictis Patrum asserentium peccatum esse nihil : Tum quia si malitia moralis esset identificata realiter entitati actûs, Deus esset causa peccati, sicut est causa omnis entitatis positivæ : Tum Quia, ut dicebat Perez, Omne bonum transcendente, est id quod est prudenter amabile etiam à Deo : sed nulla Malitia Moralis est prudenter amabilis, nec est amabilis à Deo : Ergo nulla malitia est bonum transcendentaliter, adeoq; non identificatur à parte rei enti positivo, quod convertitur cum bono transcendentali.

*Octavo.* Non potest explicari, quâ rectitudine debitâ privet formaliter malitia moralis. Nam ut arguit Arriaga, aliquando actus malus non privat ulla rectitudine morali debita; quando enim aliquis odit Deum, cum hic & nunc non tenebatur ad eliciendum actû amoris Dei, nec ad ullum actum honestum, certè tunc actus odii Dei malus, nulla privat rectitudine morali debita, quia hic & nunc nulla rectitudo moralis debebat dari in peccante, siquidem tunc odium Dei vitari poterat, non solum per actum honestum, sed etiam per actum in individuo, aut saltem in specie indifferentem; immo huic præcepto negativo Deum nunquam odio habendi, tatisfit aliquando per actum venialiter malum, nempe per talem : *Nolo hic & nunc Deum odisse; sed potius volo me impendere studiis propter vanam gloriam.* Ergo odium Dei privans illo actu, quo tatisfit præcepto, Deum non habendi odio, non

non privat ulla rectitudine morali debita, ac proinde in tali privatione non consistit peccatum.

*Nono.* Non potest explicari, cuinam subiecto deberet inesse rectitudo ista, quâ privat actus malus, v. g. Odii Dei; Vel enim deberet inesse ipsi actui malo odii divini; & hoc dici nequit, Quia actus voluntatis malus, qui per seipsum est liber, est irredificabilis, cum sit ipsi essentialis sua malitia moralis; ac proinde si odio Dei deberet inesse rectitudo, deberet ipsi inesse Chimæra: vel ista rectitudo deberet inesse operanti, non autem actui malo: Et hoc etiam dici nequit, quia cum actus Odii Dei per seipsum sit malus moraliter, & ista malitia moralis sit privatio rectitudinis, & consequenter huic actui debuit inesse rectitudo: Sicut quia in oculo est privatio visus, oculo debuit inesse visus. Nulla ergo privatio rectitudinis debitæ constituit moralem malitiam.

*Respondetur.* Quæstio præsens solum fit de peccato actuali Commissionis; nam peccatum actuale Omissionis, certum est apud omnes, quod formaliter consistat in aliquo negativo, nempe in omissione actus præcepti. Malitiam ergo moralem peccati actualis commissionis aliqui quos retulimus, formaliter constituunt in positivo, aliqui ut Suarez, Molina, Valentia, & alii apud Oviedum, in negatione, seu privatione, quam negationem rursus aliqui à parte rei distinguunt ab actu malo, aliqui solum per rationem; Aliqui dicunt esse à parte rei antecedentem ad actum malum, aliqui  
confe-



consequentem. Nostra media sententia est, hanc malitiam realiter consistere in positivo, formaliter in negativo, quod antequam distinctè exponatur, & probetur, sit.

## § I I.

### Præmittitur Principium Philosophicum de Negationibus & Privationibus.

DICTUM est tota disp: 2. de principiis Philosophicis, Negationes & Privationes rerum activè sumptas, esse in re indistinctas ab aliquo positivo impedimento rei negatæ, ipsam verò rem negatam, ut denominatam extrinsecè à tali positivo impedimento, esse negationem passivè sumptam. Hanc sententiam dicit esse *admodum famosam* Haunoldus lib: 2. de Actibus humanis tract: 1. cap: 3. Controv: 5. qui proinde sibi contradicit, cùm hic eandem sententiam vocat singularem, nec minus falluntur alii, qui eam novitatis arguunt. Profectò isti faciles sententiarum censores, non ex integro legerunt, aut intelligere noluerunt Augustinum, Divum Thomam, Aristotelem & alios antiquos Doctores, qui apertè tradiderunt nostram sententiam. Nam Aristoteles lib: 10. Metaphysicorum cap: 4. aliàs 8. textu 56. ita dicit: *Omnis contrarietas habet alterius contrariorum privationem, inæqualitas æqualitatis, dissimilitudo similitudinis, vitium virtutis.* Et paulò post: *Quare manifestum est, quòd semper alterum contrariorum, secundum privationem dicitur.* Unde

N

sic sub-

liber. arbitr. Cap: 15. ita dicit: *Quod perfectio-  
ni nature deesse perspexeris, id voca Vitium.* Ubi  
ut vides juxta Augustinum, cum vicio quod  
est sub genere positivi habitus, per identita-  
tem & affirmabilitatem veram, miscetur defe-  
ctus, seu negatio perfectionis. Et lib: contra  
Epist: fundam: Manich: cap: 30. ita loquitur:  
*Vitupero tecum pestem, cecitatem, immanitatem,  
&c: Lauda tu mecum in illis speciem, distinctionem,  
ordinem, &c.* Sic intelligerent Manichæi, si tamen  
sine pertinacia vellent attendere, bona & mala se  
miscere. Ubi ut vides, Augustinus, cecitatem,  
quæ utiq; est privatio, necnon alia mala, quæ  
juxta ipsum, ut mox videbimus, sunt priva-  
tio boni, expressè allerit misceri cum bono,  
quod utiq; est ens positivum. Est igitur no-  
stra Sententia identificans negationem cum  
positivis non singularis, nec nova, sed Aristo-  
teli, Augustino, ac D. Thomæ satis familiaris,  
& antiquitate celebris, ut meritò, Citatus Pater  
Esparza Quæst: illa 4. de Virtutibus morali-  
bus graviter invehatur in nonnullos Recenti-  
ores nobis adversos, ubi dicit illos inaginatione  
deludi, cum frustra multiplicant nescio quas entita-  
tulas aut semientitatulas aut verius largas entium,  
juxta multiplicitem vocum, quibus nominantur  
possibilitates, Futuritiones, Suitates, Moralitates, Ca-  
rentiæ, &c. & quidem hoc faciunt cum tanta præ-  
sidentia, ut nullam in contrarium revereantur au-  
thoritatem, aut quamlibet subruant violentis glossis,  
neq; demonstrationibus cedant, ad quas nec adver-  
tere animum volunt, vivantq; contenti suo & juve-  
num tenuiorum quorumcunq; plausu, quibus imagi-  
natio dominatur, & sic triumphant ærideantq; Ve-

lentis patrare miracula, præstat immediatè & quidem indispensabiliter effectum formalem visus quatenus exclusi, seu cæcitatibus in oculo, sic de omnibus aliis negationibus. Ergo positivum Essentiale impedimentum alterius rei, est Causa formalis à parte rei, illius alterius rei quatenus exclusæ, sive à possibilitate, sive ab existentia, id est quatenus vel impossibilis, vel non existentis. Major est evidens, quia continet definitionem Causæ formalis, discretivam ipsius à Causa Efficiente, aliisque causis extrinsecis; quod ipsum ostendit inductio. Minor non patet. Et quidem quod v. g. inter decretum Dei positivum alterius solis, & inter ipsum solem quatenus exclusum ab existentia, nihil à parte rei mediet positivum, dans denominationem alterius solis exclusi, (idem dic de aliis positivis rerum impedimentis,) patet: Quia alioquin hoc positivum medium deberet produci per tale decretum Notivum alterius Solis, ut hoc decretum illo mediante excludat alterum solem; & tamen decretum Notivum, quatenus tale, non est productivum ullius positivi, quia potius claudit, non aperit fontem Divinæ Communicationis ad extra, unde emanant omnia positiva. Quod autem etiam nullum abusivum à parte rei mediet, inter tale decretum, & alterum solem, quodq; det immediatè alteri soli denominationem exclusi, (quæ Sententia est nova quorundam Recentiorum, & inventa primum à Patre Benedicto Robles, ut testatur P. Antonius Perez de Scientia Dei disp. 2. cap. 4. n. 129.) probatur. Tum Quia hoc Ens abusivum

N 3

est su-



est denominatio activa visi, ipsum autem ob-  
jectum quatenus ab hac visione denominatur  
visum, est visio passiva.

Hoc totum ulterius declaratur in aliis e-  
xemplis. Sicut enim distinctio seu forma ne-  
gans à parte rei Petrum esse Paulum, est ipsa  
entitas Petri, Negatio autem Passiva est ipse  
Paulus, quatenus negatus per entitatem Petri:  
Et sicut Creatura per seipsam immediate negat  
perfectiorem infinitam, hæc autem perfectio  
quatenus exclusa per Creaturam, est negatio  
passiva perfectionis infinitæ: Ita cur de o-  
mnibus aliis negationibus hoc ipsum dici non  
possit? Potissimum autem paritas urgetur con-  
tra eos qui nobiscum tenent, Ens purè possibi-  
le esse denominationem extrinsecam ab Omni-  
potentia. Sicut enim forma extrinseca deno-  
minans purè possibile, seu possibilitas activa  
formalis, est Omnipotentia, ipsum autem pos-  
sibile, seu possibilitas passiva, est v. g. ipse An-  
tichristus ab intellectu Conceptus, quatenus  
ab Omnipotentia denominatur extrinsecè esse  
quid possibile, à qua præscindendo, ille se-  
cundum se spectatus præscindit à ratione pos-  
sibilis & impossibilis, solumq; habet rationem  
cogniti: Ita cur dici non possit, quod forma  
denominans extrinsecè alterum solem non e-  
xistentem, seu negatio activa formalis alterius  
solis, sit decretum Dei nolens alterum solem?  
jam vero negatio passiva alterius solis, sit ipse  
alter Sol, quatenus denominatur extrinsecè  
non existens à tali decreto, qui alter Sol præ-  
scindendo ab hoc decreto, & secundum se spe-  
ctatus, est tantum purè possibilis, nec habet



mors non habeat Essentiam, existentiam, pure  
malam, seu separatam ab omni bono, & pro-  
ductam à malo principio, ut volebant Mani-  
chæi, imò nec abusivam ut volunt recentio-  
res; Item quòd mors formaliter non consi-  
stat in aliquo positivo, ut volunt alii, sed  
potius quòd formaliter consistat in aliquo  
prædicato negativo vitæ, quòd prædicatum  
identificatur quidem in re seu materialiter  
alicui positivo impedimento vitæ, habenti Es-  
sentiam & Existentiam, ac indistincto ab ali-  
quo bono, formaliter tamen, solum illi super-  
addit nomen mentale, id est conceptum for-  
male negativum. Et in hoc sensu dicit eti-  
am Augustinus, quòd *Deus tenebras non fecerit,*  
*quòd mors non sit ex genere Contrariorum, quæ, exis-*  
*stentis substantiæ oppositione se perimunt, quòd indi-*  
*stinctè cogitetur, nihil, esse aliquid,* quòd deniq; *Mors*  
*ex consuetudine tantum dicatur esse.* Hæc nimi-  
rum dicta ita intelligenda sunt, quòd videli-  
cet Mors, tenebræ, & similia, in sensu formali  
non sit aliqua entitas, multominus substantia  
distincta ab omni bono, sed sit mera privatio  
boni. Quæ explicatio manifestè probatur ex  
iisdem Augustini textibus, qui nobis obijciun-  
tur. nam Tom: 6. contra Felicianum libro u-  
nico prope finem, cum dixisset S. Doctor,  
quòd *Sol faciat noctem subtrahendo luminis diur-*  
*ni copiam,* addit *non in se recipiendo substantiam*  
*noctis,* Ubi ut vides supponit impugnari sen-  
tentiam Manichæorum, dicentium, noctem  
esse, quandam substantiam receptam in Sole  
purè malam, ideoq; statim subjungit, *Unde &*  
*Manichæorum non irreligiosam tantum, verum eti-*

am stultam divisionem, qua bona à malis equè exstantibus nituntur separare substantiis, plerumq; confundimus, ostendentes eis luminare majus, quo fieri nobis diem, & cogentes ut similiter nos docerent, quod esset, si dictu fas est, Tenebrale majus, quo substantialiter fieri crederemus & noctem. Eum manifestè S. Doctor, noctem seu privationem lucis, illi tantum negant enti positivo identifi-  
cari, quòd esset separatum ab omni ente bono, & quòd esset Tenebrale, hoc est, quòd esset substantia, nullum habens aliud prædicatum, nisi hoc quòd est præstare tenebras. Id autem nos non dicimus, qui privationem unius boni, semper identificamus alicui alteri bono opposito, habenti aliud officium, quàm excludere suum oppositum. Ergo nobis non adversatur Augustinus. Imò nostram sententiam aperte docet de tenebris, dum in 99. ex utroq; mistis, tenebras à Deo factas vocat *Molem terrenam & aquosam*, propter *Crassiorē corpulentiam*; quæ est ipsa nostra Sententia, privationem lucis activam docens esse obstaculum aliquod corporeum inter corpus luminosum & nostrum aspectum. Præterea idem Augustinus alicubi quidē negat tenebras factas esse à Deo, alicubi verò affirmat, ac proinde intelligendus est affirmare in sensu materiali, & identico, negare in sensu formali. Unde tum alibi, tum potissimum in libro de natura boni, quories dicit, *Mala non esse à Deo*, ferè semper utitur reduplicatione, *In quantum mala sunt*, hoc est, in quantum sumuntur in sensu formali pro privatione boni, quā etiam reduplicatione ferè semper utitur D. Thomas lib: 3. contra gentes dum  
ait de



ait de malo. Tandem idem Augustinus supra relatus, cum expressè dicat contra Manichæos bona & mala se miscere, malum autem dicat esse privationem boni, apertè docet Privationem unius boni, identificari alteri bono, seu enti positivo. Contra hanc doctrinam ultra ea ad quæ respondimus in principiis Philosophicis.

Opponit aliquis doctus Professor: Impossibile est ut esse sui v. g. hominis, sit non esse alterius v. g. lupi, quòd tamen nos admittimus. Probatur assumptum. Tum Quia sicut esse Hirci, repugnat ut sit esse Cervi: ita repugnat ut esse hominis sit non esse lupi. Tum quia hoc modo posset salvari distinctio Virtualis intrinseca, vel formalis ex natura rei, dicendo, Quòd animal v. g. Petri sit esse sui, & non esse rationalis. Tum quia esse hominis existit cum esse lupi, at verò esse & non esse non possunt sibi còexistere.

*Respondeo.* Hæc omnia retorqueri in negatione radicali hominis quàm oppositi dicunt identificari cum esse leonis. Directè autem respondeo negando assumptum. Ad primam ejus Probationem, nego paritatem: Nam si esse Cervi esset esse Hirci, hoc ipso de una entitate Hircocervi verificarentur duo prædicata contradictoria respectu ejusdem realiter: At verò, cum esse hominis est, non esse lupi, dicuntur prædicata contradictoria de eodem quidem homine, sed respectu realiter distinctorum, nempe, esse dicitur respectu hominis, non esse respectu lupi, sicut Nanus dicitur magnus respectu formicæ, & non magnus res-  
tugi-

tu gigantis. Hinc etiam patet responsio ad secundam probationem; quia si animal Petri esset esse sui, simulq; non esset rationalis, diceretur de eodem animali Petri prædicata contradictoria respectu ejusdem realiter entitatis, solum virtualiter, vel formaliter ex natura rei distinctæ, quod tamen repugnare alibi probatum est. Hoc autem non sequitur cum homo est esse sui, & non esse lupi. Ad tertiam probationem dico, per nos esse hominis est non esse lupi quoad identitatem, non verò quoad existentiam in rerum natura. Ex quo patet etiam responsio ad illud argumentum: *Homo est negatio Dei; sed datur Homo ergo datur negatio Dei.* Respondeo enim, hominem esse negationem Dei exclusivam identitatis inter hominem & Deum, & ista negatio datur defacto; Sed falsum est hominem esse negationem exclusivam existentiae Divinæ: talis enim negatio nulli enti à parte rei existenti identificatur, sed tantum enti ficto, ut jam dicam.

*Opponit deinde.* Negatio omnium entium, seu Entis ut sic, vel identificatur alicui enti, & sic identificatur suo contradictorio, vel nulli enti identificatur, & sic falsa est nostra positio.

*Respondeo.* Negatio omnium entium, adeoque etiam ipsius Dei, cum sit chimerica, nec datur à parte rei, non identificatur etiam ulli enti reali, quod sit à parte rei: identificatur tamen enti sibi proportionato, nempe enti ficto, solumq; habenti esse objective in Intellectu fingente: hoc autem ens in meis principiis est collectio omnium entium realium nō

secun-



secundum se sumpta, sed quatenus substat cognitioni essentialiter falsæ, negantur falsò existentiam de tali collectione. Porro contradictorium hujus chimeræ, est aliquid Ens affirmatum verè ut existens; hæc autem contradictoria patet esse distincta ita sicut hæc: *Nullus homo currens, aliquis homo currens*. Ex his ergo manet declaratum principium nostrum de negationibus quo supposito sit.

## § III.

## Resolvitur Quæstio aliquot Propositionibus

**PROPOSITIO I.** *In malitia morali peccati actualis Commissionis, per identitatem realem & Objectivam miscetur aliquod prædicatum positivum cum negativo, ita sicut miscetur similiter in distinctione duorum entium positivorum, & sicut miscetur in Uno, & in creatura quatenus imperfecta.*

*Probat.* Quia Malitia moralis actualis Odii, est illa vitalis ac libera fuga voluntatis, quæ Deo displicet, & quam Deus punit: Hæc autem fuga in re & objectivè est aliquid positivum, cum sit actus vitalis liber; simul tamen in re & objectivè est quid negativum, quia hæc fuga vitalis ac libera per seipsam immediate, nullo etiam abusivo à parte rei superaddito, excludit à parte rei, negatq; rectitudinem moralem positivam, non secus ac entitas Petri excludit identitatem cum Paulo, & creatura excludit perfectionem summam:  
Quod

Quod autem sic excludit aliquam rem est negatio illius ut dictum est. Ergo in Malitia Morali actuali miscetur per identitatem prædicatû positivû cum negativo, ita ut eadē entitas odii Dei, quatenus ponit seipsam, estq; conceptibilis conceptu affirmativo, sit quid formaliter positivum, quatenus autem excludit oppositam sibi rectitudinem, estq; conceptibilis conceptu negativo, sit quid formaliter negativum alterius: Sicut idem Ens, ut est conceptibile relatē ad appetitum, est formaliter bonum. Ubi ut vides in actu odii Dei non est affirmatio & negatio ejusdem, sed diversorum, adeoque nulla est contradictio.

*Propositio 11. In actu moraliter malo, ita per identitatem realem miscetur positivum prædicatum cum negativo, ut notabilissimè præponderet negativum positivo.*

*Probatur.* Quæ Entitas majorem notabilissimè bonitatem excludit seu impedit, quam ponat, in illa entitate præponderat notabilissimè exclusio, seu negatio boni, supra bonum positivum, quod per illam entitatem ponitur: siquidem negatio sicut esse suum & differentiam accipit à forma, quam negat, ita ab eadē forma accipit suam æstimabilitatē, ac potioritatē, ita ut quo forma negata per aliquā negationē est potior, & æstimabilior quam alia forma posita, eò ipsa quoq; negatio formæ potioris, sit potior, quam forma ignobilior posita; quare de causa præponderat negatio vitæ, auro, nec per aurum compensari potest, & sic de cæteris. Atqui actus moraliter malus majorem notabilissimè excludit bonitatem, quam ponit; ponit e.



in enim solam delectabilitatis aut utilitatis bonitatem, excludit autem & negat bonitatem honestatis; jam vero bonum honestum notabilissimè præponderat bono delectabili & utili, cum bonum honestum sit altioris generis, & plus participet de bonitate Divina, cujus voluntati est conforme. Ergo in actu moraliter malo præponderat notabilissimè negativum prædicatum supra positivum.

Confirmatur hoc ipsum amplius ex eo: quia in actu moraliter malo v. g. Odii Dei, illa bonitas utilitatis & delectabilitatis est tam parva, ut ab appetitu recto & prudenti nunquam & nullibi sit eligibilis, ut patet, ac proinde pro nihilo æstimatur secundum rectam intentionem, estq; proinde respectu rectæ rationis & appetitus prudentis perinde, ac si esset purum nihil. Ergo in actu moraliter malo notabilissimè prævalet negatio supra bonitatem, & consequenter supra entitatem positivam, quæ convertitur cum bonitate.

Propositio III. *Malitia Moralis actus peccaminosi, re, iter, immò & formaliter ex parte objecti, consistit in positivo, formaliter tamen ex parte actus consistit in aliquo negat. bo; eo modo quo improducibilitas Patris æterni, & similia plurima, juxta sententiam valde communem, re, iter & formaliter ex parte objecti consistunt in positivo, formaliter ex parte actus in negativo.*

Probatur primò authoritate Sanctorum Patrum, qui aliquando quidem dicunt peccatum actuale esse actum positivum, sæpius tamen & per terminos qui indicant sensum formalem, dicunt esse privationem boni. Ergo juxta as-

sertio.

fessionem nostram conciliari debent. Antecedens probatur. Nam imprimis Divus Augustinus, dicit quidem peccatum esse dictum, factum, concupitum contra legem eternam, Et alibi de Gen. ad lit. cap: 1. dicit: peccatum esse primum liberæ voluntatis assensum, dum inclinamur ad ea, quæ iustitia vetat. Cæterum nihil frequentius est apud Augustinum, quàm malum consistere in privatione. Ita dicit lib. 3. Confessionum 7. *Non noværam malum, non esse, nisi privationem boni, usq; ad quod omnino non est.* Et in Enchiridio ad Lauren: cap: 11. *Quid autem est aliud malum, (en loquitur in sensu quidditativo,) nisi privatio boni? nam sicut corporibus animalium nihil aliud est morbis affici, quàm sanitate privari &c. ita etiam animorum quæcunq; sunt vitia, naturalium sunt privationes bonorum.* Unde sicut morbus materialiter consistit v.g. in nimio calore, formaliter autem consistit in privatione; ita & vitium. Et ibidem cap: 24. *Quod est primum malum Creature rationalis, id prima privatio boni.* Et lib. de Fide ad Petrum cap: 20. *Omnis creatura in tantum mala dicitur, (en formaliteras mali ex parte actus,) in quantum bonum ejus minuitur, malū enim nihil aliud est nisi boni privatio.* Et lib: 11. de Civit: 9. *Amisio boni, mali nomen accepit.* Et ibidem cap: 22. *Nomen hoc malum non est nisi privationis boni:* Unde cum nomina rerum substituantur conceptibus formalibus, patet juxta Augustinum, conceptum formalem mali cujuscunq; , ac multo magis mali moralis, esse negativum. Omitto multa similia in libris S. Augustini, quæ possunt facile inveniri. Venio ad S. Thomam, hic quoq; dicit prima se-

ma se-



ma secundæ Quæst: 82. artic: 1. *Peccatum non esse puram privationem, sed factum debito ordine privatum.* Ubi ut vides peccatum realiter constituit in facto, formaliter autem in privatione ordinis. Et 1. parte Quæst: 48. *Nullum Ens dicitur malum in quantum Ens, sed in quantum caret quodam esse.* Et 1. 2dæ. Quæst: 72. art: 9. ad primum: *Malum in quantum huiusmodi (en sensum formalem) privatio est.* Et 1. parte Qu. 14. artic. 10. *Malum non est per se cognoscibile, quia de ratione mali est (en conceptus primarius & definitivus mali) quod sit privatio boni, & sic nec definiri nec cognosci potest, nisi per bonum.* Et Qu: 1. de malo art: 1. Cum ex professo quærit, *Utrum malum sit aliquid,* ita sibi respondet: *Malum uno modo potest intelligi id quod est subiectum mali, (nempe materialiter,) & hoc aliquid est: Alio modo potest intelligi ipsum malum (nempe formaliter) & hoc non est aliquid, sed est ipsa privatio alicujus particularis boni.* Probatq; hoc ipsum ibi S. Doctor, Quia si malum esset aliqua res nihil appeteret, nec ab aliquo appeteretur, & sic non haberet aliquam actionem, nec motum; Unde concludit: *Oportet ergo, quod malum opponatur ei quod est esse, & sic non potest esse aliquid sicut & hoc quod est esse cæcum non est aliquid.* Unde sequitur quod sicut cæcitas formaliter in privativo consistit, ita & malitia. Tandem lib: 3. contra Gen: cap: 6. *In privatione sic accepta est ratio mali.*

Eodem modo loquitur S. Dionysius cap: 4. de Divinis nom: *Malum non est aliquid.* Et ibidem. *Malum infirmitas est, & imbecillitas, ac pri-*  
vatio

*Vatio aut scientiæ, aut fidei, aut appetitus, aut actionis.* Similiter Damasc. lib: 4. de fide Cap: 2. dicit: *Malum nihil aliud esse quàm privationem boni.* Hæc tam clara effata; videamus quàm extortè explicent quidam, nonnisi ad tuendum oppositum. Inprimis Bertholdus dicit, Peccatum à Sanctis Patribus asseri privationem, per ordinem ad effectum, quia efficit in nobis privationem gratiæ. Sed quis non videat, hanc explicationem esse violentam; quis enim de Petro, propterea quia efficeret privationem vitæ alienæ, aut suadendo, moraliter causaret in alio privationem gratiæ, diceret, *Petrus nihil aliud est, nisi privatio vitæ alienæ vel gratiæ: Privatio vitæ alienæ vel gratiæ, Petri nomen accepit, de ratione Petri est esse privationem gratiæ vel vitæ, Petrus non est aliquid &c.* Et alia hujusmodi quæ Sancti Patres dicunt de malo. Sanè si hæc dicuntur de Peccato, quia efficit privationem gratiæ, etiam de Deo dici possent, nam & Deus hanc privationem efficit. Deinde, S. Augustinus malum animi dicit esse ita privationem, sicut morbus est privatio sanitatis, Et S. Thomas dicit, Malum ita esse privationem, sicut cæcitas est privatio: at morbus, & cæcitas, sunt privatio non effectivè, sed per realem identitatem: Ergo & malum similiter est privatio per Sanctos Patres. Præterea S. Thomas dicit, nullum ens in quantum ens dicitur malum, at verò ens in quantum ens potest efficere privationem, puta potest occidere, excæcare: Ergo juxta S. Thomam, malum non est id quod efficit privationem, sed potius est id quod identificatur privationi.

Expli.



Explicat rursus Bertholdus aliter, dicitq; describi à Sanctis Patribus Peccatum per privationem, tanquam per rationem nobis notior, sicut describitur ab Aristotele materia prima per negationes, aut sicut solet explicari Immensitas. Sed contra est: tum quia de materia prima, aut immensitate nunquam dicitur, sicut de malo dicunt Sancti Patres, Negatio quantitatis & qualitatis, materiæ nomen accepit; nullum ens in quantum tale dicitur materia prima, aut immensum; Mater a prima non est aliquid, sed est ipsa negatio formæ: Materia aut immensitas opponitur ei, quod est esse &c. Tum quia malum à Sanctis Patribus dicitur ita esse privatio, sicut morbus, cæcitas, quæ utiq; non per accidens explicantur per negationem, sed per se, nec materia prima aut immensitas explicantur ad instar morbi vel cæcitatis.

Explicat Haunoldus tertio, dicitq; Sanctos Patres abstraxisse à Scholasticis subtilitatibus, ac proinde dicit eos posse intelligi de privatione radicali, vel consequente. Sed cum S. Augustinus, & D. Thomas omnia subtiliter tractantes ubiq; & hic etiam, propositis sibi questionibus ex professo, an malum sit aliquid, dicunt toties, & quidem cum reduplicationibus, malum quia malum non esse ens, sed privationem quæ mali nomen accepit, quomodo præsumi potest, eos abstraxisse à subtilitatibus Scholasticis? Deinde cum dicit S. Thomas, de ratione mali est quod sit privatio boni, sine qua definiri non potest, quomodo hoc intelligi potest de privatione antecedente vel con-

sequente malum? Cùm id quod est de ratione alicujus, estq; ipsius definitio, utiq; non est antecedens, nec consequens? Fateor quidem Patres non ita loqui rigorosè, ut velint malum consistere in pura negatione, & puro nihilo distincto realiter ab omni ente ut optimè dicit Cardinalis Pallavicinus nostræ sententiæ Patronus, sed potius volunt hanc privationem realiter identificari enti: Sicut potentiæ peccandi identificatur impotentia: Verùm hoc ipsum colligitur ex reduplicationibus illis, quibus dicunt Patres, *Malum quâ malum, non est aliquid; est factum quatenus privatum ordine &c.* Cæterum quòd Patres privationem velint esse antecedentem vel consequentem ad rationem mali, hoc ex dictis allatis Patrum non colligitur, sed potius oppositum.

Explicat quartò Roimer, dicitq; non loqui Patres de Conceptu essentiali & definitivo peccati, sed tantùm ab illis peccatum vocari nihil, id est vile & contemptibile. Sed hæc explicatio non indiget refutatione, cùm pateat ex locis citatis, non hoc tantum asseri à D. Thoma, & S. Augustino, sed potius proposita sibi quæstione, an sit aliquid malum, asserit de ratione ejus esse privationem boni, sine qua definiri non potest. Concluditur ergo, Sanctorum Patrum auctoritatem manifestè stare pro nostra sententia, nec illam sufficienter posse ab adversariis explicari. Ultra tamen hanc auctoritatem.

*Probatur secundò ratione Assertio ex dictis, hoc modo.* Quando aliqua denominatio est in genere moris, & in ea ita miscetur per identitatem rea-



tem realem prædicatum positivum cum negativo, ut notabilissimè prævaleat negativum, adeo ut positiva bonitas quæcunq; est in tali denominatione, à nullo appetitu recto unquam sit amabilis, tunc talis denominatio realiter quidem, & formaliter ex parte objecti consistit in positivo, formaliter tamen ex parte actus consistit in negativo. Quod ipsum probatur: Tum quia, sicut in physicis, denominatio mali sumitur ex singulis defectibus totius, & multò magis sumitur à potiori defectu, ut ostendit inductio: ita multò magis in moralibus, denominatio negativa sumi debet, ex modo nostro concipiendi, à defectu notabilissimè prævalente prædicati negativi. Tum quia, talia prædicata positiva, quæ ratione admisti prædicati negativi prævalentis, non sunt ab ullo appetitu recto unquam appetibilia, perinde se habent respectu talis appetitus, ac si essent purum nihil, seu pura negatio, ac proinde merito ab intellectu exprimuntur & explicantur ad instar puræ negationis, dicunturque formaliter ex parte actus consistere in negativo. Sic stabilita majori, subsumitur minor: Atqui malitia moralis actus est denominatio in genere moris, ut patet; & in hac denominatione miscetur per identitatem realem prædicatum positivum cum negativo, ut dictum est in propositione prima; insuper in eadem denominatione prævalet notabilissimè negativum, & prædicata positiva, quæ sunt in hac denominatione, non sunt unquam ab ullo appetitu recto appetibilia, ut etiam probatum est in propositione secunda: Ergo Malitia

Moralis actûs realiter quidem, & formaliter ex parte objecti consistit in positivo, formaliter tamen ex parte actûs consistit in negativo.

Respondet quidam negando majorem, & ad eam infringendam dat plures instantias. Primò enim in sensitivo miscetur carentia rationalitatis præponderantis, & tamen sensitivum non consistit formaliter in negativo. *Secundò.* Grammaticus dicit carentiam Rhetoricæ præponderantis, & tamen non consistit formaliter in negativo. *Tertiò* actus probabilis, dicit carentiam certitudinis præponderantis, & tamen non consistit formaliter in negativo. *Quartò.* Propositio affirmativa particularis dicit carentiam Universalis negativæ præponderantis, ut pote universalis, & tamen non consistit formaliter in negativo. *Quintò.* Turpitudine negat formositatem præponderantem, aqua vinum præponderans, prodigalitas liberalitatem; nec tamen hæc omnia formaliter consistunt in negativo. *Sextò.* Venenum ita negat cibum & potum sanum præponderantem, ut à nullo prudenter sit appetibile, & tamen non consistit formaliter in negativo. Deniq; in moralibus potentia peccandi negat impeccabilitatem præponderantem, nec est prudenter unquam eligibilis, & tamen non consistit formaliter in negativo.

Verùm hæc instantiæ relinquunt inconclusam majorem nostram. nam in primis in omnibus istis instantiis non est denominatio in genere moris, excepta sola prodigalitatis denominatione, quæ cum sit moraliter mala non debuit pro instantia poni, siquidem est in quæ-  
stione

sione præsentis. Unde etiam ipsa potentia proxima peccandi est de linea Entis physici, cum nihil aliud sit quàm potentia volitiva, cognitio indifferens, & similia quæ sunt physica. Deinde in aliquibus allatis exemplis non invenitur negatio seu exclusio alterius, sed tantum præcisio: nec enim sensitivum ut sic negat rationalitatem, sed ab ea præscindit, statq; cum illa in homine, nec Grammatica excludit Rhetoricam, sed cum ea stare potest ut patet. Jam in aliis exemplis, forma exclusa est quidem præponderans suo contrario positivo, secundum se considerato, non tamen relatè ad subjectum, prout hic & nunc consideratum. Et ita certitudo est melior cognitione probabili, secundum se sumpta, non tamen relatè ad intellectum prout hic & nunc informatum solis motivis probabilibus, cui prout sic spectato, non est bona, sed potius chymerica est certitudo, cum ex præmissis probabilibus implicet sequi conclusionem certam. Eodem modo intellectui quandoq; melius est habere cognitionem particularem affirmativam, quàm oppositam Universalem negativam, puta melius est dicere, *Aliquis homo est doctus*, quàm dicere, *Nullus homo est doctus*: Hæc enim secunda propositio est falsa, ac proinde mala intellectui, cujus finis est Veritas.

Item hominì prout subest tali concursui causarum secundarum, melius est esse turpem, quàm pulchrum: quia in talibus circumstantiis pulchritudo est contra exigentiam causarum secundarum. Similiter materiæ prout talibus dispositionibus affectæ, melius est habere



At verò, peccatum ita excludit rectitudinem moralem, ut nunquam à nullo appetitu recto, etiam Divino, sit volibile: Ergo specialis est ratio Cur peccatum consistat formaliter in negativo..

Fortè Urgentius aliquis sic opponere posset contra probationem nostram. Quando aliqua prædicata rei miscentur per identitatem, illud potius prædicatum, rem formaliter ex parte actus constituit, quod primò ratione nostra eam discernit ab omnibus aliis, quodq; ex modo nostro concipiendi est radix reliquorum prædicatorum rei; Qua de causa non risibile, sed rationale constituit formaliter hominem. Atqui peccatum actuale Commissionis, primò ratione nostra discernit ab aliis omnibus illa positiva tendentia in objectum contra rationem, & hæc tendentia positiva ex modo nostro concipiendi est radix exclusæ rectitudinis moralis: Ergo hæc potius tendentia positiva formaliter ex parte actus constituit peccatum actuale Commissionis, non autem exclusio rectitudinis.

*Respondeo*, majorem esse veram ad summum in denominationibus positivis, & illis negativis, in quibus prædicatum primò discretivum, & radix reliquorum, non habet se ita, ut non sit eligibile unquam secundum rectam rationem, nec perinde se habet ac si esset pura negatio; secus autem accidit in denominatione peccati Commissionis, ubi tendentia illa dissona rationi in objectum, est perinde ac si esset pura negatio, ac proinde concipitur per ordinem ad hanc puram negationem, seu ad

O 5.

instar.



instar ipsius, conceptu negativo, ita ut omnis quæ est in hac tendentia positivitas contemnatur ab intellectu, rectè apprehendente, sicut revera contemptibilis est ab omni appetitu rectè eligente.

Ultra hæc, probari potest breviter, & expeditè nostra assertio hoc modo. Omnis imperfectio ut imperfectio est, formalissimè consistit in negatione perfectionis: atqui malum præsertim morale, ut malum est, est imperfectio quâ imperfectio: Ergo malum morale quâ malum est, consistit formaliter in negatione alicujus perfectionis. Major patet: Tum quia, ipsum nomen imperfectionis exprimit negationem perfectionis: Tum quia conceptus formalis imperfectionis salvatur in morte, cæcitate & aliis quæ juxta adversarios sunt puræ negationes, expertes omnis positivitatis, idq; ideo quia tales denominationes negant perfectionem aliquam, quod signum est conceptum formalem imperfectionis consistere in negatione perfectionis. Minor etiam patet: Tum quia malum morale quâ tale, utq; subjectum, cui inest, denominat formaliter imperfectum, ac proinde est imperfectio. Tum quia falsum est, quòd malum morale sit perfectio moralis, falsum etiam est quòd sit indifferens ad perfectionem moralem & ad imperfectionem moralem: Ergo verum est, quòd malum morale quâ tale, sit imperfectio moralis: nam omnis actus humanus liber, cui soli identificatur malum morale actuale, vel est perfectus moraliter, vel imperfectus moraliter, vel ad utrumq; indifferens, nec inter hæc medium excogitari potest.

Ex his

Ex his ergo habetur, malitiam moralem actus peccaminosi non consistere formaliter ex parte actus in positivo, non consistere etiam formaliter in negatione à parte rei antecedente, vel consequente actum malum, sed potius consistere realiter & objectivè in positiva entitate actus mali, formaliter autem in negatione honestatis identificata à parte rei eidem actui malo.

#### § IV.

### Respondetur ad argumenta initio Quæstionis proposita.

**A**d primum. Patet ex dictis, longè aliter excludi actum bonum per malum, quàm excludatur actus malus per actum bonum: quia actus malus excludit bonum, ut præponderantem sibi, respectu cujuscunq; subjecti, & in quibuslibet circumstantiis, ac insuper actus malus excludens perinde se habet, ac si esset pura negatio, in ordine ad amorem prudentem: hoc autem modo actus bonus non excludit malum, ut patet. Eadem disparitas procedit etiam de nigredine excludente albedinem, & de errore excludente notitiam quæviscunq; veritatis: Unde hæc possunt aliquando considerari sub conceptu positivo. Quanquam & nigredinem, citatus Aristoteles vocat aliquando privationem albedinis, & errorem, privationem veritatis, quando videlicet spectantur sub ratione mali, & imperfecti. Cum autem idem Philosophus dicit: *Bonum &*

*num & malum opponi contrariè*, loquitur in sensu reali & objectivo, in quo sensu ambo sunt quid positivum, non autem in sensu formali ex parte actus; nam in hoc sensu dicit alibi: *Semper alterum contrariorum privativè dici*, nempe quatenus est malum & imperfectum. Ad illud quod dicitur, etiamsi actus odii Dei staret cum actu amoris Dei, neq; hujus privationem diceret, adhuc hominem denominaret formaliter, malum moraliter, dico, talem suppositionem chimericam tollere seipsam, ac proinde ex illa utramq; partem contradictionis sequi, adeoq; nihil sequi, ita sicut sequeretur utrumq; contradictorium, & nihil, si lux staret cum tenebris, Vita cum morte. Nempe in tali eventu chimerico, homo ponendo odium Dei, non conformaret se legi æternæ vetanti odium, & sic esset malus moraliter; simulq; non esset malus moraliter. Quia tunc odium Dei non excluderet conformitatem cum lege Dei vetante odium; & sic in tali suppositione miscerentur termini non solum identicè, sed etiam formaliter repugnantes, qualis suppositio tollit seipsam, & est ad illationem inutilis.

*Ad secundum.* Tam in odio, quàm in Omissione præcepti amoris; tam in odio intensiori, quàm remissiori; tam in odio mortali, quàm veniali, privatio rectitudinis est æqualis ex parte termini quo privat, quatenus hæc omnia peccata privant tota & totaliter rectitudine virtutis oppositæ, nempe charitatis: Item æqualis est privatio rectitudinis in his omnibus quoad vim verificandi propositionem hanc negativam: *Non datur amor Dei*, in quo

quo utroq; sensu, privatio consistit in indivisibili. Cæterum in his enumeratis peccatis privatio rectitudinis est inæqualis, ex parte modi quo privat rectitudine, quatenus in uno peccato privatio magis impedit, & magis difficilem reddit, & minus separabilem existentiam rectitudinis, quàm in altero: & in hoc sensu, privationes non consistunt in indivisibili, nec quælibet totaliter privat formam, quâ privat. Præterea istæ privationes etiam in hoc sensu sunt inæquales, quamvis privent eadem totâ rectitudine virtutis, quia nihilominus una privat conformitate cum lege gravius obligante, qualis est lex prohibens odium, altera verò privat conformitate cum lege minus graviter prohibente, qualis est lex prohibens omissionem amoris, seu actum alium impossibilem cum amore. Quia verò denominatio mali sumitur ex singulis defectibus, & quia in aliquo sensu privationes rectitudinis, in enumeratis peccatis constituentes formaliter malitiam ipsorum, sunt inæquales, idcirco, ipsa formalis malitia illorum absolute est inæqualis. Ob eandem rationem, similiter extrema vitiosa virtutis moralis, puta avaritia & prodigalitas, differunt specie in ratione formali malitiæ, quia scilicet ita privant eadem virtute liberalitatis. ut non eodem specie modo illâ privent, & insuper privant conformitate cum specie diversis legibus, quarum una prohibet avaritiam, altera prodigalitatem.

Neq; dicas: hoc ipsum, quòd duo actus mali, inæquali, aut diverso modo privant oppositâ



fitâ virtute eâdem, provenit ex ipforum prædicato positivo, nempe ex inæquali, vel cîversa tendentiâ libera in idem objectum, contra dictamen rationis: Ergo adhuc inæqualitas & diversitas malitiæ moralis consistit in positivo. Respondeo enim, totum id esse verum in sensu reali & objectivo, sed non in sensu formali ex parte actus; quia scilicet hanc ipsam inæqualitatem & diversitatem modi privandi eadem virtute in peccatis, ipsi mq; malitiam inæqualem & diversam ipforum, merito concipimus per ordinem ad connotata propria negationis, ut probavimus.

*Ad tertium.* Cum in nostra sententia non detur pura Omissio, sed quælibet Omissio actus, sit identificata realiter cum aliquo positivo impedimento actus, hinc est, quòd hoc præceptum *non furaberis*, exigit negationem furti, indistinctam realiter ab aliquo positivo impedimento furti, & quidem tali, in quo prævaleat ratio positivi, nempe ratio honestatis; Unde ulterius sequitur, quòd formalis oppositio cum hoc præcepto negativo, est quidem in re & objectivè actus furti positivus; sed quia hic actus, quatenus est transgressio præcepti, dicit simul negationem positivi impedimenti, impediens furtum, quæ negatio in ipso prævalet, ideo transgressio hujus præcepti formaliter ex parte actus consistit in negativo. Sequitur deinde, quòd transgressio dicti præcepti negativi non sit negatio rectitudinis negativæ, sed potius positivæ; ac proinde sequitur, quòd non sit negatio negationis, sed potius quòd sit negatio positivi impediendi,  
impe-

impedientis furtum, & sic est aliquid negativum.

*Ad quartum.* Patet ab exemplis plurimis, quòd in quibusdam denominationibus, (qualis est denominatio Unius, Distincti, Imperfecti,) negatio non se habeat arguitivè ad ens tale, puta ad ens quatenus unum, distinctum ab alio, Imperfectum, sed potius formaliter. Patet item, quòd ante hanc negationem Ens per suum esse positivum sit quidem determinatum realiter, & ex parte objecti, ad esse tale, nempe ad esse unum, distinctum, imperfectum, non tamen formaliter ex parte actus. Talem verò nos dicimus denominationem esse malitiæ moralis in actu peccaminoso. Sicut ergo est perceptibile Logicis, quomodo ens quatenus unum, vel distinctum ab alio, in hac ipsa denominatione primò essentialiter compleatur in sensu formali per negationem: ita potest esse perceptibile intellectui, quomodo actus peccaminosus in ratione mali moraliter, compleatur primò essentialiter per negationem, idq; in sensu formali. Neq; enim in talibus negativis denominationibus, negatio entis positivo dat aliquod esse, (ut immeritò imaginatur sibi arguens,) sed potius dat formaliter ex modo nostro concipiendi non esse, puta non esse divisum, non esse idem cum alio; & in subiecta materia, negatio, actui malo dat formaliter, non esse rectum moraliter: Hoc autem non debet esse imperceptibile.

*Ad quintum.* Negatio rectitudinis, identificata realiter actui malo, non affert quidem aliquid distinctum realiter & objective, præter esse

ter esse positivum actus mali, affert tamen aliquid plus formaliter ex parte actus, id est affert conceptum clariorem, expressivum actus mali per ordinem ad connotata propria carentiarum, seu expressivum actus ad instar negationis; & ideo non frustra dicitur esse constitutiva formaliter actus mali in ratione mali. Exemplum hujus habentur plurima: nam etiam Unum, Verum, Bonum, distinctum, imperfectum, nihil realiter & objective superaddunt enti, sed solum conceptum formalem expressivum entis per ordinem ad alia & alia connotata, & ideo non frustra constituunt alias & alias formaliter denominationes entis. Sicut ergo Ens dum completur per Unum Verum, Bonum, quod in re & objective est ipsum Ens, completur per seipsum, aliter & aliter cognitum, neq; in hoc est absurdum: ita cum actus malus completur per negationem ab ipso indistinctam realiter & objective, completur per seipsum aliter cognitum, sine ullo absurdo. Nempe actus v. g. odii Dei, & negatio honestatis oppositæ in ipso, sunt quidem formaliter idem ex parte objecti, immò etiam sunt idem formaliter formalitate inferibilitatis, sed non sunt idem formaliter formalitate expressionis ad eadem connotata, ut optimè dicit Pater Esparza in Quæstione illa 4. de Virtutibus moralibus, eo planè modo quo ens & unum non sunt idem formaliter, & ideo non frustra istæ formalitates multiplicantur.

*Ad sextum.* Argumento hoc benè probatur malitiam moralem non consistere in negatione à parte rei consequente ad actum malum, quia

quia talis negatio non esset libera in se, nec ratione sui esset à Deo prohibita, nec esset motus ab intrinseco. Sed contra nos nihil evincit: nam propterea negationem honestatis à parte rei & objectivè identificamus actui malo, qui ratione sui est liber, est motus ab intrinseco, ac deniq; ratione sui prohibitus: Unde etiam dicimus talem negationem esse objectivè ratione sui liberam, prohibitam à Deo, ac motum ab intrinseco, quòd sufficit ad malitiam moralem.

*Ad septimum.* Patet ex dictis, malitiam moralem actus non consistere in pura negatione, distincta à parte rei ab entitate actus mali. Patet similiter ex dictis, in quo sensu Sancti Patres peccatum vocent nihil. Cur autem Deus non sit causa peccati, concurrendo ad entitatem actus mali, quamvis indistinctam à negatione honestatis oppositæ, constituyente formaliter peccatum, ratio à nobis data in principiis Philosophicis Disp: 2. quæst: 4. ad ult. quia scilicet Deus concurrit ad entitatem actus mali, & ad negationem honestatis, non tali modo, à quo modo concurrendi denominatur aliquis causa per se peccati, id est concurrit non determinans speciem, & exercitium actus, nec ad hoc ex se determinatus, sicut è contra concurrit Voluntas creata, quæ proinde sola est causa per se peccati. Ad rationem Perez, nego bonum transcendente esse id, quod est prudenter amabile; hoc enim convenit soli bono honesto, jam verò bonum transcendente se extendit etiam ad bona utilia, & delectabilia, quæ præscindunt ab hoc, an prudenter, vel



ter, vel imprudenter sint amabilia,

*Ad octavum.* Dicendum, quod omnis malitia moralis formaliter excludat rectitudinem debitam, vel positivè, vel negativè moralem, & ideo non est mera negatio, sed privatio. Porro hæc rectitudo, quam per seipsum excludit actus odii, est aliquod positivum impedimentum odii, voluntati aptum inesse, puta est actus impossibilis cum odio qualiscunque: jam verò privatio istius impedimenti, seu rectitudinis, prohibita præcepto charitatis, non est quid antecedens actum odii, nec aliquid distinctum ab actu odii, sed est ipse actus odii, qui seipso impedit impedimentum odii, seu rectitudinem charitatis. Itaque, quando quis odit Deum, cum interim ad nullum actum honestum eliciendum tenebatur, tunc actus odii per seipsum privat aliquo positivo impedimento odii Dei, quod positivum impedimentum si esset actus liber conformis alicui legi Divinæ, esset honestas positiva; Si verò esset actus non liber, aut indifferens saltem in specie, esset honestas negativa; immò etiam si istud impedimentum odii Divini, esset actus inhonestus in alia specie, puta in specie vanæ gloriæ, adhuc esset honestas negativa in alia specie, nempe in specie charitatis. Quare peccanti odio Dei, semper debuit inesse honestas, vel positiva vel negativa, quatenus debuit inesse positivum impedimentum odii Divini, quod aliquando est honestum, aliquando non inhonestum saltem in specie charitatis; & hoc impedimentum qualecunque sit, requiritur vi præcepti prohibentis odium

Neque;

Neq; dicas, Hinc sequi, quòd odium Dei privet honestate omnium Virtutum, Quia per omnes virtutes impediri potest. Ad hoc enim Respondeo, odium Dei esse materialiter & indirectè privationem omnium virtutum, impossibile cum odio Dei, formaliter tamen & directè esse privationem solius conformitatis cum lege æterna, vetante odium Dei: Hæc enim sola præcognoscitur ante odium Dei; & quia hæc conformitas spectat potius ad charitatem, quàm ad alias virtutes, ideo odium Dei potius est contra charitatem, quàm contra alias virtutes. Quanquam etiam ex modo suo privandi honestate, odium Dei est contra Charitatem, non contra alias Virtutes, quia hic modus privandi honestate proprius odio Dei, est diversus ab aliis peccatis, & specialiter à charitate prohibitus.

*Ad nonum.* Granadus, Tannerus, cum S. Bonaventura, & Alexandro Alensi putant, Malitiam Moralem actus v. g. odii, esse privationem rectitudinis, quæ debuit inesse ipsi actui odii, non quidem secundum rationem specificam, & ultimam considerato, (sic enim est irrectificabilis,) sed secundum rationem genericam actus, secundum quàm actus est subiectum Metaphysicè capax rectitudinis, eo modo quo Talpa dicitur habere privationem Visus, quia visus est capax secundum rationem genericam animalis.

Quæstio est levis, de modo loquendi, in qua melius Suarez, Salas, Molina, Valentia, apud Oviedum dicunt, hanc privationem, esse rectitudinis, quæ debuit inesse ipsi operanti.



Quia privatio formæ debet dici per ordinem ad subjectum, quod physicè & secundum totam entitatem sit capax talis formæ, aliàs etiã in bruto erit privatio rationalitatis, & in creatura privatio Dei, quia talium formarum datur capacitas in subjectis præfatis, si secundum rationem genericam subjecta spectentur. Quare & Talpa non philosophicè, sed vulgariter dicitur visu privari.

Ad rationem quæ contra nos objicitur, concedo in ipso actu odii per identitatem esse privationem rectitudinis, tanquam constitutivam malitiæ moralis: Sed nego hanc rectitudinem debere inesse actui odii. Ratio est quia cum actus odii sit malus per seipsum, non tamen sibi, sed operanti; ideo malitia ejus, & privatio rectitudinis, debet ipsi identificari, sed per ordinem ad operantem, ita ut privatio rectitudinis quoad exclusionem rectitudinis, sit in actu per identitatem, quoad debitum autem & capacitatem hujus rectitudinis, sit in operante. similiter & privatio Visûs quoad exclusionem visûs, est per identitatem in nebula, vel in qualitatibus impediens visum, quoad debitum autem & capacitatem visûs, dicitur esse in oculo.

## QVÆSTIO IV.

Vtrum possibile sit peccatum formale, quod committatur sine ulla cognitione Dei, seu purè Philosophicum?

**V**idetur quòd sic, loquendo etiam de peccato

cato mortali, ut sentit Vasquez, Salas, & alii non pauci. Primò, quia Atheus, (qui sine dubio possibilis est,) manens invincibiliter Atheus, cum sit liber, & obnoxius multis tentationibus, & minus abundans auxiliis efficacibus, potest v. g. committere parricidium, cognoscendo interim talem actionem esse dissonam naturæ rationali, vel prohibitam à suo principe, seu communitate: Sed tunc peccabit formaliter, & quidem mortaliter, & tamen tunc nullam habebit cognitionem Dei, quia ut suppono negat Deum, aut habet ignorantiam invincibilem Dei: Ergo possibile est peccatum formale, & quidem mortale, sine ulla cognitione Dei. Neq; dicas, tunc cognosci ab Atheo Deum, sub aliquo conceptu convertibili cum Deo: Contra enim est, quia talis & esset Atheus, ut suppono; & non esset Atheus, sed blasphemus, quia ut tu dicis, cognosceret Deum, quod implicat.

*Secundo.* Si per impossibile non esset Deus, & esset aliqua humana respublica, adhuc ratio dictaret homini, esse graviter inhonestum prodere patriam. Et ratio est, quia tunc finis ultimus hominis esset publicum bonum, quod ratio dictaret præferendum esse privato. Ergo tunc si quis liberè proderet Patriam, peccaret formaliter, graviter agendo contra suum ultimum finem, & tamen non adverteret ad prohibitionem Dei, qui videlicet tunc non existeret. Ergo nunc etiam possibile est peccatum formale grave, sine ulla advertentia ad Deum.

*Tertiò.* sunt aliqua objecta, quæ ideo sunt

P 3

prohi-



prohibita graviter à Deo, quia sunt ex se graviter inhonesta, & digna gravi prohibitione, adeoq; antecedenter ad gravem Dei prohibitionem sunt graviter inhonesta, quale est v. g. parricidium. Ergo etiamsi non existeret prohibitio Divina, vel non cognosceretur, adhuc ejusmodi objecta essent graviter inhonesta, & consequenter tunc electio libera hujusmodi objectorum esset graviter inhonesta, sine ulla advertentia ad Dei prohibitionem.

*Quarto*, ut arguit quidam doctus Recentior: operari id quod dedecet graviter naturam rationalem qua talem, est vituperabile, adeoq; est inhonestum graviter; cum vituperabilitas sit proprietas inhonestatis: sed potest quis operari id quod dedecet graviter naturam rationalem qua talem, sine ulla cognitione Dei; potest enim intelligi talis dedecentia, non cointelligendo Deum, cum non sit relativa ad Deum, non postulant autem cointelligi, quæ non sunt relativa: Ergo potest quis graviter operari inhonestè; sine ulla Cognitione Dei.

*Quinto ut arguit idem.* Datur ratio Communis naturæ intellectualis creatæ & increatæ, habens bona communia utriq; isti naturæ: sed qui se opposeret liberè talibus bonis, illisq; se privaret, esset malus moraliter; & tamen se non opposeret bono Dei qua tali, sed tantum bono generico & Comuni: Ergo potest quis se facere malum moraliter, sine oppositione ad Deum, & consequenter sine cognitione Dei.

*Sexto ut arguit idem.* Ista notitia Dei, requisita ad

sita ad omne peccatum formale, vel est clara, vel confusa. Clara non exprimitur; confusa æquivalet incognitioni: Ergo nulla noticia Dei requiritur ad peccatum formale.

*Septimò ut arguit idem.* Possumus amare Deum, non cogitando de Creatura. Ergo possumus peccando formaliter amare bonum creatum, nihil cogitando de Deo.

*Octavò.* Saltem videtur esse vera Sententia Suarii & Cardinalis de Lugo, quòd licet sine cognitione Dei non possit dari peccatum mortale, quod solet vocari grave Theologicè, possit tamen dari peccatum veniale, quod vocari potest grave Philosophicè. Ratio est, Quia quamvis tale peccatum non haberet malitiam infinitam, quæ desumitur: b ad advertentia ad Deum offensum, nec mereretur pœnam æternam, aut inimicitiam boni infiniti, eo quòd non contemneret formaliter Deum, quæ non cognosceret; adhuc tamen esset punibile pœnâ temporali à Deo, tanquam à Principe Reipublicæ humanæ, & vindice malorum, cui adhuc displiceret saltem leviter tale peccatum, & sic esset veniale Theologicè, grave Philosophicè.

*Nonò.* Videtur saltem vera sententia esse quorundam Recentiorum, quorum suppresso nomine meminit Cardinalis Sfortia Pallavicinus, in 2. 2dæ disp: 9. cap: 1. artic: 5. Quod esto sine cognitione Dei non possit peccari peccato punibili à Deo, & in hoc sensu Theologico, adhuc tamen possit peccari peccato punibili à Republica creata, & in hoc sensu peccato Philosophico. Ratio est, quia licet



peccatum Commisſum ſine omni cognitione Dei, Deum formaliter non offenderet, & ſic non eſſet punibile ab ipſo; Quia tamen eſſet contra bonum commune reipublicæ, eam pro-  
dere, etiam ſine omni advertentia ad Deum; ideo ſic peccans incurreret odium generis hu-  
mani, eſſetq; à Republica privandus omnibus  
bonis, ab homine in hominem conferendis.

*Reſpondetur.* Ut Propoſitæ ſatiſſiat Quæ-  
ſtioni, hæc diſtinctis propoſitionibus decerne-  
mus. *Primò*, Ante omne peccatum formale ne-  
ceſſariò cognosci Deum, ſub aliquo conce-  
ptu convertibili cum Deo. *Secundò*, Talem  
advertentiam ad Deum ſufficere, ut omne pec-  
catum formale ſit formalis offenſa Dei. *Tertiò*,  
Etiam ſufficere, ut omne peccatum formale ſit  
punibile à Deo. *Quartò*, Sufficere, ut ſit ma-  
teria abſolutionis Sacramentalis. Unde infe-  
remus repugnare peccatum purè Philoſophi-  
cum.

Propoſitio I. *Repugnat peccatum formale,*  
(quòd ſcilicet ſit cum ſufficienti deliberatione & li-  
bertate,) *committi ſine omni advertentia ad Deum,*  
ſed potius omnis formaliter peccans, præco-  
gnoſcit Deum ſub aliquo prædicato Conver-  
tibili cum Deo, quamvis hoc non applicet  
ipſi Deo, ſed vel alicui indeterminatè enti,  
vel communitati: quòd an ſufficiat ad ratio-  
nem peccati Theologici dicitur in propoſiti-  
one ſequenti. Ita multi ingenioſi Recentio-  
res, inter quos eſt Cardinalis Sfortia Pallavi-  
cinus loco nuper citato, ubi hanc ſententiam  
multis acutè & eruditè probat, vocatq; ma-  
ximè piam, eò quòd hæc Sententia oſtendat  
quanta

quanta sit necessitas asserendi existentiam Dei, & pro eadem Sententia citat ex Thomistis Victoriam, Sotum, Zumel, Curiel, & è Scotistis Franciscum Herreram. Sed quod est maximū, hanc Sententiam docet Augustinus, qui lib: 12. de Civit: cap: 9. ita universaliter loquitur de peccatis, per propositionem universalem: *Malam voluntatem non facit nisi desertio, qua deseritur Deus.* Ubi ut vides, Augustinus nullum agnoscit peccatum sine oppositione ad Deum, quæ utiq; debet esse præcognita, aliàs non esset voluntaria, nec formaliter peccaminosa. Et alibi Sanctus Doctor ita definit peccatum ut sic: *Factum, Dictum, Concupitum contra legem æternam,* statimq; explicat hanc legem: *Lex autem æterna est ratio & voluntas Dei, ordinem naturalem conservari jubens, perturbari vetans.* Quæ definitio ne dicatur esse defectuosa, debet convenire omni peccato possibili, adeoq; omne peccatum possibile formale est contra legem æternam, id est contra rationem vel voluntatem Dei præcognitam. Idem sentit S. Ambrosius, qui lib: de Paradox: cap: 4. ita definit peccatum: *Quid est peccatum? nisi Divinæ legis prævaricatio, & celestium inobedientia mandatorum?* jam verò inobedientia formalis, utiq; non datur sine cognitione mandati. Consentit D. Thomas, præsertim in hac prima secundæ Qu: 19. artic: 9. ubi dicit: *Ad hoc ut Voluntas sit bona, requiritur, ut conformetur Divinæ voluntati, & consequenter ut sit mala, requiritur ut difformetur eidem, quod sine præcognitione Dei fieri nequit, quando voluntas est mala non materialiter, sed liberè &*



formaliter. Et quæst: 1. de peccatis art: 4. *Bonum & Malum considerantur in actibus humanis, secundum quod actus concordat rationi informata lege Divina.* Quòd si alibi contra distinguit Peccatum Theologicum à Philosophico, nomine peccati Philosophici intelligit peccatum, in quo Philosophi explicitè considerant hoc, quòd sit contra rationem, implicitè autem quòd sit contra voluntatem Dei; cum contrarium considerent Theologi in peccato Theologico. Ex quibus apparet nostram sententiam non esse ita novam, ut quidam falsò sibi persuadent, quin potius habere pro se magnum argumentum ex autoritate Sanctorum Patrum. Sed præter hanc, danda est ratio Conclusionis, in qua inveniendâ laborant acutissimi Recentiores, quorum rationes adducere & refellere placet, erudicionis causâ.

*Prima Ratio Cardinalis Pallavicini est talis:* Bonum simpliciter, non potest cognosci non cognito Deo, sub ullo conceptu: nam Bonum simpliciter est quod congruit summo Bono, quod est Deus. Supremum enim in uno quoq; genere est mensura cæterorum. Sed qui agit honestè, cognoscit Bonum simpliciter, tale enim est bonum honestum; qui etiam agit inhonestè, cognoscit malum inhonestum, quod est privatio Boni simpliciter, adeoq; etiam cognoscit Bonum simpliciter. Ergo qui agit sive honestè, sive inhonestè, cognoscit Deum sub aliquo conceptu. Verùm ad hanc rationem possent respondere oppositi, negando Majorem, dicerentq; , posse apprehendi bonum simpliciter, non sub conceptu boni

boni congruentis summo Bono, (præferim ab Atheo negante summum Bonum,) sed sub conceptu Boni congruentis rationi, vel bono Societatis humanæ.

*Ratio secunda ejusdem est.* Agens quod ordinatur ad finem à se distinctum, qualis est homo, non potest concipere suam operationem esse simpliciter rectam, vel pravam, nisi per comparisonem ad suum finem ultimum, qui respectu hominis est Deus: sed homo peccans cognoscit suam operationem esse simpliciter pravam: Ergo cognoscit Deum. Sed ad hanc quoq; rationem dicerent oppositi, sufficere, ut operatio hominis recta, vel prava, cognoscatur relatè ad finem ultimum negativè talem, nempe relatè ad bonum humanæ Societatis, quod putatur ab Atheo non ordinari ad ulteriorem finem, & sic esse finis ultimus negativè. Iam verò Deus est finis ultimus non solum negativè, sed etiam positivè, quatenus ad illum ultimò re ipsa ordinantur omnia, qualem finem negat Atheus.

*Ratio tertia est Antonii Perez.* Omnis peccans cognoscit, malitiam peccati à nulla natura rationali esse amabilem, nisi ex errore: sed subly nulla naturæ intellectualis, venit etiam Deus: Ergo omnis peccans cognoscit Deum. Sed ad hoc Respondetur, in præsentia non quæri, an peccans concipiat Deum sub aliquo conceptu generico, qualis est conceptus naturæ intellectualis ut sic, quo pacto etiam concipitur Deus, quando concipitur Ens ut sic; sed potius quæritur, an peccans cognoscat Deum, sub aliquo conceptu proprio & convertibili cum



cum Deo, qualis conceptus non est *natura intellectualis ut sic.*

*Ratio quarta est cujusdam Romani Professoris in M. S. Quicumq; peccat, antequam peccet, cognoscit se fore malum, si peccet, & consequenter se fore ineptum ad finem ultimum hominis, sicut ædificator judicans hanc domum esse malam, cognoscit eam esse ineptam ad finem domus: Sed finis hominis est bonum universale, nempe Deus; Hic enim ut prima veritas expellit omnem errorem ab intellectu, ut prima Bonitas omnem turpitudinem amoris à voluntate, ut summa jucunditas omnem mæsticiam à toto homine, quibus depulsis homo est beatus: Ergo quicumq; peccat, cognoscit Deum sub ratione finis ultimi. Hinc multa infert acutè hic Author, Ac in primis infert, solam Creaturam rationalem esse capacem malitiæ moralis, quia sola Creatura rationalis habet pro objecto tum in intelligendo, tum in amando, Ens universale, cui opponitur malitia moralis. Infert deinde, Malum morale tantò esse pejus malo physico, quantò potentia universalis, cui contrariatur malum morale, est melior potentiâ particulari, cui contrariatur malum physicum. Infert præterea, malum morale ideo non posse appeti à Deo, sicut potest appeti malum physicum, quia hoc opponitur bono particulari, quo potest dari aliud majus bonum, & ad hoc majus bonum ordinari malitia physica: at verò malitia moralis opponitur bono Universali, & ideo non potest esse utilis ad bonum majus, adeoq; nec potest esse volibilis à Deo.*

*Infert*

**I**nsert & nîq; , bonitatem moralem non posse auferri ab alio , nisi sibi ipsi à peccante , per suam culpam ; Secus autem bonitatem physicam , idq; ideo , quia bonitas physica est aptitudo ad bonum particulare , quæ potest impediri vel ab alio bono particulari , vel à bono universali , ut pote prævalente : at verò bonitas moralis est aptitudo ad bonum universale , quod cum nec ab ullo bono particulari possit subtrahi alicui , nec ipsum se per se alicui subtrahere possit , ut pote omnia ordinans ad se ipsum ; solum potest subtrahere se propter peccantis culpam. Ita discurret hic Author , satis ingeniosè , ut semper solet. Verum hic discursus & illationes ad summum evincunt , quòd re ipsa malum morale opponatur bono universali , nempe Deo , sitque ineptitudo saltem radicalis ad finem ultimum hominis talem , qui re ipsa sit Deus , non tamen probat , ita esse quoad concipi in intellectu Athei peccantis. Unde respondent ad Majorem oppositi , Atheum qui peccat , cum prævidet se fore malum , si peccet , solum cognoscere se non habiturum oppositam rectitudinem moralem , in cujus rectitudinis privatione , juxta nos , consistit formaliter malitia moralis actualis , non autem in privatione aptitudinis ad finem ultimum , quæ privatio potius juxta nos constituit peccatum habituale. Vel certè dicent oppositi , satis est , ut Atheus peccans prævideat se fore ineptum ad finem ultimum negativè talem , respectu ipsius , nempe ad vitam socialem : finis autem solum negativè ultimus , non est bonum univer-



universale per continentiam omnis boni, quod est Deus. Deniq; minorem distinguunt oppositi, dicentq; , bonum universale quod in se continet vel formaliter, vel eminenter omne bonum, esse finem ultimum hominis in re, non autem in intellectu Athei peccantis.

*Ratio quinta ejusdem est.* Omnis peccans cognoscit, se eò melius operari, quò plura mala præligit, & quò plura bona relinquit, ne peccet. Ergo cognoscit, peccatum dissonare infinito bono, quod est Deus: Si enim peccatum cognosceretur dissonare finito bono, non cresceret, sed minueretur Bonitas Vitationis peccati, quò plura bona offerrentur peccanti, & mala non peccanti; quò enim plura essent hæc bona, eò magis præponderarent illi bono, cui dissonat peccatum, si ipsum esset finitum. Sed negari potest Antecedens; pauci enim faciunt talem comparationem, dum peccant. Potest etiam negari Cōsequentia: nam bonum finitum dummodo sit altioris ordinis, non minuitur in æstimatione per bona inferioris ordinis, quomocundq; in infinitum multiplicata; sicut vitæ humanæ bonitas non minuitur, quò plures pecuniæ offerantur eam contemnenti. Idem ergo posset dicere Atheus in præsentī, quòd peccatum licet dissonet soli bono finito, nempe vitæ humanæ Sociali, quia tamen hoc est bonum ordinis altioris, ideo quò plura bona ordinis inferioris pro bono vitæ humanæ Socialis aliquis relinquit, eò melius operatur.

*Ratio sexta ejusdem est.* Qui peccat, cognoscit, & peccet, se privandum aptitudine ad finem

finem ultimum, ad quem ordinatur: Ergo cognoscit, se ab aliqua causa ordinari ad finem ultimum, quæ potest ipsi auferre finem ultimum, si peccet: Sed hæc causa est Deus: Ergo qui peccat, cognoscit Deum. Sed admissio, quod peccans cognoscit, se privandum aptitudine ad finem ultimum, dici posset adhuc, non sequi, quod ille cognoscat causam extrinsecam, à qua ordinetur, & quæ illi possit auferre finem ultimum: nam potest Atheus putare, se à sua natura ordinari ad bonum commune Vitæ Socialis, & hoc fine se privandum à seipso, si peccet, impediante sibi consecutionem talis finis, sicut qui noxia comedit, privat se sanitate.

*Omissis ergo his rationibus, fortè planius & efficacius sic probari potest assertio.* Quicumq; formaliter seu liberè & deliberatè peccat, præcognoscit Ens quoddam, obligans ad hoc, ut nunquam, nullibi, à nullo peccetur, etiamsi omnia alia mala eligenda essent, & omnia bona deferenda: Sed hic conceptus est convertibilis cum Deo: Ergo omnis formaliter peccans cognoscit Deum sub aliquo conceptu convertibili cum Deo, quamvis illum non applicet Deo, sed alicui indeterminate Enti, vel etiam falsò applicet Principi Creato, vel communitati, ideoq; stultè operetur contradicendo sibi. Minor probatur: nam Ens obligans ad hoc, ut nunquam, nullibi, à nullo peccetur, etiamsi omnia mala sint subeunda, & omnia bona deferenda, quia cum tanta universalitate obligat, est Ens universalissimū, quia obligat omnem Creaturam peccabilem, est su-

est super omnem Creaturam, & quia propter ejus voluntatem obligantem subeunda sunt omnia mala, & omnia bona deferenda. etiam infinita, hoc ipso est Ens optimum, seu habens voluntatem infinitè bonam, quäle Ens est convertibile re ipsa cùm Deo, esto hanc convertibilitatem peccans non apprehendat, quod interim non curo. Major etiam probatur. Quia quicumq; deliberatè peccat, præcognoscit malum inhonestum, quod deliberatè eligit, esse eligendum nunquam, nullibi, à nullo, propter nullum bonum habendum, propter nullum malum removendum; siquidem hoc ipsi dictat lumen rationis, quamvis sit Atheus, & rudis, eò quòd quilibet deliberatè peccans, malum inhonestum apprehendat esse altioris ordinis supra omnia alia mala; aliàs indeliberatè & materialiter peccaret: Ergo cognoscit esse obligationem, proveniente ab aliquo principio, ad hoc, ut nunquam, nullibi, à nullo propter nullum malum vitandum, & propter bonum habendum, peccetur, qualecunq; demum judicetur esse istud principium obligationis, de quo postea.

*Confirmatur hoc argumentum.* Quia si ita dicamus, tribuimus majorem perfectionem Deo, quia tribuimus illi non solum hanc perfectionem, quòd ad omnes effectus physicos concurrat physicè, tanquam primum principium, & non solum hanc perfectionem, quòd tanquam finis ultimus concurrat intentionaliter, seu per cognitionem, ad omnes actus humanos, sub conceptu boni sufficientis, (de quo dictum est de actibus humanis;) Sed etiam tribui-

tribuimus hanc perfectionem, quòd ipse tanquam regula prima morum, adeoq; per cognitionem, concurrat ad omnes actus formaliter honestos, & inhonestos, saltem sub conceptu à nobis explicato, quòd sine dubio perfectius est: hoc enim indicat primam summam & universalissimam Dei rectitudinem; Cum dicitur esse prima regula omnis recti & obliqui moralis, recti per conformitatem cū ipsa, obliqui per difformitatem, utriusq; tamen mediante cognitione; nec enim regula aliter regulare potest, nisi cognita. Ergo ita est dicendum prout nos dicimus. Neq; verò inde sequitur, quòd etiam Deus ad actus materialiter bonos, vel malos, deberet concurrere per modum primæ regulæ morum; hoc inquam manifestè non sequitur, quia actus materialiter malus vel bonus quā talis, non est regulabilis proximè à prima regula morum, propter defectum advertentiæ, adeoq; non spectat ad Dei perfectionem, ut ipse ad tales actus concurrat tanquam prima regula morum; quia hoc ipso concurreret ad chimeram; Nam hoc ipso actus materialiter malus vel bonus regularetur à prima regula morum, & tamen supponitur esse non regulatus; concurrere autem ad productionem chimæræ non est perfectio Deo tribuenda.

*Sed contra dices Primò.* Sicut prædicatum Omnipotentiae, Aseitatis &c. sunt prædicata difficilia, ideoq; à multis rudibus non cognoscuntur, & negantur: ita non minus difficile est prædicatum regulæ primæ morum, & entis obligantis ad hoc, ut nunquam, nullibi,  
à nullo



à nullo, propter nullum finem peccetur. Ergo etiam hæc prædicata Dei ab aliquibus formaliter peccantibus non cognoscuntur.

*Ad hoc Respondeo.* Sicut secundum conceptum exactum & speculativum cognoscere quid sit peccatum formaliter est satis difficile, (ut patet ex variis circa hoc punctum opinionibus,) tamen nullus est ita rudis, ut dum formaliter peccat, non cognoscat practicè sub conceptu aliquo æquivalente, licet non ita claro & distincto, quid sit peccatum formaliter: ita etiam quilibet rudis formaliter peccans, saltem practicè sub conceptu aliquo æquivalente, minùs claro, & distincto cognoscit, nunquam, nullibi, à nullo, ob nullum finem peccandum esse, consequenter talem obligationem ab aliquo ente provenire; & sub hoc saltem cognoscit conceptu regulam primam morum, quamvis hoc ipsum non agnoscat sub conceptu exactè comparativo, & scholastico, nec sub expresso conceptu regulæ primæ morum. De prædicato Omnipotentiae, Aseitatis, Immenfitatis, ac etiam summi Boni, (quatenus summum Bonum significat Ens contentivum omnis Boni, non autem Ens præferibile omnibus bonis,) & de similibus prædicatis, alia est ratio. Tum quia, hujusmodi prædicatorum notitia non ita proxime & necessario conducit ad regulandos actus morales, sicut conducit notitia entis obligantis ad hoc, ne unquam, ullibi, ab ullo, ob ullum finem peccetur, adeoq; hæc secunda notitia potius quàm prima, imprimi debuit omnibus, in quibus *signatum est lumen*  
*Sultus*

*Vultus Dei*, potentibus exercere actus morales. Tum quia, in Omnipotentia, Aseitate, ac similibus prædicatis, statim apparet ingens perfectio, conveniens cuidam enti unico, & perfectissimo, quod dari, non est per se notum quoad nos; Unde intellectus creatus non nisi per discursum ingeniosum, (quem non formant rudes,) determinatur, ad asserenda talia prædicata; tanta verò perfectio non illicò apparet in hoc prædicato abstracto, quòd est esse, Ens aliquod obligans quemlibet, ad non peccandum unquam, ullibi, ob ullum finem; ac proinde hoc prædicatum etiam rudissimis innotescit, dum formaliter peccant.

*Dices secundò.* Ut rudis peccet formaliter, satis est, si judicet se à suo dictamine rationis obligari ad non peccandum: Ergo non est necesse ut cognoscat Deum sub aliquo proprio ejus conceptu. Respondeo, formaliter peccans, vel cognoscit se obligari à dictamine rationis, ratione alterius entis, obligantis ad hoc, ut nunquam, nullibi, à nullo, ob nullum finem peccetur; & tunc peccans, conceptum convertibilem Dei applicabit cuipiam enti distincto à suo dictamine: vel cognoscit se obligari à suo dictamine, quatenus ratione sui, & non ratione alterius obligante ad hoc, ut nunquam, nullibi, à nullo, ob nullum finem peccetur; & tunc peccans conceptum proprium Dei, falsò applicabit suo dictamini, quod interim nobis satis est.

Propositio II. *Omne formale peccatum, necessariò est formalis offensa Dei.* Ita authores ci-

tati in prima propositione. Probatur, Quia ut dictum est, omnis formaliter peccans præcognoscit Deum sub aliquo conceptu convertibili cum Deo: Atqui hoc sufficit ad formalem Dei offensam, sicut sufficit ad formalem offensam hominis, si contemnatur præcognitus, sub conceptu Risibilis, vel Admirati, etsi non præcognoscatur sub conceptu Animalis Rationalis: Ergo omnis formaliter peccans offendit formaliter Deum.

*Dices.* Rudis Atheus quamvis cognoscat prædicatum, quod est à parte rei, & secundum veritatem, proprium Dei, tamen ex parte subjecti peccantis, seu inesse repræsentato apud peccantem, tale prædicatum non est proprium Dei; quia Atheus non advertit tale prædicatum esse appropriatum Deo, sed potius illud applicat suo Principi, aut Communitati, aut conscientiæ. Ergo adhuc non offendit formaliter Deum, & materialiter se habet ista advertentia ad Deum in ejus peccato.

*Ad hoc Respondeo, nego Consequentiam:* Sicut enim, si quis prædicatum convertibile Regis à se cognitum, ex errore applicaret rustico, eumq; putando esse Regem contemneret, hoc ipso formaliter offenderet Regem: ita si quis prædicatum convertibile Dei, à se cognitum applicet ex errore Creaturæ, adhuc contemnendo tale prædicatum in creatura, Deum formaliter offendit. Ratio à priori est, Quia prædicatum re ipsa convertibile cum Deo, v. g. Ens obligans ratione sui ad hoc, ut à nullo, nunquam, nullibi, ob nullum finem peccetur, cognoscitur à peccante esse nobilissimum;

mum, & summo honore ac subjectione dignissimum: Ergo dum contemnitur à peccante, quamvis ex errore invincibili, Creatura applicatum, meritò peccantem reddit Deo odibilem. Patet hoc ipsum à posteriori: Quis enim dicat, nunquam offendere formaliter Deum suis flagitiis Persas & Scythas, cum agnoscunt ea prohiberi ab unico supremo universi totius Gubernatore, quem tamen gubernatorem putant non esse Omnipotentem, non esse Ens à se, sed potius esse Ens materiale, nempe solem, aut lunam. Ergo apparet ad offensam Dei non requiri, ut formaliter peccans, ita cognoscat prædicatum aliquod proprium Dei, ut ipsam convertibilitatem hujus prædicati cum Deo, id est cum ente à se, cognoscere debeat.

*Dices secundò:* Potest aliquis formaliter peccando Atheus, attendere ad Ens supremum, seu ad regulam primam morum, sub conceptu indeterminato & generico, quaecumq; illud sit Ens, non autem determinatè & in specie sibi repræsentare Deum: sed hoc peccatum non erit formalis offensa Dei: Ergo

*Respondeo.* Si iste conceptus Dei apud peccantem sit indeterminatus, & genericus ita, ut re ipsa sit communis Creaturis, puta, si peccans cognoscat Deum prohibentem, sub conceptu Entis ut sic, vel naturæ intellectualis ut sic, conceditur totum argumentum: non enim in tali conceptu relucet ullo modo peccanti prædicatum summè æstimabile, adeoq; tunc Deus à peccante non offenditur formaliter, sed tantum materialiter, ob defectum



advertentiæ. Cæterum si peccans ita indeterminatè advertat ad Deum, ut cognoscat quidem prædicatum, re ipsa proprium Dei prohibentis, non tamen determinet an hoc prædicatum conveniat enti à se, vel Communitati, aut Conscientiæ; tunc adhuc contra hanc advertentiam operari, erit peccatum formale, & ita peccans offender formaliter Deum; quia tale prædicatum, quamvis nulli determinatè applicatum, apprehendebatur aliquo modo à peccante esse summè æstimabile; sicut offenderetur formaliter hic numero Rex Ioannes, si quis titulum Serenissimi contemneret, indeterminatè cognitum sub hoc conceptu, *Quicumq; ille Serenissimus sit.*

Propositio III. *Quodlibet peccatum formale, est punibile à Deo.* Hæc propositio sequitur ex prima, & secunda propositione, jam probata. Ratio est, quia omnis offensa formalis Dei, est punibilis à Deo, cum ipse sit suprema potestas, cognoscens omnem suam offensam esse contra Bonum Commune, quod ipse est, ideoq; iustissimè puniens quamlibet suam offensam: sed omne peccatum formale est offensa formalis Dei, ut probatum est: Ergo est punibile à Deo.

*Confirmatur.* Ponamus defactò Atheum rudem qui in infantia baptisatus, sed postea in sylvis enutritus, nihil audivit de Deo, & tamen contra dictamen rationis committit multa flagitia enormia, & ita sine fide remuneratoris Dei. (quàm utiq; Deus propter tanta flagitia ipsi non tenetur inspirare,) moriatur; hic certè non salvabitur, quia fides Dei Remune-

muneratoris, est juxta omnes, in adultis ad salutem necessaria necessitate medii, ita ut etiam inculpabiliter illâ omisâ, salus obtineri non possit; non etiam damnabitur ad Lymbum puerorum, quia ad hunc locum damnantur soli non baptisati, propter peccatum Originale; hic autem de quo agimus, est baptisatus: Ergo cum locus post mortem defacto pro hominibus flagitiosis non sit alius, ibit ad infernum, vel ad purgatorium; & sic peccata ipsius, quæ tamen adversarii volunt esse purè philosophica, non punibilia à Deo, punientur à Deo, ut nos dicimus.

*Propositio IV. Quodlibet peccatum formale, est materia Confessionis Sacramentalis, & Contritionis.* Sequitur ex dictis: Quia ut vidimus, quodlibet peccatum formale est offensæ formalis Dei, quæ utiq; est materia Confessionis Sacramentalis, & Contritionis.

*Propositio V. Implicat peccatum formale purè Philosophicum, seu quòd non sit Theologicum.* Sequitur ex dictis; quia omne peccatum formale est formalis offensæ Dei, est punibile à Deo, est materia Confessionis Sacramentalis, quæ omnia sunt propria peccati Theologici.

*Ad primum quod contra objicitur, negatur Minor.* Sicut enim Athomista videns albedinem, cognoscit aliquod prædicatum proprium, & non solum genericum albedinis, nempe hoc quod sit Ens disgregativum visus, & tamen negat albedinem sub conceptu expresso quod albedinis, & formæ accidentalis, sed potius illud Ens disgregativum visus, putat falsò esse congeriem certam athomorum, & propterea est

**Athomista:** ita pariter Atheus, formaliter peccando, cognoscit aliquod prædicatum proprium, & non solum genericum Dei, nempe Ens ratione sui obligans ad hoc, ut à nullo, nunquam, nullibi, propter nullum finem peccetur, quia tamen negat Deum sub conceptu expresso Dei, seu Entis à se, & illum conceptum priorem Dei, aut applicat principi Creato, seu Communitati, aut nulli applicat subiecto determinatè, propterea est Atheus. Nempe Atheus ille est, qui Deum negat sub conceptu expresso Dei, seu Entis à se, seu entis distincti ab omnibus creaturis, quamvis affirmet aliquod prædicatum re ipsa convertibile cum Deo, ideoq; sit stultus, idem affirmando, aut negando sub diverso conceptu, juxta illud Scripturæ: *Dixit insipiens in corde suo, non est Deus.* At verò blasphemus ille est, qui affirmando Deum sub expresso conceptu Dei, negat aliquod ejus attributum, dicendo esse injustum, vel non esse Omnipotentem. Unde patet, quòd in nostra Sententia salvari optimè possit, quòd dentur Athei distincti à Blasphemis.

*Ad secundum.* In suppositione illa chimerica earentiæ Dei, sicut in ordine physico infinitæ chimeræ nascerentur: ita etiam in ordine morali nasceretur hoc monstrum chimericum, quòd parricidium, & similia mala, transirent ab ordine morali, ad ordinem physicum, nec relucerent in intellectu hujusmodi mala ut inhonesta, sed tantum ut noxia Communitati. Quod quidem grande absurdum est; Sed sequitur ex illa immani suppositione chimerica ca-

rica Carentiæ Dei, quæ parens est & origo omnium absurdorum.

*Ad tertium.* Quando communiter Theologi dicunt, ideo quædam objecta v. g. parricidia esse prohibita à Deo, quia sunt mala moraliter, id verum est de prohibitione Divina importante actum Dei liberum, virtualiter intrinsecè posteriore voluntate Dei necessariâ, & Omnipotentiâ; Sed non est verum in hoc sensu, quasi ante illam prohibitionem Divinam, quæ importat aliquem actum Voluntatis Divinæ simpliciter necessarium, reprobativum omnis peccati, præcedat à parte rei aliqua malitia moralis objectiva, saltem formaliter & completè. Ratio est: Quia sicut ante Omnipotentiam divinam nihil est à parte rei possibile, ut alibi demonstratum est: ita nec ante volitionem Divinam necessariam, quæ virtualiter intrinsecè distincta non est ab Omnipotentia, nihil est possibile, adeoq; ante volitionem necessariam Divinam reprobativam peccati, non præcedit in re ulla possibilitas malitiæ moralis objectivæ saltem completæ.

*Ad quartum.* Operans id quod dedecet naturam rationalem qua talem, vel aliquomodo apprehendit hanc suam operationem, nunquam, nullibi, à nullo, ob nullum finem esse committendam, vel nullo modo apprehendit. Si primum? jam hæc dedecentia est relativa ad Deum, non quidem sub conceptu expresso Dei, sed sub conceptu entis obligantis ad hoc, ut nunquam, à nullo, ob nullum finem peccetur. Si secundum? Dico, quod

Q 5

ita ope-



ita operans non peccabit formaliter, sed materialiter, ob defectum scilicet debitæ advertentiæ. Unde solum erit vituperabilis ex præsumptione, quatenus præsumetur habuisse hanc advertentiam, quam ordinariè habet, qui operatur id, quod dedecet naturam rationalem quâ talem.

*Ad quintum.* Qui opponeret se bonis communibus naturæ intellectualis creatæ & increatæ, sine advertentia ad primam regulam morum, sub ullo conceptu ejus proprio, is peccaret solum materialiter; Qui autem cum hac advertentia opponeret se bonis communibus naturæ intellectualis creatæ & increatæ, is sanè peccaret formaliter, sed hoc ipso opponeret se etiam bono Dei proprio, nempe prædicato cōvertibili cū Deo, toties explicato.

*Ad sextum.* Patet ex dictis, quòd cognitio Dei in peccante formaliter, nunquam est ita confusa, ut attingat solum prædicatum Dei genericum, & Commune ipsi cum creatura, quæ sola cognitio confusa Dei, æquivaleret cognitioni; esto possit in peccante formaliter, cognitio Dei ita esse confusa, ut non attingat Deum sub conceptu expresso Dei, quamvis sit convertibilis cum Deo. Verùm hæc cognitio confusa rei non æquivaleret incognitioni. Quis enim dicat perinde esse cognoscere risibile, præcisa rationalitate, ac ignorare hominem?

*Ad septimum.* negatur Consequentia: disparitas latissima est. Tum quia, amans Deum non cognoscit, se obligari ad hoc ab aliquo, quod sit convertibile cum Creatura: at verò qui peccan-

peccando formaliter, amat bonum creatum, cognoscit necessitas se obligari ab aliquo, convertibili cum Deo, ut probatum est. Tum Quia, Creatura non est prima & universalis regula morum, unde non debet per cognitionem influere in omnem actum honestum, qualis est amor Dei: at verò Deus est prima & universalis Regula morum, ideoq; ad omnem amorem inhonestum boni Creati, sub aliquo conceptu suo convertibili, concurrere debet indirectè, prohibendo talem amorè.

*Ad octavum.* Omne peccatū formale quod est grave Philosophicè, est etiam grave Theologicè. Si enim est grave philosophicè, eo ipso à peccante apprehenditur esse ita graviter dissonum rectæ rationi, ut nunquam, à nullo, ob nullum finem sit eligendum: jam autem hoc ipso cognoscitur à peccante esse graviter oppositum alicui prædicato proprio Dei, ut dictum est; & sic est contemptus gravis Dei, dissolvitq; cum Deo amicitiam, & meretur pœnam æternam, quæ sunt prædicata propria peccati Theologici gravis. Fateor tamen dari peccata venialia, quæ scilicet non sunt gravis contemptus Dei, nec dissolvunt amicitiam cum Deo, nec merentur pœnam æternam, quale est v.g. jocosum mendacium; Verùm talia peccata etiam non fiunt sine omni cognitione Dei, fiunt enim cum aliqua advertentia saltem imperfecta ad obligationem levem, provenientem ab aliquo, cui semper, ubiq; ab omnibus parendum est, quocunq; alio bono postposito, qui conceptus est convertibilis cum Deo, ac proin-

promittit tanta delicta peccata sunt reus contemptus Dei, & habent infinitudinem offensæ secundum quid, nec sunt purè philosophica peccata, sed etiam Theologica, esto pœna temporali à Deo puniantur, propter parvitatem materiæ, vel ob defectum advertentiæ.

*Ad nonum.* Patet ex dictis, repugnare peccatum formale, quod non sit punibile à Deo. Argumentum igitur solum evincit, posse dari peccatum materiale v. g. prodicionem Patriæ, commissum sine sufficienti advertentia ad malitiam moralem, quod fateor plectendum fore à sola Republica humana. Verum ita operans plecteretur non tanquam moraliter malus, sed tanquam physice noxius Communitati, eo modo, quo occiduntur dracones, & lupi, nec tortura aut occisio talis hominis haberet rationem pœnæ propriè dictæ, cum hæc sit correlativa culpæ; aut certè talis plecteretur ob præsumptionem advertentiæ sufficientis, quam potuit, & debuit habere.

## QVÆSTIO V.

Utrum peccatum habituale mortale in præsentī statu elevationis consistat formaliter in privatione gratiæ sanctificantis?

§ 1.

Rationes dubitandi.

**V**idetur quòd non, sed potius. *Videtur imò* consistere in habitu vitioso, relicto ex peccato.

caro præterito, ut censuit Gregorius Ariminensis: vel certè in qualitate inde relicta ex peccato præterito, quæ sit contraria rationali naturæ, & per quam homo reddatur turpis & exosus Deo, ut existimârunt aliqui antiquiores Scholastici. Ratio est, quia sicut gratia sanctificans, est quædam qualitas permanens physica, & juxta multos, est habitus charitatis, estq; pulchritudo animæ, propter quam Deus hominem amat: ita similiter dicendum est, peccatum habituale, esse quandam qualitatem physicam, aut habitum vitiosum, quæ qualitas, aut habitus, sit turpitudine animæ, ob quam Deus odit hominem.

*Videtur* 2dò esse vera Sententia Scoti, Occam, Almaini, Bassolis, aliorumq; apud Oviedo tract: 6. controver: 8. pun: 2. quòd peccatum habituale consistat formaliter in deputati-  
one seu ordinatione peccatoris libera Divina ad pœnam propter culpam præteritam, quæ ordinatio consistens in actu Divini intellectus & voluntatis, solet ab his Auctoribus vocari Reatus pœnæ. Probari potest hæc Sententia auctoritate Augustini lib: 6. contra Julianum cap: 8. ubi postquam S. Doctor retulit Sententiam Juliani asserentis, reatum peccati, id est peccatum habituale manere in conscientia delinquentis, ita illum impugnat: *Quòd si obli-  
scatur se deliquisse, nec ejus conscientia stimuletur, ubi erit reatus ille, quem transeunte actu manere concedis? Neg. dici potest eorum, peccatorum reatum manere quorum meminit, contra serò, quæ obli-  
tus est non manere, manet quippe omninò donec remittatur. Ubi ergo mar. et nisi in occultis legibus Dei,*



Dei, quæ conscriptæ sunt quodammodo in mentibus Angelorum, ut nulla sit iniquitas impunita, nisi quam Sanguis Mediatoris expiaverit. Ubi explicat Augustinus permanentiam peccati per legem seu ordinationem Dei.

*Probatur hoc ipsum etiam ratione.* Quia sicut potest esse aliquis dignus pœna temporali, absq; malitia ulla præsenti intrinseca, per Dei destinationem, ut patet in eo, cui remissum est peccatum mortale quoad culpam, qui tamen remanet dignus pœna temporali, ita potest esse quis dignus pœnâ æternâ, quod est esse habitualiter peccatorem, sine ulla malitia de præsenti intrinseca, per solam Dei deputationem extrinsecam.

*Videtur 3tîo esse vera sententia Altiliodorensis, Durandi & aliorum apud Salas quæst: 83. tract: 13. sect: 13. Quod peccatum habituale mortale consistat formaliter in dignitate pœnæ æternæ, orta ex peccato, quam dignitatem vocant etiam reatum pœnæ. Probatur.* Quia hæc dignitas pœnæ æternæ ex una parte manet post peccatum actuale, tanquam effectus, antequam edictq; divinam destinationem hominis ad pœnam; & ex alia parte afficit intrinsecè peccatorem. Sed hoc est esse peccatum habituale: Ergo ista dignitas pœnæ est peccatum habituale. Quod ipsum confirmari potest auctoritate Augustini lib: de Nuptiis cap: 26. Ubi de peccatis ita dicit. *Manent nisi remittantur: sed quomodo manent, si praterita sunt, nisi quia praterierunt actu, manent reatu.*

*Videtur 4tîo. Esse vera Sententia quam tenet Zumel & Curiel, apud Oviedo, Quod peccatum*

ctum habituale consistat formaliter in habituali privatione conformationis ad legem. *Probat*ur. Quia peccatum habituale idem est cum peccato actuali, cui solam superaddit habitualitatem. Ergo cum peccatum actuale consistat formaliter in privatione actuali conformationis ad legem, ut dictum est, peccatum habituale consistet in privatione habitualitatis conformationis huiusmodi.

*Videtur 6to* vera esse Sententia aliquorum asserentium, peccatum habituale, formaliter consistere in negatione retractationis, ita ut nihil aliud sit, nisi peccatum actuale præteritum non retractatum efficaciter, ut putat Vasquez, seu ut loquitur Suarez, nihil aliud sit, nisi denominatio quædam Moralis, hominis à Deo averſi, & nunquam deinde converſi. Ratio est, Quia intentio habitualis, est ipsa intentio actualis præterita non retractata. Ergo similiter, peccatum habituale est peccatum actuale præteritum non retractatum.

*Videtur 6to* Esse vera Sententia Cardinalis de Lugo, de Pœnitentia disp: 7. sect: 5. Arriaga hic disp. 49. sect: 4. Oviedo hic pun: 4. Haunoldi hic §. 4. Peccatum habituale constitui formaliter per ista tria, nempe per peccatum præteritum, per carentiam satisfactionis æqualis, & per negationem condonationis Divinæ. Ratio est. Quia ut arguit Haunoldus, illis omnibus & solis constituitur peccatum habituale, in quibus fundatur Moralis æstimatione, quâ homo post peccatum perinde habetur pro peccatore & reo pœnæ, ac si actu peccaret. Atqui hoc fundamentum non est aliud,

jud, nec clarioribus terminis explicari possit, quàm quòd homo pro peccato commissò, condignè non satis fecerit, nec sit illi condonatum; unde si quis certificaretur, Petrum pro peccato condignè satisfecisse, hoc ipso certificaretur eum odio non esse habendum propter culpam præteritam, cum satisfactio condigna exstinguat jus ad odium: vel certè si quis certificaretur, Petro culpam præteritam esse à Deo condonatum, eo ipso certificaretur eum non esse peccatorem. è contra verò quādiu Petrus post peccatum non satisfecit condignè, nec ei est liberaliter condonatum, numeratur inter reos pœnæ. Ergo tam in negatione satisfactionis pro peccato, quàm in negatione condonationis consistit peccatum habituale. *Confirmatur.* Quia qui Regem offendit, manet offensore Regis, per hoc præcisè, quia pro offensa non satisfecit, nec ei est condonata: idemq; dicitur de eo, qui pro accepto mutuo, manet debitor, nisi solvat, aut ei debitum condonetur. Ergo idem dicendum de offensore Dei.

*Videtur 7mò.* Essè vera Sententia, quàm eruditè docet Pater Thomas Młodzianowski tract. 1. de Pœnitentia disp: 3. quæst: 2. difficul: 3. Peccatum habituale esse ipsum actum præteritum malum, manentem per modum præsentis, vi causarum suarum moraliter ipsum conservantium. Hæ autem Causæ sunt duæ, una ex parte Creaturæ Deum offendentis, quæ est voluntas inordinata nunc manens moraliter, Altera ex parte Dei offensi, & est ipsum jus Divinum ad irasci moraliter permanens, & à Deo

à Deo quodammodo possessum. Ratio est. Quia in physicis non aliter perseverat effectus, nisi ratione causarum Physicarum ipsum conservantiū. Ergo & in Moralibus non aliter perseverat peccatum præteritum, nisi vi causarum moraliter ipsum conservantium, quæ non sunt aliæ, nisi duæ explicatæ.

*Videtur 860.* Non rectè explicari habituale mortale per privationem gratiæ sanctificantis. Tum quia, aliàs sequeretur peccatum habituale quoad suam saltem permanentiam placere Deo, esseq; Deo Auctore, quandoquidem privatio gratiæ in peccatore est à Deo, placetq; Deo, cum sit pœna à Deo inflictæ. Tum quia, nullum peccatum tam quoad malitiam, quàm quoad permanentiam constituitur per suam pœnam, quia pœna potius deberet avertere à culpa, non autem culpam conservare: Et ita non conservatur homicidium Petri per ejus decollationem; cum ergo privatio gratiæ sit pœna peccati, quomodo per hanc privationem perseverat peccatum? Tum quia, esse indignum gratiâ, est esse peccatorem, sed homo pro priori naturæ signo ante privationem gratiæ, cum peccat, est indignus gratiâ. Ergo pro illo priori est peccator, adeoq; non constituitur peccator per privationem gratiæ. Tum deniq; quia sicut ideo Deus privat hominem gratiâ, cum peccat, quia peccat: Ita etiam ideo Deus perseverat privare gratiâ, quia homo perseverat in peccato. Ergo tam actuale quàm habituale peccatum præcedit privationem gratiæ, tanquam ejus Causa, ac proinde neutrum constituitur privatione gratiæ, præ-



tiæ, præsertim cum utrumq; idem sit peccatum, ac proinde eandem utrumq; causet privationem gratiæ.

*Videtur ultimò* Saltem in nostra Sententia non distinguente negationes ab ente positivo, non posse explicari, quid in re sit ista privatio gratiæ: Non enim est aliquod Ens temporale impossibile cum gratia, quod enim est tale? Non etiam est decretum Dei, tum quia, hoc est æternum, jam verò privatio gratiæ incipit & desinit in tempore: tum quia, decretum Dei est extrinsecum peccatori, privatio autem gratiæ afficit eundem intrinsecè, facitq; intrinsecè malum. tum quia, decretum Dei est optimum, ac proinde nequit constituere hominem malum, seu peccatorem.

## §. II.

### Resolvitur Quæstio.

*R*espondetur. Per peccatum habituale intelligitur id, à quo is qui heri peccavit, hodie ante justificationem denominatur peccator, seu intelligitur actus malus physicè præteritus, quatenus manens moraliter & æquivalenter, seu ita se nunc habens in ætimatione prudentum, quoad quosdam effectus, nempe in ordine ad reddendum hominem odibilem, & reum poenæ, ac si nunc physicè existeret. Hinc apparet peccatum non esse ineram denominationem extrinsecam ab actu malo physicè præterito, ita & nunc esse peccatum habituale nihil aliud sit, nisi, fuisse actum peccaminosum. Nam peccatum habituale tollitur per ju-

per ju-

per justificationem; hoc autem, quod est fuisse actum peccaminosum, non est auferibile per totam æternitatem: & ita nunc etiam verum est, S. Petrum peccasse, cum falsum sit illum peccatorem esse. Quæritur ergo Quid sit id, ratione cujus manet moraliter actus malus physicè præteritus, denominatque peccatorem. Est autem peccatum habituale, aliud mortale, aliud veniale. Et rursus potest considerari tum in statu puræ naturæ, in quo videlicet statu consideratur homo tantum cum perfectionibus debitæ naturæ, tum in statu elevationis, in quo defacto homo est à Deo ordinatus ad finem Visionis Dei, toti naturæ indebitum, & ad talem finem per media toti naturæ indebita dispositus. Potissimum ergo de peccato habituali mortali in statu elevationis agimus, quanquam & de aliis peccatis ex hac occasione agendum erit.

*Propositio I. Omne peccatum habituale in omni statu consideratum, præter illam privationem rectitudinis, quam dicit peccatum actuale, superius explicatum, importat formaliter & intrinsecè aliam aliquam privationem.*

*Probatur.* Quia ut dictum Quæst: præcedenti: Omne malum præsertim morale consistit formaliter in privatione: Sed peccatum habituale, etiam quæ tale, seu secundum id, quod superaddit peccato actuali, est malum morale, utpote ineligibile prudenter. Ergo sic sumptum consistit formaliter in privatione superaddita peccato actuali.

*Propositio II. Peccatum mortale habituale tum in statu puræ naturæ, quam in statu elevationis*

consistit formaliter & intrinsecè, saltem partialiter, in privatione aptitudinis ad finem ultimum statui suo congruentem, quatenus inducta demeritorie ab homine, cuius est peccatum, & quidem physice præsente.

*Probatur.* Quia quælibet res dicitur simpliciter mala ideo, quia caret aptitudine ad suum finem, ut constat inductione, tam in naturalibus quàm in artificialibus. Ita enim oculus est malus, quia non est aptus ad Visionem, quæ est finis oculi, equus est malus, si est ineptus ad equitandum, domus est mala, si est inepta ad habitandum, calamus est malus, si est ineptus ad scribendum, & sic de reliquis. Ergo etiam homo est simpliciter malus, quia est ineptus ad finem ultimum sui status, cum hac differentia ab aliis entibus inferioribus, quia hæc possunt naturaliter carere aptitudine ad suum finem sine sua culpa, secus autem homo. Atqui existere in peccato mortali habituali est esse simpliciter malum: Ergo hoc peccatum consistit formaliter & intrinsecè in privatione aptitudinis ad finem ultimum statui congruentem. Quod autem hæc privatio debeat esse physice præsens durante peccato habituali. Probatur, quia sicut nihil dicitur nunc turpe, infirmum, aut mortuum, nisi ob turpitudinem, vel mortem, aut infirmitatem, quæ sit de præsenti physice, ita nec homo potest nunc simpliciter dici malus seu turpis in anima & spiritualiter mortuus, nisi ob malitiam quæ sit de præsenti physice, vel in se, si est peccatum actuale, vel in suo effectu, nempe in privatione aptitudinis ad finem, si est peccatum habituale. Nec



Nec refert quòd peccatum habituale sit turpitudine Moralis, non physica, unde videtur non debere constitui per aliquid præsens physice, sed per aliquid præsens moraliter. Contra enim est, quia peccatum habituale in hoc sensu est turpitudine moralis, quia importat privationem aptitudinis ad finem, voluntariam & liberam; non autem in hoc sensu, quasi ipsa privatio aptitudinis ad finem non sit præsens physice durante peccato habituali: aliàs enim peccatum actuale physice præteritum non deturparet nunc moraliter hominem. Quia sicut peccatum cum est physice, in seipso physice deturpat, ita non aliter deturpat moraliter, nisi cum est præsens physice in suo effectu, sic enim moraliter existit.

Propositio III. *Hæc aptitudo ad finem ultimum, quæ privat peccatum mortale habituale, non est quid extrinsecum homini, puta Decretum Dei ordinans hominem ad finem ultimum, sed est potius aliqua forma intrinseca homini.*

*Probatur.* Quia, (ut simul occurram objectioni,) licet bonitas in ratione medii, seu id quod facit rem amabilem propter aliud, possit haberi per aliquid extrinsecum, (sicut moneta fit bona, per voluntatem extrinsecam Principis;) tamen bonitas in ratione finis, quæ scilicet subiectum facit amabile ratione sui, debet esse tali subiecto intrinseca, alioquin non faceret subiectum ratione sui, sed ratione extrinseci amabile; qua de causa nequit homo constitui aut pulcher, aut sapiens, aut virtuosus, aut robustus per aliquid extrinsecum. At qui aptitudo hominis ad ultimum finem est



tanquam in speculo mundo Deus reluceat per visionem sui, juxta illud : Beati mundo corde quoniam ipsi Deum videbunt. Ergo sola gratia sanctificans, vel aliqua forma æquivalens, est aptitudo hominis ad finem ultimum in statu elevationis, ac proinde in ejus privatione consistit formaliter peccatum habituale mortale in eodem statu. Et hoc ipsum patet etiam à posteriori. Quia in statu elevationis juxta præsentem providentiam, non alia forma destruit peccatum habituale mortale, in justificatione peccatoris, nisi infusio gratiæ sanctificantis, ut est certum apud Catholicos. Ergo & in præsentis statu elevationis, peccatum habituale mortale consistit formaliter in privatione talis gratiæ, quandoquidem consistit formaliter in privatione formæ per quam tollitur : in alio verò statu elevationis daretur saltem alia forma intrinseca æquivalens gratiæ sanctificanti, propter similem necessitatem.

*Secunda pars Assertionis probatur.* Quia in statu puræ naturæ, finis ultimus Creaturæ rationalis esset Deus ut perfectè cognoscendus ænigmaticè ex & in Creaturis, ac etiam perfectè amandus amore naturali ; ad hunc autem finem perfectæ aptitudo intrinseca hominis non esset alia, nisi habitualis dispositio diligendi naturaliter Deum super omnia, quia nihil facit aptum intrinsecè ad actum perfectum naturalem, nisi habitus proportionatus.

*Sciendum tamen est,* quod hujusmodi habitualis dispositio per peccatum mortale commissum in statu puræ naturæ, non esset habitus dilectionis Dei acquisitus præcedens peccatū ;

hise-

hic enim habitus non semper destrueretur ibi per peccatum mortale, sed potius esset habitus dilectionis Dei naturalis super omnia, acquirendus per actum naturalem dilectionis Dei super omnia, contentivum in se & inductivum talis habitus, simulq; retractivum peccati commissi, in cuius proinde habitus privatione, consisteret ibi formaliter peccatum habituale mortale. Per quod satisficit objectioni quam proponit Haunoldus. Hinc enim sequitur, quod in statu puræ naturæ non potest Deus remittere peccatum mortale sine actu dilectionis Dei naturali super omnia, generante similem habitum & retractante peccatum: sicut ē contra potest Deus in statu elevationis remittere peccatum mortale sine retractatione peccatoris actuali, ut alibi dictum est. Cujus ratio est: Quia ex una parte est opus magnæ gratiæ Dei, remittere offensam gravem sine retractatione offensoris, imò hoc est contra exigentiam Ordinis naturalis, ac proinde hoc fieri non potest in statu puræ naturæ, qui status non est status gratiæ, sed puræ justitiæ, conformantis se exigentiis rerum: ex altera verò parte in statu puræ naturæ, habitus dilectionis Dei super omnia constituens aptitudinem ad finem ultimum, ut pote acquisitus, deberet generari ex actibus similibus, cum tamen in statu elevationis, habitus supernaturalis reddens hominem aptum ad finem ultimum, non generetur ex actibus, sed immediate à Deo infundatur. Ergo in statu puræ naturæ, non potest remitti peccatum mortale importans ineptitudinem ad finem ultimum.

sine retractatione, quæ ibi non esset alia nisi actus naturalis Dei dilectionis super omnia, secus autem in statu elevationis.

Propositio V. *Peccatum habituale veniale pro omni statu formaliter & intrinsecè, saltem inadquate, consistit in privatione actualis retractationis, formalis vel æquivalentis. Ita P. Esparza loco citato ad nonum.* Ratio est. Quia peccatum veniale non facit hominè simpliciter malum, ac proinde non privat aptitudinem ad finem ultimum, sicut privat mortale, sed tantum facit hominem secundum quid malum, seu non dispositum ultimò completè ad finem ultimum. Ergo ejus habitualitas seu permanentia moralis, non consistit in privatione alicujus formæ permanentis, puta gratiæ sanctificantis, sicut consistit habitualitas peccati mortalis, sed consistit in privatione ultimæ dispositionis transeuntis, requisitæ ad perfectam operationem formæ permanentis, nempe ad amorem Dei intensum & ferventem, quæ est operatio perfecta gratiæ sanctificantis. Hæc autem dispositio post peccatum veniale, est ipsius retractatio actualis seu formalis seu virtualis. Hinc peccatum mortale habet se sicut mors, quæ consistit in privatione formæ, nempe vitæ, veniale autem habet se sicut morbus, consistens in privatione dispositionis ad operandum perfectè vitaliter, requisitæ.

*Contra hanc Assertionem opponit aliqua P. Hauldus. Et primò opponit: Hinc sequi, quòd peccatum veniale non possit remitti sine retractatione, cum tamen oppositum dixerimus de peccato mortali in tractatu de Pœnitentia.*

Sed ad



Sed ad hoc Respondetur concedendo sequentiam : quod enim peccatum mortale possit remitti sine retractatione ; id inde est, quia potest dari aliqua forma intrinseca impossibilis cum mortali peccato infusa à Deo sine ullo actu peccatoris, qualis est gratia sanctificans, quæ per seipsam præstat effectus formales remissionis peccati mortalis, nempe deletionem peccati, conversionem Dei ad Creaturam, & conversionem creaturæ ad Deum, ac etiam retractationem peccati saltem habitualiter & æquivalenter : At verò nulla alia potest ostendi forma intrinseca deletiva peccati venialis, & conversiva tum Dei ad creaturam tum Creaturæ ad Deum, nisi retractatio vel formalis vel virtualis actualis.

*Opponit secundò.* Vel peccatum habituale veniale consistit in privatione actus debiti pro instanti, quo quis actu peccat, & sic erit impossibile tolli peccatum veniale, sicut impossibile est postea facere, ut fuerit in priori instanti actus oppositus veniali. Vel consistit in privatione actus debiti pro tempore posteriori ; & sic veniale actuale non transibit in habituale, quia nullum est debitum seu obligatio statim retractandi veniale. *Respondetur.* Veniale habituale consistere in privatione retractationis debite pro tempore posteriori, prout debitum significat capaciter boni subiecto congruentis, non verò prout debitum significat obligationem moralem, cui non liceat contravenire, quo pacto cæco etiam dicitur debita esse visio, licet ad eam non sit obligatus sub peccato. Sic nimirum etiam debetur post



jud, nec clarioribus terminis explicari possit, quàm quòd homo pro peccato commissò, condignè non satis fecerit, nec sit illi condonatum; unde si quis certificaretur, Petrum pro peccato condignè satisfecisse, hoc ipso certificaretur eum odio non esse habendum propter culpam præteritam, cùm satisfactio condigna exstinguat jus ad odium: vel certè si quis certificaretur, Petro culpam præteritam esse à Deo condonatam, eo ipso certificaretur eum non esse peccatorem. è contra verò quãdiu Petrus post peccatum non satisfecit condignè, nec ei est liberaliter condonatum, numeratur inter reos pœnæ. Ergo tam in negatione satisfactionis pro peccato, quàm in negatione condonationis consistit peccatum habituale. *Confirmatur.* Quia qui Regem offendit, manet offensòr Regis, per hoc præcisè, quia pro offensa non satisfecit, nec ei est condonata: idemq; dicitur de eo, qui pro accepto mutuo, manet debitor, nisi solvat, aut ei debitum condonetur. Ergo idem dicendum de offensore Dei.

*Videtur 7mò.* Esse vera Sententia, quàm e-ruditè docet Pater Thomas Mlodzianowski tract. 1. de Pœnitentia disp: 3. quæst: 2. difficul. 3. Peccatum habituale esse ipsum actum præteritum malum, manentem per modum præsentis, vi causarum suarum moraliter ipsum conservantium. Hæ autem Causæ sunt duæ, una ex parte Creaturæ Deum offendentis, quæ est voluntas inordinata nunc manens moraliter, Altera ex parte Dei offensi, & est ipsum jus Divinum ad irasci moraliter permanens, &  
à Deo

à Deo quodammodo possessum. Ratio est. Quia in physicis non aliter perseverat effectus, nisi ratione causarum Physicarum ipsum conservantiū. Ergo & in Moralibus non aliter perseverat peccatum præteritum, nisi vi causarum moraliter ipsum conservantium, quæ non sunt aliæ, nisi duæ explicatæ.

*Videtur 860.* Non rectè explicari habituale mortale per privationem gratiæ sanctificantis. Tum quia, aliàs sequeretur peccatum habituale quoad suam saltem permanentiam placere Deo, esseq; Deo Auctore, quandoquidem privatio gratiæ in peccatore est à Deo, placetq; Deo, cum sit pœna à Deo inflictæ. Tum quia, nullum peccatum tam quoad malitiam, quàm quoad permanentiam constituitur per suam pœnam, quia pœna potius deberet avertere à culpa, non autem culpam conservare: Et ita non conservatur homicidium Petri per ejus decollationem; cum ergo privatio gratiæ sit pœna peccati, quomodo per hanc privationem perseverat peccatum? Tum quia, esse indignum gratiâ, est esse peccatorem, sed homo pro priori naturæ signo ante privationem gratiæ, cum peccat, est indignus gratiâ. Ergo pro illo priori est peccator, adeoq; non constituitur peccator per privationem gratiæ. Tum deniq; quia sicut ideo Deus privat hominem gratiâ, cum peccat, quia peccat: Ita etiam ideo Deus perseverat privare gratiâ, quia homo perseverat in peccato. Ergo tam actuale quàm habituale peccatum præcedit privationem gratiæ, tanquam ejus Causa, ac proinde neutrum constituitur privatione gratiæ, præ-

tiæ, præsertim cum utrumq; idem sit peccatum, ac proinde eandem utrumq; causet privationem gratiæ.

*Videtur ultimò* Saltem in nostra Sententia non distinguente negationes ab ente positivo, non posse explicari, quid in re sit ista privatio gratiæ: Non enim est aliquod Ens temporale impossibile cum gratia, quod enim est tale? Non etiam est decretum Dei, tum quia, hoc est æternum, jam verò privatio gratiæ recipit & definit in tempore: tum quia, decretum Dei est extrinsecum peccatori, privatio autem gratiæ afficit eundem intrinsecè, facitq; intrinsecè malum. tum quia, decretum Dei est optimum, ac proinde nequit constituere hominem malum, seu peccatorem.

## §. II.

### Resolvitur Quæstio.

**R***espondetur.* Per peccatum habituale intelligitur id, à quo is qui heri peccavit, hodie ante justificationem denominatur peccator, seu intelligitur actus malus physicè præteritus, quatenus manens moraliter & æquivalenter, seu ita se nunc habens in ætimatione prudentum, quoad quosdam effectus, nempe in ordine ad reddendum hominem odibilem, & reum pœnæ, ac si nunc physicè existeret. Hinc apparet peccatum non esse ineram denominationem extrinsecam ab acti malo physicè præterito, ita & nunc esse peccatum habituale nihil aliud sit, nisi, fuisse actum peccaminosum. Nam peccatum habituale tollitur per ju-

per justificationem; hoc autem, quod est fuisse actum peccaminosum, non est auferibile per totam æternitatem: & ita nunc etiam verum est, S. Petrum peccasse, cum falsum sit illum peccatorem esse. Quæritur ergo Quid sit id, ratione cujus manet moraliter actus malus physicè præteritus, denominatque peccatorem. Est autem peccatum habituale, aliud mortale, aliud veniale. Et rursus potest considerari tum in statu puræ naturæ, in quo videlicet statu consideratur homo tantum cum perfectionibus debitæ naturæ, tum in statu elevationis, in quo defacto homo est à Deo ordinatus ad finem Visionis Dei, toti naturæ indebitum, & ad talem finem per media toti naturæ indebita dispositus. Potissimum ergo de peccato habituali mortali in statu elevationis agimus, quanquam & de aliis peccatis ex hac occasione agendum erit.

*Propositio I. Omne peccatum habituale in omni statu consideratum, præter illam privationem rectitudinis, quam dicit peccatum actuale, superius explicatum, importat formaliter & intrinsecè aliam aliquam privationem.*

*Probat.* Quia ut dictum Quæst: præcedenti: Omne malum præsertim morale consistit formaliter in privatione: Sed peccatum habituale, etiam quæ tale, seu secundum id, quod superaddit peccato actuali, est malum morale, utpote ineligibile prudenter. Ergo sic sumptum consistit formaliter in privatione superaddita peccato actuali.

*Propositio II. Peccatum mortale habituale tam in statu puræ naturæ, quam in statu elevationis*



consistit formaliter & intrinsecè, saltem partialiter, in privatione aptitudinis ad finem ultimum statui suo congruentem, quatenus inducta demeritorie ab homine, cujus est peccatum, & quidem physice præsente.

*Probatur.* Quia quælibet res dicitur simpliciter mala ideo, quia caret aptitudine ad suum finem, ut constat inductione, tam in naturalibus quàm in artificialibus. Ita enim oculus est malus, quia non est aptus ad Visionem, quæ est finis oculi, equus est malus, si est ineptus ad equitandum, domus est mala, si est inepta ad habitandum; calamus est malus, si est ineptus ad scribendum, & sic de reliquis. Ergo etiam homo est simpliciter malus, quia est ineptus ad finem ultimum sui statûs, cum hac differentia ab aliis entibus inferioribus, quia hæc possunt naturaliter carere aptitudine ad suum finem sine sua culpa, secus autem homo. Atqui existere in peccato mortali habituali est esse simpliciter malum: Ergo hoc peccatum consistit formaliter & intrinsecè in privatione aptitudinis ad finem ultimum statui congruentem. Quod autem hæc privatio debeat esse physice præsens durante peccato habituali. Probatur, quia sicut nihil dicitur nunc turpe, infirmum, aut mortuum, nisi ob turpitudinem, vel mortem, aut infirmitatem, quæ sit de præsenti physice, ita nec homo potest nunc simpliciter dici malus seu turpis in anima & spiritualiter mortuus, nisi ob malitiam quæ sit de præsenti physice, vel in se, si est peccatum actuale, vel in suo effectu, nempe in privatione aptitudinis ad finem, si est peccatum habituale. Nec

Nec refert quòd peccatum habituale sit turpitudine Moralis, non physica, unde videtur non debere constitui per aliquid præsens physice, sed per aliquid præsens moraliter. Contra enim est, quia peccatum habituale in hoc sensu est turpitudine moralis, quia importat privationem aptitudinis ad finem, voluntariam & liberam; non autem in hoc sensu, quasi ipsa privatio aptitudinis ad finem non sit præsens physice durante peccato habituali: aliàs enim peccatum actuale physice præteritum non deturparet nunc moraliter hominem. Quia sicut peccatum cum est physice, in seipso physice deturpat, ita non aliter deturpat moraliter, nisi cum est præsens physice in suo effectu, sic enim moraliter existit.

*Propositio III. Hæc aptitudo ad finem ultimum, quâ privat peccatum mortale habituale, non est quid extrinsecum homini, puta Decretum Dei ordinans hominem ad finem ultimum, sed est potius aliqua forma intrinseca homini.*

*Probat.* Quia, (ut simul occurrat objectioni,) licet bonitas in ratione medii, seu id quod facit rem amabilem propter aliud, possit haberi per aliquid extrinsecum, (sicut moneta fit bona, per voluntatem extrinsecam Principis;) tamen bonitas in ratione finis, quæ scilicet subjectum facit amabile ratione sui, debet esse tali subjecto intrinseca, alioquin non faceret subjectum ratione sui, sed ratione extrinseci amabile; qua de causa nequit homo constitui aut pulcher, aut sapiens, aut virtuosus, aut robustus per aliquid extrinsecum. Atqui aptitudo hominis ad ultimum finem est

bonitas in ratione finis, facit enim hominem amabilem à Deo amore amicabili, adeoq; amabilem ratione sui, non minus quàm facit Sapiencia, robur, virtus, & similia. Ergo debet esse intrinseca homini.

*Probatur secundò.* Quia decretum Dei ordinans hominem ad finem ultimum, idem omninò manet secundum se semper, non solum tunc quando caret homo peccato mortali, estque aptus ad ultimum finem, sed etiam tunc quando est homo in statu peccati mortalis, seu ineptus ad finem ultimum. Nec enim decretum Dei secundum se est mutabile. Ergo tale Decretum Dei secundum se est indifferens ad hoc, ut hominem reddat aptum vel ineptum ad finem ultimum, ac proinde reddit hominem eatenus aptum ad ultimum finem, quatenus ipsi imprimit istam aptitudinem, & eatenus reddit ineptum, quatenus hominem ob culpam ejus privat ista aptitudine intrinseca.

*Confirmatur.* Quia Decretum Dei, quo Deus vult hominem esse aptum ad finem ultimum, cum is est in statu peccati, non vult seipsum præcisè, vult enim potius id quod causat in tempore, cum ipsum Decretum sit incausatum & æternum: non vult etiam ipsum hominem secundum se, nec vult tempus hodiernum, aut aliquid extrinsecum homini; hæc enim omnia sunt indifferentia ad hoc, ut homo sit aptus, vel ineptus ad suum finem ultimum. Ergo vult aliquid intrinsecum homini, adeoque facit, cum velle Dei sit facere, & ejus affectus, ut pote Omnipotens, non progreditur ultra effectum.

Prope-



**Propositio I V.** *Hac forma intrinseca, quæ privat peccatum mortale habituale in statu elevationis est gratia sanctificans, aut aliquid æquivalens; in statu verò puræ naturæ, est habitualis dispositio diligendi Deum super omnia, dilectione naturali, prout mox explicabitur.* Unde peccatum habituale mortale, consistit formaliter & intrinsecè saltem partialiter in privatione hujusmodi formæ statui suo proportionatæ. Ita quoad illam partem quæ procedit de statu elevationis communiter sentiunt Thomistæ, Cajetanus, Capreolus, Scotus, Medina, Ledesma, quibus adhærent nostri Tannerus, de peccatis disputatione 4. quæst. 6. dubit. 7. Coninck de Pœnitentia disp. 2. dub. 10. Gaspar Hurtado de peccatis disp. 8. diffic. 1. Cardinalis Pallavicinus in Libello de Pœnitentia cap. 14. Quoad alteram etiam partem de statu puræ naturæ ita sentit P. Esparza quæst. 1. de Justificatione ad 8vum.

*Prima pars Assertionis Probatur.* Quia in statu elevationis, finis ultimus Creaturæ rationalis est possessio summi boni per visionem ipsius, & gaudium de ipso, ut suo loco dictum est, cum sententia communi. Atqui sola gratia sanctificans, aut forma ipsi æquivalens v. g. Unio hypostatica, est perfecta aptitudo intrinseca creaturæ rationalis ad hunc finem, Quia sola gratia sanctificans, aut forma aliqua ipsi æquivalens, facit hominem amicum Dei, ac proinde facit dignum cui se Deus communicet summè, per possessionem sui, quandoquidem amicorum sunt omnia communia. Itē facit cor mundum ac proinde aptum, in quo

R 4

tanquam



tanquam in speculo mundo Deus reluceat per visionem sui, juxta illud : Beati mundo corde quoniam ipsi Deum videbunt. Ergo sola gratia sanctificans, vel aliqua forma æquivalens, est aptitudo hominis ad finem ultimum in statu elevationis, ac proinde in ejus privatione consistit formaliter peccatum habituale mortale in eodem statu. Et hoc ipsum patet etiam à posteriori. Quia in statu elevationis juxta præsentem providentiam, non alia forma destruit peccatum habituale mortale, in justificatione peccatoris, nisi infusio gratiæ sanctificantis, ut est certum apud Catholicos. Et 3o & in præsentis statu elevationis, peccatum habituale mortale consistit formaliter in privatione talis gratiæ, quandoquidem consistit formaliter in privatione formæ per quam tollitur : in alio verò statu elevationis daretur saltem alia forma intrinseca æquivalens gratiæ sanctificanti, propter similem necessitatem.

*Secunda pars Assertionis probatur.* Quia in statu puræ naturæ, finis ultimus Creaturæ rationalis esset Deus ut perfectè cognoscendus ænigmaticè ex & in Creaturis, ac etiam perfectè amandus amore naturali ; ad hunc autem finem perfecta aptitudo intrinseca hominis non esset alia, nisi habitualis dispositio diligendi naturaliter Deum super omnia, quia nihil facit aptum intrinsecè ad actum perfectum naturalem, nisi habitus proportionatus.

*Sciendum tamen est,* quòd hujusmodi habitualis dispositio per peccatum mortale commissum in statu puræ naturæ, non esset habitus dilectionis Dei æquisitus præcedens peccatū ;  
hice-

hic enim habitus non semper destrueretur ibi per peccatum mortale, sed potius esset habitus dilectionis Dei naturalis super omnia, acquirendus per actum naturalem dilectionis Dei super omnia, contentivum in se & inductivum talis habitus, simulq; retractativum peccati commissi, in cujus proinde habitus privatione, consisteret ibi formaliter peccatum habituale mortale. Per quod satisficit objectioni quam proponit Haunoldus. Hinc enim sequitur, quod in statu puræ naturæ non potest Deus remittere peccatum mortale sine actu dilectionis Dei naturali super omnia, generante similem habitum & retractante peccatum: sicut è contra potest Deus in statu elevationis remittere peccatum mortale sine retractatione peccatoris actuali, ut alibi dictum est. Cujus ratio est: Quia ex una parte est opus magnæ gratiæ Dei, remittere offensam gravem sine retractatione offensoris, imò hoc est contra exigentiam Ordinis naturalis, ac proinde hoc fieri non potest in statu puræ naturæ, quæ status non est status gratiæ, sed puræ justitiæ, conformantis se exigentiis rerum: ex altera verò parte in statu puræ naturæ, habitus dilectionis Dei super omnia constituens aptitudinem ad finem ultimum, ut pote acquisitus, deberet generari ex actibus similibus, cum tamen in statu elevationis, habitus supernaturalis reddens hominem aptum ad finem ultimum, non generetur ex actibus, sed immediate à Deo infundatur. Ergo in statu puræ naturæ, non potest remitti peccatum mortale importans ineptitudinem ad finem ultimum.

sine retractatione, quæ ibi non esset alia nisi actus naturalis Dei dilectionis super omnia, secus autem in statu elevationis.

Propositio V. *Peccatum habituale veniale pro omni statu formaliter & intrinsecè, saltem inadquate, consistit in privatione actualis retractationis, formalis vel æquivalentis. Ita P. Esparza loco citato ad nonum.* Ratio est. Quia peccatum veniale non facit hominẽ simpliciter malum, ac proinde non privat aptitudinem ad finem ultimum, sicut privat mortale, sed tantum facit hominem secundum quid malum, seu non dispositum ultimò completè ad finem ultimum. Ergo ejus habitualitas seu permanentia moralis, non consistit in privatione alicujus formæ permanentis, puta gratiæ sanctificantis, sicut consistit habitualitas peccati mortalis, sed consistit in privatione ultimæ dispositionis transeuntis, requisitæ ad perfectam operationem formæ permanentis, nempe ad amorem Dei intensum & ferventem, quæ est operatio perfecta gratiæ sanctificantis. Hæc autem dispositio post peccatum veniale, est ipsius retractatio actualis seu formalis seu virtualis. Hinc peccatum mortale habet se sicut mors, quæ consistit in privatione formæ, nempe vitæ, veniale autem habet se sicut morbus, consistens in privatione dispositionis ad operandum perfectè vitaliter, requisitæ.

*Contra hanc Assertionem opponit aliqua P. Hæmoldus. Et primò opponit: Hinc sequi, quòd peccatum veniale non possit remitti sine retractatione, cum tamen oppositum dixerimus de peccato mortali in tractatu de Pœnitentia.*

Sed ad



Sed ad hoc Respondetur concedendo sequentiam: quod enim peccatum mortale possit remitti sine retractatione; id inde est, quia potest dari aliqua forma intrinseca impossibilis cum mortali peccato infusa à Deo sine ullo actu peccatoris, qualis est gratia sanctificans, quæ per seipsam præstat effectus formales remissionis peccati mortalis, nempe deletionem peccati, conversionem Dei ad Creaturam, & conversionem creaturæ ad Deum, ac etiam retractationem peccati saltem habitualiter & æquivalenter: At verò nulla alia potest ostendi forma intrinseca deletiva peccati venialis, & conversiva tum Dei ad creaturam tum Creaturæ ad Deum, nisi retractatio vel formalis vel virtualis actualis.

*Opponit secundo.* Vel peccatum habituale veniale consistit in privatione actus debiti pro instanti, quo quis actu peccat, & sic erit impossibile tolli peccatum veniale, sicut impossibile est postea facere, ut fuerit in priori instanti actus oppositus veniali. Vel consistit in privatione actus debiti pro tempore posteriori; & sic veniale actuale non transibit in habituale, quia nullum est debitum seu obligatio statim retractandi veniale. *Respondetur.* Veniale habituale consistere in privatione retractationis debite pro tempore posteriori, prout debitum significat capacitatem boni subiecto congruentis, non verò prout debitum significat obligationem moralem, cui non liceat contravenire; quo pacto cæco etiam dicitur debita esse visio, licet ad eam non sit obligatus sub peccato. Sic nimirum etiam debetur post



tur post peccatum retractatio peccati.

*Opponit tertio.* Sequi ex nostra Sententia, quod possit deleri veniale durante mortali, si videlicet tunc fiat, retractatio venialis. Respondendo id non sequi, quia veniale habituale consistit in privatione retractationis faciendæ ab eo qui non sit hostis Dei, qualis retractatio, non fit durante peccato mortali, quo pacto, etiam non potest tolli morbus à mortuo.

*Opponit quarto.* Vel peccatum veniale habituale consistit in privatione satisfactorie retractationis de condigno; & sic per Sacramentum nunquam primò delebitur veniale, sed vel supponetur jam deletum per satisfactionem condignam præviam, aut remanebit etiam post Sacramentum cum retractatione non satisfactoria. Vel consistit in retractationis qualiscunq; etiam non satisfactorie privatione; & sic tolli potest veniale per actum non satisfactorium absq; gratuita condonatione, quod in terminis repugnat. *Resp.* Peccatum habituale veniale consistere in privatione retractationis, vel satisfactorie de condigno, qualis à multis censetur esse actus contritionis, vel in negatione cujuscunque actus, impossibilis cum peccato veniali præterito, Quia verò Sacramenta excitant in nobis ex opere operato hujusmodi actus, seu pios motus voluntatis, impossibiles cum peccatis venialibus, ideo per Sacramenta tolluntur peccata venialia non immediate, sed mediate. Sicut autem aliquando contingit per actum contritionis, ante usum Sacramenti, tolli peccatum mortale, & tamen peccata mortalia tolluntur per Sacramenta

menta poenitentiae, quia scilicet per hoc Sacramentum confertur gratia quantum est ex se remissiva peccati mortalis: ita etiam contingit ut per retractationem satisfactivam tollatur veniale ante usum Sacramenti, & tamen dicuntur venialia tolli per Sacramenta, quia per Sacramenta excitantur in nobis pii motus, retractativi saltem virtualiter, & ex se deletivi venialium. Rursus quia venialia tolluntur aliquando per actus quidem retractativos non satisfactivos, sed tamen tales, qui sint ex natura sua impossibiles cum peccato praeterito veniali, ideo tunc etiam tolluntur non per gratuitam Dei condonationem.

*Propositio VI. Omne peccatum habituale sive mortale sive veniale, pro quocumque statu praeter proportionatam sibi privationem formae, jam explicatam, dicit formaliter & intrinsece partialiter, & quidem in recto ipsum actum malum physice praeteritum, ita ut v. g. peccatum habituale homicidii, in recto & quoad malitiam, immediate & ratione sui imputabilem peccatori, sit ipse actus homicidii physice praeteritus, in obliquo autem & quoad habitualitatem seu permanentiam moralem sit privatio gratiae: Unde hoc peccatum habituale sic explicari debet: Est ipse actus homicidii quatenus manens secundum privationem gratiae ab ipso causatam.*

*Probatur Conclusio, quod scilicet peccatum habituale intrinsece & quidem in recto dicat actum malum praeteritum: Tum quia, idem est in recto peccatum actuale cum habituali: Tum quia, peccatum habituale est id, quod formaliter denominat peccatorem: peccator autem ]*



autem formaliter dicitur talis, nonnisi ab actu voluntatis libero malo. Tum deniq; quia illud est peccatum habituale ad cuius mensuram infligitur poena peccatori: hæc autem infligitur ad mensuram peccati actualis præteriti, & ideo gravius punitur à Deo homicidium, quàm furtum, quàmvis utrumq; æqualiter dureret, v. g. per mensem. Hinc etiam est, quòd quàmvis in omnibus peccatis habitualibus privatio gratiæ sit æqualis, ipsa tamen peccata habitualia sæpe sunt inæqualia, ita ut qui plura vel pejora peccata commisit, sit major peccator, quia scilicet peccator præter privationem gratiæ, dicit intrinsecè & in recto actus malos præteritos. Et per hoc solvuntur multæ objectiones, quas ponit Oviedo & Arriaga.

Ex his ergo habetur, in quo consistat peccatum habituale formaliter, sive mortale sive veniale, sive in statu puræ naturæ, sive in statu elevationis. Unde ulterius.

*Infertur primò.* Non posse tolli seu remitti ullum peccatum pro quocunq; statu, sine aliqua forma intrinseca, seu per condonationem purè extrinsecam. Ratio est, Quia privatio non aliter tollitur, nisi inductâ formâ oppositâ, alioquin ex duobus contradictoriis neutrum daretur, quod implicat. Jam verò omne peccatum in omni statu consistit formaliter in privatione alicujus intrinseci, ut diximus.

*Infertur secundò.* Gratiâ sanctificantem secundum se esse formam impossibilem cum peccato mortali habituali, siquidem ei opponitur privativè ut dictum: jam verò forma cum sua privatione est per seipsam præcisè impossibile.

compossibilis. Sed de utraq; hac illatione ageretur infra.

*Inferitur deniq.* Quod sit Iudicium ferendum de sententiis aliorum circa constitutionem peccati habitualis, relatis in rationibus dubitandi. Aliquæ enim sententiæ non sunt admittendæ, aliquæ verò in sensu nostræ sententiæ accipi possunt, ut jam patebit ex responsione ad fundamenta singularum.

### § I I I.

Satisfit argumentis initio Quæstionis propositis.

**A**d primum dicendum. Peccatum habituale non consistere in habitu vitioso, vel aliqua qualitate ex peccato relicta. Tum quia iste habitus, & qualitas, si datur, sæpè ablato peccato manet in iustificatis, utpote sentientibus adhuc inclinationem ad peccatum præteritum. Tum quia, ante justificationem potest destrui per actus contrarios iste habitus, & qualitas, manente peccato habituali. Quod autem gratia sanctificans & pulchritudo animæ sit formaliter qualitas positiva, non sequitur similiter peccatum habituale & turpitudinem animæ consistere formaliter in qualitate positiva. Ratio disparitatis est, Tum quia gratia pertinet ad bonum, quod formaliter consistit in positivo: At verò peccatum, etiam quatenus habituale pertinet ad malum, quod in privatione formaliter consistit. Tum quia ut modo dicebam, Omnis qualitas positiva relicta ex peccato est separabilis à macula peccati habitualis;



tualis ; Secus autem gratia sanctificans non est separabilis à pulchritudine animæ.

*Ad secundum.* Sententia Scoti potest cum nostra conciliari. Dicemus enim in responsione ad ultimum, privationem gratiæ sanctificantis activè sumptam in re esse odium Dei contra peccatorem, seu legem æternam, qua Deus non vult dare gratiam ei, qui mortaliter peccavit, nisi se Sanguine Redemptoris abluerit, quod odium Dei simul est deputatio peccatoris ad pœnam inimicabilem. Et hoc vult Augustinus cùm dicit : *Peccatum habituale manere in legibus Dei.* Si tamen Scotus velit habitualitatem peccati consistere formaliter in actu Dei secundum se, non verò quatenus privante hominem in tempore aliquo intrinseco ; talis Sententia à nobis rejicitur. Tum quia, actus Divinus secundum se sumptus est æternus, habitualitas verò peccati incipit & desinit in tempore. Tum quia, actus Dei secundum se sumptus est bonus, non autem habitualitas peccati.

*Ad Rationem in Contra, Negatur Consequentia.* Disparitas est, quia Deus infligit pœnam temporalem ut amicus, ac proinde non supponit necessariò malum de præsentī illum, qui est dignus pœna temporali : Secus autem pœnam æternam Deus infligit ut inimicus, ideoq; supponit malum de præsentī illum, qui tali pœna dignus est ; jam verò omnis malitia hominis consistit in privatione alicujus intrinseci, ut dictum est.

*Ad tertium.* Sententia quæ constituit peccatum habituale formaliter in reatu pœnæ, conciliari

cellari potest cum nostra, si dicatur istum reatum nihil aliud esse, nisi obligationem & debitum peccatoris ad sustinendam Dei inimicitiam: hæc enim obligatio in re est jus Dei ad irasci, seu lex Dei dicans peccatori negandam esse gratiam, quæ ulterius lex juxta nos est privatio gratiæ activè sumpta. Nempe omnis lex favens uni, & gravans alium, circa aliquam rem. est jus ex parte Unius ad illam rem, simulq; est obligatio seu debitum ex parte alterius. Et ita accipiendus est Augustinus cum dicit *Peccatum manere in reatu*. Cæterum nisi ita explicetur hæc sententia rem non explicat. restabit enim quærere, in quo maneat realiter de præsentī iste reatus seu dignitas pœnæ, cum jam actus malus physicè præterierit, qui per seipsum dignus est pœna. Itaq; ad Rationem pro hac Sententiâ, Respondeo, dignitatem pœnæ manere quidem moraliter post actum malum tanquam effectum, sed manere nonnisi ratione privationis gratiæ, ratione cujus etiam hæc dignitas afficit intrinsecè peccatorem, non positivè, sed privativè, tollendo scilicet aliquid intrinsecum peccatori. Cæterum nego, quod ista dignitas realiter antecedit destinationem Divinam ad pœnam inimicalem; hæc enim destinatio est lex negandi gratiam ei, qui peccavit; quæ lex ex parte Dei est destinatio ad pœnam inimicalem; ex parte verò peccatoris est obligatio seu reatus sustinendi talem pœnam.

*Ad quartum* Sententia Zumel verum dicit, sed rem non exprimit. Restat enim quærere, quid sit ista habitualitas, quâ nunc moraliter



manet jam physice præterita privatio actualis, conformitatis cum lege. Nos verò dicimus, istam habitualitatem esse privationem gratiæ sanctificantis, ut inductam per actualem privationem conformitatis cum lege.

*Ad quintum* Sententia Suarii & Vasquez potest in aliquo sensu cum nostra conciliari, dicendo scilicet, hanc negationem retractationis efficacis & conversionis ad Deum, vi cujus negationis manet peccatum mortale moraliter, esse in re privationem gratiæ sanctificantis, quia videlicet, gratia sanctificans est habitualis retractatio & conversio ad Deum. Cæterum si hæc Sententia procedat de negatione retractationis & conversionis actualis, Contra est. Quia potest quis actualiter retractare peccatum mortale, per attritionem extra Sacramentum, & sic converti ad Deum, & tamen manebit in statu peccati adhuc mortalis, nisi illi infundatur gratia sanctificans. Quod si dicas, attritionem non nisi cum Sacramento esse retractationem peccati mortalis sufficientem? Contra est, Quia hinc sequitur, peccatum habituale saltem partialiter consistere in negatione alicujus extrinseci, nempe Sacramenti, adeoq; peccatum habituale esse partialiter extrinsecum ei, qui peccavit, nec ipsi inesse, cum debeat inesse juxta Tridentinum. Nempe negatio est ei extrinseca, cui forma negata est extrinseca, siquidem negationes specificantur à formis quas ipsæ excludunt. Itaq; paritas illa desumpta ab intentione habituali non convincit: Nam permanentia moralis peccati mortalis non est similis ei permanentiæ, vi cujus

vi cuius durat intentio præterita, sed potius est similis illi permanentiæ, quâ durat votum emissum, aut matrimonium contractum, quæ scilicet sicut etiam retractata actualiter, durant moraliter durante lege, ita & peccatum mortale etiam actu retractatum durat moraliter, durante lege Dei privandi hominem gratiâ sanctificante.

*Ad sextum.* Imprimis permanentia peccati mortalis nullo modo consistit, in negatione satisfactionis condignæ, cum enim talis satisfactio pro mortali sit impossibilis puræ creaturæ, ut fert communis sententia, est etiam inauferibilis negatio satisfactionis talis, sicut est inauferibilis negatio chimeræ, cum tamen permanentia peccati mortalis sit auferibilis. Iam quod spectat ad negationem condonationis Divinæ, si hæc negatio sumatur pro lege Dei, seu pro decreto negandi gratiam peccatori, id est quatenus inducente privationem gratiæ, (sicut etiam voluntas dandi gratiam est condonatio Divina,) potest utiq; sic sumpta negatio condonationis constituere permanentiam peccati mortalis, sed hæc negatio sic sumpta erit in re privatio activa gratiæ sanctificantis, quæ est nostra sententia, ut videbimus ad ultimum. Cæterum si negatio condonationis sumatur pro actu Divino secundum se, hic ut pote æternus & extrinsecus, non potest constituere formaliter permanentiam moralem peccati, ut pote temporalem & extrinsecam peccatori. Itaq; ad rationem, Haunoldi Negatur Minor, & probationis suppositum, quod scilicet possit Petrus condignè



satisfacere pro mortali, & quod ei possit condonari peccatum sine infusione gratiæ, vel certè quod in negatione alicujus extrinseci consistat habitualitas peccati mortalis. *Ad Confirmationem negatur Consequentia.* Disparitas est, quia esse offensorem Regis, & similiter esse debitorem pro mutuo accepto, non facit hominem malum, quæ denominatio importat aliquam privationem intrinsecam, quandoquidem Offensor Regis, & similiter debitor pro mutuo potest esse amicus Dei: & ideo in humanis, tam denominatio offensoris, quàm debitoris, potest haberi per aliquid extrinsecum, nempe per actum condonantem: At verò esse offensorem Dei & debitorem apud ipsum pro peccato, facit hominem malum, ac proinde importat privationem alicujus boni intrinseci. Deinde Rex offensus quando condonat offensam non mutat intrinsecè offensorem, sed mutat seipsum per actum condonationis, at verò Deus condonans offensam, cum non mutet seipsum intrinsecè, mutare debet intrinsecè offensorem, infundendo illi formam intrinsecam, in cujus proinde privatione consistit offensa Dei habitualis.

*Ad septimum.* Sententia illius Recentioris verum dicit, sed adhuc restat quærere, in quo consistat hoc, quod est manere peccatum per modum præsentis, vi causarum moraliter ipsū conservantium. Deinde restat quærere, cur nunc maneat moraliter voluntas peccatoris inordinata conservans peccatum, cum tamen inordinatio voluntatis jam physicè præterierit: cur etiam nunc ante Iustificationem ma-  
neat

neat moraliter jus Divinum ad irasci, & cras post justificationem non maneat, cum tamen hoc jus sit actus Dei secundum se inaufertibilis. Si tamen dicatur peccatum habituale esse peccatum moraliter conservatum, ratione privationis gratiæ ab eo inductæ, conservariq; tum à voluntate peccatoris, nunc inordinata ratione ejusdem privationis præsentis, tum à jure divino, nunc privante peccatorem gratia, in hoc sensu hæc Sententia coincidit cū nostra. Iam paritas Causarum physicarum conservantium physicè effectum, nobis potius favet: Sicut enim effectus durat physicè seu in se, per aliquid præsens, nempe per durationem præsentem, & durat vi Causarum manentium physicè seu in se; ita peccatum debet durare moraliter, id est in aliquo suo effectū præsentī, & vi Causarum moraliter nēpe in suo effectū durantium, id est in privatione gratiæ.

*Ad octavum.* Rationes illæ contra nostram Sententiam non convincunt. Non prima. Negatur enim sequela, Quia quando aliquis causat aliquam partem effectus, solum nō impediendo ipsam, cum non teneatur impedire, imò cum habeat jus eam ponere, ex suppositione positæ ab alio compartis; tunc is simpliciter non dicitur Causa esse talis effectus totalis; Sicut cum quis ignem ab alio applicatum non extinguit, cum non teneatur extinguere, imò cum habeat jus non extinguendi ob gravia incommoda, is non dicitur esse simpliciter causa actus primi proximi ad comburendum, (aliàs hoc ipso esset causa combustionis, quæ ne-



cessario sequitur ad illum actum primum proximum,) & tamen in denominatione actus primi proximi, ad comburendum includitur partialiter intrinsecè negatio extinctionis. Cū ergo peccatum habituale, ejusq; habitualitas, non solum includat intrinsecè privationem gratiæ, sed etiam actum malum præteritum, cujus Deus non est Causa, cumq; alteram partem hujus denominationis, nempe privationem gratiæ, Deus solum causet, non impediendo, nec teneatur ad impediendum, sed potius habeat jus ad eam inducendam ex suppositione actus mali ab homine positi; homo autem causet tum peccatum, tum privationem gratiæ, obligatus ad impediendum utrumq; ; hinc fit quod non Deus, sed homo sit Causa tum peccati habitualis, tum ipsius habitualitatis peccati. Hinc etiam negamus ipsam habitualitatem peccati placere Deo, quia hæc habitualitas dicit intrinsecè tum privationem gratiæ, quæ secundum se est pæna, placetq; Deo ex suppositione peccati, tum actum malum præteritum Deo displicentem: jam verò sæpe totum displicet, ratione unius partis displicentis, sic facies est deformis propter solum nasum inproportionatum, & tota musica est ingrata, propter unam vocem dissonam.

*Nec secunda Ratio convincit.* Fateor enim nullum peccatum constitui, quoad malitiam imputabilem operanti, per unam pænam. Cæterum habitualitatem peccati illa solum pæna non constituit, quæ subjectum non facit ineptum ad ultimum finem, qualis est v. g. pœna

pœna colli, secus, autem dicendum de privatione gratiæ, quæ ita est pœna avertens à culpa per sui comminationem, ut per sui inflictionem reddat subiectum ineptum ad ultimum finem.

*Nec tertia ratio convincit.* Quia esse peccatorem, seu existere in peccato habituali, est esse indignum gratiâ, indignitate moraliter & æquivalenter, non verò physice existente; jam verò in illo priori naturæ signo, ante privationem gratiæ, imò etiam in toto instanti temporis, in quo quis mortaliter peccat, habetq; privationem gratiæ, homo est indignus gratiâ, indignitate physice existente, ac proinde pro tunc non est peccator, nec habens peccatum habituale, sed potius est peccans.

*Nec quarta ratio convincit.* Solum enim peccatum actuale causat demeritoriè, præceditq; prioritate naturæ privationem gratiæ, tum quoad ejus inceptionem, à qua distinguitur realiter adæquatè, tum quoad ejus perseverantiam moralem, à qua distinguitur realiter inadæquatè, eo modo quo in physicis anima rationalis causat partem aggeneratam, à qua distinguitur realiter adæquatè, & eadem anima causat denominationes videntis, loquentis, intelligentis &c. à quibus distinguitur realiter inadæquatè. Cæterum peccatum habituale, si sumatur secundum id, quod superaddit peccato actuali, non causat demeritoriè, nec prioritate naturæ præcedit privationem gratiæ, etiam quoad perseverantiam moralem ipsius, ac proinde peccatum habituale quoad id quod superaddit peccato actu-



ali potest intrinsecè constitui per privationem gratiæ perseverantem. Ratio est, quia causalitas demeritoria fundatur in libertate : Sed peccatum habituale secundum id quod superaddit peccato actuali, nullam per se loquendo importat novam libertatem, supra illam quæ est in peccato actuali, ut videre est in illis peccatoribus, qui statim post peccatum actuale mortale incidunt in somnum vel amentiam : Ergo peccatum habituale, secundum id quod superaddit peccato actuali, nihil causat demeritoriæ, sed totam exercet vim demeritoriam, secundum illam partem sui, quâ dicit peccatum actuale. Itaq; cum dicitur : *Ideo DEUS hominem privat gratiâ, quia peccat* ; ly *quia* significat prioritatem naturæ, sicut etiam significat in hac propositione : *Ideo est lux, quia est sol*, at verò cum dicitur : *Ideo DEUS perseverat privare hominem gratia, quia est peccatum habituale*, ly *quia* significat conservationem partis, existente toto, quo pacto dici potest, *Ideo DEUS conservat lucem, quia existit lucidum*. Ad illud quod opponitur, idem esse peccatum habituale & actuale ; Respondeo idem esse inadæquatè, non autem adæquatè, ut patet ex dictis, & proinde potest primum partialiter constitui per secundum peccatum.

*Ad ultimum Dico*, Privationem gratiæ activè sumptam in re esse legem DEI æternam, seu dictamen Divinæ Sapientiæ, & voluntatem Divinam privandi gratia peccatorem, donec se abluat Sanguine Redemptoris, sive per solam contritionem, sive per attritionem cōiunctam cum Sacramento, quæ lex DEI est odi-

um D.E.I contra peccatorem. Et hoc videtur docere Augustinus supra laudatus, cum dicit peccatum *manere in legibus æternis, nisi illud expiet Sanguis Mediatoris.*

*Ratio est,* Quia talis D.E.I voluntas, cum sit essentialiter infrustrabilis, per seipsam præcisè; nullo superaddito à parte rei Ente abusivo seu Negativo, essentialiter excludit seu impedit gratiam in eo, qui mortaliter peccavit, nec fecit poenitentiam justificativam. Ergo talis DEI voluntas per seipsam præcisè, adeoq; non solum fundamentaliter, sed etiam formaliter est privatio gratiæ activè sumpta. Si autem sumatur hæc privatio passivè, in re est ipsa gratia, non secundum se, sed quatenus exclusa seu impedita in peccatore per illam DEI voluntatem, à qua proinde voluntate, per denominationem extrinsecam gratia denominatur non esse. Sic enim nos discurrimus de omnibus negationibus, juxta ea quæ diximus in principis Philosophicis Disputatione 2.

Nec obest quod ista lex DEI sit æterna privatio verò gratiæ incipiat & desinat in tempore: Respondeo enim istam legem D.E.I secundum se æternam esse, nec deficere posse, aut incipere, non tamen secundum id quod excludit. Hoc ipsum etiam dicimus de privatione gratiæ activè sumpta. Deinde lex ista Dei est conditionata sub hac conditione defectibili, nisi peccatori applicetur Sanguis Christi, ac proinde potest deficere non quidem secundum se, sed secundum id quod dicit pro conditione.

Non obest item, quod hæc voluntas DEI, sit extrinseca peccatori, secus autem privatio gratiæ: Respondeo enim tam privationem gratiæ activam, quàm istam voluntatem DEI esse intrinsecam peccatori non secundum se, sed secundum id quod ab eo excludit, seu est intrinseca non ponendo aliquid intrinsecum peccatori, sed auferendo quod debuit esse intrinsecum, nempe gratiam, quod sufficit.

Non obest deniq; quod illa Dei voluntas sit bona, privatio autem gratiæ sit mala peccatori: Respondeo enim, istam voluntatem Dei esse bonam secundum se, esse tamen nocivam peccatori, & sic physicè malam, secundum id quod ab eo culpa peccatoris excludit: quo pacto etiam privatio gratiæ activa est mala peccatori: Si autem sermo sit de malitia morali, Nego privationem gratiæ secundum se esse malam moraliter: solum enim est mala moraliter ut est voluntaria peccatori, seu quatenus inducta est per actum malum præteritum, in qua denominatione includitur partialiter intrinsecè actus malus; & ita denominatio mali convenit toti complexo ratione partis, sicut homo dicitur corruptibilis ratione solius Unionis corruptibilis, & facies turpis, propter solum nasum improporcionatum.

## QVÆSTIO VI.

Vtrum gratia actualis physicè, effectivè, & immediatè concurrat ad actus Supernaturales, etiam in præsentia habituum supernaturalium ?

*V*idetur quod non, ut censent, Suarez, Grana-  
dus, Tannerus, quos citat & sequitur Oviedo Tractatu 7. contr: 1. puncto 7. & consentit Ariaga Disp: 35. sect: 2. asserentes auxilia actualia nonnisi moraliter seu directivè, & in genere Causæ formalis concurrere ad actus salutare. Probatur id primò Auctoritate Augustini & aliorum Patrum, qui ad hoc solum requirunt gratiam auxiliantem, ut appareat quod latebat, & suaves fiat quod non delectabat: hoc autem significat causalitatem gratiæ in actus salutare solum moralem. Ergo sine fundamento tribuitur illi efficientia physica actuum salutarium.

*Secundò.* Probatur specialiter, quod illustratio intellectus non con concurrat physicè, effectivè ad actum salutarem. Tum quia, sicut Visio beata non producit effectivè amorem beatificum, nec actus Fidei actum Charitatis in via, ne frustra detur habitus Charitatis: ita nec illustratio producit effectivè actum salutarem. Tum quia, cum intellectio teneat se ex parte objecti, non videtur posse tenere se ex parte potentiæ volitivæ, tanquam ipsius comprincipium activum respectu volitionis.

Tum



Tum deniq; quia intellectio & volitio sunt diversi ordinis: Ergo sicut volitio non concurrat per modum causæ activæ ad intellectionem, sed tantum per modum applicationis & imperii; ita etiam intellectio concurrat ad volitionem solum per modum applicationis objecti.

*Tertiò.* Probatur specialiter, quod saltem inspiratio seu affectus voluntatis indeliberatus non concurrat phylicè effectivè ad actum salutarem, ut vult Bellarminus & Herize, quos refert Ripalda mox citandus. Tum quia, actus indeliberatus est imperfectior deliberato: Causa verò physica efficiens nequit esse imperfectior suo effectui. Tum quia, voluntas cum quibus principiis potest efficere actum indeliberatum, cum iisdem potest immediate efficere actum deliberatum, ac proinde efficit immediate actum deliberatum non concurrente efficienter actu indeliberato. Tum deniq; quia in aliis, sine physico activo influxu, agnoscimus causalitatem intentionis in electionem, actus imperantis in imperatum, præmissarum in Conclusionem, apprehensionis in iudicium. Ergo in præsentem idem dicendum est.

*Quartò.* Gratia actualis auxilians vel solum in absentia habituum supernaturalium efficit actus salutares, vel etiam in præsentia eorundem. Neutrum dici potest: Ergo nunquàm illos efficit. Probatur Minor quoad primam partem, quia communiter dicunt Theologi, quod actus supernaturalis, disponens peccatorem ad habitus supernaturales, procedit ab auxilio D E I extrinseco seu ab omnipotentia assistente: Ergo non efficitur à gratia actuali  
intra-

intrinseca homini. Secunda pars etiam ejusdem Minoris probatur. Quia communiter docent Theologi, quod habitus supernaturales dant potentia naturali simpliciter posse operari, & per hoc differunt ab habitibus naturalibus, qui solum dant facilius posse. Ergo in presentia habituum supernaturalium otiose concurrerent efficienter auxilia actualia ad actus salutares. Quod ipsum etiam confirmatur. Quia principium supernaturale ideo requiritur ad actum supernaturalem ut det actui supernaturalitatem: Atqui hanc potest dare actui solus habitus supernaturalis, quando adest, sine consortio alterius principii supernaturalis, multo magis quam eam det actui auxilium actuale, ante habitum supernaturalem; cum sit major virtus activa habitus supernaturalis quam auxilii actualis. Ergo quando adest habitus supernaturalis, non requiritur aliud principium supernaturale physice influens in actum supernaturalem.

*Quinto.* Si concursus gratia actualis est solum moralis & in genere causae formalis, non subditur arbitrio creato quoad usum: hic enim concursus nihil aliud est, nisi existentia & Unio gratia actualis cum potentia vitali, quae existentia & unio non subditur arbitrio creato, cum detur in nobis sine nobis liberè operantibus. Si autem concursus iste gratia actualis est physicus & in genere causae efficientis, perinde erit subditus concursus gratia etiam efficacis arbitrio creato quoad unum, sicut eidem subditur habitus supernaturalis. At hæc sequela est inconveniens, ut pluribus contendit Alvarez



vare; Thomista Disp: 87. de Auxiliis. Tum quia, Concilium Arausicanum Canone 5. definit *adjutorium gratiæ non subjungi humilitati aut obedientiæ humanæ*. Tum quia Augustinus sæpe docet; *DEUM auxilio gratiæ subdere sibi voluntates creatas, ita, ut ipsi resistere non possint*. Tum denique, quia si arbitriū creatū uteretur prohibitu gratiæ efficaci, gratia esset magis subordinata arbitrio, quàm arbitrium gratiæ, quod est absurdum. Ergo concursus gratiæ actualis ad actus salutares, non est physicus & in genere Causæ efficientis.

*Respondetur.* Certum est apud omnes Theologos, quod gratia excitans exerceat causalitatem moralem, seu formalem, pro priori naturæ ad actum salutarem, quatenus informando animam, eique proponendo objectum, & inclinando ad ipsum, allicit & movet voluntatem ad actum salutarem; quæ causalitas potest vocari reductivè & in lata significatione, physica & efficiens, ut probat Ripalda. Difficultas est, an eadem gratia consistens in illustrationibus & inspirationibus influat propriè physicè in actus salutares per veram actionem, sive distinctam, sive indistinctam à termino, eo modo, quo voluntas influit in suam volitionem.

*Dicendum est affirmative.* Ita è nostris gravissimi Authores, Molina, Lessius, Valentia, Vasquez, Arrubal, Becanus. Et è Thomistis, Scorus, Medina, aliique quos citat & sequitur Ripalda. Disp: 110. & Esparza hic Quæst: 10.

*Probatur primò.* Auctoritate Scripturæ Sacræ & Patrum. Scriptura enim Isaia 26. de

DEO.

DEO dicit: *Omnia opera nostra operatus es nobis.* Et ad Philip: 2. *DEUS operatur in nobis velle & perficere pro bona voluntate.* Nempe per auxilium gratiæ actualis. Hæc autem verba, cum nihil obstat, ut magis simpliciter accipiantur, accipi debent non tantum de suasionē morali, sed etiam de influxu verò physico gratiæ in actum salutarem. Item ad Romanos 9. dicitur: *Non est volentis, neq; currentis, sed misere-  
rentis DEI.* Si autem sola voluntas hominis agit physice, gratia verò DEI solum moraliter: Ergo actus salutaris potius erit hominis volentis, quàm DEI miserentis. quia causæ physici efficienti adæquatæ & immediatæ potius tribuitur effectus, quàm causæ morali suadenti. Nec satis est, quòd gratia moraliter causans actum, det posse voluntati. Nam Augustinus libro 1. ad Simpl: Qu: 2. explicans prædicta verba Apostoli dicit: *Non ideo hoc dictum est, quia nisi ejus adjutorio non possumus, sed quia vocatio est effectrix bonæ voluntatis.* Præterea ad Corint: 15. dicit Apostolus: *Abundantius omnibus laboravi, non ego sed gratia DEI mecum.* Ubi per *ly laboravi* significatur concursus physicus, non suasio moralis, & per *ly mecum*, significatur concursus communis gratiæ actualis cum voluntate. Sed illud est clarissimum pro nostra sententia, quòd dicitur de gratia actuali ad Romanos 8: *Quicumq; Spiritu DEI aguntur, hi sunt filii DEI.* Quæ verba ita exponit Augustinus cap: 3. de gestis Pelagii: *Procul dubio plus est agi, quàm regi, qui enim regitur, aliquid agit, & ideo regitur ut recte agat. qui autem agitur, ipse agere aliquid vix intelligitur.*  
Ubi



Ubi cum dicatur gratia actualis plus præstare circa actum salutarem, quàm nos regere, hoc plus non est aliud quàm vera efficientia physica; Nam Causalitas moralis gratiæ est, regere nos, seu dirigere. Et rursus cum dicamur vix agere in opere salutari, non potest dici quod tota physica activitas sit tantum penes nos, non verò penes etiam gratiam.

Ex Sanctis Patribus sufficiat illud Cypriani celebre dictum, quod sæpe approbat Augustinus; *Totum tribuendum esse DEO. In nullo gloriantur, quando nostrum nihil est*: id autem quomodo subsistit, si sola voluntas nostra exercet influxum physicum in actum salutarem, gratia verò nonnisi moralem: Cum certum sit Causam physicam esse magis causam, quàm moralem. Videri etiam potest Augustinus præsertim lib: 19. de Prædest: ubi dicit: *DEUS operatur in cordibus hominum vocatione secundum suum propositum, ut non inaniter audiant Evangelium, sed eo audito convertantur & credant.* Pariter Tridentinum Sess. 6. cap: 5. docet nos ad justificationem disponi, *gratiæ excitanti atque adjuvanti liberè assentiendo & cooperando.* Ubi ut vides, gratiæ non solum tribuitur suasio moralis, significata per *ly excitare*, cui correspondet noster consensus, sed etiam tribuitur operari nobiscum, quod significatur per *ly adjuvare*, cui ex parte nostra respondet cooperari. Siquidem cooperari est operari, alio simul operante in eodem genere operationis. Audiat etiam Concilium Milevitanum, quod Can: 4. ita definit. *Si quis dixerit gratiam per JESUM Christum per hoc tantum nos adjuvare, quia per ipsam*

*ipsam nobis revelatur intelligentia mandatorum* (En concursus moralis) *non autem per illam præstari nobis, ut quod faciendum cognoverimus, etiam facere diligamus* (en concursus gratiæ major, quàm Moralis adeoq; physicus) *anathema sit.*

*Probatur secundò.* Conclusio, ratione Theologica. Gratia actualis in eo genere Causæ juxta Patres & Concilia juvat liberum arbitrium ad producendos actus salutare, in quo genere Causæ idem liberum arbitrium creatum propriis viribus est insufficiens ad causandos actus salutare. Sed juxta Patres & Concilia, liberum arbitrium in genere Causæ efficientis physiciæ & immediatæ est insufficiens propriis viribus ad causandos actus salutare. Ergo juxta Patres & Concilia in genere Causæ physiciæ efficientis immediatæ, gratia actualis juvat liberum arbitrium ad actus salutare, adeoque per physicum influxum activum immediatum. Minor est certa. Quia Patres & Concilia damnant errorem Pelagii dicentis; naturam sibi sufficere ad velle & operari bonum, suppositâ existentia liberi arbitrii, & propositione legis atq; doctrinæ. Major etiam probatur. Quia à Patribus & Conciliis gratia actualis statuitur ad supplendam insufficientiam liberi arbitrii respectu actuum salutarium. Unde docent naturam sine gratia esse simpliciter insufficientem ad actus salutare, & per gratiam fieri potentem, quod negabat Pelagius: jam verò supplere insufficientiam Causæ, est concurrere in eo genere causalitatis, in quo causa est de se insufficiens. Et ideo Petrus de se insufficiens occidere Paulum, quia non habet

T

gladi-

gladium, non potest reddi sufficiens per ipsam suasionem, quia insufficientia Petri est in genere Causæ physicæ, suasio autem est in genere Causæ moralis.

Neque dicas Insufficienciam Naturæ juxta Patres juvari quidem in genere Causæ efficientis physicæ, sed per aliam aliquam gratiam, non verò per illustrationem & inspirationem.

*Contra enim est.* Quia hæc alia gratia non est aliquis habitus supernaturalis activè concurrens ad actum salutarem. Quia Patres agebant contra Hæreticos etiam de actibus præcedentibus justificationem, imò & fidem, ante quam non dantur habitus supernaturales Virtutum, tum hi nonnisi in justificatione infundantur simul cum gratia sanctificante. Rursus gratia actualis auxilians distincta ab illustrationibus & inspirationibus nulla datur. Ergo juxta Patres gratia activè physicè concurrens cum libero arbitrio, sunt illustrationes & inspirationes.

*Confirmatur hoc totum.* Quia Pelagius ad solum posse operari requirens gratiam, non negabat concursum gratiæ ad velle & operari moralem, consistentem in directione & suasionem. Unde teste Augustino libro de Gratia Christi cap: 7. dicebat: *DEI auxilio nos adjuvari, dum cordis oculos aperit, dum insidias diaboli pandit, dum nos multiformi dono gratiæ cælestis illuminat.* Et tamen Patres gratiam requirebant adjuvantem ad velle & operari. Ergo requirebant gratiam adjuvantem in genere Causæ physicæ efficientis. Et ideo Augustinus sæpe dicit, *quòd gratia tribuit non tantum posse facere*

*facere bonum, sed etiam ipsa facit.* Ita enim cap: 25. de Gratia Christi dicit: *Spiritus Patris non tantum dat posse, sed etiam loquitur in nobis significans cooperationis effectum.*

*Probatur tertio.* Conclusio ratione Philosophica. Quia ut dictum est in Animastica. Omnis cognitio physicè efficienter influit in volitionem, si ambæ sint de eodem objecto. Quâ sententiam licet dicat Suarez esse contra sensum communem Philosophorum, tamen Fonseca citatus à P. Esparza hîc ad primum, dicit hanc sententiam esse communem. Eamq; ego vel ex eo magnifacio, quia nobis præbet contra Græcos argumentum probandi, quòd Spiritus Sanctus, qui est amor passivus Divinus, procedat etiam à Filio, qui est intellectio passiva Divina: sicut in Creatis volitio procedit efficienter ab intellectione.

*Probatur hæc Sententia.* Sicut enim intellectus ad eliciendum suum actum completur per speciem impressam objecti, tanquam per novam vim physicè activam, concurrentem loco objecti, ita & voluntas ad eliciendum suum actum cõpletur per cognitionem objecti, tanquam per novam vim physicè activam. Ratio à priori est. Quia illud requiritur ad effectum per modum Causæ physicæ efficientis, & non per modum puræ conditionis & applicationis, quod ita requiritur, ut habeat specialem affinitatem & similitudinem plusquam genericam, cum effectû, ut ostendit inductio. Atqui hoc modo requiritur species impressa ad intellectiõnem, & multo magis intellectio ad volitionem, cum intellectio & volitio



Non obest item, quod hæc voluntas DEI, sit extrinseca peccatori, secus autem privatio gratiæ: Respondeo enim tam privationem gratiæ activam, quàm istam voluntatem DEI esse intrinsecam peccatori non secundum se, sed secundum id quod ab eo excludit, seu est intrinseca non ponendo aliquid intrinsecum peccatori, sed auferendo quod debuit esse intrinsecum, nempe gratiam, quod sufficit.

Non obest deniq; quod illa Dei voluntas sit bona, privatio autem gratiæ sit mala peccatori: Respondeo enim, istam voluntatem Dei esse bonam secundum se, esse tamen nocivam peccatori, & sic physice malam, secundum id quod ab eo culpa peccatoris excludit: quo pacto etiam privatio gratiæ activa est mala peccatori: Si autem sermo sit de malitia morali, Nego privationem gratiæ secundum se esse malam moraliter: solum enim est mala moraliter ut est voluntaria peccatori, seu quatenus inducta est per actum malum præteritum, in qua denominatione includitur partialiter intrinsece actus malus; & ita denominatio mali convenit toti complexo ratione partis, sicut homo dicitur corruptibilis ratione solius Unionis corruptibilis, & facies turpis, propter solum nasum improporcionatum.

## QVÆSTIO VI.

Utrum gratia actualis physicè, effectivè, & immediatè concurrat ad actus Supernaturales, etiam in præsentia habituum supernaturalium ?

**V**idetur quod non, ut censent, Suarez, Grana-  
dus, Tannerus, quos citat & sequitur Oviedo Tractatu 7. contr: 1. puncto 7. & consentit Ariaga Disp: 35. sect: 2. asserentes auxilia actualia nonnisi moraliter seu directivè, & in genere Causæ formalis concurrere ad actus salutares. Probatur id primò Auctoritate Augustini & aliorum Patrum, qui ad hoc solum requirunt gratiam auxiliantem, *ut appareat quod latebat, & suaves fiat quod non delectabat*: hoc autem significat causalitatem gratiæ in actus salutares solum moralem. Ergo sine fundamento tribuitur illi efficientia physica actuum salutarium.

*Secundò.* Probatur specialiter, quod illustratio intellectus non concurrat physicè, effectivè ad actum salutarem. Tum quia, sicut Visio beata non producit effectivè amorem beatificum, nec actus Fidei actum Charitatis in via, ne frustra detur habitus Charitatis: ita nec illustratio producit effectivè actum salutarem. Tum quia, cum intellectio teneat se ex parte objecti, non videtur posse tenere se ex parte potentia volitivæ, tanquam ipsius comprincipium activum respectu volitionis.

Tum

Tum deniq; , quia intellectio & volitio sunt diversi ordinis : Ergo sicut volitio non concurrat per modum causæ activæ ad intellectionem , sed tantum per modum applicationis & imperii ; ita etiam intellectio concurrat ad volitionem solum per modum applicationis objecti.

*Tertiò.* Probatur specialiter , quod saltem inspiratio seu affectus voluntatis indeliberatus non concurrat phylicè effective ad actum salutarem , ut vult Bellarminus & Herize, quos refert Ripalda mox citandus. Tum quia, actus indeliberatus est imperfectior deliberato : Causa verò physica efficiens nequit esse imperfectior suo effectu. Tum quia, voluntas cum quibus principiis potest efficere actum indeliberatum , cum iisdem potest immediatè efficere actum deliberatum, ac proinde efficit immediatè actum deliberatum non concurrente efficienter actu indeliberato. Tum deniq; quia in aliis, sine physico activo influxu, agnoscimus causalitatem intentionis in electionem , actus imperantis in imperatum, præmissarum in Conclusionem, apprehensionis in iudicium. Ergo in præsentii idem dicendum est.

*Quartò.* Gratia actualis auxilians vel solum in absentia habituum supernaturalium efficit actus salutares, vel etiam in præsentia eorundem. Neutrum dici potest : Ergo nunquā illos efficit. Probatur Minor quoad primam partem, quia communiter dicunt Theologi, quod actus supernaturalis, disponens peccatorem ad habitus supernaturales , procedit ab auxilio D E I extrinseco seu ab omnipotentia assistente : Ergo non efficitur à gratia actuali intrin-



intrinsicæ homini. Secunda pars etiam ejusdem Minoris probatur. Quia communiter docent Theologi, quod habitus supernaturales dant potentiæ naturali simpliciter posse operari, & per hoc differunt ab habitibus naturalibus, qui solum dant facilius posse. Ergo in præsentia habituum supernaturalium otiosè concurrerent efficienter auxilia actualia ad actus salutares. Quod ipsum etiam confirmatur. Quia principium supernaturale ideò requiritur ad actum supernaturalem ut det actui supernaturalitatem: Atqui hanc potest dare actui solus habitus supernaturalis, quando adest, sine consortio alterius principii supernaturalis, multò magis quàm eam det actui auxilium actuale, ante habitum supernaturalem; cum sit major virtus activa habitus supernaturalis quàm auxilii actualis. Ergo quando adest habitus supernaturalis, non requiritur aliud principium supernaturale physicè influens in actum supernaturalem.

*Quintò.* Si concursus gratiæ actualis est solum moralis & in genere causæ formalis, non subditur arbitrio creato quoad usum: hic enim concursus nihil aliud est, nisi existentia & Unio gratiæ actualis cum potentia vitali, quæ existentia & unio non subditur arbitrio creato, cum detur in nobis sine nobis liberè operantibus. Si autem concursus iste gratiæ actualis est physicus & in genere causæ efficientis, perinde erit subditus concursus gratiæ etiam efficacis arbitrio creato quoad usum, sicut eidem subditur habitus supernaturalis. At hæc sequela est inconveniens, ut pluribus contendit Alvarez



varez Thomista Disp: 87. de Auxiliis. Tum quia, Concilium Arausicanum Canone 5. definit *adjutorium gratia non subjungi humilitati aut obedientie humane*. Tum quia Augustinus sæpe docet; *DEUM auxilio gratia subdere sibi voluntates creatas, ita, ut ipsi resistere non possint*. Tum denique, quia si arbitriū creatū uteretur pro libitu gratiæ efficaci, gratia esset magis subordinata arbitrio, quàm arbitrium gratiæ, quod est absurdum. Ergo concursus gratiæ actualis ad actus salutes, non est physicus & in genere Causæ efficientis.

*Respondetur*. Certum est apud omnes Theologos, quod gratia excitans exerceat causalitatem moralem, seu formalem, pro priori naturæ ad actum salutarem, quatenus informando animam, eique proponendo objectum, & inclinando ad ipsum, allicit & movet voluntatem ad actum salutarem; quæ causalitas potest vocari reductivè & in lata significatione, physica & efficiens, ut probat Ripalda. Difficultas est, an eadem gratia consistens in illustrationibus & inspirationibus influat propriè physicè in actus salutes per veram actionem, sive distinctam, sive indistinctam à termino, eo modo, quo voluntas influat in suam volitionem.

*Dicendum est affirmativè*. Ita è nostris gravissimi Auctores, Molina, Lessius, Valentia, Vasquez, Arrubal, Becanus. Et è Thomistis, Scotus, Medina, alique quos citat & sequitur Ripalda. Disp: 110. & Esparza hic Quæst: 10.

*Probatur primò*. Auctoritate Scripturæ Sacræ & Patrum. Scriptura enim Isaia 26. de  
DEO.

DEO dicit: *Omnia opera nostra operatus es nobis.* Et ad Philip: 2. *DEUS operatur in nobis velle & perficere pro bona voluntate.* Nempe per auxilium gratiæ actualis. Hæc autem verba, cum nihil obftet, ut magis simpliciter accipiantur, accipi debent non tantum de suafione morali, sed etiam de influxu verò physico gratiæ in actum salutarem. Item ad Romanos 9. dicitur: *Non est volentis, neq; currentis, sed misere-  
rentis DEI.* Si autem sola voluntas hominis agit physice, gratia verò DEI solum moraliter: Ergo actus salutaris potius erit hominis volentis, quàm DEI misere-  
rentis. quia causæ physicæ efficienti adæquatæ & im-  
mediatæ potius tribuitur effectus, quàm causæ morali suadenti. Nec satis est, quòd gratia moraliter causans actum, det posse voluntati. Nam Augustinus libro 1. ad Simpl: Qu: 2. explicans prædicta verba Apostoli dicit: *Non ideo hoc dictum est, quia nisi eius adiutorio non possumus, sed quia vocatio est effectrix bonæ voluntatis.* Præterea ad Corint: 15. dicit Apostolus: *Abundantius omnibus laboravi, non ego sed gratia DEI mecum.* Ubi per *ly laboravi* significatur concursus physicus, non suasio moralis, & per *ly mecum*, significatur concursus communis gratiæ actualis cum voluntate. Sed illud est clarissimum pro nostra sententia, quòd dicitur de gratia actuali ad Romanos 8: *Quicumq; Spiritu DEI aguntur, hi sunt filii DEI.* Quæ verba ita exponit Augustinus cap: 3. de gestis Pelagii: *Procul dubio plus est agi, quàm regi, qui enim regitur, aliquid agit, & ideo regitur ut recte agat. qui autem agitur, ipse agere aliquid vix intelligitur.*  
Ubi



Ubi cum dicatur gratia actualis plus præstare circa actum salutarem, quàm nos regere, hoc plus non est aliud quàm vera efficientia physica; Nam Causalitas moralis gratiæ est, regere nos, seu dirigere. Et rursus cum dicamur vix agere in opere salutari, non potest dici quod tota physica activitas sit tantum penes nos, non verò penes etiam gratiam.

Ex Sanctis Patribus sufficiat illud Cypriani celebre dictum, quod sæpe approbat Augustinus; *Totum tribuendum esse DEO. In nullo gloriantur, quando nostrum nihil est*: id autem quomodo subsistit, si sola voluntas nostra exercet influxum physicum in actum salutarem, gratia verò nonnisi moralem: Cum certum sit Causam physicam esse magis causam, quàm moralem. Videri etiam potest Augustinus præsertim lib: 19. de Prædest: ubi dicit: *DEUS operatur in cordibus hominum vocatione secundum suum propositum, ut non inaniter audiant Evangelium, sed eo audito convertantur & credant.* Pariter Tridentinum Sess. 6. cap: 5. docet nos ad justificationem disponi, *gratiæ excitanti atque adjuvanti liberè assentiendo & cooperando.* Ubi ut vides, gratiæ non solum tribuitur suasio moralis, significata per *ly excitare*, cui correspondet noster consensus, sed etiam tribuitur operari nobiscum, quod significatur per *ly adjuvare*, cui ex parte nostra respondet cooperari. Siquidem cooperari est operari, alio simul operante in eodem genere operationis. Audiat etiam Concilium Milevitanum, quod Can: 4. ita definit. *Si quis dixerit gratiam per JESUM Christum per hoc tantum nos adjuvare, quia per ipsam*

*ipsam nobis revelatur intelligentia mandatorum* (En concursus moralis) *non autem per illam præstari nobis, ut quod faciendum cognoverimus, etiam facere diligamus* (en concursus gratiæ major, quàm Moralis adeoq; physicus) *anathema sit.*

*Probatur secundo.* Conclusio, ratione Theologica. Gratia actualis in eo genere Causæ juxta Patres & Concilia juvat liberum arbitrium ad producendos actus salutes, in quo genere Causæ idem liberum arbitrium creatum propriis viribus est insufficiens ad causandos actus salutes. Sed juxta Patres & Concilia, liberum arbitrium in genere Causæ efficientis physiciæ & immediatæ est insufficiens propriis viribus ad causandos actus salutes. Ergo juxta Patres & Concilia in genere Causæ physiciæ efficientis immediatæ, gratia actualis juvat liberum arbitrium ad actus salutes, adeoque per physicum influxum activum immediatum. Minor est certa. Quia Patres & Concilia damnant errorem Pelagii dicentis; naturam sibi sufficere ad velle & operari bonum, suppositâ existentia liberi arbitrii, & propositione legis atq; doctrinæ. Major etiam probatur. Quia à Patribus & Conciliis gratia actualis statuitur ad supplendam insufficientiam liberi arbitrii respectu actuum salutarium. Unde docent naturam sine gratia esse simpliciter insufficientem ad actus salutes, & per gratiam fieri potentem, quod negabat Pelagius: jam verò supplere insufficientiam Causæ, est concurrere in eo genere causalitatis, in quo causa est de se insufficiens. Et ideo Petrus de se insufficiens occidere Paulum, quia non habet

T

gladi-



*facere bonum, sed etiam ipsa facit.* Ita enim cap: 25. de Gratia Christi dicit: *Spiritus Patris non tantum dat posse, sed etiam loquitur in nobis significans cooperationis effectum.*

*Probatur tertio.* Conclusio ratione Philosophica. Quia ut dictum est in Animastica. Omnis cognitio physice efficienter influit in volitionem, si ambæ sint de eodem objecto. Quam sententiam licet dicat Suarez esse contra sensum communem Philosophorum, tamen Fonseca citatus à P. Esparza hic ad primum, dicit hanc sententiam esse communem. Eamq; ego vel ex eo magnifacio, quia nobis præbet contra Græcos argumentum probandi, quod Spiritus Sanctus, qui est amor passivus Divinus, procedat etiam a Filio, qui est intellectio passiva Divina: sicut in Creatis volitio procedit efficienter ab intellectione.

*Probatur hac Sententia.* Sicut enim intellectus ad eliciendum suum actum completur per speciem impressam objecti, tanquam per novam vim physice activam, concurrentem loco objecti, ita & voluntas ad eliciendum suum actum cõpletur per cognitionem objecti, tanquam per novam vim physice activam. Ratio à priori est. Quia illud requiritur ad effectum per modum Causæ physicæ efficientis, & non per modum puræ conditionis & applicationis, quod ita requiritur, ut habeat specialem affinitatem & similitudinem plusquam genericam, cum effectû, ut ostendit inductio. Atqui hoc modo requiritur species impressa ad intellectionem, & multo magis intellectio ad volitionem, cum intellectio & volitio

juvantem, prævenientem & comitantem, ac subsequentem, operantem & cooperantem esse eandem entitatem in recto significatam, solumq; differre ex parte terminorum in obliquo significatorum. Nam eadem illustratio & inspiratio vocatur gratia *præveniens* & *antecedens*, quatenus datur ante nostra merita & ante conatus. Vocatur *comitans*, quatenus còexistit merito, conatuiq; nostro. Vocatur *subsequens*, quatenus inducitur vi meriti & conatus nostri. Vocatur *operans*, quatenus præstat aliquid nondum exhibente conatum libero arbitrio. Vocatur *cooperans*, quatenus simul cum libero arbitrio physicè efficit actum salutarem. Vocatur *excitans*, quatenus voluntatem quasi dormientem & nihil adhuc agentem stimulat. Vocatur denique *adjuvans*, quatenus libero arbitrio ex se insufficienti adjungit vires suas, & cum eo indivisibiliter producit actum salutarem. Ex his ergo habetur, qualis sit concursus gratiæ auxiliantis ad actus salutares.

*Ad primum patet ex dictis*, quòd Patres sæpe tribuant gratiæ auxilianti etiam Vim physicè effectivam actuum salutarium, licet aliquando tribuant causalitatem moralem, quia utraque causalitas illi convenit.

*Ad secundum.* Rationes quæ impugnant influxum physicum illustrationis in actus salutares non convincunt. Non prima. Quia ut alibi dictum est, etiam Visio beata physicè influat in amorem beatificum, & fides in actum Charitatis elicitum in vi. Nec tamen superfluit habitus Charitatis sive in Patria sive in via, quia hic quoq; physicè concurrat ad actum Cha-

ritatis, sed concursu alterius generis, ut dicitur ad 4<sup>um</sup>. Nec secunda ratio convincit. Quia sicut eadem Entitas modalis tenet se ex parte agentis vocaturq; actio, Et tenet se ex parte passi, vocaturque passio; & idem actus Contritionis tenet se ex parte peccati cuius est odium, & tenet se ex parte DEI, cuius est amor: ita eadem Entitas illustrationis, tenet se ex parte objecti in ratione imaginis, & simul tenet se ex parte potentiae activae, in ratione comprincipii juvantis physice potentiam. Et sicut species impressa, ita se tenet ex parte objecti, cuius est imago intentionalis virtualis, ut cum intellectu physice producat intellectionem; ita & de illustratione, comparatione objecti & potentiae effectivae actuum salutarium, dicendum est. Nec tertia ratio convincit. Quia intellectus & voluntatis actus, conveniunt secum in multis praedicatis, puta, in ratione Spiritualis; intentionalis, tendentis in idem objectum, habentque magnam inter se similitudinem. Unde simplex Complacentia & displicentia Voluntatis, imitatur primas apprehensiones intellectus, amor & odium imitantur affirmationem & negationem: hoc autem signum est, quod actus intellectus non se habeant tanquam mera conditio respectu actuum voluntatis, sed potius tanquam Causa efficiens physica. Alia ratio est de actu voluntatis, qui ideo non concurrit physice ad actum intellectus, quia volitio non ideo requiritur ad intellectionem, quasi intellectus instructus specie impressa objecti, sine volitione non contineat perfecte intellectionem, sed tantum ideo requi-

requiritur, ut intellectus indifferentia determinetur ad intellectionem: Jam verò ad determinationem agentis præcisè præstandam sufficit mera conditio, nec requiritur vis activa. At verò intellectio ideo requiritur ad volitionem, quia voluntas sine cognitione non continet perfectè volitionem: ut probatum est, quod autem ita requiritur, debet complere causam in ratione continentis effectum, ac proinde requiritur tanquam vis causativa partialis.

*Ad tertium.* Etiam rationes quæ impugnant influxum physicum affectus indeliberati in actum salutarem deliberatum, non convincunt. Non prima, quia solum Causa adæquata efficiens nequit esse imperfectior effectui, secus autem Causa partialis, ut patet in exemplo actus, qui partialiter cum potentia producit habitum naturalem perfectiorem actu. Jam verò affectus indeliberatus, est tantum Causa partialis actus deliberati. Unde potest esse imperfectior actu deliberato, satisq; est, quòd ut conjunctus cum sua Concausa, nempe cum voluntate, non sit imperfectior actu deliberato. Nec secunda ratio convincit; patet enim inductione, quòd Causa incipit agere ab imperfectioribus effectibus, ut per eos juvetur in producendis perfectioribus. Sicut ignis prius producit calorem, & deinde cum eo alterum ignem. Sic ergo etiam voluntas prius producit actum indeliberatum, & per eum juvetur & producit actum deliberatum perfectiorem.

*Nec denique tertia ratio convincit.* Nam ut docui in Philosophia, etiam apprehensio concur-



rit efficienter ad iudicium, & præmissa ad Conclusionem: Ergo etiam affectus indeliberatus cōcurrit similiter ad deliberatum: Quia hi affectus ita invicem comparantur in Voluntate, sicut in Intellectu comparatur apprehensio cum iudicio. De actibus deliberatis voluntatis, qualis est intentio & electio, item actus imperans & imperatus, comparatis ad invicem, alia est ratio; quia hi actus non sunt de eodem objecto: quandoquidem intentio est de fine, electio de mediis. Unde cū non habeant tantam inter se affinitatem, quantam inter se habet cognitio & volitio, item simplex complacentia & amor deliberatus, pro edentes de eodem objecto; ideo unus affectus nō influit in alterum physicè efficienter. Quā de Causa etiam iudicium credibilitatis non influit physicè efficienter in actum Fidei; quia ibi actus sunt de diversis objectis.

*Ad quartum.* Patet ex dictis, quòd tam in absentia, quàm præsentia habituum supernaturalium gratia actualis intrinseca operanti, concurrit cum eodem efficienter ad actus salutare, atque de lege ordinaria actum salutarem non fieri per auxilium DEI extrinsecum. Neque tamen hinc sequitur in præsentia habituum supernaturalium, gratiam actualem frustra concurrere efficienter ad actum salutarem: Nam licet tunc simul cum gratia actuali concurrat effectivè habitus, aliter tamen concurrit habitus, aliter gratia actualis. Nam habitus v.g. fidei, concurrit in genere principii stabilis & refundentis specialem participationem Divinæ assestatis in actum salutarem; Et præte.

~~præ~~terea concurrit in genere principii indeterminati ad plures actus fidei circa omnia promiscuè myſteria revelata: at verò gratia actualis concurrit in genere principii tranſeuntis & non refundentis tantam participationem aſcitiſſis, & in genere principii determinati nonniſi ad hunc actum fidei v. g. de myſterio Trinitatis. Porro poſſunt ſimul concurrere duo principia effectiva phyſica ad eundem effectum, quando concurrunt in diverſo genere principii. Sicut ad producendum ignem B, concurrit & ignis A, in genere Cauſæ principalis, & calor in genere Cauſæ instrumentalis. Cum autem dicunt Theologi, quòd habitus ſupernaturales dent ſimpliciter poſſe, id non ideò verificatur, quaſi ſine habitu non poſſit exiſtere actus ſupernaturalis; cum certum ſit illum exiſtere ſine habitibus in infideli. Sed quia illum exceſſum perfectionis, quem ſuo influxu habitus ſupernaturalis tribuit actui, nullo ſuo conatu ſupplere poteſt potentia naturalis; ſicut è contra ſupplere poteſt illam majorem perfectionem, quam tribuit actui habitus naturalis; qui proinde dicitur dare tantum facilius poſſe. Id autem ex eo eſt, Quia potentia naturalis continet adæquatè in ſua virtute activa habitum naturalem, ſicut continet eos actus ex quibus talis habitus generatur; non continet autem habitum ſupernaturalem, qui à ſolo DEO immediatè infunditur. Ad Confirmationem ſimiliter dico ab habitu ſupernaturali v. g. fidei, deſumi ſupernaturalitatem actus communem aliis actibus fidei, & quidem deſumi tanquam à principio

stabili & refundente majorem participationem afeitatis Divinæ, & in hoc major est virtus activa habitus supernaturalis, quàm gratiæ actualis. Cæterum dico supernaturalitatem actus magis particularem, nempe determinatam v. g. ad mysterium Trinitatis, desumi ab illustratione ac inspiratione, & quidem tanquam à principio transeunte; & ideo utrumque hoc supernaturale non est otiosum principium.

*Ad quintum.* Quòd Concursus gratiæ efficacis subdatur determinationi liberi arbitrii, quoad usum, ita ut liberum arbitrium applicet & determinet gratiam efficacem ad producendum actum salutarem, (quod est uti gratiâ) docent omnes Societatis nostræ Doctores, & alii innumeri, ut ait Ripalda Disp: 110. sect: 10. num: 20. Et hoc ipsum docet S. Thomas, qui explicans illud ad Corinth. 15. *Gratia ejus in me vacua non fuit*, dicit, *quia eâ usus est ad id, ad quod data est sibi.* Hoc ipsum etiam probatur ratione, quia potentia libera à nullo prædeterminatur ad operandum, sed ipsa determinat seipsam, & omnia sua comprincipia, de quo alibi. Ergo etiam determinat ad operandum gratiam efficacem, non minùs quàm habitum supernaturalem, quod est uti gratiâ. Et sanè cum eadem sit actio liberi arbitrii & gratiæ actualis, ac etiam habitus supernaturalis, sicut est in potestate liberi arbitrii, ut ipsum operetur, ita est in potestate ipsius, ut secum operetur gratia actualis & habitus. Itaque ad rationes Alvarez dico, à Concilio Arausicano contra Semipelagianos hoc definiri, quòd ad-

jutorium

meritum gratiæ, non subjungatur humilitati & obedientiæ humanæ, tanquam præcedenti gratiam, eamq; propriis viribus merenti, prout volebant Semipelagiani: hoc autem non dicimus, sed tantum dicimus, quod gratia ita præcedat nostram operationem, ut quoad usum subdatur libero arbitrio determinanti gratiam sua operatione simultanea, imò & indistincta ab operatione gratiæ, ac insuper profecta ex viribus arbitrii, quatenus adjutis per gratiam. Cum autem Augustinus dicit **DEUM** subdere sibi voluntates humanas, ita ut ei resistere non possint; hoc verificatur non propter vim & causalitatem intrinsecam infallibilem auxiliorum, sed propter infallibilitatem providentiæ divinæ seligentis ea auxilia, quæ **DEUS** prævidit conjungenda infallibiliter cum nostro consensu; esto vis & Causalitas intrinseca gratiæ, sit quoad usum subdita arbitrio creato. De quo amplius suo loco.

Neque verò hinc sequitur gratiam magis subordinari arbitrio, quam arbitrium gratiæ; quia arbitrium subditur Divinæ gratiæ quoad posse agere simpliciter, quod est plus; gratia autem subordinatur arbitrio solum quoad actualiter agere, quod est minus.



## QVÆSTIO VII.

Vtrum Gratia Habitualis præcisè sit  
forma remissiva peccati mortalis,  
nec ad hoc indigeat compleri  
ullo favore DEI purè ex-  
trinsecò ?

**V**idetur quòd non, ut putant Scotistæ & No-  
minales, è nostris verò Ripalda, aliique.  
*Probatur id primò.* Quia nisi gratia sanctificans  
in ratione formæ remissivæ peccati complea-  
tur per favorem DEI extrinsecum, eo ipso non  
tollet peccatum mortale. Cum enim nulla pu-  
ra creatura habeat vim abolendi peccatum  
mortale per condignam satisfactionem, cum-  
que offensa non possit tolli, nisi vel per condi-  
gnam satisfactionem offensoris, vel per con-  
donationem offensi, sequitur non posse per in-  
fusionem gratiæ tolli peccatum, nisi accedat  
condonatio DEI extrinseca. *Confirmatur.*  
Quia quando duæ formæ possunt se expellere  
independenter à favore DEI extrinsecò, tunc  
inter prædicata utriusque debet esse commen-  
suratio: hæc autem commensuratio non da-  
tur inter peccatum mortale & gratiam; quia  
peccato convenit prædicatum offensæ infini-  
tæ, gratia autem non habet vim infinitam sa-  
tisfaciendi. Ergo gratia non expellit pecca-  
tum sine favore DEI extrinsecò.

*Secundò.* Offensa creaturæ, si non ponatur  
satisfactio æqualis, non potest remitti sine ac-  
cessu condonationis extrinsecæ. Ergo idem  
dici-

*dicendum de offensa Creatoris.*

*Tertiò.* Si solâ infusione gratiæ remitteretur peccatum, sequeretur, quòd ab Infusione gratiæ, necessitaretur DEUS ad condonandum peccatum. Sed hoc est absurdum: quia condonatio peccati est actus DEI liber, nec DEUS potest necessitari ab aliquo bono minori, qualis est gratia, ad tollendum majus malum, quale est peccatum mortale. Ergo &c.

*Quartò.* Gratia Habitualis non opponitur essentialiter peccato mortali, sed potius de potentia absoluta potest stare cum illo. Ergo seclusa condonatione DEI extrinseca non tollit peccatum mortale. Consequentia videtur esse legitima. Antecedens docet Suarez in Tractatù de grâtiâ, Arriaga & Oviedo in Tractatu de Iustificatione, aliique non pauci. Et ratio est. Quia possunt divinitus secum stare forma rationalis & irrationalis. item calor summus & summum frigus; imò juxta aliquos amor & odium, assensus & dissensus. Ergo & peccatum mortale cum gratia.

*Quintò.* Si sola Infusio gratiæ esset expulsio peccati, frustra Scriptura & Patres in Iustificatione distinguerent remissionem peccati à sanctificatione; frustra item Concilium Tridentinum dixisset justificationem non esse solam remissionem peccati, sed etiam sanctificationem: Sicut quia sola positio lucis in aëre est expulsio tenebrarum. frustra diceretur illuminationem aëris non solam esse expulsionem tenebrarum, sed etiam positionem lucis. Ergo &c.

*Sextò.* Nulla Entitas physica & absoluta,  
solâ

solâ suâ informatione, tribuit effectum formalem moralem: Sed gratia habitualis est Entitas physica absoluta, remissio peccati est effectus formalis moralis: Ergo illum sua informatione non tribuit gratia. Major videtur esse certa. Quia magis distant inter se, Forma physica & effectus moralis, quàm una forma physica v. g. albedo & effectus formalis alterius formæ physicæ, puta, esse calidum. Si ergo albedo non præstat esse calidum, multò minus forma physica præstabit effectum moralem. Minor etiam quoad secundam partem (prima enim videtur esse certa) probatur, quia remissio peccati est libera condonatio ejusdem, ac proinde respicit actum voluntatis, quod est esse morale.

*Septimò.* Agens virtutis infinitæ, potest superare resistantiam quamcunque finitam: Sed inter peccatum & gratiam est resistantia finita, & DEUS est virtutis infinitæ: Ergo istam resistantiam superare potest componendo gratiam cum peccato.

*Octavò: ut arguit Lorca.* In illo instanti reali temporis, in quo pro signo priori DEUS est indifferens, ut homini antecederet peccatori infundat gratiam, vel ut illum puniat privatione gratiæ, inest tunc homini peccatum, siquidem peccatum movet tunc DEUM, ut hominem puniat privatione gratiæ: ex alia parte in eodem instanti temporis potest existere gratia in homine, siquidem in illo instanti temporis supponitur DEUS proximè potens infundere gratiam homini. Ergo gratia & peccatum possunt secum stare, imò defacto.

Quæ stant pro primo instanti reali Iustificatio-  
nis.

*Respondetur.* Certum est ex fide, & defini-  
tum in Concilio Tridentino, juxta legem or-  
dinariam, non fieri remissionem peccati mor-  
talis sine infusione gratiæ sanctificantis. Cer-  
tum rursus est, eandem remissionem fieri non  
posse, sine actu divinæ voluntatis condonan-  
tis peccatum, qui actus vocari potest remissio  
peccati activa, & favor DEI in hoc sensu ex-  
trinsecus, quia talis actus divinus est extra ho-  
minem, cui remittitur peccatum. Sed Quæstio  
præsens inter Theologos est, an ipsa infusio  
gratiæ sanctificantis sit adæquatè remissio pas-  
siva peccati mortalis, ita ut ad auferendum  
peccatum non requiratur ulla voluntas DEI  
condonativa peccati, præter voluntatem in-  
fundendi gratiam sanctificantem peccatori,  
quod ipsum est præter infusionem gratiæ non  
requiri favorem DEI purè extrinsecum, seu  
non collativum doni intrinseci. Ad hoc de-  
terminandum, sit

Propositio I. *Nec de potentia absoluta com-  
poni possunt in eodem subjecto, gratia sanctificans &  
peccatum mortale habituale,* inquam habituale;  
quia de actuali dictum alibi, hic autem de illo  
non agimus, cum solum habituale remitti  
possit. Conclusionem hanc docet Vasquez,  
Granadus, Ludovicus Turrianus, & alii plu-  
res apud Oviedo Tractatu 1. de Iustificatione.  
Quibus subscribunt Recentiores, Esparza Qn:  
9. de Iustificatione, Rosmer Disputatione 2.  
de Pœnitentia, articulo 4.

*Probatur primò in nostris principiis.* Nec Divi-  
nitus



nitus simul componi possunt in eodem subiecto, forma, & id quod formaliter importat privationem formæ, puta, lux & tenebrosus, vita & mortuum: Sed peccatum habituale formaliter importat privationem gratiæ, ut supra probavimus, independentem à præsentia Quæstione. Ergo nec Divinitus componi possunt gratia & peccatum habituale. Quod ipsū Confirmatur ex eo; quia in Scriptura peccatum sæpe vocatur mors & tenebræ, gratia verò lux & vita, nempe ad ostendendam oppositionem privativam inter peccatum & gratiam.

*Nec valet dicere.* Peccatum habituale non esse formaliter solam privationem gratiæ, sed aliquid plus. Contra enim est: Quia tametsi peccatum privationem gratiæ dicat, ut partialiter constitutivum, tamen hæc cum indispensabiliter tollatur per infusionem gratiæ, eo ipso cum gratia nec Divinitus componi potest, hoc concretum quod est peccatum habituale; quia ablata parte impossibile est manere totum concretum. Et hoc verum est etiam de concreto quod est sub genere mali, quia etiam concretum malum non distinguitur ab omnibus suis partibus simul sumptis.

*Probatur secundo.* Independentem à nostris principiis, instaurando argumentum P. Esparza. Si gratia & peccatum mortale possent componi, daretur simul à DEO, amor amicitiae erga hominem absolute & simpliciter talis, & odium inimicitiae absolute & simpliciter tale contra eundem: Sed hoc implicat: Ergo & prius. Major probatur. Quia DEUS dando gratiam sanctificantem homini, vult efficaciter ipsi

ipsi dare maximum bonum, juxta phrasim Divi Petri, quale bonum est gratia sanctificans, utpote radix omnium bonorum supernaturalium etiam beatitudinis: Ergo tunc DEUS amat hominem absolute & simpliciter; amare enim juxta Philosophum, est velle bonum & item magnum. Et quidem iste amor est amor amicitiae; Quia est efficaciter unitivus DEI cum homine, & hominis cum DEO, juxta illud 2. Ioannis 4. *Qui manet in Charitate seu in gratia, in DEO manet & DEUS in illo.* E contra verò cum DEUS relinquit hominem in peccato mortali, eo ipso illum odit absolute & simpliciter odio inimicitiae; juxta illud Psal. 5. *Odisti omnes qui operantur iniquitatem.* Et Ecclesiastici 12. *Altissimus odio habet peccatores.* Et ratio est. Quia omnis peccator est difformis Divinae voluntati graviter aliquid prohibenti, id est; prohibenti sub comminatione sui odii inimicalis, ex suppositione peccati, quod proinde essentialiter connectitur cum odio DEI inimicali. Patet ergo, quòd manente simul in eodem subjecto gratia & peccato mortali, daretur in DEO amor amicitiae, & odium inimicitiae simpliciter & absolute simul circa eundem hominem; quæ fuit Major nostri argumenti. Probatùr jam Minor. Quia sicut impossibile est, ut quis actu, physice accedat ad aliquem terminum, simulque actu recedat ab eodem; ita impossibile est ut quis accedat ad objectum efficaciter per amorem, simulque ab eodem recedat per efficacem odium. Et sicut nequit esse simul in eodem intellectu assensus & dissensus circa idem ob-  

U

ctum;

ctum; ita nequit esse simul in eadem voluntate amor efficax & odium efficax ejusdem objecti.

*Respondet quidam*, in tali casu hominem solum fore odibilem; non autem amabilem à DEO; quia odibile pertinet ad genus mali, quod ex singulis partibus defectuosis desumitur. Sed præterquam; quod hoc axioma plurimas patiatur instantias; ad summum verificatur de toto complexo; quod evadit malum si pars ejus sit mala; in casu autem nostro, non fieret unum totum ex peccato & gratia, tanquam ex partibus; Sed aliud esset ibi totum, constans ex subjecto & peccato, & aliud totum constans ex subjecto & gratia: sicut, si in aqua existeret summus calor & frigus, non fieret unum totum ex calore & frigore, sed fierent duo tota quamvis inadæquate distincta. Sed quidquid sit de hoc. Contra est. Quia illud subjectum in quo existeret gratia cū peccato, actu amaretur à DEO; siquidem DEUS illi actu veller bonum & quidem maximum. Ergo illud subjectum esset amabile à DEO, quia ab actu ad potentiam valet Consequentia viâ affirmatiâ.

*Respondet ulterius*. Ad actualem dilectionem DEI, non satis est velle infundere gratiam homini, sed præterea requiritur condonatio peccati; quæ in casu nostro non adesset. Sed contra est primò. Quia ut supra probavi, ille ipse actus quo DEUS veller infundere homini gratiam, esset efficaciter unitivus DEI cum homine, & hominis cum DEO per mutuam immanentiam utriusq; in altero. Ergo

ille ipse actus esset actualis dilectio amicabile  
DEI erga hominem, adeoque esset con-  
nativus peccati.

*Contra secundò.* Quia si de potentia absolu-  
ta simul essent summus calor & frigus in eo-  
dem subjecto, (cui suppono frigus esse malum  
& nocivum,) ad hoc ut diceretur subjectum  
esse actu calidum, non requireretur negatio  
frigoris. Ergo supposito quòd gratia & pec-  
catum possint simul componi, ad hoc ut sub-  
jectum dicatur esse gratum DEO, seu dile-  
ctum actu à DEO, non requiritur carentia  
peccati quamvis peccatum sit malum homini.

*Respondet aliter Obiedo.* Conceditque in casu  
illo, hominem fore & odibilem & amabilem  
DEO, seu gratum & sanctum, secundum  
quod gratum & sanctum, significant aliquid  
positivum, non autem secundum quod signi-  
ficant aliquid privativum, nempe expulsio-  
nem peccati. Verum hæc responsio in no-  
stris principiis non subsistit. Quia cum juxta  
nos peccatum habituale consistat in privatio-  
ne gratiæ, sequitur, quòd esse sanctum etiam  
secundum quod significat expulsionem pecca-  
ti, habeatur per solam entitatem positivam  
gratiæ, sicut esse expulsum tenebrarum, ha-  
betur per solam lucem. Abstrahendo verò à  
nostris principiis, contra est. Quia sicut quis  
non potest simul accedere & recedere actu ab  
eodem termino etiam secundum quod acce-  
dere & recedere dicit motum positivum. Itē  
sicut non potest esse in aliquo sanctitas Divi-  
na unita hypostatice, & simul actus peccami-  
nosus etiam secundum esse positivum, ita nō



potest quis simul esse amicus & inimicus DEI, etiam secundum esse positivum inimici. Nempe ex allatis instantiis habetur, dari aliquas formas positivas, quarum uni identificatur, vel saltem indispensabiliter innectitur exclusio alterius ab eodem subjecto; quæ proinde formæ ne quidem secundum esse positivum componi possunt. Et tales probamus esse formas gratiam & peccatum mortale.

Propositio II. *Ad tollendum peccatum mortale habituale; sufficit sola infusio gratia sanctificantis, nec opus est illam compleri sive intrinsecè sive extrinsecè per novum favorem DEI, purè extrinsecè condonativum peccati; seu per DEI voluntatem, distinctam à voluntate infundente gratiam; quod ideo addo, quia voluntas Divina infundendi gratiam; omnino requiritur ad tollendum peccatum mortale præsuppositivè & extrinsecè: sicut ad existentiam Angelii requiritur voluntas creandi Angelum: hæc verò sola voluntas juxta nos, est condonatio activa peccati, ipsa vero infusio gratiæ, est condonatio passiva.*

*Hæc conclusio sequitur ex Conclusionem præcedenti & sic probatur.* Quod est impossibile etiam Divinitus cum peccato, per ejus solam infusionem præscindendo à novo favore DEI, tollitur peccatum. Sed talis est gratia sanctificans. Ergo &c. Minor est probata in Conclusionem præcedenti. Major etiam patet. Quia illa quæ etiam Divinitus sunt impossibilia secundum se, necessariò se mutuò destruunt, se solis in eodem subjecto, Nec hoc substat libero favori Divino, ut se destruunt.

*Proba-*

*Probatur secundò.* Quod se solo & secluso novo favore DEI, est perfecta amicitia hominis cum DEO, illud se solo & secluso novo favore DEI, tollit peccatum mortale, quod scilicet est inimicitia hominis cum DEO, incompossibilis essentialiter cum amicitia. Atqui infusio gratiæ secluso novo favore DEI, per seipsam præcisè est acceptatio passiva in amicitiam perfectam mutuam hominis cum DEO. Ergo &c. *Probatur Minor.* Quia ad veram & perfectam amicitiam juxta Philosophum requiritur & sufficit mutuus amor non latens, sive actualis, sive habitualis, communicativus mutuò bonorum omnium, & conjunctus cum aliqua æqualitate inter amantes. Jam verò hoc totum habetur per solam infusionem gratiæ. Nam inprimis vi hujus infusionis, homo amat DEUM secundum habitum Charitatis, tradendo habitualiter se totum, & omnia sua DEO: DEUS etiam pariter amat hominem; siquidem infundendo ipsi gratiam, vult efficaciter dare eidem radicem omnium bonorum supernaturalium, ipsiusque beatitudinis, quæ volitio est amor communicativus omnium bonorum ex parte DEI, ac proinde est amor simpliciter talis & perfectus. Denique vi talis infusionis constituitur inter hominem & DEUM, æqualitas proportionalis, consistens in quadam excellenti participatione Naturæ Divinæ. Nihil ergo deest infusioni gratiæ secundum se sumptæ, præscindendo à novo favore DEI, ad veram & perfectam amicitiam Divinam.

*Probatur tertio.* Ex dicendis infra de con-

donatione extrinseca, quia non est assignabile objectum illius favoris Divini novi, quo Adversarii complent gratiam, ut sit remissiva peccati. Addo: Sententiam oppositam non nihil favere Hæreticis. Hæretici enim dicunt, remissionem fieri totaliter per aliquid extrinsecum: Adversarii partialiter; Nos utrumq; negamus. Rursus Hæretici dicunt, Justitiam nobis intrinsecam nihil apud DEUM valere, Adversarii dicunt parum valere, & homines cum ipsa adhuc esse injustos, nisi accedat acceptatio DEI extrinseca: Nos utrumq; negamus. Deniq; Adversarii admittunt de possibili, quod Hæretici de facto: Nos utrumq; negamus. Unde per Adversarios, doctrina Hæreticorum est solum falsa & contra fidem, per nos est etiam impossibilis & contra rationem. Nos ergo magis recedimus ab errore Hæreticorum, Quæ consideratio me non parum firmat in nostra sententia.

*Ad primum.* Offensa aboleri potest tripliciter. *Primò.* Per condignam satisfactionem offensoris independentem ab ulla liberali condonatione offensi. *Secundò.* per condonationem liberalem offensi, nihil intrinsecum imprimentis offensori. *Tertiò.* per condonationem liberalem offensi imprimentis formam incòpossibilem cum offensa. Primo & secundo modo aboletur offensa humana. Tertio modo offensa Divina aboletur.

*Ad Confirmationem dico,* inter peccatum & gratiam esse commensurationem, non quidem in genere meriti & satisfactionis, sed talem qualis est inter duo impossibilia. Unde  
quam-

quamvis offensa Divina esset simpliciter infinita, (quod tamen negavimus in Quæstionibus de Incarnatione) adhuc tolleretur per gratiam, non viâ satisfactionis condignæ, sed viâ impossibilitatis, eo modo, quo lux infinita si daretur, tolleretur per tenebras finitas, & dissensus infinitus, per assensum finitum.

*Contra hoc tamen opponitur Primò* Gratia quæ dicitur esse impossibilis cum peccato, non affert ullum prædicatum oppositum infinitæ offensæ Divinæ: Ergo non est impossibilis cum peccato. *Respondeo, Nego Antecedens.* Nā in nostris principiis offensa Divina habitualis, importat formaliter gratiæ privationem, cui quamvis fundatæ in aliquo infinito, opponitur gratia. Deinde offensa Divina importat formaliter rationem inimicitiae Divinæ, gratia autem importat formaliter rationem amicitiae, quæ duo sunt opposita, ut dictum est.

*Opponitur secundo.* Sicut gratia est impossibilis cum peccato, ita & peccatum cum gratia; Non ergo erit ratio, cur potius ad positionem gratiæ tollatur peccatum, & non maneat jam præhabitu, nisi gratiæ addatur condonatio extrinseca, ut pro gratia stet victoria; nam victoria semper est à fortiori. Respondeo hoc argumento probari posset, quod secluso aliquo extrinseco, neque lux tollat tenebras, neq; vita mortem, neq; prædeterminatio physica libertatem, neq; unio hypostatica peccatum. Omnes ergo dicere debemus, quod si & quando forma impossibilis, introducit in subjectum, antecedenter affectum privatione formæ, vel affectum formæ



oppositâ, eò ipso sine ulla additione, per se so-  
lam pellat privationem sui & formam oppo-  
sitam, ne dentur simul duo impossibilia in  
eodem subjecto. Itaq; illud axioma: Victoria  
est à fortiori, solum valet de causa efficiente,  
& introducente formam, non autem de Causa  
formali, quæ supponitur jam esse introducta  
in subjectum: Jam verò in nostro casu, agens  
Omnipotens introducit gratiam, quod est for-  
tissimum.

*Opponitur tertio.* Hoc modo enervatur do-  
ctrina de necessitate Incarnationis: posset en-  
nim pura Creatura mereri gratiam, tam sibi,  
quàm aliis, quæ proinde gratia haberet vim  
abolendi peccatum, æquè bene, ac nunc,  
quando datur ex meritis Christi. *Respondeo.*  
Fieri quidem posse de potentia absoluta, ut  
pura Creatura mereatur gratiam, tam sibi,  
quàm alteri iusto, non tamen peccatori; ac  
proinde adhuc stat communis doctrina, de  
necessitate Incarnationis. Vide dicta in Quæ-  
stionibus de Incarnatione. Quæstione 2. Arti-  
culo 3.

*Ad secundum.* Negatur Consequentia. Di-  
sparitas est. Quia homo non potest imprime-  
re suo offensori formam impossibilem cum  
offensa: Secus autem DEUS, utpote Omni-  
potens, nec seipsum mutans sua voluntate,  
sed alia extra se.

*Ad tertium.* Sicut DEUS, posita actione  
creativa Angeli, necessitatur ad volendam e-  
xistentiam Angeli; & similiter posita ubica-  
tione Petri, necessitatur ad volendum Petrum;  
ita posita gratiâ, necessitatur ad condonandum  
peccata.

peccatum. Hæc nimirum necessitas, non est ex suppositione antecedente, sed ex suppositione consequente, nempe ex suppositione Divini decreti liberi, volentis infundere gratiam; ac proinde hæc Necessitas non obest libertati Divinæ. Itaq; condonatio Divina est DEO libera, illa libertate, quâ DEUS vult infundere homini gratiam, non autem est libera, libertate nova, ultra eam, quæ exercetur decreto de infusione gratiæ. *Addo.* Istam Necessitatem Divinam, positâ gratiâ condonandi peccatum, non oriri formaliter ab aliquo creato, nempe ab infusione gratiæ tanquam à Causa, sed potius oriri ab ipsa increata voluntate infundendi gratiam; cujus voluntatis, infusio gratiæ est effectus, ex quo tanquam ex signo necessario, inferimus condonationem peccati: quo pacto etiam dici solet, necessitatem Divinam, ut posita actione velit effectum, non oriri ab aliquo creato sed à Divina voluntate ponente actionem. Hinc etiam apparet DEUM non necessitari formaliter à bono minori, nempe ab infusione gratiæ, ad tollendum malum majus nempe peccatum, nisi in ratione signi. Jam verò hoc modo necesse quandoque est, ut posito minori tollatur majus, ob incompossibilitatem utriusque; sicut necesse est, ut posito assensu finito, tollatur dissensus etiam infinitus.

*Ad quartum.* Conceditur posse Divinitus componi, formam rationalem & irrationalem, frigus & calorem: negatur tamen hoc ipsum de assensu & dissensu, utpote includentibus contradictionem in suis objectis, quatenus unus illorum dicit objectum esse, alter non esse.

Negatur etiam de amore & odio efficaci ut probatum est. Multò verò magis negatur de peccato habituali & gratia; cùm inter hæc extrema per nos sit oppositio privativa, juxta alios autem debet esse ad minimum ea oppositio contraria, quæ est inter amorem & odium, ut patet ex dictis.

*Ad quintum.* Scriptura & Patres, cùm distinguunt remissionem peccati à sanctificatione, loquuntur non in sensu reali, sed in sensu formali. Hoc autem meritò faciunt; quia licet remissio Divina peccati, sit realiter sanctificatio; tamen datur aliqua remissio offensæ, nempe humana, quæ non est sanctificatio. Ita sicut quamvis animal hominis sit realiter rationale, tamen datur aliquod animal, quod non est rationale; Unde meritò dicitur in sensu formali: homo non tantum est animal, sed etiam rationale. Et hoc ipsum Confirmatur ex intentione Concilii Tridentini, hoc enim agebat contra Hæreticos, qui dicunt remissionem peccati fieri sine infusione gratiæ sanctificantis; ita sicut fit in humanis remissio offensæ. Jam verò ad hunc finem non opus fuit Concilio distinguere realiter remissionem peccati à sanctificatione. Hinc etiam patet responsio ad illud exemplum, de expulsione tenebrarum; Nam remissio offensæ ex genere suo, fit si e sanctificatione, eamque ita fieri à DEO volunt Hæretici: at verò expulsio tenebrarum nunquam & nusquam fit sine illuminatione.

*Ad sextum.* Posset negari Major. Nam prædeterminatio physica, tollit libertatem actus  
quæ

quæ est quid morale ; & similiter juxta sententiam communem, Unio hypostatica, quæ est Entitas physica, excludit essentialiter peccatum, quod est quid morale, quatenus morale consistit formaliter in actu libero. Sed quid sit de hoc : aliter Respondeo, remissionem peccati activam, esse quid morale, quatenus morale consistit formaliter in actu libero ; ac proinde hanc remissionem haberi per liberam D.E.I. voluntatem collativam gratiæ sanctificantis, nec posse haberi per aliquam formam physicam. Cæterum remissionem peccati passivam, dico esse effectum formalem physicum, & moralem, nonnisi propter relationem ad actum D.E.I. liberum, à quo provenit effectivè ; ac proinde dico hunc effectum formalem posse haberi per infusionem gratiæ, quæ similiter est ita forma physica, ut possit dici moralis, propter dependentiam ab actu D.E.I. libero, à quo efficitur.

*Ad septimum.* Inprimis negari universaliter potest Major ; quia non potest DEUS superare resistantiam inter lucem & tenebras, inter assensum & dissensum, ut ista componat, quamvis hæc sint finita. Nempe Virtus infinita non potest conjungere impossibilia, quamvis finitè distent inter se. Deinde, ut detur aliquid argumento, dici potest, inter peccatum & gratiam esse distantiam negativè infinitam ; qualis distantia datur inter duo contradictoria, insuperabilis à virtute infinita.

*Ad octavum.* In instanti reali justificationis, in quo potest DEUS punire proximè hominem antecedenter peccatorem, continuando pri-



do privationem gratiæ, simulq; potest eidem proximè infundere gratiam, nego tunc pro signo naturæ priori inesse homini peccatum; potius enim pro isto signo præscinditur, tam ab existentia peccati, quàm ab infusione gratiæ, licet in toto illo instanti reali, jam existat gratia. Ad illud quod dicitur: Peccatum tunc movet DEUM, ut privet hominem gratia, Respondeo cum distinctione: peccatum ut actualiter in seipso existens pro priori differentia temporis, movet tunc DEUM. Concedo, quod dicitur. peccatum quatenus habitualiter perseverans pro illo instanti temporis, movet tunc DEUM. Nego quod dicitur. Nempe actus ipse peccaminosus in se physicè existens, qui solus est liber & demeritorius, movet DEUM & ad inducendam privationem gratiæ, & ad eam continuandam per totam æternitatem, nisi DEUS hanc continuationem impediat infusione gratiæ. Unde in instanti justificationis pro illo signo naturæ priori, pro quo DEUS hominem antecederet peccatorem potest punire, continuando privationem gratiæ, & potest eidem infundere gratiam, non datur in DEO cognitio peccati ut habitualiter tunc perseverantis, sed solum datur cognitio peccati, ut actu in se antecederet existentis. Hinc autem patet nō cōexistere secum peccatum & privationem gratiæ pro primo instanti reali justificationis, ut volebat

Lorca.

I QUA.

## QVÆSTIO VIII.

Vtrum Gratia Habitualis distingua-  
tur realiter ab Habitu Charitatis?

Videtur quòd non. ut sentiunt cum suo Do-  
ctore Scotistæ, Alensis, S. Bonaventura. Et  
è nostris Bellarminus, Lessius, Coninck Arria-  
ga, P. Esparza, & alii. *Primò.* Quia Scriptu-  
ra & Patres, effectus gratiæ habitualis, tribu-  
unt Charitati. Et ita Joannes Apostolus, Fili-  
ationem DEI tribuit Charitati: *Qualem Cha-  
ritatem dedit nobis Pater, ut filii DEI nominemur  
& simus.* Et Augustinus, eidem tribuit justifi-  
cationem, cum dicit: *Charitas inchoata, inchoa-  
ta justitia est; perfecta Charitas, perfecta justitia  
est.*

*Secundò.* In ordine naturali datur forma  
aliqua accidentalis, quæ simul est & constitu-  
tiva compositi & operativa. Qualis est v. g.  
calor, constituens calidum, & producens ali-  
um calorem. Imò hoc ipsum valet de intelle-  
ctu identificato Animæ. Sed gratia est forma  
accidentalit & inseparabilis ab habitu Chari-  
tatis: Ergo simul est constitutiva hominis ju-  
sti, & immediatè operativa actuum Charitatis,  
adeoq; est habitus Charitatis.

*Tertiò.* Si ponatur gratia identificata ha-  
bitui Charitatis, erit perfectior participatio  
Naturæ Divinæ. Siquidem in Natura Divina  
identificatur Virtus Charitatis cum radice ta-  
lis Virtutis. Ergo, talis, defactò ponenda est  
gratia habitualis.

*Quarò.*

*Quartò.* Quæ sunt inseparabilia sine necessitate distinguuntur realiter. Sed gratia habitualis est inseparabilis ab habitu Charitatis: Ergo frustra distinguitur ab eodem.

*Quintò.* Peccatum habituale consistit in habituali aversione à DEO. Ergo etiam gratia habitualis consistit in habituali conversione ad DEUM, quæ est habitus Charitatis.

*Respondeo.* Dicendum est. Probalius esse, gratiam habitualement realiter distinguui ab habitu Charitatis supernaturali. Ita ex professo S. Thomas hic Quæstione 110. artic: 3. ubi expressè refutat sententiam, quæ dicit: Gratiam & Virtutem Charitatis, solum differre secundum rationem, dicitq; gratiam quæ est participatio Naturæ Divinæ, ita esse aliquid præter Virtutes infusas, Sicut natura humana est aliquid præter Virtutes acquisitas. Unde mirum est, quòd quidam, S. Thomam dicat loqui, de distinctione rationis. Sequuntur S. Thomam è nostris Suarez lib: 6. de Gratia cap: 12. Ripalda lib: 6. Disp: ultima, sect: 4. Oviedo Tract: 8. Contr: 1. pun: 6. Haunoldus lib: 2. Tract: 3. cap: 1. contr: 4. & alii multi apud istos. Favet etiam Scriptura & Sancti Patres, dum de gratia & charitate tanquam de distinctis donis loquuntur. Ita dicitur 1. Corinth: 13. *Gratia Domini nostri JESU Christi & Charitas DEI.* Et Roman: 5. *Charitas DEI diffusa est in cordibus nostris, per Spiritum Sanctum qui datus est nobis; quasi prior sit datio Spiritus Sancti per gratiam, quàm diffusio charitatis.* Tridentinum etiam Sess: 6. cap: 7. ait: *Justificationem fieri per susceptionem gratiæ, & dono.*

Et donorum, Fidei, Spei, Charitatis. Similiter Augustinus de Spiritu & litera cap: 52. dicit: *Charitas DEI diffunditur in cordibus nostris, non quâ nos diligit DEUS, sed quâ nos facit dilectores DEI; sicut Justitia, quâ ejus munere justî efficiuntur Et Fides quæ fideles facit.* Ubi ut vides, S. Doctor, ita distinguit Justitiâ, à Charitate, sicut à Fide; distinctio autem Justitiæ à Fide est realis, ut patet.

*Probatur Ratione S. Thomæ desumpta ex Dionysio cap. 2. de Cœlesti Hierarchia.* Connaturaliter loquendo ante omnes habitus operativos debet realiter præsupponi status proportionatus, cui convenient tales habitus. Et ita ante omnes habitus acquisitos, præsupponitur status Naturæ humanæ; ante lumen gloriæ, præsupponitur status gratiæ, cui convenit in Patria lumen gloriæ: ante habitus operativos Theandricè, præsupponitur status Unionis Hypostaticæ. Et ideo Philosophus definit Virtutem, etiam quoad habitum, ut hic ait Sanctus Thomas, quod sit: dispositio perfecti ad optimum; quia dispositio supponit statum perfectum. Ergo ante omnes habitus infusos, etiam ante habitum Charitatis, realiter præsupponitur status proportionatus talibus habitibus, qui status, est status Filii DEI, & habetur per gratiam habitualement, vi cujus participamus specialiter naturam Divinam, adeoq; gratia habitualis realiter distinguitur ab habitu charitatis.

*Confirmatur primò.* Quia non est connaturale, ut in suo ordine habitus voluntatis, præcedat omnes habitus intellectuales: sicut non  
non



quia Charitas est principium operativum actus, quo, & ipsa acquiritur & gratia: & ideo per laudem hanc volebant, Scriptura & Patres excitare fideles ad actum Charitatis.

Addo ex Ripalda, Scripturam & Patres sæpe loqui non de Charitate qua sumus dilectores DEI, qui est Charitatis habitus, sed de Charitate, qua sumus à DEO amabiles, quæ est gratia habitualis. Aliquando verò loquuntur nō de habitu Charitatis, sed de actu, quatenus est, vel forma justificans, vel dispositio infallibilis ad ipsam. De quo etiam dictum est in Tractatu de Pœnitentia.

*Ad secundum.* Forma accidentalis supponens statum & naturam in suo ordine, potest esse & constitutiva compositi accidentalis & operativa: & talis est calor, & juxta alios potentia Intellectiva: secus autem forma accidentalis, quæ non supponit, sed constituit statum & naturam in suo ordine, qualis est gratia habitualis in ordine supernaturali.

*Ad tertium.* Ad hoc, ut gratia habitualis, sit maxima participatio Naturæ Divinæ, sufficit ut participet Naturam Divinam, secundum quod est Natura in genere Moris, quoad prædicatum magis Universale, magisq; radicale, quàm sit esse Operativum actus Charitatis; alioquin deberet etiam gratia participare Naturam Divinam secundum immensitatem, vel secundum hoc, quod ipsa sit suus actus, quod nemo dixerit.

*Ad quartum.* Negatur Major, ut patet in amore beatifico, qui non est separabilis à Visione, & tamen realiter distinctus.

X

*Ad quintum.*

322 *Ad 1. 2. Qu. 8. de grat. habit.*

*Ad quintum.* Negatur Consequentia. quia ut supra dictum est, peccatum habituale consistit in privatione; jam verò unicā realiter privatione excluduntur ea, quæ sunt realiter distincta, dummodo sint inseparabilia: Et ira unico peccato excluditur Visio DEI & amor beatificus. Cum ergo sint inseparabilia hæc duo, nempe justitia hominis, & conversio habitualis ad DEUM, fit ut per peccatum habituale hæc duo indivisibiliter excludantur, & sic peccatum habituale est indivisibiliter privatio justitiæ & conversionis habitualis ad DEUM, seu est aversio habitualis à DEO. Ac verò Gratia habitualis consistit in aliquo positivo; per unicum autem indivisibiliter positivum, non semper ponuntur ea quæ sunt inseparabilia, ut patet in visione DEI & amore beatifico. Ergo per unam Entitatem gratiæ, non est necesse haberi justitiam hominis, & conversiōnem habitualem ad DEUM.



# ERRATA

Ad 1. partem & ad 1. 2dæ.

**P**agina 5. *versu* 29. tum indice, *lege*: tum in indice

**P.** 7. v. 4. arg. 2. l. art. 2.

**P.** 19. v. 27. & 28. Corpore, subsumo *lege*  
Corpore. Subsumo

**P.** 22. v. 5. ab altera. l. ab altera:

**P.** 27. v. 13 dicimus. Si l. dicimus, si.

**P.** 34. v. ult. ratione filii nempe l. ratione  
Filii. Nempe

v. 4. à parte rei distingui l. à parte  
rei, distingui

**P.** 35. v. 5. suppositum l. superadditum

**P.** 37. v. 13. cui per identitatem unitur *lege*  
cui non per identitatem unitur

**P.** 40. v. 18. & 19. visibilis l. risibilis

**P.** 47 v. 13. providit l. providet

**P.** 49. v. 8. prædeterminanti l. prædeter-  
minati

**P.** 54. v. 13. Conc. 24. l. Con. 23.

**P.** 55. v. 7. 2. p. l. 3. p.

**P.** 67. v. 14. conditionatum l. conditionatus

**P.** 72. v. 9. determinantis l. determinatis

**P.** 76. v. 1. scientiæ mediæ in genere autem  
*lege*: scientiæ mediæ: in genere

**P.** 79. v. 9. ad 4tum ultimo l. ad 4tum, ul-  
timo

Ibid. v. 21. hoc inefficacia l. hæc inefficacia

**P.** 81. v. 23. at explicat. l. ut explicat

**P.** 89. v. 22. si dedit l. sic dedit

**P.** 109. v. 21. possibile. l. possibile,

**P.** 112. v. 9. distinctis, à se l. distinctis à se,

P. 223.



P. 223. v. 20. & 21. suo dominio l. suo Do-  
mino

v. 33. ne si l. Iam vero si

P. 132. v. 13. atq; manifestatione l. absque

P. 133. v. 10. & libera l. ex libera

P. 145. v. 31. supposuit l. se opposuit

P. 155. v. 33. interim l. interimere

v. 35. bualis l. qualis

P. 156. v. 27. religionis l. irreligiositatis

P. 169. v. 3. obiecti. Sed l. obiecti, sed

P. 172. v. 9. diximus l. dicemus

P. 179. v. 29. ratio externa l. actio

P. 182. v. 9. sed etiam l. seu etiam

P. 184. v. 9. p. 3. qu. 1. l. p. 3. qu. 3.

P. 194. v. ult. plium l. ipsum

P. 204. v. 3. non esset rationalis l. Non esse

P. 221. v. 6. separabilem l. sperabilem

P. 244. v. 14. cu inesse l. & in esse

P. 250. v. 22. cognitioni l. incognitioni

P. 256. v. 1. possit l. potest

P. 258. v. 30. ita & nunc l. ita ut nunc

P. 265. v. 6. retractativum l. retractativus

P. 268. v. 11. 17. 23. satisfactorum l. satis-  
factivum

P. 275. v. 32. extrinsecam l. intrinsecam

P. 278. v. 31. per unam l. per suam

P. 279. v. 25. adaequate l. inadaequate

P. 291. v. 31. genericam Adde: remotam











